



საქართველოს სსრ
საბავშვო და ახალგაზრდობის ლიტერატურის
სახელმწიფო გამომცემლობა
„ნაკადული“
19 თბილისი 61

ს ო ფ ე ლ ი

I

კრასოვების პაპის მამა, რომლისთვისაც შინაყმებს მეტსახელად ბოშა შეერქმიათ, ბატონმა ღურნოვომ მწვერებს დააგლეჯინა. ბოშამ ბატონს საყვარელი წაართვა თურმე. ღურნოვოს უბრძანებია ბოშა სოფელ ღურნოვკის გარეთ, მინდორში გაეყვანათ და ბორცვზე დაესვათ, თვითონ კი ძაღლები მიუშვია და — ეცითო — დაუყვირია. შემცბარი ბოშა წამომხტარა და გაქცეულა, ხოლო მწვევარი რომ გამორბის, არ უნდა გაექცე.

კრასოვების პაპამ მოახერხა აზატობა მიეღო, ოჯახითურთ ქალაქს მიაშურა და მალე გაითქვა სახელი: ცნობილი ქურდი გახდა. ჩორნაია სლობოდაში ცოლს ქოხმახი დაუქირავა და მაქმანის ქსოვა დააწყებინა, რომ შემდეგ გაეყიდათ, თვითონ კი ვიღაც მედაბურ ბელოკოპიტოვთან ერთად გუბერნიის ეკლესიების ძარცვას მიჰყო ხელი. როცა შეიპყრეს, ისე ექირა თავი, მთელი მაზრა გააოცა: იდგა თავისთვის, გეგონება ხავერდის ხიფთანი და თხის ტყავის ჩექმები აცვიაო, თავხედურად ათამაშებდა ყვრიმალებს, თვალებს და უამრავ დანაშაულთაგან უმნიშვნელო რამესაც კი მოწინებით აღიარებდა:

— დიახ, ბატონო, დიახ, ბატონო.

კრასოვების მამა მეწვრილმანე იყო. ფორნით დადიოდა მაზრაში; ერთ ხანს ღურნოვკაში ცხოვრობდა, ღუქნის გაზნას აპირებდა, მაგრამ გაკოტრდა, ლოთობას გადაჰყვა, ქალაქს დაბრუნდა და მოკვდა. ღუქანში ნამსახურმა მისმა ვაჟი-წვილმა ტიხონმა და კუზმამაც მეწვრილმანეობას მიჰყვეს ხელი. აივლ-ჩაივლიდნენ თავიანთი ფორნით, რომელზედაც პატარა ღუქანი ედგათ, და ყურისწამლებად გაჰყვიროდნენ:

— სა-ქო-ნე-ლი, ქა-ლე-ბოი სა-ქო-ნე-ლი!

ღუქანში ეწყოთ სარკეები, საპნები, თვლიანი ბეჭდები, ქაფები, თავსაფრები, ნემსები. კრენდელები, ხოლო ფორანზე კი — ყველაფერი, რაც ამ საქონელში გაეცვალათ: მკვდარი კატები, კვერცხები, ტილოები, ჩვრები...

მაგრამ რამდენიმე წლის მოგზაურობის შემდეგ ძმებმა და ნებით გაიწიეს ერთმანეთზე და — ცოდვაში ფეხი არ ჩავდგათო — ურთიერთს დასცილდნენ. კუზმამ ერთ ჩოდართან ერთად დაიწყო ვაჭრობა, ხოლო ტიხონმა სადგურ ვორგოლთან, ღურნოვკიდან ხუთიოდე ვერსის მანძილზე, ფუნდუკი დაიქირავა და იქ სახამრო და საწვრილმანო გახსნა, რომელზედაც წარწერილი იყო: „არის წვრიმალი საქონელი: ჩაი, შაქარი, სიგარების თამბაქო და სხვები“.

ორმოც წელს მიღწეულ ტიხონს წვერი აქა-იქ შევერცხლოდა, მაგრამ წინანდებურად ლამაზი და ახოვანი იყო: მოღუშული სახისა, შავგვრემანი, ოდნავ ჩოფურა, მხრებგანიერი, მაგრამ ხმელ-ხმელი. რაღაცნაირი მბრძანებლური და მკვახე სიტყვის თქმა იცოდა. სისხარტე კვლავ შერჩენოდა. მხოლოდ ეს იყო, რომ წარბებს ახლა უფრო ხშირად ათამაშებდა და თვალებსაც უფრო აელვარებდა, ვიდრე წინათ.

შეუსვენებლივ დასდევდა ბოქაულებს შემოდგომის იმ ჯანლიან დღეებში, როცა ისინი გადასახადს შეაწერდნენ ხალხს და სოფელში გაცხარებული საჯარო ვაჭრობა იმართებოდა. დიდი მონდომებით შეისყიდდა ღოღამე მემამულეებისაგან მოუმკელ პურის ყანებს, ჩალის ფასად ყიდულობდა მიწას... ერთ მუნჯ მზარეულ ქალთან ცხოვრობდა ღიდხანს, — კაია, ვინმესთან არაფერი წამოსცდებო! მას-

თან ბავშვიც ეყოლა, რომლის დაძინებისას ერთხელ მუნჯ-
მა თვითონაც ვეღარ გაართვა ძილს თავი, ზედ დააწვა და გა-
ქყლიტა. ამის შემდეგ ტიხონმა მოხუც ქალბატონ შახოვას
მოახლე შეირთო ცოლად, ერგო მზითვეი და მალე ბოლო მო-
უღო გაღარიბებული დურნოვოების ნაშიერს, სქელ-სქელ,
გულთბილ ბატონს, რომელიც ოცდამეხუთე წელში გამელო-
ტებულიყო, მაგრამ ჩინებული წაბლისფერი წვერი კი ჰქონდა.
გლეხები სახტად დარჩნენ, როცა მან დურნოვოს მამული იგ-
დო ხელთ: მთელი დურნოვკა თითქმის სულ კრასოვებისაგან
შედგებო!

უკვირდით ისიც, თუ როგორ ართმევდა თავს ტიხონი ყიდ-
ვა-გაყიდვასაც, მამულში თითქმის მუდამდღე ყოფნასაც, ყო-
ველი მტკაველი მიწისთვის ქორულებრ თვალის დევნებასაც.
განცვიფრებულნი ამბობდნენ: უღმობელი კაცია, მაგრამ ბა-
ტონიც ასეთი უნდაო.

ამას თვითონ ტიხონ ილიჩიც ჩააგონებდა გლეხებს. ხში-
რად არიგებდა რომელიმე მათგანს:

— ნუ იქმ ავსა და ავისაც ნუ გეშინიაო, ხომ გაგიგონია?
ჰოდა, გახსოვდეთ, თორემ სამართლის ძალით ტყავს გაგა-
ძრობთ. მე ძმაო, რუსი კაცი ვარ. მუქთად უნენი არაფერი მინ-
და, მაგრამ გახსოვდეს: ჩემსასაც ერთ ბეწოს არას დაგიტომობ!
თავს არ გაგივიდეს, იცოდეთ!

ხოლო ფეხებმოქცეული ნასტასია პეტროვნა (იხვივით ტა-
ატით რომ დადიოდა, — მუღმივი ფეხმძიმობის გამო, რაც ყო-
ველთვის მკვდარი გოგოების დაბადვით მთავრდებოდა, — სა-
ხეგაყვივითლებული და დასიებული, თხელი, უფერული თმე-
ბით) უსმენდა და კენესოდა:

— ეეჰ, ერთი შენც მოჰყევ, რაღა! ემაგ სულელთან თავს
რაზე ილლი? შენ ჰკუას არიგებ და ეგ აინუნშიაც არ გაგდებს.
ვერა ხედავ როგორ გაუჩაჩხავს ფეხები, გეგონება ემირის
ბუხარა იყოს!

შემოდგომაზე ფუნდუკის ახლოს, რომელსაც ერთი გვერ-
დი შარავნისაკენ ჰქონდა მიქცეული, მეორე კი — სადგურისა
და ბელლის მხარეს, თვლების გულისწამლები კრიალი-ცნმო-
და: ფუნდუკს აქეთ-იქიდან ჩაუფლიდნენ ხორბლით დატვირ-

თული საზიდები. ყოველ წუთს წრიპინებდა ურდული ხან სახამროს კარზე, საიდანაც ნასტასია პეტროვნა მუშტრებს ისტუმრებდა, ხან კი ბნელი, ჭუჭყიანი საწვრილმანოს კარზე, სადაც საპნის, ქაშაყის, წეკოს, პიტნიანი თაფლაკვერისა და ნავთის სუნი ტრიალებდა. სახამროში ყოველ წუთს გაისმოდა

— უ-უჰ! ცეცხლივით არაყი გაქ, პეტროვნა! თავში ამივარდა, დასწყევლოს ღმერთმა!

— შაქრად შეგერგოს, ჩემო კარგო!

— ბურნუთი ხომ არ გაგირევი?

— ერთი ამ სულელს დამიხედეთ!

საწვრილმანოში კი უფრო მეტ ხალხს მოეყარა თავი:

— ილიჩ! ერთ გირმანქა შაშხს ვერ ამიწონი?

— შაშხი, ჩემო ძმაო, წრეულა, მადლობა ღმერთს, თავსაყარი მაქ, თავსაყარის!

— როგორ ჰყიდი?

— მუქთაღ!

— მასპინძელო! კარგი კუპრი არ გეშოვება?

— ამნაირი კუპრი, ჩემო კარგო, პაპაშენსაც არა ჰქონია ქორწილში!

— როგორ ჰყიდი?

ტიხონ ილიჩს შვილის ყოლის იმედი გადაუწყდა, თან სახამროებიც აკრძალეს და ყოველივე ამან თავისი კვალი დააჩინა მის ცხოვრებას. თითქოს დაბერდა კიდევ, როცა დარწმუნდა, მამობა არ მელირსებაო. თავდაპირველად ხუმრობდა:

— არა, ჩემსას მაინც გავიტან, — ეუბნებოდა ნაცნობებს. — უშვილო კაცი აბა რა კაცია, — უშტოო ხეა და სხვა არაფერი!..

მერე თანდათან შიშიც შეეპარა: ეს რა ამბავია, — ერთმა ბავშვი გაჰყლიტა, მეორე სულ მკვდარს ბადებსო! ნასტასია პეტროვნას უკანასკნელი ფეხმძიმობის დღეები ხომ განსაკუთრებით მძიმე იყო. ტიხონ ილიჩი იტანჯებოდა, ბრაზობდა; ნასტასია პეტროვნა იღუმალად ლოცულობდა და ტიროდა; შეგეცოდებოდათ, როცა ღამღამობით კანდელის შუქზე საწოლიდან ჩუმად ადგებოდა და, დარწმუნებული იმაში, რომ ჰმარს ეძინა, დიდი ჯაფით მოიყრიდა მუხლს, წამდაუწუმ ჩურჩულით ემხობოდა იატაკზე და სევდიან თვალებს ხატებისკენ

ადაპყრობდა, მერე კი ვაი-ვაგლახით კვლავ მართავდა ბებრულ მუხლებს. ტიხონ ილიჩს, — თუმცა თავისთავსაც ვერ უტყდებოდა. ამაში, — ბავშვობიდანვე სძულდა კანდელი და მისი უთანაბრო ეკლესიური შუქი: სამუდამოდ ჩარჩა ხსოვნაში ნოემბრის ის ღამე, როცა პაწაწკინტელა, გვერდმოდრეცილ ქობმახში ჩორნაია სლობოდაშიც ასე ენთო კანდელი, ასევე მშვიდად, სევდიანად ეალერსებოდა თვალს; მისი ძეწკვებას ჩრდილები კედელს ეცემოდნენ; სამარისებური სიჩუმე იდგა; გრძელ სკამზე, წმიდანთა ხატებქვეშ იწვა თვალდახუჭული მამა, რომელსაც წვეტიანი ცხვირი მალლა აეწია, სანთელივით ყვითელი ხელები გულზე დაეკრია, ხოლო მის შორიანლო, წითელჩვარჩამოფარებული თანჯრის იქით, მშფოთვარე, სევდიანი სიმღერებით, ვიშ-ვიშით და ხმაშეუწყობლად მოქყვიტინე გარმონებით მიდიოდა ხალხი. ახლა კანდელი ნიადაგ ენთო.

ფუნდუკის ცხენებს კვებადნენ ვლადიმირელი მეკოლოფეები, მათი წყალობით სახლში გაჩნდა „ახალი მისანი, ჯადოქარი, რომელიც კარტების. ცერცვისა და ყავის მეშვეობით წინასწარმეტყველებდა ადამიანის მომავალს“. სადამოობით ნასტასია პეტროვნა სათვალეს მოირგებდა, სანთლის პატარა ბურთულას გააკეთებდა და მისნურ წრეებზე აგდებდა. ტიხონ ილიჩი ალმაცერად უყურებდა ამ საქმიანობას. პასუხები უხეში, ავისმომასწავებელი ან მთლად უაზრო გამოდიოდა.

— „ვეუყვარვარ თუ არა ჩემს ქმარს?“ — ეკითხებოდა ნასტასია პეტროვნა მისანს:

მისანი მიუგებდა:

— „ისე უყვარხარ, როგორც ძალღს ჯოხი“.

— „რამდენი შვილი მეყოლუბა?“

— „შენ სიცოცხლე არ გიწერია, კუზიანს სამარე გაასწორებს“.

მაშინ ტიხონ ილიჩი ეტყოდა:

— მოიტა, მე დავაგდებ...

ლამობდა გამოეცნო:

— „ღირს თუ არა ვწიო ჭაპანი ამ ქალთან ერთად?“

მასაც სისულელე გამოსდიოდა:

— „დაითვალე რამდენი კბილი გაქვს“.

ერთხელ ტიხონ ილიჩმა ცარიელ სამზარეულოში შეიხედა და დაინახა თავისი ცოლი, რომელიც მზარეული ქალის ბავშვის აკვანს მისჯდომოდა. რაფაზე ჭრელი წიწილა დაბორილობდა, ნისკარტს ფანჯარას უკაკუნებდა, ბუზებს იჭერდა და წიფწივებდა. ქალი კი ტახტზე იჯდა, აკვანს არწევდა და საბრალო, მთრთოლვარე ხმით ძველებურ იავენანას დამღეროდა:

ჩემი შვილი სადა,
ქვეშაგები სადა აქვს?
იგი მაღალ კოშკშია,
ცას რომ სწვდება წვერითა.
არ მოხვადეთ არავინ,
არეინ დააკაუნოთ!
სძინავს რბილად გახვეულს
აბრეშუმის საბანში,
ჩუქურთმაან აკვანში...

ამ წუთს ტიხონ ილიჩს ისე შეეცვალა სახე, რომ მისი შემყურე ნასტასია პეტროვნა არ შემეკრთალა, არც დაბნეულა, — მხოლოდ აქვითინდა და წყნარად უთხრა:

— ღვთის გულისათვის, წამიყვანე ეკლესიაში...

ტიხონ ილიჩიც ადგა და ცოლი ზადონსკში წაიყვანა. მაგრამ გზაში ფიქრობდა: სულერთია, ღმერთმა მაინც უნდა დამსაჯოს იმისათვის, რომ ამ ფუსფუსში და ვაი-ვაგლახში მხოლოდ დღისით-მზისით ვახერხებ ეკლესიაში სიარულსო. თან მკრეხელური აზრები მოსდიოდა თავში: თავისთავს რატომღაც წმიდანთა მშობლებს ადარებდა, რომელთაც აგრეთვე კარგა ხანს არ შესძენიათ შვილი. ეს აზრი ჭკვიანური არ იყო, მაგრამ უკვე დიდი ხანია შეამჩნია, რომ მასში, კიდევ ეყოვიდაც — მასზე უფრო სულელი. გამგზავრების წინ ათონიდან წერილი მიიღო: „ღვთისმოსავო ქველმოქმედო ტიხონ ილიჩ! მშვიდობა და ხსნა, ღვთის წყალობა, წმიდა სუფევა იყვენენ თქვენდა ღვთისმშობლის სააქაო ადგილსამყოფლისა, წმიდა ათონისაგან მე მქონდა ბედნიერება, მსმენოდა შესახებ თქვენთა კეთილთა საქმეთა და იმისა, რომ თქვენ სიყვარულით შეგაქვთ წვლილი ღვთის ტაძართა და საბერძნონაზ-

ენო სენაკთა აღსაშენებლად და შვენიერსაყოფად. ამჟამად ქოხი ჩემი დროთა ვითარების გამო ესრეთ უბადრუკი შეიქმნა, რომ...“ და ტიხონ ილიჩმა ქოხის შესაკეთებლად წითელი თუმნიანი გაუგზავნა. დიდი ხანია წავიდა ის დრო, როცა მან გულუბრყვილო სიამაყით სჯეროდა, რომ თვით ათონამდე მივიდა ხმები მის შესახებ; კარგად იცოდა, რომ რაღაც ძალიან ბევრი ქოხი დაჩაჩანაკებულყო ათონში—მაგრამ მაინც გაუგზავნა. არც ამან უშველა. ცოლის მშობიარობა წამებით დამთავრდა: სანამ უკანასკნელ მკვდარ ბაფშის შობდა, ნასტასია პეტროვნას დაძინებისას შეხტომა, კვნესა და წამოკვივლება დასჩემდა... როგორც თვითონ ამბობდა, ძილში რაღაც ველური სიმხიარულე ეუფლებოდა, რომელსაც რაღაც გამოუთქმელი შიში ერთვოდა. ხან ესიზმრებოდა, რომ მინდორ-მინდორ მისკენ მოდიოდა ოქროსმოსასხამიანი ციური დედოფალი და საიდანღაც ჩაესმოდა ხმატკბილი გალობა, თანდათან რომ ძლიერდებოდა; ხან საწილს ქვემოდან გამოხტებოდა ეშმაკი, — რომელსაც სიბნელეში ვერ არჩევდა, მაგრამ შინაგანი ხედვით ნათლად ჩანდა, — და მარჯვედ, გატაცებით უკრავდა ხმაწკრილა სასულე გარმონს! ნასტასია პეტროვნას დახუთულ ოთახში ბუმბულზე წოლას ბელლას საჩიხეში წოლა ერჩინა, მაგრამ ეშინოდა — ძაღლები დამადგებიან თავზე და ყნოსვას დამიწყებენო...

შვილის ყოლის იმედი რომ გადაუწყდა, ხშირად მოსდიოდა თავში აზრი: დალახეროს ღმერთმა, ნეტავ ვასილის ვცხოვრობ ამ კატორღაშიო? ეს მონოპოლია ხომ ცეცხლზე ნავთს უსხამდა! ხელებმა კანკალი დაუწყო, წარბები ავადმყოფურად უთამაშებდა და მალლა ეწეოდა. ტუჩები ებრიცებოდა, — განსაკუთრებით იმ სიტყვების თქმაზე, რომელიც ! ულ პირზე ეკერა: „მხედველობაში იქონიეთ“. ტიხონ ილიჩი წინანდებურად კობტაობდა — საუცხოო თალათინის ჩექმები ამშვენებდა, ორბორტიან პიჯაკს შიგნით გვერდზე შესაკრავი მოქარგული ხალათი ეცვა. მხოლოდ წვერი კი უქალარავდებოდა, უთხელდებოდა და ებურდებოდა.

ზაფხულიც, თითქოს განგებ, ცხელი და გვალვიანი გამოდგა. ჭვავი სულ მთლად გადახმა. ახლა იგი მუშტრებს შესჩიოდა და ამით იოხებდა გულს.

— ვაჭრობას თავს ვანებებთ, თავს ვანებებთ!—მხიარულად, ყოველი სიტყვის დამარცვლით ამბობდა ტიხონ ილიჩი ღვინით ვაჭრობაზე. — მაშ! მონოპოლიაა ფინანსთა მინისტრს თავად მოესურვა ვაჭრობა!

— ოჰ, ერთი ამას დამიხედეთ! — კვნესოდა ნასტასია პეტროვნა. — არ გააჩერებ ენას და გიკრავენ თავს დასაქარგავში!

— არ მეშინია, — სიტყვას მოუჭრიდა ხოლმე ტიხონ ილიჩი და წარბებს მალლა ასწევდა. — ყველას კი ვერ მოუკუპრავენ პირს!

და კვლავ სიტყვების უფრო მკვეთრი დამარცვლით მიმართავდა მყიდველს:

— ქვავიც თვალგასახარია! მხედველობაში იქონიეთ: ყველას თვალს ახარებს! ღამეც კი ჩანს. კარში გახვალ, მთვარის შუქზე გახედავ ყანას: მელოტი თავივით მოჩანს! ახლოს მივალ — ლაპლაპებს!

პეტროვიკიში იმ წელს ტიხონ ილიჩმა ოთხი დღე-ღამე დაჰყო ქალაქის ბაზრობაზე და კიდევ უფრო აეშალა ძარღვები — ცალკე ფიქრისაგან, ცალკე სიცხისა თუ უძილო ღამეებისაგან. ჩვეულებრივ იგი ბაზრობაზე დიდი ხალისით მიდიოდა. შებინდებისას პოხავდნენ ფორნებს, გამოტენიდნენ თივით; იმ ფორანში, რომლითაც თავად ბატონს და მის მოჯამაგირე ბერიკაცს უნდა ემგზავრათ, ბალიშებსა და გრძელ ხიფთანს აფენდნენ. სოფლიდან გვიან გადიოდნენ და განთიადამდე კრიალ-კრიალით მიემართებოდნენ. ერთ ხანს მეგობრულად საუბრობდნენ, თამბაქოს სწევდნენ, უამბობდნენ ერთმანეთს ძველებურ საშინელ ამბებს იმ ვაჭრებისას, რომლებიც გზად ან ღამისთევის დროს მოეკლათ ყაჩაღებს: მერე ტიხონ ილიჩი დასაძინებლად წვებოდა და სიამოვნებდა, როცა ძილში ჩაესმოდა შემხვედრთა ხმები; გრძნობდა, თუ როგორ ირწეოდა ფორანი, თითქოს სულ მთიდან ეშვებოდა, როგორ უთამაშებდა ლოყა ბალიშზე, ქუდი ეხდებოდა და ღამის სიგრილეში თავი უცივდებოდა. კარგი იყო, როცა მზის ამოსვლამდე, ვარდისფერ, ცვარნამიან დილას, მქრქალ-მწვანე პურის ყანებს შორის გაიღვიძებდა და გახედავდა ცისფერ დაბლობზე თეთრად მოციალე ქალაქს, მის ეკლესიათა

ბრწყინვალეობას, ერთი ლაზთიანად დაამთქნარებდა, შორით მოდენილ რეკვაზე პირჯვარს გამოისახავდა და მთვლემარე ბერიკაცს, ბავშვივით რომ მოეთენთა დილის სიგრილეს და ისე გაცრეცილიყო, როგორც ცარცი განთიადის შუქზე, სადავეა გამოართმევდა. ამჯერად ტიხონ ილიჩმა ფორნებს მამასახლისის გააყოლა, თვითონ კი ორთვალა ეტლით გაუდგა გზას. ღამე იყო თბილი, ნათელი, მაგრამ მას არაფერი ახარებდა, — მგზავრობამ დაღალა; ბაჭრის, სატუსალოსა და ქალაქის თავში ამართული საავადმყოფოს სინათლე სტეპში ათიოდ ვერსზე ჩანდა და გევონებოდათ ვერასოდეს ვერ მი-აღწევდი მას — ამ შორეულ, მბეუტავ სინათლეს. შჩეპნაია პლოშჩადის ფუნდუკში ცხელოდა, იკბინებოდნენ რწყილები, ხშირად ისმოდა ხმები ალაყაფის კარებთან, რახრახებდნენ ქვებიან ეზოში შემავალი ფორნები, ადრიანად იყივლეს მამლებმა, აღუღუნდნენ მტრედები და ბოლოს ღია ფანჯრებშიც ინათა; ასე რომ, ტიხონ ილიჩს თვალი არ მოუხუქავს. ცოტა ხანს ეძინა ძეორე ღამესაც, რომლის გატარებაც ბაზარში მდგომ ფორანში გადაწყვიტა: ჭიხვინებდნენ ცხენები, კარვებში სინათლე ენთო, ირგვლივ მიმოდრიოდნენ და ლაპარაკობდნენ; განთიადისას კი, როცა ქუთუთოები ერთმანეთზე ეწებებოდა, სატუსალოსა და საავადმყოფოში ზარები ჩამორეკეს და ზედ თავზე შემზარავად დაბღავლა ძროხა... „კატორლა!“ — წამდაუწუმ ფიქრობდა ტიხონ ილიჩი ამ დღეებისა და ღამეების განმავლობაში.

ბაზარში, რომელიც ტრიალ მინდორზე მთელი ერთი ვერსის მანძილზე გადაჭიმულიყო, როგორც ყოველთვის, ახლაც ხმაური და აურზაური იდგა. იყო ერთი ღრიანცელი, ცხენების ჭიხვინი, ბავშვების სასტვენთა ხმა, ხოლო კარუსელებთან კი გრიალებდა ხან მარში და ხან პოლკა, რომელსაც ორკესტრი ასრულებდა. ყბედი მამაკაცებისა და ქალების ბრბო დილიდან საღამომდე დააბოტებდა მტვრიან, ნეხვით მოსვრილ მოსახვევებში ფორნებსა და კარვებს შორის, ცხენებსა და ძროხებს შუა, ფარდულებსა და სასაუზმეებში, საიდანაც ქონიანი ტაფებიდან ავარდნილი ხრაკის მყრალი სუნი მოდიოდა. როგორც ყოველთვის, ახლაც შეხვდებოდით

უამრავ ჩარჩს, რომლებსაც საოცარი აზარტი შეჰქონდათ ყოველგვარ დავასა თუ გარიგებაში; დაუსრულებელ მწკრივებად, ნაღვლიანი ღიღინით მოემართებოდნენ ბრძემები და დავრდომილნი, ლატაკნი და ხეიპარნი, ყავარჯნებზე დაყრდნობილნი თუ ფორნებზე მსხდომნი; ბრბოში ზანზალაკების წყარუნით ნელ-ნელა მიმოდრიდა სამაზრო პოლიციის უფროსის სამცხენა, რომელსაც ბამბის ხავერდის უსახელოებო ხალათში გამოწყობილი მეეტლე მართავდა, ფარშავანგის ფრთებიანი ქუდი რომ ეხურა... ტიხონ ილიჩს ბევრი მუშტარი ჰყავდა. მასთან მიდიოდნენ შეგვერემანი ბოშები, წითური პოლონელი ებრაელები, რომლებსაც ტილოს ხალათები და გაცვეთილი ჩექმები ეცვათ. მზისაგან დამწვარი, წვრილი აზნაურები ხიფთანებითა და ჩიხაქუდებით; ცოლითურთ მოდიოდა ინგლისურ კოსტუმში გამოწყობილი, ლამაზი ჰუსარი თავადი ბახტინი; სევასტოპოლის გმირი, აწ დაჩაჩანაკებული ბერიკაცი ხვოსტოვი, — მაღალი, ხმელ-ხმელი, შეგვერემანი კაცი, რომელსაც დიდნაკვთებიანი სახე დანაოქებოდა, ეცვა გრძელი მუნდირი, ჩაჩაჩული შარვალი, ფართოცხვირიანი ჩექმები და ეხურა ყვითელძირიანი ჩიხაქუდი, რომლის ქვეშაც ყვრიმალეებზე ჩამოვარცხნილი მუქწაბლისფრად შეღებილი თმა მოუჩანდა... ალუბლისფერ რეიტუზში გამოწყობილი ბახტინი წელში გადაიზნიქებოდა, ცხენს შესტკეროდა, უღვაშებში იცინოდა და ფეხს ათამაშებდა. ხვოსტოვი მიფრატუნდებოდა ცხენთან, რომელიც თვალს უბრიალებდა, და ისე შეჩერდებოდა, გეგონებოდათ ეს-ეს არის წაიქცევით; ყავარჯენს შემართავდა და ყრუ, გულგრილი ხმით მეთედ ეკითხებოდა:

— რა მოგცე?

ტიხონ ილიჩი იძულებული იყო ყველასათვის პასუხი გაეცა და ისიც უპასუხებდა, მაგრამ ისეთ ფასს ამოღებდა, რომ ყველა ერთბაშად სცილდებოდა.

მზემოკიდებულს, გამხდარს, გაფერმკრთალებულსა და მტვერში ამოგანგლულს, გულისწამლები დარღი დაუფლებოდა, მთელ ტანში სისუსტეს გრძნობდა. ისე აეშალა კუჭი, რომ კრუნჩხვა დაეწყო. იძულებული გახდა სავადმყოფოში

წასულიყო. მაგრამ იქ ორ საათს უცდიდა თავის რიგს, იჯდა ხმაურიან დერეფანში, ისუნთქავდა კარბოლის მქავეის საზიზ-ლარ სუნს და თავისი თავი ტიხონ ილიჩად კი აღარ მიაჩნდა, არამედ — კაცად, რომელიც მოსაცდელში ელოდა ბატონს თუ უფროსს. ცისფერთვალემა, სახელაყდაყა ექიმმა, რომელიც შესახედავად დიაკვანს ჰგავდა და ტანთ შაბიამნის სუნით გაუღენთილი, მოკლე, შავი სერთუკი ეცვა, ქშინვით დააყურა გულზე, მაგრამ ტიხონ ილიჩმა დაასწრო ეთქვა — „მუცელმა თითქმის გამიარაო“, და მხოლოდ შიშის გამო დასთანხმდა დაელია სასაქმებელი ზეთი. ხოლო როცა ბაზრობაზე დაბრუნდა, ჭიქა პილპილიანი და მლაშე არაყი გადაჰკრა და ისევ მიირთმევდა ძეხვს, გაუმტკიცავ პურს, ჩაის, აუღუღარ წყალს, მქავე კომბოსტოს შეჭამანდს და კვლავ ვერ იკლავდა წყურვილს. ნაცნობები ლუღზე პატიყებდნენ — და ისიც მიჰყვებოდა. იქ ბურახის გამყიდველი ღრიალებდა:

— აბა ბურახი, შუშხუნა ბურახი! კათხა კაპიკი, ყველაზე კარგი ლიმონათი!

და ისიც გააჩერებდა ხოლმე ბურახის გამყიდველს.

— აბა ნაყინი — გამყივანი ხმით იძახოდა ნაყინის გამყიდველი — გაოფლილი, ღიპიანი, მელოტა ბერიკაცი, რომელსაც წითელი პერანგი ეცვა.

და ისიც ჰამდა ძვლის კოვზით ნაყინს, სანახევროდ თოვლს, რის გამო ყვრიმალები საშინლად სტეხდა.

ფეხებით, თვლებითა და ფლოქვებით მოთელილი, მტვრიანი, დანაგვიანებული და მონეხვილი ადგილი ცარიელდებოდა, — ბაზრობა იშლებოდა, მაგრამ ტიხონ ილიჩი, თითქოს ვინმეს ჯიბრზე, კვლავ ფორანზე იჯდა, და იმ სიცხეში და მტვერში ეყენა თავისი გაუყიდავი ცხენები. ღმერთო ჩემო, ეს რა მხარეა! არშინნახევარი შავი მიწაა და მერე როგორი! ხუთი წელიც არ გავა ისე, რომ შიმშილობა არ იყოს. ქალაქი მთელ რუსეთშია განთქმული პურით ვაჭრობით, ეს პური კი საძლომად მთელ ქალაქში მხოლოდ ას კაცს თუ ექნება. ახლა ბაზარი? ლატაკების, უგუნურების, ბრმებისა და ხეიბრების, შემადრწუნებელ და გულისამრევ ხალხთა ლეგიონია მთელი შინ ტიხონ ილიჩი ბრუნდებოდა მზიან, სიცხიან დილას,

ძველი, დიდი გზით. ჯერ გამოუვლიდა ქალაქს, ბაზარს, მერე ერთ პატარა, ტყავის ქარხნისაგან ამჟავებულ მდინარეს, შემდეგ კი ჩორნია სლობოდისაკენ მიმავალ აღმართს შეუყვებოდა. ბაზარში იგი ოდესღაც მსახურობდა თავის ძმასთან ერთად მატორინის დუქანში. ახლა კი ბაზარში ყველა თავს უკრავდა. სლობოდაშიც გაატარა ბავშვობა, ამ მომადლო ადგილზე, სანახევროდ მიწაში ჩარგულ, დამპალ, სახურავჩაშავებულ ფაცხებს შორის, — ნაკელში, ფაცხის წინ რომ აშრობდნენ და საწვავად იყენებდნენ, ნაგავში, ნაცარსა და ჩერებში... ახლა კი კვალიც არ იყო იმ ფაცხისა. სადაც დაიბადა და გაიზარდა ტიხონ ილიჩი; მის ადგილას იდგა ახალი მოყავრული სახლი უანგმოკიდებული ფირნიშით: „სასულიერო პირთა ტანისამოსის ჰეერავი სობოლევი“. სხვა მხრივ კი სლობოდაში ყველაფერი ძველებურად იყო: ზღურბლთან — ღორები და ქათმები; ჭიშკართან — მაღალი სარები, სარებზე — ცხვრის რქები; ყვავილებიან ქოთნებს უკან მდგარი თეთრ და დიდსახიანი მემკქმანეები, პატარა ფანჯრებიდან რომ იცქირებოდნენ; ფეხშიშველი ბიჭუნები, მხარზე გადაგდებული ცალი საბეჭურით რომ დატანტალობდნენ და ქალაქის ფრანს უშვებდნენ პაერში; ქერათმიანი, წყნარი გოგონები, რომლებიც მიწაყრილებთან ახლოს თავიანთი საყვარელი თამაშობით — თოჯინების დაკრძალვით — გართულიყვნენ... მთაზე ასულმა, მინდორში, სასაფლაოზე პირჯვარი გადაიწერა; ღობის შიგნით, ბებერ ხეთა შორის იყო ერთი მდიდარი და ძუნწი კაცის ზიკოვის ოდესღაც შიშისმომგვრელი საფლავი, რომელიც იმწუთსავე ჩაინგრა, როგორც კი მიწა დააყარეს. ცოტაოდენი ფიქრის შემდეგ ტიხონ ილიჩმა სასაფლაოს ჭიშკრისაკენ მოაბრუნა ცხენი.

ამ დიდ, თეთრ ჭიშკართან იჯდა და წინდებს ქსოვდა მოხუცი ქალი, რომელიც ზღაპრულ დედაბერსა ჰგავდა, — სათვალისანი, ცხვირისკარტა, კბილებჩაცვივნილი, — ერთ-ერთი იმ ქვრივთაგან, რომლებიც ეკლესიის ქვრივთა და ობოლთა თავშესაფარს შეჰყვებოდნენ.

— გამარჯობა, დედი! — შესძახა ტიხონ ილიჩმა და ცხენი ჭიშკრის ბოძს მიაბა. — შეგიძლია ცხენს მიმიხედო?

დედაბერი წამრდგა, თავი მოწიწებით დაუკრა და ხაი-
ჩიფჩიფა:

— შემძლია, შვილო.

ტიხონ ილიჩმა ქუდი მოიხადა, კიდევ ერთხელ ალაპყრო
თვალი ალაყაფის კარებზე გამოსახულ ღვთისმშობლის მიძი-
ნების ხატს, პირჯვარი გადაიწერა და დაუმატა:

— აქ ბევრი ხართ?

— თორმეტი დედაბერი ვართ, შვილო.

— ალბათ ხშირად ლანძღავთ ერთმანეთს.

— ხშირად, შვილო...

ტიხონ ილიჩი აუჩქარებლად გაჰყვა ხეებსა და ჯვრებს
შორის გზას, ხეივანს, რომელიც ხის ძველი ეკლესიისაკენ
მიემართებოდა. ბაზრობაზე მან თმა შეიკრიჭა, წვერი შეის-
წორა, შეიმოკლა — და ძალიან გაახალგაზრდავდა. ავადმყო-
ფობის შემდეგ გახდომამაც გაახალგაზრდავა იგი, სახეზე
მზის მოკიდებამაც (მხოლოდ საფეთქლებთან სამკუთხად
თმაშეკრეპილი ნაზი კანი მოუჩანდა თეთრად). აახალგაზრდა-
ვებდა ბავშვობისა და სიკბაბუკის მოგონებაც, ტილოს ახალი
ჩიხაქუდიც; მიდიოდა და თვალს ავლებდა იქაურობას... რა
ხანმოკლე და უაზროა სიცოცხლე! რა სიწმეიდე და მყუდ-
რობაა ირგვლივ ამ ძველი სასაფლაოს მზიურ სასუფე-
ველში! ცხელი ქარი დანაევარდობდა მზით გაბრწყინებულ
ხეთა კენწეროებზე—ულრუბლო ცას რომ სწვდებოდნენ და სი-
ცხისაგან უდროოდ შეთხელებოდათ ფოთლები, — ქვებზე
და ძეგლებზე ათრთოლებდა მათს გამჰკვირვალე, მსუბუქ
ჩრდილებს. ხოლო როცა ქარი ჩადგებოდა, მზე აცხუნებდა
ყვავილებს და ბალახს, ტკბილად მღეროდნენ ბუჩქებში ჩიტე-
ბი, გახურებულ ბილიკებზე გარინდულიყვინენ სიამით მიბნე-
დილი პეპლები... ერთ ჯვარზე ტიხონ ილიჩმა წაიკითხა:

ო, რა მძიმეა კაცისათვის

სიკვდილის ღალა!

მაგრამ ირგვლივ საშიში არაფერი იყო. ის მიდიოდა, თით-
ქოს სიამოვნებდა კიდევ, რომ სასაფლაო იზრდებოდა, რომ
ძველ, ფეხებიან კუბოს მსგავს ქვებსა, ფილებსა და ვეებერ-

თელა, უხეშ და აწ სანახევროდ დამპალ ჯვრებს შორის, რომლებითაც სავსეა იგი, გაჩნდა ბევრი ახალი საფლავის ძეგლი. „მიიქცალა 1819 წლის ნოემბრის 7-ს, დილის 5 საათზე“ — შემადრწუნებელი იყო ასეთი წარწერების კითხვა; ცუდია სიკვდილი განთიადისას, შემოდგომის ჯანლიან დღეს, ძველ სამაზრო ქალაქში შაგრამ გვერდით, ხეთა შორის თეთრად ქათქათებდა თაბაშირისაგან გამოძერწილი ანგელოზი, რომელსაც თვალები ზეცად აღეპყრო, და მის ქვეშ ამოკვეთილი იყო ოქროს ასოები: „ნეტარ არიან ქრისტეს მიერ განსვენებულნი“ უაშინდობის და ჟამთა სვლისაგან აქრელებულ რკინის ძეგლზე, რომელიც ვილაც კოლეგიის ასესორისათვის აეგოთ, შეიძლებოდა გაგერჩიათ ლექსი:

ის დიდ ხელმწიფეს მსახურებდა მუდამ ერთგულად,
წარფელ სიყვარულით ეპყრობოდა მოყვასსა თვისსა,
ღაიმსახურა მან პატივი თვისი ხალხისა...

ეს ლექსი ტიხონ ილიჩს ყალბად ეჩვენა. თუმცა — სადაა სიმართლე? აგერ ბუჩქებში ადამიანის ყბა გდია, — გეგონება ჭუჭყიანი სანთლისაგან გაუყეთებიათო, — ესაა ყველაფერი, რაც კაცისაგან დარჩა... ნუთუ ყველაფერი? მიწაში ლპება ყვავილი, ლენტე, ჯვარი, კუბო და ძვლები, — ყველგან სიკვდილი და ხრწნაა! შაგრამ ტიხონ ილიჩი განაგრძობდა გზას და კითხულობდა: „ასევეა მკვდართა აღდგომისასაც: როცა ხორცი კვდება — სული ცოცხლობს!“

ყოველი წარწერა გულშიჩამწვდომად მეტყველებდა მყუდროებასა და განსვენებაზე, სინაზზე, სიყვარულზე, რომელიც თითქოს არც არის და არც იქნება ქვეყნად, კაცთა შორის ერთგულებასა და ღვთისადმი მორჩილებაზე, საიქიო ცხოვრების იმედზე და იმ უცხო, ნეტარ მხარეში შეხვედრაზე, რაც მხოლოდ ამქვეყნად სჯერათ; იმ თანასწორობაზე, რომელსაც მხოლოდ სიკვდილი ანიჭებს ხალხს, — იმ წუთებში, როცა მკვდარ მათხოვარს ეამბოროებიან უკანასკნელი ამბოროთ, ვითარცა ძმას, თვლიან მას ხელმწიფეთა და მეუფეთა

სწორად... ხოლო იქ, გალავნის კუთხეში, მზის გულზე მთელემარე ანწლის ბუჩქებთან, ტიხონ ილიჩმა დაინახა ბავშვის ახალი საფლავი, ჯვარი, ჯვარზე კი — ორპწკარიანი ლექსი:

ჰე, ფოთლებო, იშრიალეთ ჩემად,
ჩემ კოსტიას არ დაუფრთხოთ ძილი —

გაახსენდა თავისი ბავშვი, მუნჯმა მზარეულმა რომ გაუქვლიტა ძილში, და ცრემლმორეული თვალები დაახამხამა.

შარაგზით, რომელიც სასაფლაოს ჩაუდის და მობიბინე ყანებში იქარგება, არავინ მგზავრობს. დადიან სოფლის მტერიანი გზით, შარაგზის გასწვრივ რომ მიემართება. ტიხონ ილიჩიც სოფლის გზას დაადგა. ამ დროს გვერდით ჩაუქროლა მისკენ მომავალმა თავგადახდილმა ეტლმა, — მარდად დაჰქრიან მაზრის მეეტლეები! — ეტლში იჯდა ქალაქელი მონადირე; ფეხთით ჰრელი მეძებაოი უწვა, მუხლებზე ბუდიანი თოფი ედო, ფეხზე ჰაობის მალაყელიანი ჩექმები ეცვა, თუმცა მაზრაში ჰაობი არ იყო. ტიხონ ილიჩმა ბრაზით გააღრჰიალა კბილები: ნოჯაჰაგირედ უნდა აიყვანოს კაცმა ეს უსაქმური შუადლის მზე აცხუნებდა, ცხელი ჰარი ჰროდა, უღრუბლო ცა მტრედისფერდებოდა. ტიხონ ილიჩი ბრაზით არიდებდა თავს გზაზე ავარდნილ მტვერს და სულ უფრო დამწუხრებული გაჰყურებდა გალეულ და უღროოდ ჩამხმარ ჰურის ყანებს.

მწყობრი ნაბიჯით, გრძელი კომბლებით ხელში, მოდიოდნენ დაღლილობითა და სიცხით გატანჯული მლოცველი ჰალები. ისინი მდაბლად, დინჯად უკრავდნენ თავს ტიხონ ილიჩს, მაგრამ ახლა მას ყველაფერი თაღლითობად ეჩვენებოდა.

— მშვიდობის მაძიებლები! დამე კი ალბათ ძაღლებივით კბენენ ერთმანეთს!

ჯაგლაგ ცხენებს მოერეკებოდნენ და მტერის ბულს აყენებდნენ ბაზრობიდან დაბრუნებული მთვრალი გლეხები, — წითურნი, სისენი, შავები, მაგრამ ყველა ერთნაირად უგვანო, გამხდარი და თმააბურძგენილი. ტიხონ ილიჩი ცდილობდა

მათი მორახრახე ფორნებისათვის გაესწრო და თავს აქნევდა:

— უპ, თქვე გლახაკებო, ჯანდაბას თქვენი თავი!

ერთ გლეხს, რომელსაც ჩითის შემოფლეთილი პერანგი გცვა, გულადმა ეძინა, თავი უკან გადავარდნოდა, გასისხლიანებული წვერი და გასივებული, სისხლშემხმარი ცხვირი მაღლა აეწია და მკვდარივით ინჯღრეოდა. მეორე კი ქარისაგან მოტაცებული ქუდის დასაწევად გარბოდა; წაიფორხილა. ამ დროს ბოროტი უინით შეპყრობილმა ტიხონ ილიჩმა მათრახი გადაუჭირა. მან დაინახა ფორანი, რომელიც საესე იყო ლარტყებით, ბარებითა და დედაკაცებით; ცხენისაკენ ზურგშექცეული ქალები ჯაყჯაყებდნენ და ხტოდნენ; ერთს ბავშვის ახალი ჩიხაქუდი ეხურა უკუღმა, მეორე მღეროდა, მესამე ხელებს იქნევდა და ხარხარით გასძახოდა ტიხონ ილიჩს:

— ბიძია! ჭინჭილაკი დაგეკარგა!

სადარაჯოს იქით, სადაც შარაგზა უხვევდა, მორახრახე ფორნები უკან ჩამორჩნენ და ირგვლივ გამეფდა სიჩუმე, სიხალვათე და სტეპის მხურვალება. ტიხონ ილიჩმა იგრძნო, რომ ამქვეყნად ყველაზე მთავარია „საქმე“. ეპ, სიღარიბეა გარშემო! გლეხები სულ შთლად გალატაკდნენ, კაპიკის საღირალიც აღარ დარჩათ გავერანებულ კარ-მიდამოებში, მაზრაში რომაა გაბნეული... პატრონი არა ჰყავთ, პატრონი!

შუა გზაზე გადაჭიმულიყო სოფელი ჩოვენოე. ხორშაკი ქარი დანავარდობდა ცარიელ ქუჩებში, სიცხისაგან გადარუჯულ ტირიფებში. კარის ზღურბლთან იფოფრებოდნენ და ნაცარს ქექავდნენ ქათმები. ტრიალ მინდორზე აწოწილიყო რაღაც გელური ფერის ეკლესია. ეკლესიის იქით, ნაკელის გროვის ძირას, მწეზე ბრწყინავდა პატარა თიხოვანი გუბე — სქელი ყვითელი წყალი, რომელშიც იდგნენ ძროხები, ყოველ წუთს რომ იკმაყოფილებდნენ თავიანთ საჭიროებას, და სადაც შიშველი გლეხი თავს ისაპნიდა. იგი წელამდე შესულიყო წყალში, გულზე სპილენძის ჯვარი უბრწყინავდა, მზით დამწვარი კისერი და სახე გაშავებოდა, ხოლო ტანი საოცრად თეთრი ჰქონდა.

— მოდი ერთი, ლაგამი ახსენი, — უთხრა ტიხონ ილიჩმა

და ცხენი გუბეში შეაგდო, რომელსაც ნახირის სუნი ასდი-
ოდა.

გლებმა მოლურჯო თეთრი საპნის ნალევი ძროხის ნეზ-
ვისაგან გაშვეებულ ძიწაზე დააგდო და ნაცრისუერი, გასაპ-
ნული თავით გაეშურა ბრძანების შესასრულებლად, თან
ხელს მორცხვად იფარებდა ტანზე. ცხენი ხარბად დაეწაფა
წყალს, მაგრამ ისე თბილი და საზიზღარი იყო, რომ თავი ას-
წია და უკან გამობრუნდა. ტიხონ ილიჩმა დაუსტეიხა და ჩი-
ხაქული დააქნია:

— ეს რა წყალი გქონიათ! ნუთუ ამასა სვამთ?

— რა, თქვენა შაქრიანი წყალი გაქვთ? — ალერსიანად და
მხიარულად მიუგო გლებმა. — ათასი წელია ვსვამთ! წყალს
რა უშაეს, პური არა გვაქ, თორემა...

როვნოეს შემდეგ გზა ჭვავის ყანებში გადადიოდა. ჭვავი
აქაც გაღეული იყო და მთლად დიდლოებს დაეფარა... ვი-
სელკის ახლოს კი, დურნოვკის ძირას, ფულურო და კორძიან
ტირიფზე გუნდად ისხდნენ ჭილყვავები, რომლებსაც მოვერ-
ცხლისფრო ნისკარტები დაეღოთ, — მათ რატომღაც უყ-
ვართ ნახანძრალი ადგილები. ვისელკის მხოლოდ სახელიდა
შერჩენოდა, — დანაგვიანებულ ნაქონარებს გარდა აქ ვერა-
ფერს ნახავდით. ნაგავს მოლურჯო ცისფერი კვამლი და ნამ-
წვის მყრალი სუნი ასდიოდა... ხანძრის დანახვაზე ელდა ეცა
ტიხონ ილიჩს. „უბედურება!“ — გაიფიქრა და გაფითრდა.
მას ხომ არაფერი არა აქვს დაზღვეული, ყოველივე შეიძლება
ერთბაშად გაქრეს...

პეტროვკის ბაზრობაზე ამ სამახსოვრო მოგზაურობიდან
მოკიდებული ტიხონ ილიჩმა სმას მიჰყო ხელი. არ თვრებოდა,
მაგრამ რიგიანად კი აულაქლაყდებოდა ხოლმე ლოყები. თუმ-
ცა ეს არც უშლიდა ხელს საქმეში; ის კი არა, მისთვის რომ
გეკითხათ, არც ჯანმრთელობას ვნებდა. არაყი სისხლს წმენ-
დსო, — ამბობდა. თავის ცხოვრებას იგი ახლაც ხშირად უწო-
დებდა კატორდას, ყულფს, ოქროს გალიას. მაგრამ თანდა-
თან უფრო გულდაჯერებით მიაბიჯებდა თავის გზაზე და
რამდენიღე წელმა ისე ერთფეროვნად გაიარა, თითქოს ერთი
სამუშაო დღე ყოფილიყოს. მოხდა მნიშვნელოვანი რამ, რა-

საც სულაც არ მოელოდნენ, — იაპონიასთან ომი და რევოლუცია.

ომზე ლაპარაკი, რა თქმა უნდა, ბაქიაობით დაიწყო. „ჩემო ძმავო, კახაკები მალე გააძრობენ ტყავს ყვითელ მხეცს!“ მაგრამ მალე სულ სხვა სიტყვებში მფისმა.

— რა ეშველება ჩვენს მიწა-წყალს? — მკაცრი ბატონ-კაცური ხმით ამბობდა ტიხონ ილიჩიც. — ომი კი არა, პირდაპირ უაზრობაა!

რუსეთის არმიის განადგურების ამბებს აღტაცებაში მოჰყავდა იგი და ნიშნის მოგებით ამბობდა:

— ყოჩაღ! ასე მოუხდებათ, მაგათი დედა კი...

თავდაპირველად აღაფრთოვანებდა რევოლუციაც, მკვლელობებიც.

— ისეთი დარტყმა აგემა თვით მინისტრს, — ამბობდა ზოგჯერ აღტაცებული ტიხონ ილიჩი, — ისე დაარტყა, რომ სული გააცხებინა!

მაგრამ როგორც კი მიწების ჩამორთმევაზე დაიწყეს ლაპარაკი, მასში უკვე ბოროტმა სულმა გაიღვიძა. „სულ ურების საქმეა! სულ ურების, ეს თმააბურძგვნილი სტუდენტებიც მათ ემხრობიან!“ ვერ გაიგო: რევოლუცია, რევოლუციო, — ყველა ამბობდა და გარშემო კი ყველაფერი ისევ ისე იყო, ძველებურად: მზე ანათებდა, მინდვრად ჰკვავი ჰყვავდა, საზიდები სადგურისაკენ მიემართებოდნენ... ვერც ხალხს მიუხედა გულისტქმას, — ზოგი დუმდა, ზოგი ორქოფულად ლაპარაკობდა.

— გულჩათხრობილი გახდა ხალხი. ისეთი გულჩათხრობილია, რომ ნულარ იტყვი! — ამბობდა ტიხონ ილიჩი.

„ურების“ ამბავი რომ გადაავიწყდა, ახლა უმატებდა:

— ისე ვთქვათ, არც მაინცდამაინც ეშმაკური ამბავია. მთავრობის გამოცვლა, მიწების გათანაბრება, — ამას ხომ ბავშვიც მიხვდება. ესე იგი, აშკარაა, ვის ემხრობა ხალხი, თუმც გაჩუმებული კი არის. ჰოდა, ესე იგი, თვალყური უნდა ადევნო, დრო შეუჩიო, როცა დუმს. გასაქანი არ უნდა მისცე! თორემ ვაი შენი ბრალი: როგორც კი ბედი გაუღიმებს და თან საბარკულს იგრძნობს, მაშინვე გაგთელავს!

როცა ის გაიგონებდა ან წაიკითხავდა, მიწას მხოლოდ იმათ

ჩამოართმევენ, ვისაც ხუთას დესეტინაზე მეტი აქვსო, თვითონაც „შფოთისთავი“ ხდებოდა. გლეხებთანაც კი კამათობდა. ზოგჯერ მის დუქანთან გლეხი იდგა და ეუბნებოდა:

— არა, ილიჩ, მაგას ნუ ამბობ. სამართლიანად მიწის ჩამორთმევა შეიძლება, ისე კი — არა, არ არის კარგი საქმე.

ცხელა, ეზოს პირდაპირ, ბელელთან დაყრილი ფიჭვის ყავრის სურნელი ტრიალებს ირგვლივ. ღიებსა და სადგურის შენობებს იქით ისმის საბარგო მატარებლის გახურებული ორთქლმავლის ქშენა. ტიხონ ილიჩი უქუდოდ დგას, თვალებს წკურავს და ეშმაკურად იღიმება. იღიმება და მიუგებს:

— კი, მაგრამ, თუ ის კარგი ბატონი კი არა, უქნარაა?

— ვინ? ბატონი? ეგ უკვე სხვა საქმეა... მაგნაირი ბატონისა ბუნდლლაც არ უნდა დატოვო, ახია მაგაზე!

— ჰოდა, მეც მაგას გეუბნები!

მაგრამ მოდიოდა მეორე ამბავიც — ხუთასზე ნაკლებსაც ჩამოართმევენო! — და ტიხონ ილიჩი მაშინვე იბნეოდა და ახირებული ხდებოდა. ყველაფერი, რაც მის კარმიდამოში კეთდებოდა, საძაგლად ეჩვენებოდა.

მის ხელქვეით ეგორკას დუქნიდან ფქვილის ტომრები გამოჰქონდა და ფერთხავდა. ქოჩორი აპრეხოდა, თმა ხეშეში და ხშირი ჰქონდა — „ნეტავ რათა აქვთ სულელებს ასეთი ხშირი თმა?“ — შუბლი შექყულეტილი, სახე კვერცხის მსგავსი, მოღრეცილი, თვალები თევზისა, გამობურცული, გეგონებოდათ ვიღაცას ზედ ხბოს თეთრწამწამებიანი ქუთუთოები გადაუკრავს, ტყავი საკმარისი არ ყოფილა და ბიჭი ისე დარჩენილა, რომ თუ თვალებს დახუჭავდა, პირი უნდა დაეღო, ხოლო, თუ პირს დამუწავდა, მაშინ თვალები უნდა დაეჭყიტა. ტიხონ ილიჩი ღვარძლიანად უყვიროდა:

— უტვინო! ყეყეჩო! თავზე მაფერთხავ?

მისი ოთახები, სამზარეულო, დუქანი და ბელელი, სადაც წინათ ღვინის სავაჭრო იყო, — ყველაფერი. ეს მოთავსებულა იყო ერთ თუნუქისსახურავიან ხის შენობაში. სამი მხრიდან მას მკიდროდ ეკვროდა ჩალით დახურული ბაკები და იქმნებოდა მყუდრო კვადრატი. ბელლები იდგა სახლის წინ, ეზოს გადაღმა. მარჯვნივ იყო სადგური, მარცხნივ — შარაგზა, შარა-

გზის იქით — არყის ტყე. და როცა ტიხონ ილიჩი უგუნებოდ იყო, შარაგზაზე გადიოდა. უღელტეხილიდან უღელტეხილამდე თეთრ ზოლად მიეპარებოდა შარაგზა. სამხრეთისაკენ, მინდორ-მინდორ დაბლდებოდა, ხოლო შორეულ ჯიხურთან კვლავ შეუწყვებოდა აღმართს ჰორიზონტისაკენ, სადაც მას სამხრეთ-აღმოსავლეთიდან მომავალი რკინიგზა კვეთდა. როცა ზოგჯერ დურნოვკის რომელიმე გლეხი აქეთ ჩამოვილიდა, — რა თქმა უნდა, ისეთი, რომელიც უფრო საქმიანი და ჰკვიანი იყო, მაგალითად, იაკობი, რომელსაც ყველა იაკობ მიკიტჩის ეძახდა იმისათვის, რომ იგი „მდიდარი“ და ხარბი იყო, ტიხონ ილიჩი აჩერებდა მას.

— ჩიხაქული მაინც გეყიდა! — დაცინვით შესძახებდა იგი. იაკობი, რომელსაც თავზე ქული ეხურა, ტანთ ხამის პერანგი, მოკლე ხამის ძიქვა ეცვა და ფეხშიშველი იჯდა ფორნის კოფოზე, თოკის სადავეს მოსწევდა და მაძღარ ფაშატს გააჩერებდა.

— გამარჯობა, ტიხონ ილიჩ, — თავშეკავებულად ეუბნებოდა ის.

— გაგიმარჯოს! დროა ეგ ქული ჰკებს დაუთმო ბუდედ! იაკობი ეშმაკური ღიმილით ჩასცქეროდა მიწას და თავს უქნევდა.

— ეგ... როგორ გითხრა?... ცული არ იქნება, მაგრამ, გესმის, კაპიტალი არ მაძლევს უფლებას.

— მოჰყვება ახლა! გიცნობთ, გიცნობთ ყაზანელ ობლებს! ქალი გაათხოვე, ბიჭი დააქორწინე, ფული გაქვს... ერთი მითხარი, რაღას ითხოვ კიდევ უფლისაგან?

ეს სიამეს ჰგვრიდა იაკობს, მაგრამ კიდევ უფრო იკავებდა თავს.

— ოჰ, ღმერთო ჩემო! — ოხვრით და ხმის კანკალით დუდუნებდა იგი, — როგორა ვთქვა, ფული ჩემს ღლეში არ მქონია... ბიჭი კი... აბა რა გითხრა ბიჭზე? არ გამომადგა... რაღა დაგიმალო და არ გამომადგა!

იაკობმა სხვა გლეხებივით იცოდა გაბრაზება, განსაკუთრებით მაშინ, როცა საქმე მის ოჯახსა და მეურნეობაზე მიდგებოდა. გულჩათხრობილი კაცი კი იყო, მაგრამ სიბრაზე მაინც

სძლევედა, რაც მხოლოდ ნაწყვეტ-ნაწყვეტად და მთრთოლვარე ხმით ლაპარაკში ემჩნეოდა. ტიხონ ილიჩი ცდილობდა კიდევ უფრო აღეშფოთებინა იგი და თანაგრძნობით ეკითხებოდა:

— არ გამოგადგა? უყურე შენი ალბათ სულ დედაკაცია ბრალია!

იაკობი აქეთ-იქით თვალს მიმოავლებდა და გულს იხოკდა:

— დედაკაცის ბრალია, დალახვროს ღმერთმა!..

— ექვიანობს?

— ექვიანობს... ჰგონია, რომ სხვანაირი თვალით ვუყურებ...

იაკობი თვალებს აცეცებდა:

— იქ ქმარს შესჩივლა, ჩვენზე შესჩივლა! მერე, იცი, მოწამვლა დამიპირა! ზოგჯერ, გესმის, გულს გადააყოლებ... თამბაქოს მოსწევ... ჰოდა, ბალიშქვეშ პაპიროსი ამომიდო... რომ არ შემემჩნია — დავიღუპებოდი!

— რა პაპიროსი იყო ეგეთი?

— მკვდრის ძვლები დანაყა და თუთუნის მაგივრად შეახვია...

— ჰოდა, სულელი გყოლია ბიჭი, თორემ ასწავლიდა ჰკუთას, როგორც რუსს შეპფერის.

— რაო? ეგ კი არა, გესმის, მე მეცა ყელში გველივით იკლაცნებოდა... თავში ხელი წაველე — თმა შეკრეპილი ჰქონდა და გამისხლტა... პერანგში ვწვდი — დახევა დამენანა!

ტიხონ ილიჩი თავს აქნევდა, ერთ წუთს ღუმდა და, ბოლოს, ეკითხებოდა:

— როგორ არის თქვენთან საქმე? ელოდებით ამბოხებას? ამის გაგონებაზე იაკობს კვლავ გულჩათხრობილობა ეუფლებოდა, იცინოდა და ხელს აქნევდა.

— რას ამბობ! — სხაპასხუპით მიაყრიდა. — რა დროს ამბოხებაა! ჩვენთან წყნარი ხალხია... წყნარი ხალხი...

და სადავეს მოსწევდა, თითქო ცხენი სადმე მიდიოდა.

— თავყრილობა რალად იყო კვირას? — ღვარძლიანად მიუგებდა სიტყვას ტიხონ ილიჩი.

— თავყრილობა? ეშმაკმა იცის მაგათი თავი! ყაყანებდნენ, გესმის...

— მესმის, მერე რა აყაყანებდათ?

— რა და, არ დაგიმალავ... ლაუბობდნენ, გესმის, რაღაცა განკარგულება გამოსულაო, არაფრით არ შეიძლება ბატონებს წინანდელ ფასად ვემსახუროთო...

სამწუხარო იყო იმაზე ფიქრი, რომ რომელიღაც სოფელ ღურნოვკის გულისათვის მუშაობით წელი წყდებოდა. თანაც ღურნოვკაში სულ ოცდაათიოდ კომლი სახლობდა. თან იგი საღდაც ჯოჯოხეთში იყო გადაკარგული. ფართო ხევის ერთ მხარეს ქოხები იდგა, მეორე მხარეს კი პატარა საკარმიდამო ნაკვეთები. პოდა, იდგნენ ეს საკარმიდამო ნაკვეთები თავიანთი ქოხებითურთ და დღე-დღეზე ელოდნენ რაღაც „განკარგულებას“... ეჰ, საღ არიან როზგიანი კაზაკები!

ეს „განკარგულება“ მოვიდა, ერთ კვირა დღეს ხმა დაირხა: ღურნოვკაში თავყრილობაა დანიშნული, უნდა მომზადდეს გეგმა, თუ როგორ შეუტიონ საკარმიდამო ნაკვეთებსო. ბოროტი ჟინით შეპყრობილმა ტიხონ ილიჩმა, რომელიც უჩვეულო ძალასა და სითამამეს გრძნობდა და მზად იყო „თვით ეშმაკისთვისაც მოეტეხა რქები“, დაიყვირა: „ორთვალაში ულაცი შეაბით!“ ათი წუთის შემდეგ შარაგზაზე იყო და ღურნოვკისაკენ მიქროდა. წვიმიანი დღის შემდეგ მოწითალო რუხ ღრუბლებში იმალებოდა მზე, არყის ხეთა ტოტები ალისფრად შეფაკლულიყვნენ, სოფლის ატალახებული, სავალად ძნელი გზა შავმოიისფროდ მოჩანდა ამწვანებულ არემარეში. ულაცს ბარძაყებიდან და საბარკულიდან ვარდისფერი ქაფი სდიოდა. სადავეების ტკაცუნში ტიხონ ილიჩმა რკინიგზიდან მარჯვნივ გადაუხვია, მინდორში მიმავალ გზას დაადგა და, ღურნოვკა რომ დაინახა, წუთით ეჭვი შეეპარა ამბოხების შესახებ გავრცელებული ხმების სიმართლეში. ირგვლივ სიმშვიდე სუფევდა, მშვიდად გალობდნენ ტოროლები მწუხრის სიმღერებს, საამო სურნელი ასდიოდა სველ მიწასა და მინდვრის ყვავილებს... მაგრამ უეცრად თავის საკარმიდამო ნაკვეთში, ნასვენ მიწაზე, საღაც ყვითელი ძიძო ეთესა, გლეხების ცხენებს მოჰკრა თვალი. დაუწყიათ! ტიხონ ილიჩმა საღავე ჩაჰკრა, ჩაუქროლა ცხენების ჯოგს, ოროვანდითა და ჭინ-

კრით დაფარულ საცეხველს, ბელურებით სავსე ბაღჩას, საჯინიბოს, სამოახლო ქოხს და ეზოში შევარდა...

ხოლო შემდეგ ისეთი რამ მოხდა, თვალსა და ყურს რომ ვერ დაუჯერებდა კაცი: ბრაზის, შეურაცხყოფისა და შიშისაგან ქვად ქცეული ტახონ ილიჩი მინდვრად გაჩერებულ ორთვალაში იჯდა. გული საგულეში აღარ ეტეოდა, ხელები უცახცახებდა, სახეზე აღმჟერი ასდიოდა, სმენა ძხეცსავით გამახვილებოდა. ის იჯდა, ღურნოვკიდან მოდენილ ხმებს ყურს უგდებდა და ფიქრობდა. ამ ღროს, მისი დაწახვისთანავე, ხევიდან საკარმიდამოსაკენ გამოეშურა უზარმაზარი ბრბო, ეზოში ღრიანცელი და ლანძღვა-გინება ატეხა, პარმალთან შექუჩდა და ტიხონ ილიჩი კართან მიიმწყვდია. ტიხონ ილიჩს ხელში მათრახის გარდა არაფერი ჰქონდა. ისიც იქნევდა მათრახს, ხან უკან იხევდა, ხან თავგანწირვით ეძგერებოდა ბრბოს. მაგრამ უფრო ხელმარჯვედ ატრიალებდა კეტს შეტევაზე გადასული სარაჯი, — ავი, კაფანდარა, ცხვირწვეტა კაცი, რომელსაც ჩექმები და ლილისფერი პერანგი ეცვა. ის მთელი ბრბოს სახელით ღრიალებდა, რომ გამოვიდა განკარგულება, „დამში მოვიდეს ეს საქმე“ — დამში მოვიდეს ერთსა და იმავე დღესა და საათს მთელ გუბერნიაში: გაძეკებულ იქნან გარეშე მოჯამაგირეები ყველა მეურნეობიდან და მათ ადგილას მუშაობა დაიწყოს ადგილობრივმა ხალხმა, — დღეში მანეთად! ტიხონ ილიჩი ცდილობდა სარაჯის ხმა ჩაეხშო და უფრო გააფთრებით ყვიროდა:

— რაო? მაშ ეგრე? მაწანწალავ, გაგწვრთნეს აგიტატორებმა? დაგვეშეს?

სარაჯი სხარტად, ჰაერშივე იჭერდა მის სიტყვებს:

— შენ თვითონ ხარ მაწანწალა! — შეჰყვიროდა ის და გული ყელში ებჯინებოდა. — შე სულელო ბებრუხუნავ! განა არ ვიცი რამდენი მიწა გაქვს? რამდენი გაქვს, კატების გამტყავებელო? ორასი? მე კი — ეშმაკმა წაიღოს! — შენი პარზადის ოდენა მიწა თუ მექნება! მერედა, რატომ? ვინა ხარ? რა ხარ? შენ გეკითხები! წითელი კოკი ხარ?

— დაიმახსოვრე-ე, მიტკა! — უმწეოდ შესძახა ბოლოს ტი-

ხონ. ილიჩმა და, რომ შეატყო თავბრუ მესხმისო, ხალხი გაარღვია და ეტლისაკენ გაექანა. — დაიმახსოვრე!

მაგრამ მუქარის არავის ეშინოდა — ყაყანი, ღრიალი და სტვენა დაადევნეს უკან... მერე თავისი ეტლით გარშემო შემოუარა საკარმიდამოს, გარინდული უსმენდა რაღაცას. გავიდა გზაჯვარედინზე, სახე განთიადისკენ მიეპყრო და ყოველ წუთს მზად იყო ცხენისათვის მათრახი გადაეკრა. ნესტიანსა და ბნელ არემარეში სიმშვიდე სუფევდა. ცის დასალიერთან სადაც ჯერ კიდევ ბეუტავდა მოწითალო შუქი, მიწა უფსკრულივით ჩაშავებულიყო.

— დადექ, შე სამგლევე! — ებუზღუნებოდა ტიხონ ილიჩი ცხენს. — დადექ!

შორიდან ისმოდა ხმები, შეძახილები. ყველაზე მეტად ყვიროდა ვანკა კრასნი, რომელიც უკვე ორჯერ იყო ნამყოფი დონეცის მალაროებში. მერე საკარმიდამოს თავზე კვამლნარევი ალი ავარდა: გლეხებმა ბაღში ცეცხლი წაუკიდეს კარავს და დამბაჩა, რომელიც გაქცეულ მედაბურ მებაღეს კარავში დარჩენოდა, თავისთავად ისროდა ცეცხლიდან...

შემდეგ გაიგეს, რომ მართლაც სასწაული მომხდარიყო: ერთსა და იმავე დღეს მთელი მაზრის გლეხები ამბოხებულნიყვნენ. ქალაქის სასტუმროები დიდხანს იყო გამოტენილი მექამულეებით, რომლებიც მთავრობისაგან შევლას ითხოვდნენ. მაგრამ შემდეგ ტიხონ ილიჩიც სირცხვილით იგონებდა, რომ თვითონაც ითხოვდა შევლას, — სირცხვილით, რადგან მთელი ამბოხება იმით დამთავრდა, რომ გლეხებმა იყაყანეს მაზრაში, გადაწვეს და გაანადგურეს რამდენიმე საკარმიდამო და გაჩუმდნენ. ცოტა ხნის შემდეგ სარაჯმა, ვითომც არაფერი მომხდარიყოს, კვლავ დაიწყო სიარული ვორკოლის დუქანში, მოწიწებით უხდიდა ქუდს კარის ზღურბლთან და თითქოს ვერც კი ამჩნევდა, რომ მისი გამოჩენისას ტიხონ ილიჩს სახე ეღუშებოდა. თუმცა ჯერ კიდევ იყო მითქმა-მოთქმა — ღურნოვეკლები ტიხონ ილიჩს მოკვლას უპირებენო. ტიხონ ილიჩს ეშინოდა, როცა ღურნოვეკიდან მომავალს გზაში შეაგვიანდებოდა, ჯიბეში მოსინჯავდა „ბულდოგს“, რომელიც მომბებურებლად ქაჩავდა შარვლის ჯიბეს, იფიცებდა, რომ ერთ მშვე-

ნიერ ღამეს სულ მთლად გადასწვავდა ღურნოვკას... მოწამ-
ლავდა წყალს ღურნოვკის გუბურებში... მერე მიიქმა-მოფქმაც
შეწყდა. მაგრამ ტიხონ ილიჩმა მტკიცედ გადაწყვიტა გასც-
ლოდა ღურნოვკას. „დამარხული ოქრო დაკარგულიაო“.

ამ წელს ტიხონ ილიჩი ორმოცდაათისა სრულდებოდა, მაგ-
რამ მამად გახდომაზე მაინც ოცნებობდა. და აი, სწორედ ამ
ოცნებას შეახვედრა იგი როდკას.

როდკა, ახმახი, მოღუშული სახის ულიანოვკელი ქაბუკი,
ორი წლის წინათ იაკობის ქვრივ ძმასთან ფედოტთან და-
სახლდა. დაქორწინდა, ქორწილის დროს ღვინოში ჩამხრჩვალ
ფედოტი დაასაფლავა, და სალდათად წავიდა. ხოლო პატარძა-
ლი, — ჩამოსხმული ტანის, ნაზი, თეთრ-ყირმიზი სახის გრძელ-
წამწამა ქალი, — საკარმიდამოში დღიურ მუშად მოეწყო. ეს
წამწამებიც საშინლად აღელვებდნენ ტიხონ ილიჩს. ღურ-
ნოვკელი დედაკაცები თავზე „რქებს“ ატარებენ: გათხოვდე-
ბიან თუ არა, ნაწნავებს საქოჩრეზე აიწევენ, შემდეგ თავშალს
წაიხურავენ, და გამოდის რაღაც ველური, პირუტყვეული. ატა-
რებენ ძველებურ, მუქლილისფერ, შინნაქსოვ ყაითნიან შალის
კაბას, სარაფანის მსგავს თეთრ წინსაფარსა და ქალამნებს.
მაგრამ პატარძალი, — ასევე შერჩა კიდევ ეს სახელი, — ამ
მორთულობითაც კარგი იყო. ერთ საღამოს, ბნელ საცხებელში,
პატარძალი მარტოდმარტო აგროვებდა თავთავს. ტიხონ ილიჩ-
მა მიმოიხედა, სწრაფად შევიდა მასთან და სხაპასხუპით უთხრა:
— ყელიან ფეხსაცმელს ჩაგაცმევ, სულ აბრეშუმის თავ-
შლებს დაგახურავ... ოცდახუთმანეთიანსაც არ დავინანებ!

მაგრამ პატარძალი მკვდარივით დუმდა.

— გესმის თუ არა? — ჩურჩულით შესძახა ტიხონ ილიჩმა.

ქვადქცეული პატარძალი თავჩაღუნული იდგა და ფოცხს
იქნევდა.

მან ვერ მიაღწია საწადელს. სწორედ ამ დროს ჩამოვიდა
როდკა. ვადაზე ადრე, ცალთვალა. ეს იყო ღურნოვკელთა ამ-
ბოხებიდან ცოტა ხნის შემდეგ, და ტიხონ ილიჩმა მაშინვე
დაიქირავა როდკა მისი ცოლითურთ ღურნოვკის საკარმიდა-
მოში: ასეთ დროს უსალდათოდ ყოფნა შეუძლებელიაო, —
მოიმიზეზა მან. ელიაობის წინა დღეს როდკა ახალი ცოცხებისა

და ნიჩბების საყიდლად წავიდა, პატარძალი კი სახლში იატაკს რეცხავდა. ტიხონ ილიჩმა ტბორებს გადააბიჯა, ოთახში შევიდა; თვალი შეავლო იატაკისკენ თავდახრილ პატარძალს, ჭუჭყიანი წყლით დაწინწკლულ მის თეთრ კანკებს, გათხოვების შემდეგ ჩამრგვალებულ ტანს... უცებ რაღაც განსაკუთრებით მარჯვედ მოიკრიბა ძალა, სურვილი და პატარძლისაკენ გაემართა. წამოჭარხლებული ქალი სწრაფად გასწორდა წელში, აღზნებული სახე ასწია, სველი ჩვარი მოუღერა და უცნაურად შეპყვირა:

— გაჩე, თორემ გაგთხუპნე!

ტიხონ ილიჩს ნარეცხი წყლის, ცხელი ტანისა და ოფლის სუნი ეცა... იგი ხელში სწვდა პატარძალს, მხეცურად ჩაბლუჯა, დაიქნია და ჩვარი გააუდებინა, მარჯვენა ხელი წელზე მოჰხვია, ისე ჩაიკრა, რომ ძვლებმა ტკაცატკუცი დაიწყეს, — და პეორე ოთახისაკენ გააქანა, სადაც საწოლი იდგა. ახლა პატარძალს თავი უკან გადაეგდო, თვალები ფართოდ გაეღო და უკვე აღარ ფხარკალებდა, აღარ ეწინააღმდეგებოდა...

ამის შემდეგ სატანჯველი იყო მისთვის თავისი ცოლის ყურება, როდესაც ცქერაც, გახსენება იმისა, რომ როდესაც პატარძალთან სძინავს, უწყალოდ სცემს ყოველდღე და ყოველდამ. სულ მალე შეძრწუნდა კიდევ. ძნელმისაწვდომია გზა, რომელსაც უნდა დაადგეს სიმართლის მაძიებელი იქვნეული კაცი. როდესაც იპოვა ეს გზა. ხმელ-ხმელი, ცალთვალა, მაიმუნივით გრძელხელება და ძლიერი როდესაც, რომელსაც მოკლედ შეკრეჭილი, შავი, პატარა თავი ნიდაგ ჩაღუნული ჰქონდა და ჩაღრმავებული, ელვარე თვალით წარბებს, ქვემოდან იყურებოდა, საშიში გახდა. სალდათად ყოფნისას რაღაც თავისებური სიტყვები შეიძვისა და, როცა პატარძალი უკმეხი სიტყვის თქმაზე შეპასუხებას გაბედავდა, როდესაც დინჯად აიღებდა მათრახს, ბოროტი ღიმილით მივიდოდა მასთან და მშვიდად ეკითხებოდა:

— რაებს მიჰქარამ?

და ისე დაურთავდა მათრახს, რომ ქალს თვალთ უბნელდებოდა.

ერთხელ ამნაირ ანგარიშსწორებას ტიხონ ილიჩმაც შეუსწრო, ვერ მოითმინა და შესძახა:

— რასა შერები, არამზადაე?!

მაგრამ როდკა წყნარად ჩამოჯდა სკამზე და შეხედა:

— რაებს მიჰქარამ? — ჰკითხა მან.

ტიხონ ილიჩმა სწრაფად გაიჯახუნა კარი...

ახლა უკვე ველური აზრი გაუელვებდა ხოლმე თავში: საქმე ისე უნდა მოეწყო, რომ როდკას ან სახლის სახურავი ჩაბოქცეოდა თავზე, ანდა მიწას ჩაეტანა... მაგრამ გავიდა ერთი თვე, მეორეც — და იმედი, ის იმედი, რომელიც თავბრუს ახვევდა მას, მწარედ გაუცრუვდა: პატარძალი ფეხმძიმედ არ შეიქნა რალა საჭირო იყო ამის შემდეგ ცეცხლთან თამაში? საჭირო იყო თავიდან მოეშორებინა როდკა, რაც შეიძლება მალე გაეგლო იგი.

მაგრამ ვინ უნდა მოეყვანა მის მაგივრად?

შემთხვევამ იხსნა. მოულოდნელად ტიხონ ილიჩი ძმას შეურიგდა და დაიყოლია ღურნოვკის მოურავობა ეკისრა.

ქალაქელი ნაცნობისაგან გაიგო, რომ კუზმას დიდხანს ემუშავა მემამულე კასატკინთან კანტორის მოსამსახურედ და, რაც ყველაზე საკვირველია, — „ავტორი“ გამხდარიყო. დიახ, თითქოს დაებეჭდათ მისი ლექსების მთელი წიგნი და უკანა გვერდზე წაეწერათ: „ავტორის საწყობი“.

— ჰო-ო! — გააგრძელა ტიხონ ილიჩმა ამის გაგონებაზე. — ყოჩაღ, კუზმა! ჰერე, იქნება ესეც მითხრათ, კუზმა კრასოვის ნაწარმოებიო, ასე დააწერეს?

— ზუსტად აგრე, — უპასუხა ნაცნობმა, რომელსაც ბევრ ქალაქელსავით დაბეჯითებით სწამდა, რომ კუზმას ლექსები წიგნებიდან და ჟურნალებიდან ჰქონდა „აწაპნილი“.

მაშინ ტიხონ ილიჩმა, დაევის სახამროში რომ უჯდა მაგიდას, ადგილიდან არც ამდგარა, ისე დაწერა დასაბუთებული და მოკლე წერილი ძმისადმი: დროა ბერიკაცები შევრიგდეთ და ცოდვები მოვინანიოთო. მეორე დღეს კი დაევის სახამროში ძმები შერიგდნენ და საქმეზეც ისაუბრეს.

დილა იყო და სახამროში ჯერ არ მოეყარა ხალხს თავი. მზე იხედებოდა მტკრიან ფანჯრებში, ანათებდა წითელსუფრა-გადაფარებულ სველ მაგიდებს, ქატოთი ახლახან მოხეხილ მუქ იატაკს. რომელსაც საჯინიბოს სუნი ასდიოდა, თეთრ ხალათებსა და შარვლებში გამოწყობილ მსახურთ. გალია-

ში შეუსვენებლივ ჭიკჭიკებდა იადონი, თითქოს ცოცხალი კი არა, დაქოქილიაო. ტიხონ ილიჩი ბრაზიანი, მაგრამ დინჯი სახით მიუჯდა მაგიდას და ის იყო ორი ჭიქა ჩაი მოითხოვა, რომ ყურში დიდი ხნის ნაცნობი ხმა ჩაესმა:

— გამარჯობა შენი!

კუზმა ძმაზე დაბალი და გამხდარი იყო, ხმელ-ხმელი, ფართოყვრიმალძვლიანი პირისახისა, მოღუშული, რუხი წარბები და მომწვანო, პატარა თვალები ჰქონდა. უბრალოდ არ დაუწყია ლაპარაკი:

— უპირველეს ყოვლისა, გავაცნობ, ტიხონ ილიჩ, — დაიწყო, როგორც კი ტიხონ ილიჩმა ჩაი დაუსხა, — გავაცნობ ვინა ვარ მე, რომ იცოდე... — მან ჩაიციხა: — ვისთანა გაქვს საქმე...

ლაპარაკის დროს სჩვეოდა სიტყვების გამოკვეთა, წარბების აწევა, პიჯაკის ზედა ღილის შეხსნა და შეკვრა. ღილი რომ შეიკრა, განაგრძო:

— მე, ხომ ხედავ, ანარქისტი ვარ...

ტიხონ ილიჩმა წარბი შეხარა.

— ნუ შიშობ. პოლიტიკაში მე არ ვერევი. ფიქრს კი ვერავინ ამიკრძალავს. შენც არაფერი დაგიშავდება. ბეჯითად ვიმუშავებ, მაგრამ, პირდაპირ გეტყვი, — ხალხს ტყავს არ ვაძრობ.

— აღარც დროა სამაგისო, — ამოიოხრა ტიხონ ილიჩმა.

— რატომ, დრო არ შეცვლილა. ტყავის გაძრობა კიდევ შეიძლება, მაგრამ არა, არ ვარგა. მეურნეობას გავუძღვები, თავისუფალ დროს კი თვითგანვითარებას მოვანდომებ... წიგნების კითხვა.

— ოჰ, მხედველობაში იქონიე: კითხვას აჰყვები — ვალებს ჩაჰყვები! — თქვა მან, თავი გააქნია და ტუჩები გამობურცა. — შენ დაიჯერე, არც არის ჩვენი საქმე.

— მე კი აგრე არ ვფიქრობ, — მიუგო კუზმამ. — მე, ძმაო, როგორ გითხრა? — უცნაური რუსი კაცი ვარ.

— მეც რუსი ვარ, მხედველობაში იქონიე, — ჩაუღრთო ტიხონ ილიჩმა.

— მაგრამ სხვა. არ მინდა ვთქვა, რომ შენზე უკეთესი ვარ, მაგრამ სხვა კი ხარ. აი, მე ვხედავ, ამაყოზ რუსი ვარო. მე კი,

ძმაო, ოჰ, სულაც არა ვარ სლავოფილი! ბევრი მიდებ-მოდება რა საჭიროა და ერთს კი ვიტყვი: თუ ღმერთი გწამთ, ნუ იქებთ თავს, რომ რუსები ხართ! ველური ხალხი ვართ ჩვენ!

ტიხონ ილიჩი მოიღუშა და მაგიდაზე თითები დააკაკუნა.

— ეგ კი მართალია, — თქვა მან. — ველური ხალხი ვართ, შფოთიანი.

— ჰოდა, მეც მაგას ვამბობ. მე, შემძლია ვთქვა, რომ საკმაოდ ვიხეტიალე ქვეყნად, — რა მერე? — პირდაპირ არსად არ მინახავს ამაზე უფრო მოსაწყენი და ზანტი ხალხი. ხოლო ვინც არ ზარმაცობს, — აღმაცერად შეხედა კუზმამ ძმას, — ისიც არაფრის მაქნისია. იჭაჭება, ბუდეს იშენებს, მაგრამ რა გამოდის?

— როგორ თუ რა გამოდის? — ჰკითხა ტიხონ ილიჩმა.

— როგორ და ისე. ბუდის აშენებასაც ჰკუთხა უნდა. ბაიუ-შივით მარტო ვიქნები, მაგრამ აღამიანურად კი ვიცხოვრებ; აი, ამით და ამით.

და კუზმამ გულსა და შუბლზე დაირტყა თითი.

— ჩვენ, ძმაო, ეტყობა, მაგის თავი არა გვაქვს, — თქვა ტიხონ ილიჩმა.

„იცხოვრე სოფლად, წუნწუხა წვენი თქვლიფე და თქვლიფე, თან ქალამნები ცვითე და ცვითე!“

— ქალამნები! — ღვარძლინად შეეპასუხა კუზმა. — მეორე ათასეული წელია დავატრევთ, ძმაო, ამ ქალამნებს, სამგზის წყეულ იყვნენ ისინი. ვინ არის დამნაშავე? თათრებმა, გესმის, დაგვარბიეს! ჩვენ, გესმის, ახალგაზრდა ხალხი ვართ! ალბათ ევროპაშიც ცოტას არ ააოხრებდნენ — სხვადასხვა მონღოლები. გერმანელებიც არ უნდა იყვნენ ჩვენზე ხნიერნი... ჰო, ამაზე საგანგებოდ უნდა ილაპარაკოს კაცმა!

— მართალია! — თქვა ტიხონ ილიჩმა. — ჯობს საქმეზე ვისაუბროთ!

თუმცა კუზმამ მაინც განაგრძო:

— ეკლესიაში არ დავდივარ...

— მაშ მალაკანი ხარ? — ჰკითხა ტიხონ ილიჩმა და გაიფიქრა: „დავიღუპე! უნდა გავეცალო დურნოვკას!“

— არა, მალაკნის მსგავსი, — გაეცინა კუზმას. — ჰო, შენ

დადიხარ? შიში და გაჭირვება რომ არა, — სულაც დაივიწყებდი.

— რას იზამ, მე არც პირველი ვარ და არც უკანასკნელი, შეეპასუხა სახემოდღუშული ტიხონ ილიჩი. — ყველა სცოდავს. აკი ნათქვამიც არის: სულის ამოსვლისას ღმერთი ყველას შეუნდობსო.

კუზმამ თავი გააქნია:

— ისევ მოჰყევ ძველებურს, — უთხრა მან მკაცრად. — აბა დაუფიქრდი: განა ასე შეიძლება? მთელი სიცოცხლე კაცმა ღობაში გაატაროს, სული ამოუვიდეს — და ყოველივე ერთბაშად გაქრეს! არის აქ რაიმე აზრი?

საუბარი მძიმე ხდებოდა. „ესეც მართალია“, — გაიფიქრა ტიხონ ილიჩმა, ელვარე თვალებით რომ მისჩერებოდა მაგიდას. მაგრამ, როგორც ყოველთვის, სურდა ღმერთზე და ცხოვრებაზე ფიქრსა და საუბარს მორიდებოდა და, რაც ენაზე მოადგა, ისა თქვა:

— სამოთხეში მოხვედრას რა სჯობს, მაგრამ ცოდვები არ მიშვებენ.

— აი, აი, აი! — სიტყვა ჩამოართვა კუზმამ და მაგიდაზე თითი დააკაუნა. — ყველაზე საყვარელი, ყველაზე დამლუპველი თვისებაა ჩვენი: სიტყვა სხვაა, საქმე — სხვა! რუსული ჰანგია, ძმაო: ღორულად ცხოვრება ცუდია, მაგრამ მაინც ღორულად ვცხოვრობ და ვიცხოვრებო! აბა, ახლა საქმეზე ილაპარაკე...

იადონი გაჩუმდა. სახამროში ხალხი გროვდებოდა. ახლა უკვე ბაზრიდან გარკვევით ისმოდა, როგორ ქვითქვითებდა რომელიღაც დუქანში მწყერი. და, სანამ საქმეზე საუბრობდნენ, კუზმა ყურს უჯდებდა მას და ხანგამოშვებით ხმადაბლა ამბობდა: „ყოჩაღ!“ ხოლო როცა შეთანხმდნენ, მაგიდას ხელი დაჰკრა და ომახიანად თქვა:

— მაშ ასე, — პირობას ნულარ გადავალთ! — პიჯაკის უბეში ხელი ჩაიყო, ქაღალდების მთელი დასტა ამოიღო, იქიდან ნაცრისფერყდიანი წიგნაკი გამოარჩია და ძმას წინ დაუდო.

— აი, — უთხრა მან. — ვემორჩილები შენს თხოვნას და

ჩემს სისუსტეს. წიგნაკი ცუდია, ლექსები მოუფიქრებელი, ძველი... მაგრამ რას იზამ. აჰა, გამომართვი და შეინახე.

და ტიხონ ილიჩი კვლავ ააღელვა იმან, რომ მისი ძმა ავტორი იყო, რომ ამ ნაცრისფერ ყდაზე ეწერა: „კ. ი. კრასოვიჩის ლექსები“. წიგნაკი ხელში შეატრიალა და გაუბედავად თქვა:

— წაგეკითხა მაინც რამე... ა? ქენი სიკეთე, წაიკითხე სამიოთხი ლექსი!

კუზმამ თავი ჩალუნა, პენსნე გაიკეთა, წიგნი შორს დაიჭირა და, შუშიდან პირქუშად გამომზიარალმა, კითხვა დაიწყო. იგი კითხულობდა ლექსებს, რომლებსაც, ჩვეულებრივ, ეტანებოდნენ თვითნასწავლნი: ჰბაძავდა კოლცოვსა და ნიკიტინს, გამოთქვამდა ბედისა და გაჭირვების სამდურავს, ბრძოლად იწვევდა მთას მიფარებულ საავდრო ღრუბელს. მაგრამ გამხდარი სახე ეფაკლებოდა, ხანგამომშვებით ხმა უთრთოდა. ტიხონ ილიჩს თვალები უბრწყინავდა. მთავარი ის ჩოდი გახლდათ, კარგი იყო თუ ცუდი ლექსები, — მთავარი ის იყო, რომ ისინი შეთხზა მისმა ღვიძლმა ძმამ, უბრალო ადამიანმა, რომლისგანაც წევოსა და ძველი ჩექმების სუნი სცემდა...

— ჩვენ კი, კუზმა ილიჩი, — თქვა მან, როცა კუზმა გაჩუმდა, პენსნე მოიძრო და თავი ჩაჰკიდა, — ჩვენ კი ერთი სიმღერა გვაქვს...

მან უსიამოდ გამობურცა ტუჩი:

— ჩვენ ერთი სიმღერა გვაქვს: რა და რამდენად?

ძმა რომ დურნოვკაში დააბინავა, ტიხონ ილიჩს კიდევ უფრო ჩაუვარდა გულში ეს სიმღერა. სანამ ძმას დურნოვკის მმართველობას ჩააბარებდა, მან შარი მოსდო როდკას იმის გამო, რომ ძალღებმა ახალი ჰაპანი შეუქამეს, და სამუშაოდან დაითხოვა. როდკამ ამის პასუხად უტიფრად ჩაიციინა და მშვიდად გაემართა ქოხისაკენ, რათა იქიდან გადაბარებულყო. პატარძალიც თითქოს აუღელვებლად შეხვდა დათხოვნას, — რაც ტიხონ ილიჩს დაშორდა, კვლავ გულგრილად დუმდა და თვალებში აღარ უცქეროდა მას. მაგრამ ნახევარი საათის შემდეგ, როცა უკვე წასასვლელად მზად იყო, როდკა პატარძალთან ერთად მივიდა ტიხონ ილიჩთან, რათა პატიე-

ბა ეთხოვა. პატარძალი იდგა კარის ზღურბლთან, გაფითრებული, ტირილისაგან დასივებული ქუთუთოებით და დუმდა: როდკას თავი ჩაეჩინდრა, ქედს კმუქნიდა და ისიც ცდილობდა ეტირო, — საძაგლად იმანქებოდა, ტიხონ ილიჩი კი იჯდა, წარბებს ათამაშებდა და საანგარიშოს აჩხაკუნებდა. მხოლოდ ერთ რამეში გამოიჩინა მოწყალება. ჭაპანის ფული არ დაუქვითა.

ახლა ის უდრეკი იყო. როდკას რომ იშორებდა და საქმეს ძმას აბარებდა, იგი თავს მხნედ და კარგად გრძნობდა: იმედი არა მაქვს მისი, ფუქსავატი კაცი ჩანს, მაგრამ არა უშავს, ჯერ-ჯერობით გამოდგებაო. ვორგოლში დაბრუნებული, შეუსვენებლივ ფუსფუსებდა მთელ ოქტომბრის თვეს. და, თითქოს გაუმართლავ, მთელ ოქტომბერში შესანიშნავი ამინდები დაიჭირა. მაგრამ უეცრად გაავდარდა, — დაიწყო ქარიშხალი, კოკისპირული წვიმები, ხოლო დურნოვკაში სრულიად მოულოდნელი რამ მოხდა.

ოქტომბერში როდკა რკინიგზაში მსახურობდა, პატარძალი კი შინ უსაქმოდ იჯდა; მხოლოდ ხანდახან მუშაობდა თხუთმეტ ან ოც კაპიკად საკარმიდამო ბაღში. უცნაურად იქცეოდა: სახლში დუმდა, ტიროდა, ხოლო ბაღში კი ძალზე მხიარული იყო, კისკისებდა, მღეროდა თხა-დონკასთან, თავქარიან ლამაზ ქალიშვილთან ერთად, ეგვიპტელს რომ ჩამოჰგავდა. თხა ცხოვრობდა ერთ მედაბურ კაცთან, რომელსაც ბალი ჰქონდა დაქირავებული. პატარძალი, რატომღაც დაუმეგობრდა ამ ქალიშვილს, გამომწვევად უცქეროდა მის ძმას, უტიღარ ბიჭს და თან სიმღერით ანიშნებდა, რომ ვილაცის სიყვარულით იდაგებოდა. რა ურთიერთობაში იყო მასთან, არავინ იცის, მაგრამ ეს ამბავი კი დიდი უბედურებით დამთავრდა: ყაზანის ღვთისმშობლის დღესასწაულის წინ ქალაქში გამგზავრებამდე მედაბურებმა კარავში „სალამო“ გამართეს, — მოიწვიეს თხა და პატარძალი, მთელ ღამეს ღრეობდნენ, პიტნის თაფლაკვერებს აკმევედნენ მეგობარ ქალიშვილებს, ასმევედნენ ჩაისს. არაყა, ხოლო გამთენიის ხანს, როცა უკვე ფორანი შეაბეს, უეცრად, ხარხარით, მთვრალი პატარძალი მიწაზე დასცეს, ხელები შეუკოქეს, კაბა აუწიეს, თავზე წამოახურეს და თოკით შეუკრეს.

შეშინებული თბა გაიქცა და სველ შამბნარში დაიმალა, ხოლო როცა მედაბურებმა თავიანთი ფორნით ბალიდან მოკურცხლეს და თბამ შამბნარიდან თავი გამოყო, დაინახა, რომ წელს ქვე-მთ შიშველი პატარძალი ხეზე ეკიდა. მწუხარე, ნისლიანი ვან-თიადი იყო, ბაღში წვიმა ცრიდა, კრიჭაშეკრული თბა ცრეჭ-ლად იღვრებოდა, პატარძალს თოქს ხსნიდა და თან წარამარა იფიცებდა: უწინამც მიწა გამიქედება, სანამ სოფელი ბაღში მომხდარ ამბავს გაიგებდესო... მაგრამ ერთი კვირაც არ გასუ-ლა, რომ დურნოვკაში უკვე დაირხა ხმა პატარძლის შერცხვე-ნის შესახებ.

ამ მითქმა-მოთქმის შემოწმება, ცხადია, შეუძლებელი იყო: ნახვით არავის უნახავს, თხას კი ასეთი რამეების მოჩმახვა ძვირად არ უღირდა. მითქმა-მოთქმას კი ბოლო არ უჩანდა; ყველანი მოუთმელად ელოდნენ როდის მოვიდოდა როდკა და როგორ გაუსწორდებოდა ცოლს. თავგზააბნეული ტიხონ ილიჩიც მღელვარებით ელოდა ამ ანგარიშსწორებას. — ბაღში მომხდარი ამბავი მას თავისი მოჯამაგირეებისაგან გაე-გო. ხომ შეიძლებოდა ეს ამბავი მკვლელობით დამთავრებუ-ლიყო! მაგრამ იგი ისე დასრულდა, რომ კაცმა არ იცის რა უფრო განაცვიფრებდა დურნოვკას, — მკვლელობა თუ საქმის ამგვარი დაბოლოება. მიხეილობის წინაღობის როდკა „პერან-გის გამოსაცვლელად“ დაბრუნდა შინ და მუცლის გვრემას გადაჰყვა! ვორგოლში ეს ამბავი გვიან საღამოს გაიგეს, მაგრამ ტიხონ ილიჩმა მაშინვე ბრძანა ცხენი შეეხათ და სიბნელესა და წვიმაში ძმისაკენ გაეშურა. ცხელ გულზე ჩაის ერთი ბოთ-ლი ნაყენი დააყოლა, აღგზნებული, მკვირცხლი თვალები მიაპ-ყრო ძმას და გამოუტყდა:

— ჩემი ბრალდა, ძმაო, ჩემი!

კუზმა კარგა ხანს დუმდა. მის ლაპარაკს რომ მოუსმინა, დიდხანს მიმოდოდა ოთახში, თითებს ათამაშებდა, იფშენე-ტდა და სახსრებში ატკაცუნებდა. ბოლოს, სრულიად მოულო-დნელად თქვა:

— აბა ერთი იფიქრე: ვანა არის ვინმე ჩვენს ხალხზე უფ-რო უღმობელი? ქალაქში ქურდბაცაცას, რომელმაც ფარდუ-ლიდან კაპიკის საღირალი კვერი მოიტაცა, ღორმუცელათა

მთელი ბრბო მისდევს და როცა დაეწევა, საპონს აჭმევს. ხანძრის იუ ჩხუბის საყურებლად მთელი ქალაქი გამორბის; მერე როგორ სწყდებათ გული, თუ ხანძარი ან ჩხუბი მალე დამთავრდა. თავს ნუ აკანტურებ: გული სწყდებათ! მერე როგორ ტკიებიან, როცა ვინმე თავის ცოლს გვემით სიკვდილის პირამდე მიიყვანს, პატარა ბიჭს წიკპლის ცეშით სულსა ხდის, ანდა მასხრად იგდებს. ეს ყველაზე სამხიარულო ამბავია.

— მხედველობაში იქონიე, — გაცხარებით მოუჭრა სიტყვა ტიხონ ილიჩმა, — თავხედები ყველგან და ყოველთვის ბევრნი იყვნენ.

— მაშ ეგრე. მაშ შენ თვითონ არ მოიყვანე ისა... რა ჰქვია? ის სულელი?

— მოტია ბატისტინა? — ჰკითხა ტიხონ ილიჩმა.

— ჰო, ჰო... შენს თავშესაქცევად არ მოიყვანე?

ტიხონ ილიჩმა ჩაიციხა: მოიყვანა. ერთხელ რკინიგზით მოიყვანეს მოტია, — შაქრის კასრში იჯდა. უფროსობა მისი ნაცნობი იყო და—მოიყვანეს. კასრზე კი დაეწერათ: „მოერიდეთ. შუში სულელია“.

— და ამ სულელებს თავშესაქცევად ჩუქნობას ასწავლიან! — მწარედ განაგრძობდა კუზმა. — საწყალ საპატარძლოებს ჰიშვარს კუპრით უთხვრიან! ღარიბ-ღატაკებს ცოფიან ძაღლებს უსევენ! სახურავიდან ქვებით ძირს აგდებენ მტრედებს და ამით ერთობიან! მტრედების შექმა კი, გესმის, დიდი ცოდვაა. თვით სულიწმიდა, გესმის, მტრედად გადაიქცევა ხოლმე!

სამოვარი დიდი ხანია გაცივდა, სანთელი ჩამოიღვენთა, ოთახში ლურჯი კვამლი იკმეოდა, ჯამი სავსე იყო მყრალი, სველი ნაძწვებით. ვენტილატორი, — ფანჯრის ზედა კუთხეში დატანებული თუნუქის მილი, — ღია იყო, ხანდახან შიგ რაღაც ტრიალებდა და სევდისმომგვრელად წრიპინებდა. „სათემო მმართველობაშიც ასეა“, — ფიქრობდა ტიხონ ილიჩი. მაგრამ იმდენი თამბაქო მოეწიათ, რომ ათი ვენტილატორიც ვერ უშველიდათ. სახურავზე წვიმა უხაპუნობდა, ხოლო კუზმა ოთახის ერთი კუთხიდან მეორეში მოუსვენრად დადიოდა და ამბობდა:

— ჰო-ო, რა ეთქმის კაცს, კარგია! აუწერელი სიკეთეა ისტორიას წაიკითხავ — თქვა ყალყზე დაგადგება: ძმა ძმას არ ინდობს, მძახალი — მძახალს, შვილი — მამას, მუხანათობა და მკვლელობა, მკვლელობა და მუხანათობა... თქმულებები ხომ მთელი სიამოვნებაა: „განურღვია მან მკერდი თეთრი“, „ნაწლავები გადმოაყრევიან“... ილიამ თავის ღვიძლ ქალი-შვილს „მარცხენა ფეხზე ფეხი დაადგა, მარჯვენაში ხელი სტაცა და გახლეჩა დაუპირა“... ახლა სიმღერები? სულ ერთი და იგივე, ერთი და იგივე: დედინაცვალი — „აჟი და ანჩხლი“, მამამთილი — „ბოროტი და შარიანი“, „ჩამომჯდარა ფიცარნაგზე, ქოფაკივით იღრინება“, დედამთილიც ასევე „ბოროტია“, „არ შორდება ღუმელს, და სუყველას უღრენს“, რძლები — უთუოდ „ლაქლაქები და მიზეზიანები“, მასლები — „ენამწარე მქირდავნი“, ქმარი — „ან სულელი ან ლოთი“, „მამამთილი — მამილო მის ცემას არ თაკილობს, არ აჯერებს ამ ყოფას, ბოლოს ოთხშიც ამოჰყავს“, ხოლო რძალი მამილოს „მოურეცხავს იატაკს, ნარეცხს ურევს შეჰამანდა, დერეფანში ლაფს-ლესავს — გამოუცხობს ღვეხელსა“, ქმარს კი ასეთი სიტყვებით მიმართავს: „აღე, ოხერო, ნუ გძინავს, ნარცხი ისხურე პირსაო, ფეხსახვევს იხმარ სახოცად, აგრემც მოიტეხ კინჩხსაო“... ახლა ჩვენი ოხუნჯობა, ტიხონ ილიჩ! განა ამაზე ბინძურსა და უწმაწურ რამეს მოიგონებს კაცი! ახლა ანდაზები „ერთ ჭკვიანს ორი სულელი სჯობიაო“... „ალალმართლობა ქურდობაზე უარესიაო“...

— ესე იგი; შენ რომ გკითხოს კაცმა, მათხოვრული ცხოვრება სჯობს? — დამცინავად შეეკითხა ტიხონ ილიჩი.

კუზმამ მხიარულად მიუგო:

— ჰოო, მეც მანდა ვარ! მთელ ქვეყანაზე არ მოიძებნება ჩვენზე შიშველ-ტიტველი ხალხი და არც ისეთი, რომელსაც სულატაკე ჩვენზე უფრო ათავებდებდეს. ყველაზე მეტად რით მოუწამლავ კაცს გულს? სიღატაკით! „ოხერო! რა ჩაგახეთქო, რაც არა მჯქვსო...“ დენისკასი არ იყოს... დენისკა... აი, ის... მგელკაცას ბიჭი რომაა... მეწაღე... ამასწინათ მეუბნება...

— მოიცა. — სიტყვა გააწყვეტინა ტიხონ ილიჩმა, — თვითონ მგელკაცა როგორღა არის?

— დენისკა ამბობს, — შიმშილით კუჭი უხმებაო.

— ურცხვი გლახაკია! — დაბეჯითებით თქვა ტიხონ ილიჩმა. — უშენოდაც კარგად ვიცნობ.

— მე იმაზე არც გელაპარაკები, — გაბრაზებით მიუგო კუჭმამ. — ჯობს დენისკას ამბავი მოისმინო. ჰოდა, ასე მიაბზო: „ზოგჯერ, შიმშილობის წელიწადს, გამოვიდოდით ჩვენ, ქარგლები, ჩორნაია სლობოდაში, იქ კი მეძავი ქალები ყოველ ფეხის გადადგმაზე გვხვდებოდნენ. მერედა, რა დამშეულები იყვნენ ის ოხრად დასარჩენები! გასამრჯელოდ ნახევარ გირზანქა პურს მისცემდი, და ისიც შენთან ხვევნაში სულ მთლად შეხეთქავდა... სიცილით ვიხოცებოდი!.. გაიგე! — მკაცრად შესძახა კუჭმამ და შეჩერდა: — სიცილით ვიხოცებოდი!

— მოიცა ერთი, თუ ღმერთი გწამს, — კვლავ შეაწყვეტინა ტიხონ ილიჩმა, — ორიოდ სიტყვა მაინც მათქმევინე ჩვენ საქმეზე!

კუჭმამ ლაპარაკი შეწყვიტა.

— ჰო, თქვი, — უთხრა მან, — რა გაქვს სათქმელი? რა უნდა ჰქნა? არაფერი! ფული უნდა მისცე — მორჩა და გათავდა. აბა იფიქრე: არც საწვავი აქვს, არც სასმელ-საქმელი, დასამარხავი ფულიც არ აბადია! მერე კი ისევე დაიქირავე. ჩემთან იყოს მზარეულად...

ტიხონ ილიჩი, სანამ ინათებდა, მანამ გაუდგა შინისაკენ გზას. ცივი, ნისლიანი დილა იყო. პაერში სველი თივისა და კვამლის სუნი ტრიალებდა. ნისლით შებურვილ სოფელში ზრინწიანად ყიოდნენ მამლები, პარმალთან ეძინათ ძაღლებს, ეძინა ბებერ ინდაურს, რომელსაც სახლის ახლო ვაშლის ხის ნახევრად შიშველ, შემოდგომის მკვდარი ფოთლებით შეფერადებულ ხმელ ტოტზე მოეკალათნა. მინდორში ქარის მიერ მოდენილი სქელი, რუხი ნისლი ჩამოწოლილიყო და ორ ნაბიჯზეც კი ვერაფერს გაარჩევდა კაცი.

ტიხონ ილიჩს არ ეძინებოდა, მაგრამ დაქანცული იყო და, როგორც ყოველთვის, სწრაფად მიაქანებდა კუდაკრულ წაბლისფერ ფაშატს; ცხენი სირბილით გახვითქულიყო და უფრო გამხდარი, კოხტა და მუქი ჩანდა. ტიხონ ილიჩმა ქარს თავი

მოარიდა, მარჯვენა მხარეს წვიმის წვრილი წვეთებით სულ მთლად შევერცხლილი ზიფთანის ცივი და სველი საყულო აიწია და წამწამებზე დაკიდებულ ცივ წვეთებს მიღმა უყურებდა, რა სქლად ედებოდა ბლანტი შავი მიწა სწრაფად მსრბილ თვლეს, როგორ იდგა მის წინ ტალახის შადრევანი, რომლის შხეფები მალლა იტყორცნებოდნენ და ჩექმის ყელეებზე ეწებებოდნენ, ალმაცერად შესცქეროდა ცხენის ღონიერ ბარძაყს, მის გადაკუსულ, ნისლით დაფარულ ყურებს... ხოლო როცა მან, ტალახით სახეაჭრელებულმა, როგორც იქნა, სახლამდე მიაგელვა ეტლი, პირველი, რაც თვალში ეცა, იყო იაკობის ცხენი, რომელიც საბმურთან იდგა. ტიხონ ილიჩმა სწრაფად შემოახვია სადავე კოფოს, ეტლიდან ჩამოხტა, დუქნის ღია კართან მიიბრინა — და შიშნაკრავი შედგა.

— უტვინო — ამბობდა დახლს იქით მდგარი ნასტასია პეტროვნა, რომელიც, ეტყობა, ტიხონ ილიჩს ბაძავდა, თუმცა ხმა სუსტი და ალერსიანი ჰქონდა. ის თანდათან უფრო იხრებოდა ფულიანი უჯრისაკენ, ჩხრიალა შავ ფულეებში ხელს აფათურებდა და, სიბნელეში ხურდას რომ ვერ პოულობდა, კვლავ იმეორებდა: — უტვინო აბა სად იყიდება ნავთი ამაზე იაფად?

ხურდა რომ ვერ იპოვა, წელში გაიმართა, შეხედა ქუდსა და არმიაკში გამოწყობილ ფენშიშველა იაკობს, რომელსაც უსწორმასწოროდ შეკრეჭილი, რალაცნაირი ფერის წვერი ჰქონდა, და დაუმატა:

— ხომ არ მოწამლა იმ ქალმა?

იაკობმა აჩქარებით წაიდუღუნა:

— ეგ ჩვენი საქმე არ არი. პეტროვნა... ჰირსაც წაუღია მისი თავი... ჩვენი საქმეა განზე ვიდგეთ... განზე...

ტიხონ ილიჩს მთელ დღეს ხელები უკანკალებდა, როცა ეს დუღუნნი გაახსენდებოდა. ყველა, ყველა ფიქრობს, რომ მოწამლა!

იღბლად, საიდუმლო საიდუმლოდ დარჩა: როდცა დამარხეს, პატარძალი მოთქმით აცილებდა კუბოს, ისე გულამოსკვნით ტიროდა, რომ ბევრს უზრდელობადაც მოეჩვენა, — მოთქმით ტირილი ხომ გრძნობის გამოსახატავად არ ხდება, იცა

წესის აღსრულებას ემსახურებაო, — და ტიხონ ილიჩსაც ცოტად თუ ბევრად დაუმშვიდდა შემფოთებული სული.

ამასთანავე ათასი სადავიდარაბო საქმე ჰქონდა, მომხმარე კი არავინ იყო. ნასტასია პეტროვნა ცოტას ეხმარებოდა. მოჯამაგირეებად ტიხონ ილიჩს მხოლოდ „დროებითი“ ხალხი ჰყავდა საწემოდგომო აღებამდე. ისინიც წავიდ-წამოვიდნენ. დარჩნენ მარტო წლიუჩრად მომუშავენი, — მზარეული ქალი, მოხუცი დარაჯი, რომელსაც მეტსახელად კოპტონას ეძახდნენ, და ოსკა ბიჭი, „ღვთის გლახა“. მარტო საქონელი რამდენ ზრუნვას მოითხოვდა! ოცი ცხვარი გამოსაზამთრებელი იყო. ბოსელში ემწყვდიათ, ექვსი შავი, ნიადაგ მოლუშული და რალაციით უკმაყოფილო ტახი. ბოსელში ჰყავდათ სამი ძროხა, მოზვერი და დეკეული. ეზოში იყო თერთმეტი ცხენი, ახორზე კი სისვა ულაცი ედგათ — ავი, მძიმე, ვრძელფაფარა, მკერდგამობურცული, — კეთილშობილი ჯიშისა არ იყო, მაგრამ ოთხასიოდე მანეთი კი ღირდა. მამამისს ატესტატი ჰქონდა, ათას ხუთას მანეთად ფასობდა. ყველაფერ ამას თვალყურის დევნება სჭირდებოდა.

ნასტასია პეტროვნა დიდი ხანია აპირებდა ქალაქში ნაცნობებთან სტუმრობას: ბლოს, როგორც იქნა, მოემზადა და გაემგზავრა. ცოლი რომ გააცილა, ტიხონ ილიჩი უმიზნოდ დაეხეტებოდა მინდორში. ამ დროს შარავნაზე გამოიარა მხარზე თოფგადაგდებულმა ულიანოვკის საფოსტო განყოფილების უფროსმა სახაროვმა, რომელიც ისე მძვინვარედ ეპყრობოდა გლეხებს. რომ ისინი ამბობდნენ: მიაწვდი წერილს და — ხელფები გიკანკალებსო! ტიხონ ილიჩი გზაზე შეხვდა მას. მან წარბი ასწია, შეხედა და გაიფიქრა:

„სულელი ბერიკაცია! ნეტავ რას ზელს ამ ტალახს!“

და მეგობრულად შესძახა:

— სანადიროდ ყოფილხარ, ანტონ მარკინ?

ფოსტის მოხელე შედგა. ტიხონ ილიჩი მივიდა და მიესალმა.

— რა ნადირობა, რის ნადირობა! — უპასუხა მოლუშულმა ფოსტის მოხელემ, რომელსაც ყურები და ცხვირის ნესტოები ხშირი რუხი თმით დაჰფარვოდა, წარბები შუბლზე შემორკა-

ლოდა და თვალები ღრმად ჩასცივენოდა. — ისე გავისეირნე, შემაწუნა ამ ბუასილმა, — თქვა მან და განსაკუთრებით მკაფიოდ გამოთქვა უკანასკნელი სიტყვა.

— მხედველობაში იქონიეთ, — მოულოდნელი სიცხარით შეეხმინა ტიხონ ილიჩი და გაპარკუყულთითებიანი ხელი გაიშვირა, — მხედველობაში იქონიეთ, სულ დაცარიელდა ჩვენი მხარე! ყველაფერი გაწყვეა — ფრინველები, ცხოველები!

— ტყეები ყველგან გაჩეხეს, — თქვა ფოსტის მოხელემ.

— მერედა, როგორი როგორ გაჩეხეს! პიოწმინდად! — მიუღო ტიხონ ილიჩმა.

და მოულოდნელად დასძინა:

— იქუცება! ყველაფერი იქუცება!

თუ რატომ წამოსცდა ეს სიტყვა, ტიხონ ილიჩმა თვითონაც არ იცოდა, მაგრამ გრძნობდა კი, რომ ტყუილ-უბრალოდ არ იყო ნათქვამი. „ყველაფერი იქუცება, — ფიქრობდა ის, — აი, როგორც პირუტყვემა იცის ხანგრძლივი და მძიმე ზამთრის შემდეგ...“ ფოსტის მოხელეს რომ დაემშვიდობა, ტიხონ ილიჩი დიდხანს იდგა შარაგზაზე და უკმაყოფილოდ იყურებოდა გარშემო. ისევ წინწყლავდა, უსიამო სველი ქარი ქროდა. ტალღოვან მინდვრებზე — საშემოდგომო ნათესებზე, ხნულებზე. ნამკალზე და ქალებზე ბინდი წვეებოდა. მოლუშული ცა სულ უფრო და უფრო ეშვებოდა მიწისაკენ. კალისფრად ბრწყინავდნენ წვიმით გადარეცხილი გზები. მოსკოვისაკენ მიმავალ საფოსტო მატარებელს ელოდნენ სადგურზე; იქიდან სამოვრის სუნი მოდიოდა და ეს აღვიძებდა სინანულით აღსაყვ წადილს მყუდროებისა, თბილი სუფთა ოთახისა, ოჯახისა...

ღამით კვლავ წვიმდა, ისეთი სიბნელე იყო, რომ თვალთან თითოს ვერ მიიტანდი. ტიხონ ილიჩს ცუდად ეძინა: სიმწრით აღრქიალებდა კბილებს. ტანში აყრყოლებდა, — საღამოს რომ შარაგზაზე იდგა, მაშინ თუ გაცივდა, — ხიფთანი, რომელიც ეფარა, ძირს ჩამოუცოცდა და ამ დროს ესიზმრა ის, რაც ბავშვობიდანვე ესიზმრებოდა ხოლმე, როცა ღამლამობით ზურგში შესცივდებოდა: ბინდბუნდი, რაღაც ვიწრო შესახვევები, სირბილით მომავალი ბზბო; მძიმე ფორნებითა და შავი

პინიბებით მომქროლავი მენანძრეები... ერთხელ გამოერკვა, ასანთს გაჰკრა, მალეძარა საათს შეხედა,—სამს უჩვენებდა,— ხიფთანი აიღო და, ხელახლა რომ იძინებდა, შიში შეეპარა: დუქანს გაქურდავენ და ცხენებსაც წაასხამენო...

ხან ერვენებოდა, რომ დანკოვოს ფუნდუქში იყო, რომ ღამის წვიმა ალაყაფის კარების საჩინზე შხაპუნობდა და მის თავზე ხანგამოშვებით წკარუნობდა ზარი, — მოვიდნენ ქურდები, ამ უკუნ სიბნელეში მისი ულაყი მოიყვანეს და, თუ გაიგეს, რომ ის აქ არის, მოკლავენ... ზოგჯერ კვლავ უბრუნდებოდა სინამდვილის შეგრძნება, მაგრამ ეს სინამდვილეც შიშის ზარს სცემდა. მოხუცი დარაჯი დადიოდა ფანჯრებს ქვემოთ პატარა ჩაქუჩით ხელში, მაგრამ ხან ერვენებოდა, რომ ის სადღაც შორს, ძალიან შორს იყო, ხან ვითომ ბუიანი ღველავით გლეჯდა ვიღაცას, გამმაგებული ყეფით გარბოდა მინდორში, უეცრად კვლავ გამოჩნდებოდა ფანჯრებს ქვეშ და აღვიძებდა, ერთ ადგილას მდგარი, ჯიუტად ყეფდა. მაშინ ტიხონ ილიჩი დააპირებდა შინიდან გამოსულიყო, ენახა, — რა მოხდა, ყველაფერი რიგზე იყო თუ არა. მაგრამ როგორც კი გაბედავდა და ადგომას დააპირებდა, ბნელ ფანჯრებზე ისე აშხაპუნდებოდა მსხვილი, აღმაცერი წვიმა, რომელსაც ქარი ბნელი, უსასრულო მინდვრებიდან ერეკებოდა, რომ ახლა ყველაზე სანუკვარი ხდებოდა ძილი...

ბოლოს გაიჯახუნა კარმა, შემოიჭრა ტენიანი სიცივე, — დარაჯმა კოპტონამ წინათახში ჩალის კონა შემოაშრილა. ტიხონ ილიჩმა თვალი გაახილა. დანამული ფანჯრებიდან მქრქალი შუქი იჭრებოდა.

— გააჩაღე, გააჩაღე, ძმავ, — ნამძინარევი, ხრინწიანი ხმით უთხრა ტიხონ ილიჩმა, — მერე საქონელს საქმელი დავუყაროთ და დაიძინე.

ბერიკაცი, რომელიც ღამის განმავლობაში უფრო გამხდარიყო, სიცივისა და დაღლილობისაგან სულ ბოლად გალურჯებული, ჩაცვივნილი, უსიცოცხლო თვალებით მიაჩერდა. სველი ქუდი ეხურა, ტანთ სველი, მოკლე ხიფთანი ეცვა, ფეხებზე კი წყლითა და ტალახით გაქლენთილი, დაგლეჯილი ქა-

ლამნები. რაღაც წაიბუზღუნა, ძლივძლივობით ჩაიმუხლა ღუმელთან, შიგ ცივი, სურნელ-ოვანი ძნა შეტენა და კვარით ცეცხლის გაჩაღება დაიწყო.

— ძროხამ ხომ არ მოგაჭამა ენა? — ხრინწიანი ხმით შეუყვირა ტიხონ ილიჩმა ლოგინიდან ჩამოსვლისას. — რა გაბუზღუნებს!

— მთელი ღამე ვეთრიე, ახლა — საქონელს საქმელი დაუყარე! — ჩაიბუზღუნა ბერიკაცმა, ისე რომ თავი არ აუწევია, გეგონება საკუთარ თავს ელაპარაკებო.

ტიხონ ილიჩმა ალმაცერად შეხედა.

— ვიცი, სადაც დაეთრეოდის!

ტიხონ ილიჩმა ჩაიცვა, მუცლის ოდნავი გვრემა დაძლია, ოთახის კარი გააღო და ჯანლიანი დილის სუსხით მოცულ წინკარში გავიდა. ირგვლივ ტყვისფერი ტბორები იდგა, წვიმისაგან ყველა კედელი ჩაქუფრულიყო. ოდნავ ცრიდა; ალბათ სამხრობისას კვლავ დასცხებდნენ, — გაიფიქრა მან და გაკვირვებით შეხედა ბანჯგვლიან ბუიანს, რომელიც კუთხიდან გამოქანდა და შეეგება: თვალები უბრწყინავს, ენა ცეცხლივით წითელი აქვს, მხურვალე სუნთქვას ფსუტის სუნი სდევს თან... ეს მაშინ, როცა მთელ ღამეს დარბოდა და ყეფდა!

ბუიანს საყელოში ხელი მოჰკიდა, ტალახში წატყაპუნდა და ყველა კლიტე დაათვალიერა. მერე ბელის ქვეშ მიჰბაჯა ჯაჭვზე, წინკარში შემობრუნდა და დიდ სამზარეულოში, ქოხში შეიხედა. ქოხში თბილოდა და მყრალი სუნი იდგა; მზარეულ ქალს შიშველ სკამლოგინზე ეძინა, სახეზე წინააფარი დაეხურა, თქო გამოეშვირა, მუცლამდე მოღუნულ ფეხებზე ეცვა ძველი თექის ჩექმები. რომლის ძირებს მიწურ იატაკზე სიარულისაგან სქლად მოსდებოდა ტალახი; ოსკა ტახტზე იწვია, კურტაკი და ქალამნები ეცვა, თავი ჭუჭყიან, მძიმე ბალიშში ჩაერგო.

„შეაცდინა ეშმაკმა ყრმა! — ზიზლით გაიფიქრა ტიხონ ილიჩმა. — ხედავ, მთელ ღამეს გარყვნილებას ეწეოდა, გამთენიისას კი დუქანში შეძვრება!“

თვალი მოავლო ჩაშავებულ კედლებს, პატარა ფანჯრებს,

ნარცხით სავსე გეჯას, უზარმაზარ, განიერ ლუმელს და მკაცრად შეჰყვირა:

— ჰეი! ბატონო ბოიარებო! სინდისიც კარგი საქონელია სანამ მზარეული ლუმელს ახურებდა. ტახებს კარტოფილს უზარშავდა და სამოვარს აჩალებდა, თავშიშველი ოსკა ცხენებსა და ძროხებს აპურებდა. ტიხონ ილიჩმა თვითონ გაძოლო ბოსლის კრიალა კარი და პირველი შევიდა ამ თბილ, ქუქყიან, მყუდრო სადგომში, რომელსაც საჩიხები, ბაგები და საღორეები ჰქონდა შემოვლებული. ბოსელი კოჭებამდე იყო მონებხილი: ნაკელი, შარდი, წვიმის წყალი ერთმანეთში არეულიყო და სქელი, ყავისფერი ტლაპო წარმოეშვა. ზამთრის მუქ ხავერდოვან ბალნიანი ცხენები საჩიხების ქვეშ დაეხეტებოდნენ. ქუქყიანი ნაცრისფერი ცხერები ერთ ადგილას მიკუნძულიყვნენ. ბებერი ქურანი ლაფშა განმარტოებით თვლემდა ცომით ნოსვრილ ცარიელ ახორზე. მოღუშული, ჯანლიანი ცა წვიმას ასხურებდა ეზოს. ტახები პირვეულად ჰყვიროდნენ საღორეში.

„მოწყენილობა!“ — გაიფიქრა ტიხონ ილიჩმა და მაშინვე მძვინვარედ დაუღრიალა ბერიკაცს, რომელსაც ძნის კონა მოჰქონდა:

— რალა ტალახში გამოატარე, რეგვენო!

ბერიკაცმა ძნა ძირს დააგდო, ტიხონ ილიჩს შეხედა და უცებ წყნარად უთხრა:

— რეგვენისა ხმა მესმის.

ტიხონ ილიჩმა სწრაფად მიიხედ-მოიხედა, — გამოვიდა თუ არა ბიჭიო, — და როცა დარწმუნდა, რომ ბიჭი იქ აღარ იყო, სწრაფად და თან თითქოს მშვიდად მივიდა ბერიკაცთან და ისე ჩასცხო კბილებში, რომ მოხუცი შეტორტმანდა. ჩააგლო ქეჩოში ხელი და, რაც ძალი და ღონე ჰქონდა, ალაყაფის კარებისაკენ უბიძგა.

— მომშორდი თავიდან! — შეჰყვირა მან, სულშეგუბებულმა და გაფითრებულმა. — დღეის იქით შენი ფეხი არ იყოს აქ, შე არამზადაჲ!

ბერიკაცი ალაყაფის კარებიდან გავარდა და ხუთი წუთის შემდეგ ზურგზე ტომარამოკიდებული, ჯოხით ხელში, უკვე

შარაგზაზე შინისაკენ მიაღიჯებდა. ტიხონ ილიჩმა აკანკალე-ბული ხელებით დააპურა ულაცი, ახალი შერია დაუყარა, რადგან გუშინდელი მხოლოდ გაექეჯა და დაედორობლა, გრძელი ნაიიჯეით ძლივს დააღწია თავი ტლაპოსა და ნეხეს და ქოხისაკენ გაემართა.

— მზად არის? — იკითხა კარის შეღებისთანავე.

— მოესწრები! — მკვახედ მიუგო მზარეულმა.

ქოხში თბილი ოხშივარი იდგა, რომელიც თუჯიაში ჩაყრილ კარტოფილს ასდიოდა. მზარეული, ყრმასთან ერთად, სუთით გაშჳაგებით ქნიდა კარტოფილს, შიგ ფქვილს ურევდა, და ტიხონ ილიჩმა ამ ხმაურში პასუხი ვერ გაიგონა. კარი ვაიჯახუნა და ჩაის დასალევედ წავიდა.

პატარა წინათახში შესვლისას ფეხი გაჰკრა ჭუჭყიან მძიმე ჩულს, ზღურბლთან რომ ეგდო, და შემდეგ გაემართა კუთხისაკენ. სადაც იდგა ტაბურეტი მოკალული ტაშტით, რომლის თავზეც მიჰედებული იყო სპილენძის პირსაბანი. ხოლო ჯოხზე კი გათითხნილი ქოქოსის საპნის პატარა ნაქერი იდო. ტიხონ ილიჩი პირსაბანს ახმაურებდა, იბღვირებოდა, ბრაზით სავსე თვალებს აცეცებდა, წარბებს ათამაშებდა, ნესტოებს ბერავდა და განსაკუთრებულად გარკვევით ამბობდა:

— აი, ესეც შენი მოჯამაგირეები! ერთ სიტყვას ეტყვი, ათს მოგახლიან! ათს ეტყვი — ასს მიიღებ! მეც ვროშავ, რაღა! ზაფხული არ არის, თორემ მაშინ კი ბევრი იქნებით, თქვე ოხრებო! არა უშავს. ზამთარში სათქვლევს რომ ვერ იშოვი, კარზე მომადგები, ძალღისშვილო, მო-ხვა-ალ, და-მი-ჩოქებ!

პირსაბანის გვერდით ჯერ კიდევ მიხეილობა დღიდან ეკიდა სახოცი. იგი ისე გაცრეცილიყო, რომ ტიხონ ილიჩმა, შეხედა თუ არა, კბილები გააღრჰკიალა.

— ოჰ! — თქვა მან, თვალებზე ხელები აიფარა და თავი გააქნია. — ოჰ, დედაო ღვთისავ!

წინათახში ორი კარი იყო. ერთი გადიოდა მარცხნივ, ჩამოსული ხალხის მისაღებ, გრძელ, თითქმის ჩაბნელებულ ოთახში, რომელსაც პატარა ფანჯრები ჰქონდა; იქ იდგა ორი დიდი დივანი, ქვასავით მაგარი, შავმუშამბაგადაკრული, რომელიც სავსე იყო როგორც ცოცხალი, ისე გაჰყლელი და

გამოფიტულა ბაღლინჯოებით, ხოლო ტიხარზე ეკიდა გაბანჯგელულქილვაშეაიახი გენერლის სურათი, რომელსაც გარს შემოვლებოდნენ რუსეთ-თურქეთის ომის გმირთა სურათები, ხოლო ქვემოთ წარწერილი იყო: „დიდხანს ემახსოვრებათ ჩვენს შვილებსა და სლავ მოძმეთ დიადი საქმე, თუ ჩვენმა მამებმა, გულადმა მებრძოლებმა, როგორ გაანადგურეს სულეიმან-ფაშა, დაამარცხეს ვერაგი მტერი და გადალახეს თავის შვილებთან ერთად ციცაბო კლდეები, სადამდეც მხოლოდ ნისლი და ფრთოსანი მეფეები თუ აღწევდნენ“. მეორე კარი ბატონიანთ ოთახში გადიოდა. იქ, მარჯვნივ, კარის გვერდით, ბრწყინავდა შუშებიანი ჭურჭლის კარადა, მარცხნივ კი თეთრად ქათქათებდა ლუმელ-საწოლი; ლუმელი ოდესღაც გაბზარულა, მერე თიხით შეუღესავთ — და გამოსულა გამხდარი, დასახიჩრებული კაცის მსგავსი რაღაც, ჭირივით რომ სძულდა ტიხონ ილიჩს. ლუმელის თავზე ეკიდა საწოლი ორი კაცისათვის; საწოლს ზემოთ გაკრული იყო მწვანე და აგურისფერი შალისძაფით ნაქსოვი ხალიჩა, რომელზედაც უღვაშეებიანი, ყურებაცქვეტილი კატის მსგავსი ვეფხვი იყო გამოსახული. კარის პირდაპირ, კედელთან იდგა სუზანგადაღარებული კომოდი, მასზე ნასტასია პეტროვნას საქორწინო ზარდახში იდო...

მზარეულმა ქალმა კარი გამოაღო და შეჰყვირა: — დუქანში გასწი!

შორეთი ნისლმა მოიცივა, თითქოს კვლავ ბინდი ჩამოწვაო. წვიმა ცრიდა, მაგრამ ქარი გამოიცივალა. ახლა ჩრდილოეთიდან დაჰბერა და აგრილდა. უფრო მხიარულად და მკლერი ხმით, ვიდრე ამ უკანასკნელ ხანს, იკივლა სადგურიდან გამავალმა საბარგო მატარებელმა.

— გამარჯობა, ილიჩ, — უთხრა კურდღლისტუჩა გლეხმა, პარმადთან ამლაცი ცხენი რომ ეჭირა საღავით, და მანჯურული ფაფახი მოუხადა.

— გაგიმარჯოს, — მიუგო ტიხონ ილიჩმა, თან თეთრ კბილზე მიაჩერდა, რომელიც გლეხს ორად გაყოფილი ტუჩიდან უელავდა. — რა გინდა?

სწრაფად გაატანა მარილი და ნავთი და სწრაფადვე შემობრუნდა ოთახში.

— პირჯვრის გამოსახვას არ გაცლიან ეს ძაღლები!— ბუზღუნებდა ოთახისაკენ მიმავალი.

სამოვარი, რომელიც ტიხრის ახლოს მაგიდაზე იდგა, ჩუხჩუხებდა, და მაგიდის თავზე დაკიდებულ სარკეს თეთრი ორთქლი მოჰფენოდა. შეერთქლილიყო ფანჯრებიც, აგრეთვე სარკის ქვეშ გაკრული ოლეოგრაფია, — ყვითელ ხიფთანსა და წითელ ტარსიკონის ჩექმებში გამოწყობილი გოლიათი, რუსეთის დროშით ხელში, რომლის იქით კოშკებითა და ქონგურებით მოჩანდა მოსკოვის კრემლი. ამ სურათს ნიჟარის ჩარჩოებში ჩასმული ფოტოგრაფიული სურათები ჰქონდა შემოვლებული. ყველაზე საპატივცემო ადგილას ეკიდა განთქმული მღვდლის სურათი; მღვდელს მუარის ანათორა ეცვა, თხელი წვერი, შეშუპებული ლოყები და პატარა, გამპოლავი თვალები ჰქონდა. მისმა შემხედვარე ტიხონ ილიჩმა გულმოდგინედ გადაიწერა პირჯვარი კუთხეში მდგომ ხატთან. მერე სამოვარიდან გამჰქვართლული ჩაიდანნი გადმოიღო და დაისხა ჰიქა ჩაი, რომელსაც ორთქლში დამბალი ცოცხის სუნი უდიოდა.

„პირჯვრის გამოსახვას არ გაცლიან. — ფიქრობდა იგი და ტანჯულივით იკმუხნებოდა. — სული ამოძხადეს, დასწყევლოს ღმერთმა!“

თითქოს რაღაც უნდოდა გაეხსენებინა, მოესაზრებინა ან კიდევ დაწოლილიყო და რიგიანად გამოეძინა. სურდა სითბო, სიმშვიდე, სინათლე და სიმყარე აზრისა. ის ადგა, მივიდა ჰურტლის კარადასთან, რომელიც ჰურტლიანად შეზანზარდა, თაროდან გადმოიღო ქნავის არაყი და ბუკუნა ჰიქა, რომელზედაც ეწერა: „სასუმურიითა მით ბერთაცა შესუან“...

— ხომ არ გინდა? — ხმამალა თქვა მან.

დაასხა, დალია, კიდევ დაასხა, კიდევ დალია. მერე სქელი კრენდელი ჩაატანა და სუფრას მიუჯდა.

ლამბაქიდან ხარბად ხვრებდა ცხელ ჩაის და ენაზე დადებულ შაქრის ნატეხს წუწნიდა. ჩაის ხვრებისას დაბნეულად და ეჭვის თვალთ ალმაცერად გასცქეროდა ტიხარს, ყვითელ

ხიფთანში გამოწყობილ გლეხს, ნიჟარის ჩარჩოიან სურათებს და თვით მიუარეს ანაფორიან მღვდელსაც.

„აბა ჩვენ, ღორებს, ლერიგიასთან რა ხელი გვაქვს!“ — გაიფიქრა მან და, თითქოს ვიღაცის წინაშე თავს იმართლებსო, უხეშად დაუმატა: — იცხოვრე სოფლად, წყალწყალა წვენი თქველიფე და თქველიფე!

როცა მღვდელს უყურებდა, გრძნობდა, რომ ყველაფერი საეჭვოა... მგონი, მღვდლისადმი ეს მოკრძალებაც კი... საეჭვო და უაზროა, კარგად რომ დაუფიქრდეს კაცი... მაგრამ აქ მან მოსკოვის კრემლზე გადაიტანა მზერა.

— აბა როგორ არ უნდა მრცხვენოდეს! — წაიდუღუნა მან, — მოსკოვში ჩემ დღეში არა ვყოფილვარ!

ჰო, არ ყოფილა. რატომ? ტახები არ რთავენ ნებას! ჯერ იყო და მეწვრილმანეობას გადაჰყვა, მერე — ფუნდუქსა და სახამროს. ახლა არის და კვიცი და ტახები არ უშვებენ. მოსკოვი კი არა — შარაგზის გადაღმა რომ არყნარია, იქ წასასვლელად ათ წელს ემზადებოდა და ისიც ამოდ. მუდამ აპირებდა როგორმე მოეხელთებინა თავისუფალი საღამო, წაეღო თან ხალიჩა, სამოვარი, მჯდარიყო ბალახზე, სიგრილეში, სიმწვანეში — ვერა და ვერ იხელთა დრო... როგორც წყალი თითებს შუა, ისე იპარებიან დღეები, გონს მოსვლაც ვერ მოასწრო — საცაა ორმოცდაათი წლისა გახდება, კიდევ ცოტა — და ყველაფერი დასრულდება, მაგრამ ნუთუ დიდი ხანია მას შემდეგ, რაც პერანგის ამარა დატანტალობდა? თითქოს გუშინ იყო!

უძრავად იტკირებოდნენ სახეები ნიჟარის ჩარჩოებიდან. აგერ იატაკზე (სქლად დაყრილ ქვაზე) წვანან ორნი — თვით ტიხონ ილიჩი და ახალგაზრდა ვაჭარი როსტოვცევი, — ხელში ნახევარ-ნახევარი ჭიქა შავი ლუდი უჭირავთ... მერედა, როგორი მეგობრები უნდა გამხდარიყვნენ როსტოვცევი და ტიხონ ილიჩი! რა სამახსოვროდ დარჩა ყველიერის ის მოღუშული დღე, როცა სურათი გადაიდეს! დაიცა, რომელ წელს იყო ეს? სად გაქრა როსტოვცევი? ახლა ისიც კი არავინ უწყის, ცოცხალია თუ მკვდარი... აგერ გამწკრივებული და გაჯგიმული დგას სამი მედაბური. თმა წინ სწორად აქვთ ვადმოვარცხნილი, აცვიათ გვერდზე შესაკრავი ხალათები, გრძელი სერ-

თუკები, გაწმენდილი ჩექმები; ესენი არიან ბუჩნევი, ვისტავკინი და ბოგომოლოვი. ვისტავკინს, შუაში რომაა, მკერდის წინ გამოუწვდია ხის თევზზე დაწყობილი პურმარილი, რომელსაც მამლებამოქარგული ტილო ახურავს, ხოლო ბუჩნევსა და ბოგომოლოვს ხელში ხატები უჭირავთ. სურათი გადაიღეს მტვრიან, ქარიან დღეს, ელევატორის კურთხევისას, როცა ჩამოვიდნენ მღვდელმთავარი და გუბერნატორი, როცა ტიხონ ილიჩი ესოდენ ამაყობდა იმით, რომ იგი მოხვდა იმ საზოგადოების რიცხვში, რომელიც უფროსობას ესალმებოდა. მაგრამ როგორ დარჩა ხსოვნაში ეს დღე? მხოლოდ იმით, რომ ხუთიოდ საათს ელევატორთან იცდიდნენ, რომ ქარი ღრუბელივით თეთრ მტვერს მიაქანებდა, რომ თეთრ შარვალსა და ოქროს მუნდირში გამოწყობილი, ლამპასებით მორთული აწოწილი გუბერნატორი, რომელსაც სამკუთხა ქუდი ეხურა და მიცვალებულს ჩამოჰგავდა, დეპუტაციისაკენ მოდიოდა საოცრად ნელა... რომ ყველას ეშინოდა, როცა მან, საპურმარილოდ მჯდომმა, ლაპარაკი წამოიწყო, რომ ყველა გააოცა მისმა ხელებმა უჩვეულო სიგამხდრითა და სითეთრით, კანმა, რომელიც ვეელის ტყავივით სიფრიფანა და პრიალა იყო, ხმარებაში დამდნარმა ბრწყინვალე ბეჭდებმა, გამქვირვალე, გრძელფრჩხილებიან, ხმელსა და წვრილ თითებზე რომ ეკეთა... ახლაც ის გუბერნატორი ცოცხალი აღარ არის, აღარც ვისტავკინი სწერია ცოცხლების სიაში... ხოლო ხუთი თუ ათი წლის შემდეგ ტიხონ ილიჩზეც ასე იტყვიან:

— განსვენებული ტიხონ ილიჩი...

გახურებულმა ლუმელმა უფრო დაათბო და მყუდრო გახდა ოთახი, სარკე დაიწმინდა, მაგრამ ფანჯრებში კი არაფერი ჩანდა, შუშებს მქრქალი ორთქლი გადაჰკვრიდათ. — მაშასადამე, ეზოში გრილოდა. უფრო და უფრო გარკვევით მოისპოდა მშვიერი ტახების ჭყვიტინი, რომელიც ჯერჯერ ერთიანმა ძლიერმა ყვირილმა შესცვალა: ეტყობა, ტახებმა მზარეული ქალისა და ოსკას ხმა გაიგონეს. რომელთაც მათთვის სალაფავით სავზე უშველებელი გეჯა მიჰქონდათ. ტიხონ ილიჩს სიკვდილზე ფიქრი არც დაუმთავრებია, ისე ჩააგდო საფერატლეში პაპიროსი, ტყაპუჭი ჩაიცვა და ბოსლისაკენ გაეშურა. გრძე-

ლი, ფართო ნაბიჯებით შეტოპა ნაკელში, ბოსლის კარი თვითონვე გააღო — და დიდხანს არ მოუშორებია ბარბი და ნალვლიანი თვალი ტახებისათვის, რომლებიც გეჯაში ჩაყრილ ოხშივარადენილ სალაფავს დასცხრომოდნენ.

სიკვდილზე ფიქრს ახლა სხვა ფიქრი ენაცვლებოდა: განსვენებული განსვენებულია, მაგრამ ტიხონ ილიჩი კი ალბათ ყველასათვის სამაგალითო გახდება. ვინ იყო ის? ობოლი, ლატაკი, ბავშვობისას ორ დღეში რომ ერთი ნატეხი პურიც არ ჰქონდა... ახლა?

— შენი ცხოვრების ბიოგრაფია უნდა აწეროს კაცმა, — დამცინავად უთხრა ერთხელ კუზმამ.

დასაცინი, წარმოიდგინეთ, არაფერია. თუკი ლატაკი, ცოტაოდენი წერა-კითხვის მცოდნე ბიჭუნასაგან ტიხონ ილიჩი გამოვიდა და არა ტიშკა, მაშასადამე, მხრებზე თავი ბმია!..

მაგრამ ამ დროს მზარეულმა ქალმა, აგრეთვე დაყინებით რომ უცქეროდა ტახებს, რომლებიც ერთმანეთს ეხურხლებოდნენ და წინა ფეხებით გეჯაში ძვრებოდნენ, დაასლოცინა და თქვა:

— ოჰ, ღმერთო ჩემო! ვინძლო რაიმე უბედურება არ შეგვემთხვეს! წუხელ სიზმარში ჩვენს ეზოში საქონელი გამოერეკათ, ცხვარი, ძროხა, ათასნაირი ღორი... სულ შავები!

გულმა რეჩხი უყო. საქონელიც ეს არის! მარტო ამ საქონელში ჩაიხრჩობა კაცი. სამი საათიც არ გავა, — ისევ უნდა აიღო გასაღები, ისევ უზიდლო საკმელი მთელ საქონელს. საერთო ბაგაზე სამი მეწველი ძროხაა, ცალ-ცალკე ბაგებზე კი — წითელი დეკეული და ხარი ბისმარკი: ახლა იმათ დაუყარე თივა. ცხენებსა და ცხვრებს სადილად ბზე უნდათ, ულაყს კი ეშმაკმაც არ უწყის რა! ულაყმა კარის ზედა ლარტყებში გამოყო დრუნჩი, ზედა ტუჩი აწია, ვარდისფერი ღრძილები და თეთრი კბილები გამოაჩინა და ნესტოები ააცმაცუნა... ტიხონ ილიჩმა, თვითონაც რომ არ ელოდა, ისეთი სიშმაგით, უეცრად დაუღრიალა:

— რამ გაგაგიჟა, შე სამგლევი!

ისევ დაუსველდა ფეხები, გაიყინა — ხორხოშელა თოვლი მოდიოდა — და კვლავ დალია კნავის არაყი. შეკამა ზეთიანი

კარტოფილი, მკავე კიტრები, სოკოსსაწებლიანი შექამანდი, ფეტვის ფაფა... წამოწითლდა, თავი დაუძძიმდა.

ტანგაუხდელად, — მხოლოდ ტალახიანი ჩექმები გაიძრო ფეხის ფეხზე გამოკვრით, — ლოგინზე მიწვა. მაგრამ არ ასვენებდა იმის ფიქრი, ეს-ეს არის კვლავ მოჩიხდება ადგომას: ცხენების, ძროხების, ცხვრებისა და ულაცისათვის სალამოს შერია და ჩალა უნდა დაეყარა... თუმცა, არა. ჯოპს ჯერ თივაზე გადაიარონ, მერე კი დაარწყულებს... მაგრამ ერთი თვალი თუ წასდო, უთუოდ დროზე ველარ გაიღვიძებს. ტიხონ ილიჩი კომოდისაკენ გადაიხარა, მალეძარა საათი აიღო და მომართა. მალეძარა გამოცოცხლდა, ატიკტიკდა — და ოთახში სიმშვიდემ დაისადგურა. ფიქრები ერთმანეთში აერია...

მაგრამ სწორედ ამ დროს უეცრად გაისმა უხეში და ხმაამალალი გალობა. ტიხონ ილიჩმა შიშით თვალი გაახილა და პირველად მხოლოდ ერთი რამ გაარჩია: ორი გლეხი შიგ ყურში ჩაჰყვიროდა, წინათახიდან კი სიგრილე და სველი ხიფთანის სუნი შემოდრიოდა. მერე წამოხტა, დაჯდა და დაინახა, ვინ იყვნენ ეს გლეხები: ერთი მათგანი ბრმა იყო, ჩოფურა; ცხვირი პატარა ჰქონდა, ზედა ტუჩი — გრძელი, თავი — დიდი და მრგვალი. მეორე გლეხი თვით მაკარ ივანოვიჩი გახლდათ!

მაკარ. ივანოვიჩი ოდესღაც მაკარკა იყო — ასე ეძახდა ყველა: „მაკარკა მოგზაური“. ერთხელ ტიხონ ილიჩის სახამროში შევიდა, — სადღაც მიეხეტებოდა შარავნით; ქალამნები, არახჩინი და გაქონილი კაბა ეცვა; — ჰოდა, შევიდა. ხელში ეჭირა ჟანგაროთი შეღებილი დიდი ჯოხი, რომლის ზედა ბოლო ჯვარი იყო, ქვედა კი — შუბი, ზურგზე ჩანთა და ჯარისკაცის მათარა ეკიდა; თმა გრძელი და ჟღალი ჰქონდა; სახე — ფართო, საგოზავის ფერი, ნესტოები თოფის ორ ლულას მიუგავდა, ჩატეხილი ცხვირი — უნაგირის კეხს, თვალები კი, როგორც ეს ხშირად აქვთ ამგვარი ცხვირის პატრონებს, ღია ფერისა და გამჭოლავი ჰქონდა. ურცხვი და გამჭრიახი კაცი, პაპიროსს ხარბად ექაჩებოდა და კვამლს ნესტოებიდან უშვებდა, ლაპარაკობდა უხეშად და ნაწყვეტ-ნაწყვეტად, ისეთი კილოთი, რომ შეპასუხება არავის ეფიქრა. ტიხონ ილიჩსაც

სწორედ ამიტომ მოეწონა, მოეწონა იმისათვის, რაც ერთი შეხედვითაც თვალში ეცემოდა კაცს: იგი „გაქნილი არამზადა“ იყო.

და ტიხონ ილიჩმაც დაიტოვა ხელქვეითად. მაწანწალის ტანისამოსი გახადა და დაიტოვა. მაგრამ მაკარკა ისეთი ქურდი გამოდგა, რომ ტიხონ ილიჩი იძულებული გახდა მაგრად მიეხედა და გაეგდო. ერთი წლის შემდეგ კი მაკარკამ მთელს მაზრაში გაითქვა სახელი წინასწარმეტყველებით, რომელიც იმდენად ავის მომასწავებელი იყო, რომ ხალხი ცეცხლსავით ერიდებოდა. მივიდოდა რომელიმე მოსახლის ფანჯარა! თან, ნაღვლიანად გააბამდა „მართალთა თანა განუსვენე“-ს, ანდა მიწოდებდა საკმევლის ნაკუწს, ერთ ბეწო მტვერს — და იმ სახლში აუცილებლად უნდა მომკვდარიყო ვინმე.

ახლა მაკარკა თავის წინანდელ სამოსში გამოწყობილი, ჯოხით ხელში, კარის ზღურბლთან იდგა და მღეროდა. ბრმა ხმას აყოლებდა, ლიბრგადაკრულ თვალებს შუბლქვეშ ეტრიალებდა, და სახის ამ შეუფერებელი გამომეტყველებით ტიხონ ილიჩმა მაშინვე კატორიდან გამოქცეულად, საშინელ და უღმობელ მხეცად მიიჩნია იგი. მაგრამ კიდევ უფრო საშინელი ის იყო, რასაც ეს მაწანწალები მღეროდნენ. სახემოლუშული ბრმა წარბებს ათამაშებდა და საზიზღარი დუდღუნა ტენორით გაჰკიოდა. მაკარკა გამქოლავ თვალებს აელვარებდა და მძვინვარედ ბუბუნებდა. გამოდიოდა რაღაც უზომოდ ხმა-მალალი, უხეშად შეწყობილი, ძველი, ძლიერი და მუქარით სავსე გალობა:

და იწყოს მოთქმა ქვეყანამან, დედამან ჩვენმან! —

გაჰკიოდა ბრმა.

და იწყოს მო-ო-თქ-მა! —

შთამაგონებლად იმეორებდა მაკარკა.

წინაშე მაცხოვრისა, წინაშე ხატისა, —

ლაღადებდა ბრმა.

რამეთუ აღიარონ შეცოდებანი თვანისი! —

იმუქრებოდა მაკარკა და ნესტოებს თავხედურად ბერაკულთა-თავის ბანს ბრმის ტენორს უერთებდა და უძრევად ამოთქვამდა:

ვერლა ასცდენ განაჩენსა ლეთისასა

ვერლა ასცდენ ცეცხლსა გეკენიასა

უცებ ბრმასთან ერთად სიმღერა შეწყვიტა, რაღაც ამოიყრანტალა და ჩვეული უტიფარი კალოთი ბრძანა:

— ვაქარო, კეთილ ინებეთ და თითო ჭიქა მოგვართვით!

პასუხს არ დალოდებია, ზღურბლზე გადააბიჯა, მწოლარე ტიხონ ილიჩს თავს დაადგა და ხელში რაღაც სურათი ჩასჩარა.

ეს იყო უბრალო ამონაჰერი ილუსტრირებული ჟურნალიდან, მაგრამ ტიხონ ილიჩმა შეხედა თუ არა, გულში რაღაც სიცივე იგრძნო. სურათის ქვეშ, რომელზედაც ეხატა ქარიშხლისაგან მოდრეკილი ხეები, ღრუბლებზე გამავალი თეთრი კლაკნილი ხაზი და კაცი, რომელიც ეცემოდა, წარწერილი იყო: „ჟან-პოლ რიხტერი, მოკლული ელვით“.

ტიხონ ილიჩი შეცბა.

მაგრამ იმწუთსავე აუჩქარებლად დაანაკუწა სურათი, მერე ლოგინიდან წამოდგა, ჩექმები ჩაიცვია და უთხრა:

— გირჩეენია ჩემზე სულელი შეაშინო. მე შენ კარგად გიცნობ, ძმობილო! რაც გეკუთვნის, აიღე, და გასწი.

მერე დუქანში წავიდა, ბრმის გვერდით პარმალთან მდგომ მაკარკას ორი გირვანქა კრენდელი და ორი ქაშაყი გამოუტანა და უფრო მაკარად გაუმეორა:

— გასწი!

— თუთუნი? — ურცხვად ჰკითხა მაკარკამ.

— თუთუნი მეც ცოტადა დამრჩა, — მიუგო ტიხონ ილიჩმა, — ჩემთან არ გაგვივა ეგ ოინები!

და ცოტა ხნის დუმილის შემდეგ უთხრა:

— მაგ ოინებისათვის დახრჩობა ცოტაა შენთვის, მაკარკა! მაკარკამ შეხედა ბრმას. რომელიც გაჯგიმული და წარბებშემართული იდგა, და ჰკითხა:

— ლეთის კაცი, შენ როგორღა გგონია? დახრჩობაა საჭირო თუ დახვრეტა?

— დახვრეტა ჯობს, — სერიოზულად ეპასუხა ბრმამ, — უფრო მოკლე გზაა.

ბინდდებოდა, ცაზე სქლად გაწოლილი ღრუბლები ლურჯდებოდნენ, ცივდებოდნენ და ზამთრის სუნს გამოსცემდნენ.

ტლახი ბლანტი ხდებოდა. მაკარკა რომ გააცილა, ტიხონ ილიჩმა გათოშილი ფეხები პარმალზე დააბაკუნა და ოთახში შევიდა. იქ გაუხდელად ჩამოჯდა ფანჯარასთან, სკამზე, პაპიროსი გააბოლა და კვლავ ჩაფიქრდა. გაახსენდა ზაფხული, შფოთი, პატარძალი, ძმა, ცოლი... გაახსენდა ისიც, რომ მუშებისათვის ჯამაგირი არ ჰქონდა მიცემული. ვალის გადახდას აჭიანურებდა ხოლმე. გოგოები და ბიჭები, რომლებიც დღიურ სამუშაოზე იყვნენ მასთან, შემოდგომაზე ყოველ ცისმარე დღეს მის ზღურბლთან იდგნენ და თავიანთ აუწერელ გაჭირვებას შესჩიოდნენ, მერე გაგულისდებოდნენ და ზოგჯერ უტიფარ სიტყვებსაც ჰკადრებდნენ. მაგრამ ტიხონ ილიჩი უდრეკი იყო. ყვიროდა, ღმერთს იფიცებდა: თუგინდ სახლი გაჩხრიკეთ, შაურის მეტს ვერ იპოვითო! — ჯიბეებს გადმოიბრუნებდა, ქისას გახსნიდა, თვალთმაქცური სიშმაგით იფურთხებოდა. ვითომც გოცებულნი იყო უნდობლობით, მთხოვნელთა „უსინდისობით“... ეს ჩვეულება ცუდად ეჩვენა ახლა. უღმობლად. ცივად, უცხოსავით ეპყრობოდა ცოლს. უეცრად ამანაც გააცოფა: ღმერთო ჩემო! მან არც კი იცის, რა ადამიანია მისი ცოლი! რით ცხოვრობდა ეს ქალი, რას ფიქრობდა, რას გრძნობდა ამ ხანგრძლივი წლების განმავლობაში, რომლებიც დაუცხრომელ ზრუნვაში გაატარა?

ერთი პაპიროსი გადააგდო და მეორეს მოუკიდა. უჰ, ჰკვიანია ის ოხერი მაკარკა! რახან ჰკვიანია, განა არ შეუძლია გამოიცილოს — ვის რა და როდის მოეღის? მას, ტიხონ ილიჩს, უთუოდ რაღაც ცუდი ელის. ის ხომ ახალგაზრდა არ არის! რამდენი მისი თანატოლი გაემგზავრა უკვე საიქიოს! სიკვდილსა და სიბერეს კი ვერავინ გაექცევა. ვერც ბავშვები უშველიდნენ. შვილებთანაც ისევე უცხოსავით იქნებოდა, როგორც ყველა ახლობელთან — ცოცხლებთან თუ მკვდრებთან. ქვეყნად იმდენი ხალხია, რამდენიც ცაზე ვარსკვლავი; მაგრამ ისე ხანმოკლეა ცხოვრება. ისე მალე იზრდებიან. ვაჟკაცდებიან და კვდებიან ადამიანები. ისე ცუდად იცნობენ ერთმანეთს და ისე ჩქარა ივიწყებენ რაც თავს გადახდათ. რომ, კარგად თუ დაუფიქრდი, ჰკუაზე შეცდები! აი. მან წელან თავის თავზე თქვა: საჭიროა ჩემი ცხოვრება ვინმემ აწეროს...

რა არის ასაწერი? არაფერი. არაფერი, ანუ არ ღირს. მას ხომ თითქმის აღარაფერი ახსოვს ამ ცხოვრებიდან. მაგალითად, სრულიად დაავიწყდა ბავშვობა. ისე კი ხანდახან ეზმანება ზაფხულის რომელიმე დღე, რომელიმე შემთხვევა, რომელიმე თანატოლი... ერთხელ ვილაცის კატას ბალანი შეატრუსა — და ვაწყებლეს. აჩუქეს მათრახი, რომელსაც ტარზე სასტვენდ ჰქონდა მიმაგრებული, — სიხარულით ცას ეწია. ერთხელ მთვრალმა მამამ აღერსიანი, ნაღვლიანი ხმით დაუძახა:

— მოდი ჩემთან, ტიშა, მოდი, ჩემო კარგო!

და მოულოდნელად ჩააფრინდა თმაში...

ახლა რომ ჩხუბისთავი ილია მირონოვიჩი ცოცხალი იყოს, ტიხონ ილიჩი მადლს მოისხამდა და ბერიკაცს ლუკმაპურს არ მოაკლებდა, არც კი შეიმჩნევდა მის ყოფნას. დედის ამბავიც ხომ ასევე იყო, თუ გნებავთ ახლა ჰკითხეთ: დედა გახსოვს-თქო? ისიც გიპასუხებთ: მახსოვს ერთი წელში მოკაკული დედაბერი... წივას ამზადებდა, ლუმელს ახურებდა, ჩუმად სვამდა, ბუზღუნებდა... ეს არის და ეს. თითქმის ათ წელს მუშაობდა მატორინთან, მაგრამ ამ ათი წლიდანაც მხოლოდ ერთი-ორი დღე ახსოვს: აპრილის წვიმა ეწინწყლება რკინის ფურცლებს, რომლებსაც გრგვინვითა და ჟღირალით ისერიან მეზობელ დუქანთან მდგომ ფორანზე... მოლუშული, ყინვიანი შუადღეა, მტრედები გუნდ-გუნდად ხმაურით სხდებიან თოვლზე მეორე მეზობლის დუქნის ახლოს, სადაც იყიდება ფქვილი, ბურღული და ქატო, — არიან ერთ ჩოჩქოლში, ლულუნებენ, ფრთებს აფარფატებენ, — ის და მისი ძმა კი ზღურბლთან მობზრიალე ჩიკორს ხარის კუდს უტყლაშუნებენ... მაშინ მატორინი ახალგაზრდა იყო, ღონიერი, სახელაჟღაჟა, წმინდად გაპარსული ნიკაპით, ნახევრად შეკრეჭილი წითური ქილვაშებით. ის ახლა გადაიბდა; მზეზე გახუნებული ხიფთანიით და უშველებელი ჩიხაქუდით ბებრული ნაბიჯით დაწანწალებს დუქნიდან დუქანში, ერთი ნაცნობიდან მეორემდე, თამაშობს შაშს. ზის ხოლმე დაევის სახამროში, სვამს ცოტ-ცოტას, შეზარხოშდება და ამბობს:

— ჩვენ პატარა ხალხი ვართ: დავლიეთ, წავისაუზმეთ, ანგარიში გავასწორეთ და — შინისაკენ!

ხოლო როცა ტიხონ ილიჩს ხვდება, ვერა ცნობს და სა-
ცოდავად იღიმება:

— ნუთუ შენა ხარ, ტიმა?

თვით ტიხონ ილიჩმა კი ამ შემოდგომაზე პირველი შეხ-
ვედრისას თავისი ღვიძლი ძმაც კი ვერ იცნო: „ნუთუ ეს ის
კუზმაა, რომელთან ერთად იმდენ წელს დავეხეტებოდი მინ-
დორ-მინდორ და სოფელ-სოფელ?“

— მოხუცებულხარ, ძმავ!

— ჰო, ცოტათი.

— ჯერ ადრეა.

— მე რუსი კაცი ვარ. ჩვენი ბერიკაცები ჭარმაგები არიან!
მესამე პაპიროსს რომ უკიდებდა, ტიხონ ილიჩი ფანჯარა-
ში იყურებოდა და ფიქრობდა:

„ნუთუ სხვა ქვეყნებშიც ასეა?“

არა, ეს შეუძლებელია. ნაცნობები ყოფილან საზღვარგა-
რეთ, — მაგალითად, ვაჭარი რუკავიშნიკოვი. — იქაურ ამბებს!
მოჰყენენ... თუმცა რუკავიშნიკოვის გარეშეც შეიძლება მიხვ-
დეს კაცი. აი, თუნდაც გერმანელები და ურიები, საზრიანად
და წესიერად იქცევიან, ერთმანეთს იცნობენ, მეგობრობენ, —
მხოლოდ სმის დროს კი არა, — ურთიერთს ეხმარებიან; თუ
ერთმანეთს დაშორდნენ, მიმოწერა მაინც აქვთ, — დელ-მამის,
ნაცნობების სურათებს ოჯახიდან ოჯახს გადასცემენ; ბავშვე-
ბი უყვართ, ასწავლიან, სეირნობენ ერთად, როგორც ტოლ-
სწორებს. ისე ესაუბრებიან, — ასეთ ბავშვს, ცხადია, ექნება
მოსაგონარი. ჩვენში კი ყველა ერთმანეთს მტრობს, შურია-
ნები არიან, ჭორიკანები, წელიწადში ერთხელ ნახულობენ
ერთმანეთს და შლეგებივით დაფაცურდებიან, როცა შემთხ-
ვევით ვინმე ესტუმრებათ, აბა ჩქარა ოთახები დავალაგოთო...
მერე! სტუმრისათვის ერთი კოვზი მურაბა ენანებათ! ბევრის
უხვეწწილად სტუმარი ჭიქა ჩაიზე მეტს ვერ სვამს...

ფანჯარას ვილაცის სამცხენა ეტლმა ჩაუარა. ტიხონ ილიჩ-
მა ყურადღებით შეათვალიერა. ცხენები გამხდრები არიან,
მაგრამ, ეტყობა, მარდები უნდა იყვნენ. ტარანტასი ურიგო
არაა. ნეტავ ვის წასაყვანად მოდის? ახლომახლო ასეთი ეტლი

არავის არ ჰყავს. ახლომახლო მემამულეები ისეთი ლატაკნი არიან, რომ სამ დღეში ერთხელ ჭამენ პურს, ხატების უკანასკნელი შექედილობაც კი გაყიდეს, ჩამტვრეული შუშის გამოცვლისა და სახურავის შეკეთების თავიც არა აქვთ; ფანჯრებს ბალიშით გმანავენ, ხოლო, როგორც კი გაწვიმდება, იატაკზე ვარცლებსა და ვედროებს დგამენ, — დაცხავებული ქერიდან წყალი მოთქრიალებს... მერე მეწაღე დენისკამ გაიარა. სად მიდის? რა მიაქვს? ნუთუ ჩემოდანი? ოჰ, რა სულელია, ღმერთო, ნუ მიწყენ!

ტიხონ ილიჩმა ფეხები კალოშებში წაპყო, პარმალზე გავიდა და როცა ზამთრის პირის დაისის გრილი ჰაერი ღრმად შეისუნთქა, კვლავ შედგა და გრძელ სკამზე ჩამოჯდა... ესეც ოჯახია, რაღა — მგელკაცა და მისი ვაჟი! ტიხონ ილიჩი ფიქრით გაჰყვა იმ გზას, რომელიც ჩემოდნიანმა დენისკამ გაიარა. დაინახა დურნოვკა, თავისი საკარმიდამო, ხრამი, ქოხები, მწუხრი, სინათლე ძმის სახლში, ეზოებშიც სინათლეები... კუზმა ალბათ ზის და კითხულობს. პატარძლი ბნელ, ცივ წინაოთახში ოდნავ ნელთბილ ღუმელთან დგას, ხელებს ითბობს, უცდის როდის ეტყვიან: „ივახშმე!“ მობერებულმა გამშრალი ტუჩები მოუკუშავს და ფიქრობს... რაზე? როდკაზე? ყველაფერი სიცრუეა. ვითომ მას მოეწამლოს, სიცრუე! მაგრამ თუ მოწამლა... ღმერთო ჩემო! თუ მოწამლა, — რას უნდა ფიქრობდეს? რამხელა ლოდი აწევს ამ გულჩათხრობილ ქალს!

ფიქრით დურნოვკის სახლის პარმალთან გადახედა დურნოვკას, შავ ქოხებს, ხევს იქით ფერდობზე რომ შეფენილიყვნენ, საცეხილებს და საკარმიდამოს უკან ჩამწკრივებულ ტირიფებს... მინდვრებს იქით. მარცხნივ. ცის დასალიერზე სარკინიგზო ჯიხური დგას. შიბინდებისას მას გიერდით ჩაურბენს მატარებელი — ცეცხლოვანი თვალების ჯაჭვი. მერე ჩოხებიც ახელინ თააოებს. ღამდება, მყუდროება ისადგორებს — და უსიამო გრძნობა გაწვივა ყოველთვის, როცა პატარძლისა და მგელკაცას ჩოხებს შეხედავ, დურნოვკის თითქმის შუაგულში რომ დგანან: მათ სამი ეზო ამორბებთ ერთმანეთს: არც ერთში, არც მეორეში არ ანთივ სინათლე. მგოლკაცას ბავშვები მოდოებივით დაბორილობენ და მათ სიხარულსა და გაკვირვებას

საზღვარი არა აქვს, როცა რომელიმე ბედნიერ საღამოს ახერხებენ ქობის განათებას...

— არა. ცოდვას — მტკიცედ თქვა ტიხონ ილიჩმა და წამოდგა. — ეს უღმერთობაა! ცოტათი მაინც უნდა ვუშველო საქმეს, — თქვა სადგურისაკენ მიმავალმა.

ყინავდა, ვაგზლიდან მონადენ სამოვრის ორთქლს წინანდელზე მეტი სურნელი ჰქონდა. იქ უფრო ეღვარებდნენ სინათლეები. წყარუნებდნენ ეტლის ზანზალაკები. სამცხენა ეტლიც ასეთი უნდა! სამაგიეროდ გლახაკი შეეცდებოდა ჯაგლაგი ცხენები, მათი პატარა ფორნები ნახევრად დაშლილი, მრუდუ, ტალახიანი თვლებით — საცოდავი შესახედავი იყვნენ. ბაღის იქით ჰრიალებდა და ჯახუნობდა ვაგზლის კარი. ტიხონ ილიჩმა კარს გვერდი აუარა და ქვის პარმაღზე ავიდა, სადაც შიშინებდა ორვედროიანი სპილენძის სამოვარი, რომლის ცხური ცეცხლოვანი კბილებივით ეღავდა. აქ ტიხონ ილიჩი სწორედ იმას წააწყდა, ვინც უნდოდა. ეს იყო დენისკა.

ფიქრში წასული დენისკა თავჩალუნული იდგა პარმაღზე, პარჯვენა ხელში ეჭირა უბრალო ნაცრისფერი ჩემოდანი, თუნუქის ლურსმნებით მოჭედილი და თოკით შეკრული. დენისკას ძველი, ეტყობა, ძალიან მძიმე, მხრებჩამოჩაჩული, დაბალწელიანი ტყაპუჭი და გაცვეთილი ჩექმები ეცვა და ახალი ჩიხაქუდი ეხურა. ტანმორჩილი იყო, ფეხები ტანთან შედარებით მოკლე ჰქონდა, დაბალწელიან ტყაპუქსა და გაცვეთილ ჩექმებში კიდევ უფრო მოკლეფეხება ჩანდა.

— დენისკა ხარ? — შესძახა ტიხონ ილიჩმა. — აქ რა გინდა, შე უფოთისთაო, შენა?

დენისკამ, რომელსაც არასოდეს არაფერი არ უყვირდა, მშვიდად მიაპყრო შავი, მიბნედილი. ნაღვლიანად დამცინავი, გრძელწამწამებიანი თვალეები და ჩიხაქუდი მოიხადა. თმა ჰქონდა თავისფერი, უზომოდ სქელი, სახე — მიწისფერი, გაქონილივით. თვალეები კი ლამაზი.

— გამარჯობათ, ტიხონ ილიჩ, — უპასუხა მან მკლერი. ქალაქური ტენორით და, როგორც ყოველთვის, თითქოს დაიმორცხვა. — მივდივარ... აი. იქ... ტოლში.

— მერედა, რისთვის, არ მიბრძანებთ?

— ეგება სადმე მოვეწყო სამუშაოდ...

ტიხონ ილიჩმა შეათვალიერა. ხელში ჩემოდანი უჭირავს, ტყაპუქის ჯიბიდან მრგვლად შეკრულ რაღაც მწვანე და წითელ წიგნებს ამოუყვიათ თავი. ტყაპუქი...

— რაღაც ტულელი კაცივით ვერა ხარ გამოწყობილი!

დენისკამაც შეათვალიერა თავისი ჩაცმულობა.

— ტყაპუქზე ამბობ? — მოკრძალებით იკითხა მან. — რა უშავს, ტულაში ფულს დავაგროვებ და ვენდერკას ვიყიდი, — თქვა დენისკამ, რომელმაც ვენგერკა ვენდერკად მონათლა. — ზაფხულში, როგორც იყო, გავიტანე თავი გაზეთებს ვყიდდი.

ტიხონ ილიჩმა ჩემოდანს დახედა:

— ეს რაღაა?

დენისკამ წამწამები დახარა:

— ჩამადანი ვიყიდე.

— ჰოო, ვენგერკით სიარული ხომ უჩემოდნოდ შეუძლებელია — დამცინავად თქვა ტიხონ ილიჩმა, — ჯიბეში რა გაქვს?

— რაღაც-რაღაცეებია შეხვეული...

— მაჩვენე, ერთი.

დენისკამ ჩემოდანი პარმალზე დადგა და ჯიბიდან წიგნებო ამოიღო. ტიხონ ილიჩმა გამოართვა და გულისყურით გადაათვალიერა. სიმღერათა კრებული „მარუსია“, „მრუში დედაკაცი“, „ქალწული ძალმომრეობის ბრძკვალეებში“, „მშობლების, აღმზრდელებისა და კეთილისმყოფელთათვის მისალოცი ლექსები“, „პროლეტარ...“

აქ ტიხონ ილიჩს ენა დაება, მაგრამ დენისკამ, რომელიც წიგნს თვალს ადევნებდა, უქარნახა:

— პროლეტარიატის როლი რუსეთში.

ტიხონ ილიჩმა თავი გააქნია.

— ახალი ამბავი! შიმშილით კუჭი გიხმება და ჩემოდნებსა და წიგნებს ყიდულობ. მერე რა წიგნებს! ტყუილად კი არ გეძახიან შფოთისთავს! შენზე ამბობენ, სულ მეფის ლანძღვაშიაო; ფრთხილად, ძმობილო!

— მამული ხომ არ მიყიდი! — ნალვლიანი ღიმილით მიუღო დენისკამ. — არც მეფეს შევხებივარ. ჩემზე ისე ჰორა-

ობენ, თითქოს მკვდარი ვიყო. მე კი გულშიაც არ გამივლია
ეგეთი რამ: დამთხვეული კი არა ვარ!

გაიჭრიალა კარის ურდულმა და გამოჩნდა სადგურის დარა-
ჯი — ქალაჩი, გადამდგარი სალდათი, რომელსაც სული ეხუ-
თებოდა და წაპდაუწუპ ქსინავდა და ხროტიხობდა, და ბუფეტ-
ში მოძუშავე სქელ-სქელი კაცი, რომელსაც მოკუტული თვა-
ლები და ქონიანი თმები ჰქონდა.

— გზა მოგვეცი, ბატონო ვაჟკრებო, ნება გვიბოძეთ სა-
მოვარი წავილოთ...

დენისკა განზე გადგა და კვლავ ჩემოდანს დასწვდა.

— სადმე აწაბნე, არა? — ჰკითხა ტიხონ ილიჩმა და ჩე-
მოდანზე თვალით ანიშნა; თან ფიქრი განაგრძო იმ საქმეზე,
რისთვისაც სადგურზე გამოვიდა.

დენისკამ თავი ჩალუნა, არაფერი უპასუხა.

— ცარიელია, განა?

დენისკას გაეცინა:

— ცარიელია...

— სამუშაოდან გამოგატეს?

— თვითონ წამოველ.

ტიხონ ილიჩმა ამოიხრა.

— პირწავეარდნილი მამაშენი ხარ! — უთხრა მან. — იმანაც
ასე იცოდა: სამუშაოდან კინწისკერით გამოგადებდნენ და ის
კი — თვითონ წამოველო, ამბობდა.

— თვალი დამიდგეს, თუ ვტყუოდდი

— კარგი, ჰო, კარგი... შინ იყავი?

— ორ კვირას დავრჩი.

— მამა ისევ უსაქმოდ დადის?

— ახლა უსაქმოდაა.

— ახლა! — გამოაჯავრა ტიხონ ილიჩმა. — ისედაც ოხერი
სოფელია, რევოლუციანური რაღად უნდა! მგლებს ეტმასნები
და ძაღლისკუდა კი ხარ.

„დიდი ვაჟბატონი არც შენა ბრძანდები“, ღიმილით გაი-
ფიქრა დენისკამ, ისე რომ თავი არ აუწვივია.

— მაშ მგელკაცა სახლში ზის და თამბაქოს აბოლებს, ხომ?

— თავქარიანია — დამაჯერებლად თქვა დენისკამ.

ტიხონ ილიჩმა თავში ჩაუკაკუნა.

— ნეტავ არ სულელობდე, ერთი! აბა ვინ ამბობს მამაზე ეგეთ რამეებს?

— მამა კი არა, ბებერი ქოფაკია, — მშვიდად უპასუხა დენისკამ. — მამაა — აკამე. თვითონ რა, ძღომაზე მაკმევდა?

მაგრამ ტიხონ ილიჩს ბოლომდე არ მოუსმენია. შესაფერ წუთს ეძებდა საქმიანი ლაპარაკის დასაწყებად. ყურს არ უგდებდა და სიტყვა გააწყვეტინა:

— ტულამდე ბილეთის ფული გაქვს?

— ბილეთი რად მინდა ვითომ? — მიუგო დენისკამ. — შევალ ვაგონში, ღმერთია მოწყალე, და — პირდაპირ სკამქვეშ შევძვრები.

— წიგნებს სადლა იკითხავ? სკამქვეშ ხომ ვერ მოახერხებ წაკითხვას?

დენისკა დაფიქრდა.

— ნეტაი ერთი! — თქვა მან. — ყველაფერს ხომ სკამქვეშ არ გავაკეთებ! საჭირო ოთახში შევალ და, თუგინდ გათენებამდე ვიკითხავ.

ტიხონ ილიჩმა წარბი შეყარა.

— იცი რა გითხრა, — დაიწყო მან. — აი რა: ჯობს ეგეთ რამეებს თავი გაანებო. ბალღი აღარა ხარ, სულელო! გასწი, დურნოვკაში დაბრუნდი, დროა საქმეს მოჰკიდო ხელი. თორემ თქვენისთანების ყურება ზიზღსა ჰგვრის კაცს. აი ჩემთან... კარის მრჩევლები უფრო უკეთ ცხოვრობენ. — თქვა მან, — კარის მრჩევლებში იგი ეზოს ძაღლებს გულისხმობდა. — რაც არი, არი, მოგეხმარები კიდევ... ერთ ხანს. საქონლის გაყიდვაში, იარაღების ხმარებაში... შენც კამ და მამაშენსაც არგებ ცოტაოდენს...

„ნეტავ რას უმიზნებს?“ გაიფიქრა დენისკამ.

ტიხონ ილიჩმა კი გაბედა და დაამთავრა:

— ქალის თხოვის დროც არის.

„ჰო-ო!“ — გაიფიქრა დენისკამ და აუჩქარებლად დაიწყო თუთუნის გახვევა.

— რა მეთქმის, — წყნარად, ოდნავ ნაღვლიანად მიუგო მან, ისე რომ წამწამები არ აუწევია. — ყბედობას არ მოვყვები.

ქალის შერთვა შეიძლება. კახპებთან სიარული უფრო უარესია.

— ჰოდა, მეც მანდა ვარ, — დასძინა ტიხონ ილიჩმა. — ოღონდ, ძმობილო მხედველობაში იქონიე, — ქალიც ჰკუთხუნდა ითხოვო, შვილები ბლომად მოაშენო.

დენისკამ გადაიხარხარა.

— რას როხროხებ?

— მა როგორაა ჰოვაშენო რა — ქათმები და ღორები ხო არ არიან!

— ღორებზე და ქათმებზე ნაკლები ჰპაპა როდი უნდათ.

— ვინ ვითხოვო? — ნაღვლიანი ღიმილით ჰკითხა დენისკამ.

— ვინ? ვინ და... ვინც გინდა.

— პატარძალი ხომ არა?

ტიხონ ილიჩი წამოქარხლდა.

— სულელო! ვითომ პატარძალი რით არის ცუდი წყნარი ქალია, გამრჯე...

დენისკა ცოტა ხანს დუმდა და ფრჩხილით ჩემოდნის ლურსმანს აწვალებდა. მერე ისე მოაჩვენა თავი, თითქოს ბაიბურშიც არ არისო:

— პატარძლები ბევრი არიან, — სიტყვა გააგრძელა მან, — არ ვიცი რომელზე მეუბნებით... იმაზე ხო არა, თქვენ როცხოვრობდით?

მაგრამ ტიხონ ილიჩი უკვე დამშვიდდა.

— ვცხოვრობდი თუ არა, შენი ჰკუთხუნდა საქმე არ არის, ღორო, — ისე სწრაფად და შთამაგონებლად უპასუხა, რომ დენისკამ მორჩილად წაიდუღუნა:

— არა, ჩემთვის სულერთია... მე ისე... სიტყვამ მოიტანა და...

— ჰოდა, ტყუილუბრალოდ ნუ ლაქლაქებ. კაცად გაგზდი, გესმის? მზითევს გამოვატან... გაიგე?

დენისკა ჩაფიქრდა.

— აგერ ტულაში წავალ... — დაიწყა მან.

— ნახა რაღა მამალმა მარგალიტის რა ჯანდაბად გინდა ტულა!

— შინ მშვიერი ვკვდები...

ტიხონ ილიჩმა გრძელი ხიფთანი შეიხსნა, ტყაპუკის ჯიბეში ხელა ჩაიყო, — დენისკასათვის ოცკაპიკიანის ჩუქება დააპირა, მაგრამ უცებ გადაიფიქრა, — ფულის ფანტვა სისულელეა. თანაც ამ ყუყუჩს თავი მოაქვს, ჩემი მოსყიდვა უნდათო, — და ისეთი სახე მიიღო, თითქოს რამეს ეძებდა.

— ეკ, პაპიროსი დამავიწყდა! მომე, ერთი, გავახვიო.

დენისკამ ქისა მიაწოდა. პარმალზე უკვე ფარანი აენტოთ, და მის მკრთალ შუქზე ტიხონ ილიჩმა ხმაძალა წაიკითხა ქისაზე თეთრი ძაფით ამოქარგული მსხვილი ასოები:

„მას ვუძღვნი ქისას ვინც მიყვარს გულით იყოს ეს ძღვენი მარადიული“.

— ყოჩაღ! — თქვა მან.

დენისკამ მორცხვად ჩაქინდრა თავი.

— მაშ უკვე გყოლია სატრფო.

— განა ცოტანი დაწანწალებენ ძუკნები — გულგრილად მიუგო დენისკამ. — ქალის შერთვაზე კი უარს არ ვამბობ. აგერ ხსნილისათვის დაებრუნდები და ღმერთია მოწყალე...

ბაღჩიდან მოგრიალდა სულ მთლად ტალახში ამოსვრილი ფორანი. რომლის კოფოზე გლეხი იჯდა, ხოლო შიგნით კი, ჩალაზე, დიაკვანი გოვოროვი წამოსკუპულიყო.

— წავიდა? — შესძახა შეშფოთებულმა დიაკვანმა და ჩალიდან კალოშიანი ფეხი გამოყო.

წითური თმა სულ მთლად აბურძგვნოდა, ქუდი კეფაზე გადმოცოცებოდა, სახე კი ქარისა და აღელვებისაგან შეფაქლოდა.

—მატარებელი? — ჰკითხა ტიხონ ილიჩმა. — არა, ჯერ არც გამოსულა.

— აჰ! მადლობა ღმერთს! — მხიარულად წამოიძახა დიაკვანმა, თუმცა ფორნიდან მაინც გადმოხტა და თავქუდმოგლეჯილი გაექანა კარებისაკენ.

— მაშ ასე. — თქვა ტიხონ ილიჩმა. — მაშ ხსნილაჰდე.

ვაგზალში სველი ქურთუკების. სამოვრის, წეკოსა და ნავთის სუნი ტრიალებდა. იმდენი მოეწიათ, რომ კაცს ყელი ჩაეხრინწებოდა; ლამპები ძლივძლივობით ბეჭუტავდნენ კვამლში. ბინდბუნდსა და სიცივეში ჰტრიალებდა და რახუნობდა კა-

რები, შექუჩულიყვენ და ყაყანებდნენ გლეხები — ულიანოვკელი მეეტლეები, რომელთაც ხელში მათრახები ეჭირათ; ისინი ზოგჯერ მთელი კვირების განმავლობაში ელოდნენ მგზავრს. მათ შორის დააბიჯებდა ერთი წარბეზაწეული, პურით მოვაქრე ებრაელი, რომელსაც უხეში ფეტრის ქუდი ეხურა და კაპიშონიანი პალტო ეცვა. სალაროს ახლოს გლეხები რომელიღაც ბატონის ჩემოდნებს და მუშამბაგადაკრულ კალათებს სასწორზე აწყობდნენ; გლეხებს უყვიროდა ტელეგრაფისტი, რომელიც სადგურის უფროსის მოადგილის თანამდებობას ასრულებდა; ეს იყო მოკლეფეხება, დიდთავა ჰაბუკი, მოყვითალო თმით, რომელიც კაზაკურად აქოჩრა და ჩიხაქუდს ქვემოდან მარცხნივ, საფეთქელთან უჩანდა. კუჭყიან იატაკზე ბაყაყივით დაწინწკლული პოინტერი იჯდა, ძაგძაგებდა და ნაღვლიანად იცქირებოდა.

ტიხონ ილიჩი გლეხებს შორის გაძვრა, ბუფეტის დახლთან მივიდა და ერთ ხანს ბუფეტში მომუშავესთან ილაქლაქა. მერე შინისკენ გაემართა. დენისკა კვლავ პარმალთან იდგა.

— იცით რა უნდა მეთხოვა თქვენთვის, ტიხონ ილიჩი. — უთხრა მან უფრო მეტი სიმორცხვით, ვიდრე სჩვეოდა.

— სხვა რაღა გინდა? — ბრაზით ჰკითხა ტიხონ ილიჩმა, — ფული? არ მოგცემ.

— არა, რა ფული! წერილი მინდა წაგაკითხოთ.

— წერილი? ვისა სწერ?

— თქვენ. წილან მინდოდა მომეცა და ვერ გავბედე.

— რის თაობაზე?

— არაფერი... ჩემი ცხოვრება ავწერე...

ტიხონ ილიჩმა დენისკას ფურცლის ნაგლეჯი გამოართვა, ჯიბეში ჩაიღო, ბლანტ, გაცივებულ ტალახს გაჰყვა და შინისკენ წავიდა.

ახლა მას გული ერჩოდა. მუშაობა სურდა, და სიამოვნებით გაითიქრა. რომ საქონელი დასაპურებელი ჰყავდა. დასანანია, რომ გაცხარდა და კოპტონა სახლიდან გააგდო; ახლა თვითონ მოუწევს დამის თევა. ოსკას იმედი თითქმის არა აქვს. ალბათ უკიდრ სძინავს. ან არადა მზარეულ ქალთან ზის და თავის ბატონს ლანძღავს... ტიხონ ილიჩმა ქოხის განათებულ ფანჯ-

რებს ჩაუარა, წინკარში შეიპარა და კარს დააყურა. კარის იქით გაისმა სიცილი, მერე კი ოსკას ხმა:

— კიდევ ერთს გიამბობ. ცხოვრობდა სოფლად ერთი გლეხი, — ღარიბი, ძალიან ღარიბი, მთელ სოფელში იმაზე უარესად არავინ ცხოვრობდა. ჰოდა, ერთხელ, ჩემო ბატონო, ეს ჩვენი გლეხი სახნავად წავიდა. აეტორღიალა ერთი ჭრელი ხვადი ძაღლი. გლეხი ხნავს, ძაღლი კი დაშლივინობს მინდორში და რაღაცას ქიქამს. თხარა, თხარა და როგორ აღმუ-უვლდა! ეს რა დარღუბალაა? მივარდა გლეხი, იყურება შიგა, იქ კი თურმე თუჯია ყოფილა...

— თუ-თუჯია? — შეეკითხა მზარეული ქალი.

— ყური მიგდევ. თუჯია თუჯიაა, მაგრამ იმ თუჯიაში ოქრო ეყარა! უთვალავი ოქრო... ჰოდა, გლეხიც გამდიდრდა...

„ეჰ, ყბედები!“ — გაიფიქრა ტიხონ ილიჩმა და ხარბად განაგრძო ყურის გდება, აბა რა მოუვა გლეხსო.

— გამდიდრდა გლეხი და ისე მოეწყო, როგორც გინახავს კაი ვაჭარი...

— ჩვენს ჯიქზე ნაკლებ არ გამდიდრდებოდა, — ჩაუბოროტო მზარეულმა.

ტიხონ ილიჩს გაეღიმა: თვითონაც იცოდა, დიდი ხანია რაც ჯიქს ეძახდნენ... კაცს ვერ იპოვი, რომ რამე მეტსახელი არ ერქვას!

ოსკა განაგრძობდა:

— კიდევ უფრო გამდიდრდა... ჰო, ხვადი ძაღლი კი მოკლა. რა ქნას ახლა? სხვა რა ღონეა — ეცოდება ძაღლი, პატივით უნდა დაასაფლაო... —

გაისმა ხორხოცი. გადაიხარხარა თვით ამბის მომყოლმაც და კიდევ ვიღაცამ — ბებრული ხველებ-ხველებით.

— ნუთუ ეს კობტონა არის? — გონს მოეგო ტიხონ ილიჩი. — მადლობა ღმერთს. ხომ ვუთხარი სულელს: დაბრუნდები-მეთქი!

— მივიდა გლეხი მღვდელთანა, — განაგრძობდა ოსკა, — მივიდა მღვდელთანა: ასე და ასე, მამაო, ძაღლი მოკვდა, უნდა დაემარხოთო...

მზარეულმა კვლავ ვერ მოიპოინა და მხიარულად შესძახა:

— უი, შენ გაქრი, შენა!

— დამაცა დავამთავრო — შესძახა ოსკამაც და ისევ გადავიდა თხრობით კილოზე — ხან მღვდელს ასახიერებდა, ხან გლენს:

— ასე და ასე, მამაო, ძალღი უნდა დავმარხოთო. მღვდელმა ფეხები დააბაკუნა: „როგორ თუ უნდა დამარხოთ? ძალღი სასაფლაოზე უნდა დამარხოთ? მე შენ საპატიმროში ჩაგაღობ, ბორკილებს დაგადები!“ — „მამაო, განა ის უბრალო ძალღი იყო: სიკვდილის წინ ანდერძით ხუთასი მანეთი დაგიტოვათ!“ მღვდელი ზეზე წამოხტა: „სულელო! განა მე შენ იმიტომ გლანძღავ, რომ დამარხვა გინდა? მე იმის თაობაზე გლანძღავ, თუ სად დავმარხოთ. ის ეკლესიის გალავანში უნდა დავასაფლაოთ!“

ტიხონ ილიჩმა ხმამაღლა ჩაახველა და კარი შეაღო. მაგიდასთან მბოლავი ლამპის ახლოს, — შუშის გატეხილი გვერდი ქალღმერთით რომ ჰქონდა დაწებებული, — თავჩაღუნული იჯდა მზარეული, რომელსაც სველი თმა სახეზე ჩამოშლოდა. ის ხის სავარცხლით ივარცხნიდა თმას და თმების მიღმა სინათლეზე ათვალეირებდა სავარცხელს. პირში პაპიროსგაჩრილი ოსკა უკან გადახრილიყო, ხარხარებდა და ქალამნებიან ფეხებს მიწაზე ატყაპუნებდა. ღუმელის გვერდით ბინდბუნდში, ჩიბუხი ღვიოდა, ხარხარი მაშინვე შეწყდა, ჩიბუხის მწვეველი გაუბედავად წამოდგა, პირიდან ჩიბუხი გამოიღო, და ჯიბეში ჩაიღო... დიახ, კოპტონა იყო მაგრამ, თითქოს დილით არაფერი მომხდარაო, ტიხონ ილიჩმა მხნედ და მეგობრულად შესძახა:

— ბიჭებო! საქონელი დააპურეთი..

ბოსელში ფარნით დადიოდნენ, ანათებდნენ გაცივებულ ნეჩენს, აქეთ-იქით მიმოფანტულ ჩალას, ბაგებს, ბოძებს; თან დაჰყვებოდათ უზარმაზარი ლანდები; ძილს უფროთხობდნენ საჩიხში ქანდარაზე ჩამომსხდარ ქათმებს; ქათმები აფრინდებოდნენ, ძირს ცვიოდნენ, თავჩაქინდრულნი, ზეზეულა მძინარენი. საითაც მოხვდებოდათ იქით გარბოდნენ. სინათლისაყენ თავმობრუნებული ცხენები დიდრონ, ლურჯ თვა-

ლებს აბრიალებდნენ და რაღაც უცნაურად და დიდებულად გამოიყურებოდნენ. სუნთქვის დროს ოხშივარი ასდიოდათ, თითქოს ყალიონს აბოლებენო. როცა ტიხონ ილიჩი ფარანს ძირს დაუშვებდა და მალლა აიხედავდა, ოთხკუთხა ეზოს თავზე, მოწმენდილ, უკიდევანო ცაზე სიხარულით შესცქეროდა კაშკაშა ნაირფერ ვარსკვლავებს, ესმოდა, როგორ შრიალებდა სახურავებზე და როგორ უბერავდა ჭუჭრუტანებიდან სუსხიანი ჩრდილოეთის ქარი... დიდება შენდა, ღმერთო, ზამთარი დადგა!

საქმეს რომ მორჩა და სამოვარი აადულებინა, ტიხონ ილიჩი ფარანით ხელში შევიდა ცივ, სუნიან დუქანში, ყველაზე კარგი დამუყუყებული ქაშაყი აშოარჩია; — ჩაის წინ ურიგო არაა მარლიანი საკმლის მირთმევა! — ქაშაყს რამდენიმე ჭიქა ტებილ-მწარე, ალისფერი ჭნავის არაყი დააყოლა, ჭიქა ჩაი დაისხა, ჯიბეში დენისკას წერილი მოძებნა და მისი ბატიფეხურის გარჩევას შეუდგა.

„დღესა 40 მანათი ფული ავიღე და მერე ჩემი ბარგიბარხანა შევანგროვე...“

„ორმოცი — გაიფიქრა ტიხონ ილიჩმა. — შეხე ამ უნიფხვოსს!“

„წავედი დღესა სადგურ ტულაში და სწორედ მაშინ გამცარცვეს და ამამაცალეს სუყველაფერი სად წავსულიყავი არ ვიცოდი და გულზე დარდი მომაწვა...“

ამ როშვის კითხვა ძნელი და გულისგამწყალებელი იყო, მაგრამ ასეთ გრძელ საღამოს სხვა რა უნდა ექნა... სამოვარი მოუსვენრად ჩუხჩუხებდა, ლამპა მშვიდად აფრქვევდა შუქს — და საღამოს სიჩუმესა და მყუდროებაში რაღაც ნაღველი იყო. ფანჯრებს ქვემოთ პატარა ჩაქუჩს აკაკუნებდნენ და ყინვიან ჰაერში საცეკვაოს ხმა ისმოდა.

„მერე ვდარდობდი როგორ წავიდე სახლში მამა ძაან ბრაზიანი არის მეთქი...“

„რა სულელია, ღმერთო, შეგცოდე! — გაიფიქრა ტიხონ ილიჩმა. — მგელკაცა ბრაზიანი ყოფილა!“

„წავალ უღრან ტყეში მოვნახავ ყველაზე მაღალ ნაძვს მის

კენწეროს დავგრეხ ყულფში თავს გავუყრი და სამუდამოდ განვისვენებ ახალი შარვლით მაგრამ უჩქენებოთ...“

— ალბათ — უჩქემებოდ, — თქვა ტიხონ ილიჩმა და მოღლილი თვალებიდან ქალაღდი შორს დაიჭირა. — რაც მართალია, მართალია...

წერილი ჰურკლის სარეცხ ჯამში ჩააგდო, მაგიდას ნიდაყვებით დაეყრდნო და ლამპას შეაჯჭურდა... უცნაური ხალხი ვართ! ათასნაირი ჰკუისა! კაცი ხან ნამდვილი ძაღლია, ხან კი ნაღვლიანი და შესაბრალისი ხდება, ინაზება, თავის თავს დასტირის... აი დენისკასი ან... თვით ტიხონ ილიჩისა არ იყოს... ფანჯრები გაორთქლილიყვნენ. მკაფიოდ და მარჯვედ გამოსცემდა პატარა ჩაქუჩი რაღაც ზამთრისეულ, კარგ ხმას... ეჰ, შვილები რომ ჰყავდეს! ან კარგი საყვარელი მანც, ამ გასივებული დედაბრის ნაცვლად, რომელიც ამბებს უყვება თავადის ქალისა და ვიღაც ღვთისმომშიში მონაზვნის პოლიკარპიას შესახებ, ქალაქში პოლუკარპიას რომ ეძახიან, და თავს აბეზრებს! მაგრამ ვაი რომ გვიანაა!..

ტიხონ ილიჩმა პერანგის საყელო შეიხსნა და მწარე ღიმილით მოისვა ხელი კისერზე, ყურებქვეშ ჩაღრმავებულ ადგილებზე... სიბერის პირველი ნიშანი სწორედ ეს ღრმულებია — თავიც რაღაც ცხენისებური ხდება! სხვასაც არა უშავს. თავი დაღუნა, წვერებში ხელი შეიყო... წვერიც ჰალარა, ხმელი და აბურღული აქვს. არა, ტიხონ ილიჩ, ყველაფერი გათავდა!

სვამდა, ზარხოშდებოდა, კვლავ უფრო მეტად აღრქიალებდა კბილებს, თვალმოჭუტული, უფრო დაჟინებით შესცქეროდა ლამპის პატარუქს, მშვიდად რომ ენთო... აბა იფიქრეთ: ღვიძლ ძმასთან ვერ წასულა — ტახები არ უშვებენ! კიდევ რომ გაუშვან, ბევრი ვერაფერი სიხარულია. კუზმა შეგონებას დაუწყებს, გვერდით კი ტუჩებმოკუმული და წამწამებდახრილი პატარძალი იდგომება... მარტო ამ დახრილ თვალებს გაეჭიკევა კაცი!

გული უღონდებოდა, თავბრუ ესხმოდა... სად გაუგონია მას ეს სიმღერა?

მოვიდა საღამო სევდის
და მიწვდის ნაღვლიან ხელს,
მოვიდა ტრფიალი ჩემი
და ხელებს ღიმილით მხევეს...

ჰოო, ეს იყო ლებედიანის ფუნდუქში. ისხდნენ ზამთრის საღამოს მეშაქმანე ქალიშვილები და მღეროდნენ — ისხდნენ, ქსოვდნენ და თავაულებლივ, წკრიალა მკერდისმიერი ხმით ამოთქვამდნენ:

მეხვევა, მიკოცის ტუჩებს
და მემშვიდობება თან...

თავბრუ ესხმოდა, ხან ეჩვენებოდა, რომ ყველაფერი ისევ წინ იყო — სიხარულიც, სურვილიც, უზრუნველობაც, ხან კი კვლავ უიმედობა უღონებდა გულს. ზოგჯერ თავს იმხნევებდა: — ოქროს ანკესით ყოველნაირ თევზს დაიჭერო.

ხანდახან ბოროტად შესცქეროდა ლამპას და ებუზღუნებოდა, ეტყობა, გონებაში ძმა ედგა თვალწინ:

— მასწავლებელი მქადაგებელი მოწყალე ფილარეტი... უნიფხვო ეშმაკი!

ჰნავის არაყი სულ მთლად დალია, იმდენი მოსწია, რომ ოთახი ბინდმა მოიცვა... უსწორმასწორო ნაბიჯებით გაჰყვა მოფამფალეებულ იატაკს და პიჯაკის ამარა გავიდა წინკარში, შეიგრძნო სუსხი, ჩალისა და ფსუტის სუნი, დაინახა ორი მომწვანო ფერის სინათლე, რომელიც ზღურბლზე გამოკრთა...!

— ბუიან! — დაუძახა.

რაც ძალი და ღონე ჰქონდა, ჩექმიანი ფეხი ჩაარტყა თავში ბუიანს და შემდეგ ზღურბლზე მოშარდვა დაიწყო.

სამარისებური სიჩუმე ჩამოწოლილიყო მიწაზე, რომელიც ვარსკვლავების შუქზე შავად მოჩანდა. კიაფობდნენ ნაირფერი ვარსკვლავები. ოღნავი სითეთრე დაჰკრავდა შარავზას, სიბნელეში რომ იკარგებოდა. შორით ისმოდა ყრუ, თითქო მიწიდან ამომავალი ბუბუნი, რომელიც თანდათან უფრო ხმამაღალი ხდებოდა. უცებ ამოხეთქა და არემარე აგუგუნდა. ელექტრონით გაჰაშკაშებულ სარკმელთა ჯაკვით, ქვემოდან აღისფრად გაბრწყინებული, გაწეწილი კვამლის თმებით ჯა-

დოქარივით მიფრინავდა და შარავზას ჰკვეთდა სამხრეთ-აღმოსავლეთის ექსპრესი.

— დურნოვკას ჩაუარა! — სლოკინით თქვა ტიხონ ილიჩმა და ოთახში შებრუნდა.

პატრუქმომწვარი ლამპის მკრთალი შუქით განათებულ დათამბაქოს სუნიტ აყროლებულ ოთახში ნამძინარევი მზარეული ქალი შემოვიდა, თან შემოიტანა წვნიანი შეჭაძანდით სავსე თუჯია, რომლისთვისაც ქონითა და მკვარტლით ჩაშავებულ ყურებში ჩაევლო ხელი. ტიხონ ილიჩმა შეუბღვირა და უთხრა:

— ამ წუთში გასწი აქედან!

მზარეული შებრუნდა, კარი ფეხით მიხურა და გაუჩინარდა.

უკვე უნდოდა დაწოლილიყო, მაგრამ კიდევ დიდხანს იჯდა. კბილებს აღრქიალებდა და მოღუშული, ნამძინარევი თვალებით დასცქეროდა მაგიდას.

II

კუზმა მუდამეამ ოცნებობდა სწავლასა და შემოქმედებაზე.

ლექსი რა არის! ლექსის წერით იგი მხოლოდ და მხოლოდ „ერთობოდა“. მას სურდა მოეთხრო, თუ როგორ იღუპებოდა, გაუგონარი უღმობლობით აესახა თავისი სიდატაკე და ის საშინელი ყოველდღიური ყოფა-ცხოვრება, რომელიც ამახინჯებდა მას და „უნაყოფო ლედვის ხედ“ აქცევდა.

პირად ცხოვრებას რომ უფიქრდებოდა, იგი კიდევ გამობდა თავის თავს და კიდევ ამართლებდა.

რა ვუყოთ, მისი ისტორია — ესაა ისტორია ყველა რუსი თვითნასწავლი კაცისა. ის დაიბადა ქვეყანაში, სადაც ას მილიონზე მეტი წერა-კითხვის უცოდინარი იყო. იზრდებოდა ჩორნაია სლობოდაში, სადაც დღესაც კი ბევრი ეცემა სასიკვდილოდ მუშტიკრივში, იზრდებოდა უკიდურეს სიველურესა და უმეცრებაში. ასოები და ციფრები მას და ტიხონს მეზობელმა, კალოშების შემეკეთებელმა ბელკინმა შეასწავლა, ისიც მხოლოდ იმიტომ, რომ მუდამ უსაქმურად იყო, — აბა

კალოშებისათვის ვისა სცხელოდა სლობოდაში — ვინმესთვის საფეთქელში წათაქება ყოველთვის სასიამოვნოა და ბევრად სჯობს იმას, რომ იჯდე თავჩადუნული და ქამარშეხსნილი მიწაყრილზე, აბურძგვნილი ქოჩორი მზისკენ გქონდეს მიშვერილი და ტიტველ ფეხებს შორის მტვერში აფურთხებდე. მატორინის საბაზრო დუქანში ძმებმა წერა-კითხვა ისწავლეს. კუზმას ახლა იტაცებდა წიგნებიც, რომლებსაც აჩუქებდა ხოლმე ბაზრის თავისუფალი მოაზროვნე, უცნაური კაცი, მოხუცი მეგარმონე ბალაშკინი. მაგრამ დუქანში ვის სცალია კითხვისათვის! მატორინი ძალიან ხშირად უყვიროდა: „ყურებს დაგაგლეჯ მაგ შენი გუაყებისათვის, შე ეშმაკო, შენა!“

იქ კუზმამ რაღაც-რაღაცების წერაც დაიწყო. პირველად დაწერა მოთხრობა იმის შესახებ, თუ როგორ მიემგზავრებოდა ერთი ვაჭარი საშინელი ღვართაფის დროს, ღამე, მურომის ტყეების გავლით, როგორ მოხვდა დაჰის გასათევად ყაჩაღებთან და როგორ გამოსჭრეს ყელი. კუზმამ გულმხურვალედ ასახა ვაჭრის ვედრება სიკვდილის წინ, ფიქრები, მწუხარება თავისი უკუღმართი და „ასე ნაადრევად შეწყვეტილი სიცოცხლის“ გამო. მაგრამ ბაზრის ხალხმა უღმობლად გადაასხა ცივი წყალი:

— სულელი ხარ, მე და ჩემმა ღმერთმა! ნაადრევადო! რატომ ადრე არ მოკვდა ის ღიბიანი ეშმაკი! მერედა, როგორღა გაიგე რას ფიქრობდა? მას ხომ ყელი გამოსჭრეს?

მაშინ კუზმა ადგა და დაწერა კოლცოვისებური სასიმღერო ლექსი უხუცეს რაინდზე, რომელმაც თავის ვაჟიშვილს ერთგული ცხენი უანდერძა. — „მე მას დაეყავდი ჩემი ყრმობისას!“ ალტაცებით ამბობდა ლექსში რაინდი.

— მაშ ასე! — უთხრეს მას. — ბოლოს და ბოლოს რამდენი წლის იქნებოდა ის ცხენი? ეეჰ, კუზმა, კუზმა! უმჯობესი იქნებოდა უფრო საჭირო რამ შეგეთხზა, — თუგინდ ომზე დაგეწერა რამე...

და კუზმამაც ბაზრის ხალხის გემოვნებას აულო ალლო, დაიწყო წერა იმის შესახებ, რაზედაც მაშინ ეს ხალხი ლაპარაკობდა, — რუსეთ-თურქეთის ომზე; წერდა იმაზე, რომ:

წელსა სამოცდაჩვიდმეტსა
ოსმალსა ხმალსა ლესავდა,
ურდოს მოუხმო სალაშქროდ,
რუსთა დაპყრობა ეწადა, —

და რომ ოსმალებს

უშნო ფესები ახურავთ,
ცარ-პუშკას ეპარებიან...

შემდეგ დიდი გულისტკივილით აღიარებდა, რაოდენი გონების სიჩლუნგე და უმეცრება იყო ამგვარ შაირებში და რად ღირდა ეს ხებრული ენა, ეს რუსული სიძულვილი უცხოური ფესების მიმართ!

ღუქანი რომ მიატოვეს და ყველაფერი, რაც კი დედის სიკვდილის შემდეგ დარჩათ, გაყიდეს, ძმებმა მეწვრილმანეობას მიჰყვეს ხელი. მშობლიურ ქალაქში ყოფნა ხშირად უხდებოდათ, და კუზმა ისევ მეგობრობდა ბალაშკინთან, ხარბად ეწაფებოდა წიგნებს, რომლებსაც ბალაშკინი აძლევდა, ან ურჩევდა წაეკითხა. თუმცა, ბალაშკინთან შილერზე საუბრისას იგი გატაცებით ოცნებობდა ვალად აელო მისგან „ლივენკა“. ტურგენევის „კვამლით“ აღფრთოვანებული, ის მაინც დაჟინებით ამტკიცებდა, რომ „ვისაც უჭრის თვისი გონება, უსწავლელადაც გაიტანს თავსა“. კოლცოვის საფლავი რომ ნახა, აღტაცებულმა, უწიგნურად დააწერა საფლავის ქვაზე: „ამა ძეგლისა ქვეშე მარხია ცხედარი ვორონეჟელი მედაბურისა და პოეტის: ალექსეი კალცოვისა ხეშვიფის წყალობით დაჯილდოებულისა და ბუნებებისაგან უმეცნიერებოდ განათლებულისა...“

ბალაშკინი — ვეებერთელა, ხმელ-ხმელი მოხუცი, ზამთარ-ზაფხულ მომწვანო ხიფთანსა და თბილ ჩიხაქუდს რომ ატარებდა, ფართოსახიანი, წვერგაპარსული და პირმოღრეცილი — თითქმის საშიში იყო თავისი ავი სიტყვებით, ბერიკაცული ბოხი ხმით, რუხ საფეთქლებთან შევერცხლილი ჯაგარა თმითა და გადმოკარკლული, მწვანედ მოელვარე მარცხენა თვალით, რომელიც იქით ჰქონდა მიბრეცილი, საითაც პირისახე მიღრეცოდა. რომ იცოდეთ როგორ დაიღრიალა ერთხელ.

როცა მოისმინა კუზმას მსჯელობა „უმეცნიერებო განათლების“ შესახებ, როგორ ააღელვარა ეს თვალი და შორს გატყორცნა ააპიროსი, რომელშიც ჭიჭყინა თევზის კოლოფში ნაყარი წვეკო გაეხვია.

— ვირისთავო! რაებს როშავ? გესმის რას ნიშნავს ეს ჩენი „უმეცნიერებო განათლება“?

კვლავ წამოავლო პაპიროსს ხელი და აღრიალდა:

— ღმერთო ჩემო! პუშკინი მოკლეს, ლერმონტოვი მოკლეს, პისარევი წყალში დაახრჩვეს, რილეევი ჩამოახრჩვეს... დოსტოევსკი დასახვრეტად გაიყვანეს, გოგოლი ჭკუაზე შეშალეს... შეეჩენკო? პოლუჟაევი? რას იტყვი, — მთავრობა არის დამნაშავე? როგორიც ყმა — ისეთი ბატონი ჰყავს, რა ბიჭიც გახლავთ, ისეთი ქუდი ჰხურავს. ოჰ, ნუთუ კიდევ არის ქვეყნად ასეთი მხარე, ასეთი ხალხი, დასწყევლოს ღმერთმა!

კუზმა ერთ ხანს აღელვებით აწვალებდა გრძელკალთიანი სერთუკის ღილებს, ხან შეიკრავდა, ხან გაიხსნიდა; მერე, შემცბარმა, მოღუშული და თან მოღიმარი სახით მიუგო:

— ასეთი ხალხი! „ასეთი“ კი არა, — დიდებული ხალხია, ნება მომეცით შეგნიშნოთ.

— აბა, აბა, ჯილდოებს ნუ არიგებ! — კვლავ შეჰყვირა ბალაშკინმა.

— კარგსაც ვშვრებოი ეს მწერლები განა ამ ხალხის შვილნი არ არიან? პლატონ კარატაევი ხომ ამ ხალხის აღიარებულნი ტიპია!

— რატომ ეროშკას ან ლუკაშკას არ ახსენებ? ჩემო კარგო, ლიტერატურის გადაქექვა არ მოვინდომო, თორემ ვინ რისი ღირსია, კარგად ვიცოი რაღა მაინცდამაინც კარატაევი და არა რაზუვაევი და კოლუპაევი, ბობოლა ღრიანკალი ან მექრთამე მღვდელი, სინდისგარეცხილი დიაკი თუ ვინმე სალტიჩხა, კარამაზოვი და ობლომოვი, ხლესტაკოვი და ნოზდრევი; ან კიდევ, რაღა შორს მივდივართ, — შენი არამზადა ძმა?

— პლატონ კარატაევი...

— ჭირსაჲ წაუღია შენი კარატაევი! მე მასში იდეალს ვერ ვხედავ!

— რუსი მოწამენი, მოღვაწენი, სათნომყოფენი, სალოსნი, მწველებელნი?

— რა-ო? კოლიზეები, ჯვაროსნული ლაშქრობები, ლერი-
გიული ომები, აურაცხელი სექტები? ლუთერი, ბოლოს და
ბოლოს? არა, ვერ მოგართვი! ჩემთან ეგები არ გა-
გვივა!

ღიახ, საჭირო იყო მხოლოდ ერთი ოამ — სწავლა. მაგრამ
როდის ესწავლა, სად?

მთელი ხუთი წლის განმავლობაში მეწვრილმანეობას ეწე-
ოდა. მერედა, რა დროს? სიცოცხლის ყველაზე საუკეთესო
ხანს! ქალაქში ჩამოსვლაც კი უდიდეს ბედნიერებად მიაჩნდა.
ისვენებდა, ნაცნობებს ხვდებოდა, ფურნისა და რკინის სახუ-
რავების სუნს იყნოსავდა, ტორგოვიას ქვაფენილზე დადიოდა,
სახამრო „ყარსში“ ჩაისა და ბუღკებს შეექცეოდა და სპარ-
სულ მარშს ისმენდა... დუქნებში იატაკს ჩაიდნით რწყავდნენ,
რუდაკოვის კარებთან ცნობილი მწყერი ქვითქვითებდა, ირ-
გვლივ თევზის, კამისა და რომანოვული წეკოს სუნი ტრია-
ლებდა... მიახლოებულ კუზმას ბალაშკინი კეთილად უღიმოდა,
თუმც ამ ღიმილით შიშს ჰგვრიდა... მერე კი წყევლა-კრულვას
უთვლიდნენ სლავოფილებს, ლანძღვა-გინებით იხსენიებდნენ
ბელინსკის, უთავბოლოდ და გაცხარებით უტევდნენ ერთმა-
ნეთს ათასნაირი სახელებითა და ციტატებით, ხოლო საბოლო-
ოდ ყველაზე უიმედო დასკვნამდე მიდიოდნენ. „ახლა უკვე
ყველაფერი გათავდა, — მთელი ძალით ვტეხთ წელში და
აზიისაკენ მივერეკებით!“ — დუღუნებდა ბერიკაცი, მერე უცებ
ხმას დაუდაბლებდა, მიიხედ-მოიხედავდა და იტყოდა: „გაი-
გე? ამბობენ, სალტიკოვი კვდებაო. უკანასკნელი! მოწამლესო,
ამბობენ...“ დილით კი ელოდა ისევ ფორანი, სტეპი, პაპანაქება
თუ ტალახი, დაძაბული და საწამებელი კითხვა შარაზე მსრბო-
ლი თვლების რახრახში... დიდხანს გაჰყურებდა სტეპის შო-
რეთს, გულში ტკბილსა და ნაღვლიან ლექსებს მღეროდა, რა-
საც დროდადრო აწყვეტინებდა ნავაქრზე ფიქრი ან ტიხონთან
წაკინკლავება... აღელვებდა მგზავრობის თანამდევი მტვრისა
და კუპრის სუნი, პიტნიანი თაფლაკვერის სურნელება, კატის
ტყავების მომხამმავი სიმყარაღე, ფორნის ყუთიდან რომ ამო-
დიოდა... ქანცი გაუწყვიტეს ამ წლებმა, — ორ-ორ კვირას პე-
რანჯგაუხდელად ყოფნამ, მშრალმა საკვებმა, მოღრეცილი ჩქ-

მებისა და დასისხლიანებული ქუსლების გამო კოკლობამ, სხვის ქოხსა თუ წინკარში ღამის თევამ!

კუზმამ სასოებით გამოისახა პირჯვარი, როცა ბოლოს და ბოლოს თავი დააღწია ამ სიღუბეში. მაგრამ ლუკმა პური ხომ მაინც უნდა ეშოვნა. თითქმის წელიწადს მსახურობდა ერთ ჩოდართან ელცის მახლობლად, შემდეგ კი ვორონეჟისკენ გააწია. ვორონეჟში კარგა ხანია გულში ჩავარდნოდა სხვისი ცოლისადმი ტრფიალი და სწორედ ამიტომ გაუწია იქითკენ გულმა. თითქმის ათ წელს იყო მოკალათებული პურის მომარაგების საწყობთან, მაკლერობდა და თან პატარ-პატარა წერილებს ათავსებდა გაზეთებში პურის საკითხზე; გულს აყოლებდა ტოლსტოის სტატიებსა და შჩედრინის ნაწარმოებებს, ან, უფრო სწორად, სულს იშხამავდა მათი კითხვით. განუშორებლად სდევდა და სტანჯავდა ფიქრი: ვიღუპები? ცხოვრებამ ფუჰად ჩაიარაო.

ოთხმოცდაათიანი წლების დასაწყისში თიანჭრისაგან გარდაიცივალა ბალაშკინი; ცოტა ხნით ადრე კუზმამ იგი უკანასკნელად ნახა. მერედა, რა შეხვედრა იყო!

— წერაა საჭირო, — სახემოღუშვითა და ბრაზით ჩიოდა ერთი, — თორემ მინდვრის ყვავილივით ჰქნები კაცი...

— ჰო, ჰო, — დუღუნებდა მეორე, ნამძინარევივით აპარპალებდა თვალებს, ღრანქს ძლივს ამოძრავებდა და პაპიროსის გახვევისას წეკო ებნეოდა, — ნათქვამია: ნიადაგ სწავლობდე და ფიქრობდეო... მიიხედ-მოიხედე ირგვლივ, თვალი გადაავლე ჩვენს უბედურებას, სილატაქეს.

მერე შორცხვად გაიღიმა. პაპიროსი გადადო და მაგიდის უჯრა გამოწია.

— აი, — დუღუნებდა ის და თან დამდნარი ქალღლებისა და გაზეთების ამონაჭრების დასტას ქექავდა. — აი აქ, ჩემო კარგო, მთელი სიმდიდრეა... ვკითხულობდი, ვკრიდი, ვიწერდი... როცა მოგვედები, შენ დაგრჩება; გამოგადგება, — შესანიშნავი მასალაა რუსული ცხოვრების შესახებ. მოიცა, მოიცა, მე შენ ერთ კარგ ამბავს მოგიძებნი...

ქექა, ქექა, მაგრამ ვერ იპოვა. მერე სათვალეს დაუწყო

ძებნა, ჯიბეები გადმოაბრუნა და ხელი ჩაიქნია. ხელი ჩაიქნია და თავი გააქანტურა:

— თუმცა, არა, — არ გაბედო და ჯერ ხელი არ მოჰკიდო. ჯერჯერობით შენ ჰკუთასუსტი ხარ, უსწავლელი. ისეთ ქვას უნდა დასწვდე, რომლის აწვევასაც შეძლებ. აი იმ თემაზე, ამას წინათ რომ მოგეცი სუბონოსზე, დაწერე რამე? ჯერ არ დაგიწერია? შენცა ხარ, რაღა, ჰკუთის კოლოფი რა თემა!

— სოფელზე უნდა იყოს რამე, ხალხზე, — თქვა კუზმამ, — თქვენ თვითონ არ ამბობთ: რუსეთი, რუსეთიო...

— განა სუბონოსი ხალხი არ არის, რუსეთი არ არის? სწორედ რომ ისაა, სოფელია, შეუშვი მაგთავში! მიიხედ-მოიხედე გარშემო: როგორა ფიქრობ, ქალაქია ეს? ყოველ საღამოს ნაბირი დაეხეტება ქუჩებში — ისეთა ბული დგას, რომ კაცს ვერ იცნობ... შენ კი ამბობ ქალაქიო!

სუბონოსი... მრავალ წელს არ შორდებოდა კუზმას გონებას ეს საწიზღარი შესახედაობის, დაბის მცხოვრები ბერიკაცი, რომლის მთელ ავლადიდებას შეადგენდა ბაღლინჯოებისაგან დასვრილი ლეიბი და ჩრჩილისაგან შექმული სალოფი — ცოლის დანატოვარი. იგი დაეხეტებოდა, ავადმყოფობდა, შიმშილობდა, თვეში ათ შაურად აფარებდა თავს ვაქარი ქალის სახლს, „ობჟორნი რიადზე“ რომ ცხოვრობდა და, რომლის აზრით, ამ კაცს თავისუფლად შეეძლო პირადი მდგომარეობის გაუმჯობესება, თუკი თავის მემკვიდრეობას გაყიდდა. მაგრამ ბერიკაცი მას თვალის ჩინივით უფრთხილდებოდა, — და, რა თქმა უნდა, არა განსვენებულისადმი სათუთი გრძნობების გამო: ეს მემკვიდრეობა აგრძნობინებდა მოხუცს, რომ ის, სხვებისაგან გამორჩევით, რაღაც ქონების პატრონი მაინც იყო. ეს ქონება მას ძალიან ძვირად უღირდა: „აბა საღ ნახავ ახლა ასეთ სალოფს!“ იგი სულაც არ იყო სალოფის გაყიდვის წინააღმდეგი, მაგრამ ისე ძვირად აფასებდა, რომ მყიდველები ადგილზე ქვავდებოდნენ... კუზმას კარგად ესმოდა დაბაში მცხოვრებთა ეს ტრაგედია, მაგრამ როცა იმაზე ფიქრობდა, თუ როგორ აეწერა იგი, თვითონაც ებმებოდა დაბის მკვიდრთა ამ მძიმე ცხოვრებაში, იგონებდა ბავშვობას, სიჭაბუკეს — და თავს ველარ ართმევდა, რის გამოც სუბო-

ნოსი ეკარგებოდა იმ უამრავ სურათებში, რომლებსაც წარმოსახვის უნარი მთლად შეებოჭათ. იგი ფარ-ხმალს ყრიდა, რადგან თრგუნავდა სურვილი — გადმოეცა თავისი სული, გამოეთქვა ყველაფერი, რაც პირად ცხოვრებას უმახინჯებდა, ხოლო ამ ცხოვრებაში ყველაზე დიდ საშინელებად იმას მიიჩნევდა, რომ იგი უბრალო, ჩვეულებრივი იყო და გაურკვეველი სისწრაფით ქუცმაცდებოდა წვრილმანებად...

მას შემდეგ კიდევ ბევრი უნაყოფო წელი გავიდა. ვორონეჟში მაკლერობას ეწეოდა, მერე, როცა შვილოსნობის ხურვებას გადაჰყვა ის ქალი, რომელთანაც ცხოვრობდა, ელცში დაიწყო მაკლერობა, სანთლებით ვაჭრობდა ლიბეცკის დუქანში, კანტორის მოხელედ მუშაობდა კასატკინის მეურნეობაში. ერთ ხანს ტოლსტოის თავდადებული მიმდევარიც იყო: ერთი წლის განმავლობაში არ მოუწევია თამბაქო, არ გაჰკარებია არაყს, არ ჰკამდა ხორცს, განუშორებლად თან ჰქონდა „აღსარება“, კავკასიაში, დუხობორებთან დასახლებას აპირებდა... მაგრამ ერთხელ დაავალეს კიევში ერთ საქმეზე წასვლა. სექტემბრის მიწურული იყო, ნათელი დღეები იდგა, ყველაფერი სიხარულს, სიმშვენიერეს განაცდევინებდა კაცს: სუფთა ჰაერი, ნელი მზე, მატარებლის სროლა, ღია ფანჯრები, ნაირფერი ტყეები, რკინიგზის გასწვრივ რომ ჩანდნენ... უეცრად ნეჟინის სადგურთან კუზმამ ვაგზლის კარებთან შექუჩული ხალხი დაინახა. ისინი ვიღაცას შემოხვეოდნენ, ყვიროდნენ, დელავდნენ, დავობდნენ. კუზმას გულმა ბაგაბუგი დაუწყო და ხალხისკენ გაექანა. სწრაფად გაძვრა-გამოძვრა და დაინახა წითელქუდიანი სადგურის უფროსი და რუხმაზარიანი მაღალი ეანდარმი. ეს უკანასკნელი უჯავრდებოდა სამ ხოხოლს. მორჩილად, მაგრამ ჯიუტად რომ იდგნენ; მათ ეცვათ მოკლე, სქელი მოსასხამები და უხეში ჩექმები, ეხურათ ყავისფერი ფაფახები, რომლებიც ძლივს უჩერდებოდათ შემაძრწუნებელი შესახედაობის მრგვალ თავებზე, შეშუპებული თვალების, დასივებული, გახევიებული, დალებილი და ჭრილობებით დაფარული პირისახის ზემოთ, ყუყღუმებმარი დოლბანდით ორმ ჰქონდათ შეხვეული. ხოხოლები ცოფიან მგელს დაეკბინა, კიევში, საავადმყოფოში იყვნენ გაგზავნილნი და თითქმის

ყველა დიდ სადგურზე დღედაღამ მშვიერ-მწყურვალნი ისხდნენ, კაპიკი ფული არ გააჩნდათ. როცა კუზმამ გაიგო, ხოხოლებს მხოლოდ იმიტომ არ უშვებენ ვაგონში, რომ მატარებელი სასწრაფოაო, უეცრად გაშმაგდა და, თავმოყრილ ხალხში მდგომი ებრაელების მოწონების შეძახილით წაქეზებული, აღრიალდა და ჟანდარმს ფეხები დაუბაკუნა. კუზმა დაიქირეს და ოქმი შეუდგინეს; მომდევნო მატარებლის ლოდინში ერთი ლაზათიანად გამოტყვრა.

ხოხოლები იყვნენ ჩერნიგოვის გუბერნიიდან, რომელიც კუზმას ფიქრით ერთი მივარდნილი ტყიანი მხარე იყო, თავზე უფერული, ჯანლიანი ცა ეხურა. ეს ადამიანები, რომლებსაც შმაგ მხეცთან ხელჩართული ბრძოლა გადაეტანათ, კუზმას აგონებდნენ ვლადიმირის დროს, გარდასულ, ტყიურ, პატრიარქალურ ცხოვრებას. აურზაურის შემდეგ აკანკალებული ხელით ისხამდა არაყს, ხარბად სვამდა და აღტაცებული ამბობდა: „ეჰ, რა დრო იყო!“ ჟანდარმისა და იმ მოსასხამიანი პირუტყვების ჯავრი სჭირდა. გონებაჩლუნგნი, ველურები, დასწყევლოს ღმერთმა... მაგრამ — რუსეთი, ძველი რუსეთის ცრემლები მთვრალი სიხარულისა და იმ ძალისა, რომელიც ყოველგვარ სურათს ამახინჯებს და უჩვეულო იერს აძლევს, თვალს უბინდავდნენ კუზმას. „წინააღმდეგობის გაუწევლობა?“ — ახსენდებოდა ზოგჯერ, იღიმებოდა და თავს აქნევდა. მისკენ ზურგშექცევით, საერთო სუფრაზე, სადილობდა ახალგაზრდა, სუფთა ტანსაცმელში გამოწყობილი ოფიცერი; კუზმა ალერსიანი, მაგრამ კადნიერი თვალით შესცქეროდა მის თეთრ კიტელს, ისე მოკლესა და მაღალწელიანს, რომ სურდა მისულისყო და მაგრად ჩამოექაჩა. „მივალ კიდევ! — ფიქრობდა. — ხოლო თუ ადგა და დაიყვირა, შიგ დრუნჩში მივცხები! ესეც შენი წინააღმდეგობის გაუწევლობა“... მერე წავიდა კიევში. საქმეზე ხელი აიღო და, შეზარხოშებული, სამ დღეს დაეხეტებოდა ქალაქში, დნებრისპირა ფლატეებზე. სოფლის ტაძარში, წირვის დროს, ბევრნი გაკვირვებით ათვალეერებდნენ გამხდარ კაცაბს, რომელიც იაროსლავის სარკოფაგის წინ იდგა. უცნაური შესახედაობისა იყო: წირვა თავდებოდა, ხალხი გამოდიოდა, დარაჯები სანთლებს აქრობდნენ, მას კი კრიჭა შე-

ეკრა, შექალაქავებული წვერი მკერდზე ჩამოეშვა. ტანჯვა-სიამით დაეხუჭა ღრმად ჩაცვივნილი თვალები და ისმენდა ტაძრის თავზე დაკიდებული ზარის კეთილზმოვან ბუბუნს... საღამოს კი იგი ლავრაში ნახეს. ერთ ხეიბარ ბიჭს უჯდა გვერდით და ნაღვლიანი ღიმილით შესცქეროდა ლავრის თეთრ კედლებს, მოოქრულ მცირე გუმბათებს, შემოდგომის ცაზე რომ ელავდნენ. ბიჭს ქული არ ეხურა, მხარზე ტილოს ჩანთა ჰქონდა გადაგდებული, გამხდარ ტანზე ჰუჭყიანი, დაფლეთილი ტანისამოსი ეცვა, ცალ ხელში ხის ჯამი ეჭირა, რომელშიც კაპიკიანი ეგდო, ხოლო მეორით კი, თითქოს რაღაც სხვისი საგანიაო, ისე ისწორებდა მახინჯ, მუხლს ქვემოთ შიშველ, გამხმარ, გაფშიკებულ, მზისაგან გარუჯულ, ოქროსფერი ბალნით დაფარულ მარჯვენა ფეხს. ირგვლივ არავინ იყო, მაგრამ გაკრეჭილი, მზისა და მტვრისაგან თმახეშეში, უძლური თავი ზანტად უკან გადაეგდო, გაძვალტყავებული ბალლური ფერდები გაეშიშვლებინა, წვინტილიან ცხვირზე დამსხდარ ბუზებს ყურადღებას არ აქცევდა და შეუსვენებლივ გაპყვიროდა:

შეხედეთ, დედებო,
რა უბედური და ტანჯული ვარ!
ეჰ, ღმერთმა ნუ ქნას, დედებო,
რომ ვინმე ეწამოს ასე!

კუზმა კვერს უკრავდა: „ღიახ, ღიახ! მართალია!“

კიევში აშკარად დარწმუნდა, რომ კასატკინთან აღარ ედგომებოდა, რომ წინ სიღარიბე და დაგლახაკება ელოდა. ასეც მოხდა. ერთ ხანს კიდევ შეძლო გაჩერება, მაგრამ მეტად სასირცხო და მძიმე ყოფაში ჩავარდა: მუდამ შეზარხოშებული იყო, უსუფთაო, ხმაჩახლეჩილი, სულ მთლად წეკოთი გაედენტოილი და თავს ძალას ატანდა, როგორმე დაემალა, რომ საქმეში გამოუსადეგარი იყო... შემდგომ კიდევ უფრო დაკნინდა: თავის მშობლიურ ქალაქში დაბრუნდა, უკანასკნელ კაპიკებს წირვა გამოუყვანა, მთელი ზამთრის განმავლობაში ღამეს ზოდოვის სასტუმროში ათევდა, სადაც მის გარდა რამდენიმე კაცი იყო, ხოლო დღეს დიაცთა ბაზარში, ავღეიჩის სახამ-

როში ჰკლავდა. კუზმას კაპიკების უმრავლესობა მის სულელურ განზრახვას — ლექსების წიგნის გამოცემას მოუნდა, რის შემდეგაც იძულებული შეიქნა ავდენიჩთან მოსიარულე ხალხში ეხეტიალა და წიგნები ნახევარ ფასად მიესაღებინა. ეს კიდევ არაფერი: იგი მასხარად იქცა! ერთხელ ბაზარში ფქვილის დუქნებთან იდგა და შესცქეროდა ერთ მაწანწალას, რომელიც ზღურბლზე გამოსულ ვაჭარ მოზეუხინის წინაშე იმანკებოდა. ნამძინარევი და სასაცილო შესახედობის ვაჭარი. რომელსაც პირისახე პრიალა სამოვარში არეკვლილ კაცის სახეს მიუგავდა, უფრო მეტ ყურადღებას კატას აქცევდა, რომელიც გაწმენდილ ჩექმას ულოკავდა, ვიდრე მასხარას. მაგრამ მაწანწალა არ ცხრებოდა. გულში მუშტი ჩაიკრა, მხრები აიჩეჩა და ხრინწიანად დაიწყო:

ვინც თვრება სისხამ დლითა,
იგი მუდამყამ ლხინობსო...

კუზმას დაბერილი თვალეები გაუბრწყინდა და უეცრად მოაყოლა:

მაშ გაუმარჯოს მოლხენას,
მაშ გაუმარჯოს ღვინოსო!

ხოლო იქვე გამვლელი დედაბერი, რომელსაც სახე ძულომს მიუგავდა, შეჩერდა, წარბი შეიკმუხნა, შეაცქერდა. ყვარჯენი ასწია და ბოროტად უთხრა:

— აბა ლოცვას კი არ დაისწავლიდი აგრე კარგად!

ერჩია მიწა გასკდომოდა და თან ჩაეტანა. მაგრამ სწორედ ამან იხსნა. მას რამდენჯერმე მოუვიდა საშინელი გულის შეტევა — და ერთბაშად დაანება თავი ლოთობას, გადაწყვიტა ეცხოვრა ყველაზე უბრალო, მშრომელი კაცის ცხოვრებით, მაგალითად, იჯარით აედო ბაღები, ბოსტნები და დაემუშავებინა...

ეს აზრი ახარებდა. „ღიან. ღიან. — ფიქრობდა იგი, — აღრეც უნდა მოვქცეულიყავი ასე!“ მართლაც, უნდა დაესვენა. ეცხოვრა ღარიბად, მაგრამ პატიოსნად. უკვე სიბერე შეეპარა. წვერი სულ მთლად გასქალაჩავებოდა, შუაზე გაყოფილი, ბოლოდახუჭუჭებულ. თმა შეთხლებოდა და რუხი ფერი

დაჰკრავდა, ფართოყვრიმალებიანი სახე ჩაშავებოდა და კოდევ უფრო გამხდარი უჩანდა...

გაზაფხულზე, ტიხონთან შერიგებამდე რამდენიმე თვით ადრე, კუზმამ ყური მოჰკრა, რომ სოფელ კაზაკოვოში, მის მშობლიურ მანრაში, ქირავდებოდა ბაღი, და იქითყენ გაეშურა.

მაისის პირველი დღეები იდგა; სიცხის შემდეგ ცივი, წვიმიანი ამინდები დაიჭირა. ქალაქის თავზე შემოდგომის ქუფრი ღრუბლები დაცურავდნენ. ძველ ხიფთანსა და ჩიხაქუდში გამოწყობილი კუზმა გაცვეთილი ჩექმებით მიაბიჯებდა პუშკარნაია სლობოდის გადაღმა ვაგზლისაკენ; თავს აკანტურებდა, პირში პაპიროსი გაეჩარა, რის გამოც პირისახე ექმუხნებოდა, ხელები უკან, ხიფთანქვეშ ამოედო და ირონიულად იღიმებოდა: მას ეს-ეს იყო ჩაურბინა ფეხშიშველა ბიჭმა, რომელსაც ხელში გაზეთების დასტა ეჭირა და შეუჩერებლივ ესროლა ჩვეული ფრაზა:

— საყოველთაო გაფიცვა!

— დაგაგვიანდა, ბიჭო, — უთხრა კუზმამ. — უფრო ახალი არაფერი გაქვს?

თვალეებბრიალა ბიჭი შედგა.

— ახლები პოლიციელმა წამართვა ვაგზალში, — უპასუხა მან.

— ესეც შენი კონსტიტუცია! — ღვარძლიანად თქვა კუზმამ და გზა განაგრძო; ხტუნვა-ხტუნვით მიდიოდა წვიმისაგან ჩაშავებული დამპალი ღობის ძირას, ხეების სველ ტოტებსა და დაფერდებული ქოხმანების ფანჯრებქვეშ, რომლებიც მთის ძირას, ქუჩის ბოლოს ერწყმოდნენ ერთმანეთს. „სასწაულია, სასწაული! — ფიქრობდა ის. — წინათ ასეთ ამინდში დუქნებსა და სახამროებში ვამთქნარებდით, გადალაპარაკებაც კი გვეზარებოდა. ახლა კი მთელი ქალაქი ლაპარაკობს სათათბიროზე, ამბოხებაზე, ხანძარზე, იმაზე, თუ როგორ „მიახალა მკვანე სიტყვა მურომცევმა პრემიერმინისტრს...“ ერთი დრო არავის შერჩება! ქალაქის ბაღში ცხენოსან პოლიციელთა ორკესტრი უკრავს... კაზაკთა მთელი ასეული მოიყვანეს... მესამე დღეს ტორგოვიაზე ერთი მათგანი, მთვრალი, საჯარო ბიბ-

ლიოთეკის ფანჯარასთან მივიდა, ხვანჯარი გაიხსნა და ბიბლიოთეკის გამგე ქალიშვილს „არიოთმეტიკის“ ყიდვა შესთავაზა. მოხუცმა მეეტლემ, რომელიც იქვე ახლო იდგა, შეარცხვინა, მაგას რასა შერებო; კაზაკმა ხმალი იშოშვლა, ბერიკაცს მხარი გაუპო და დედის გინებით დაედევნა შიშისაგან გადარეულ გამვლელებს, რომლებიც, თავქუდმოგლეჯილნი, საითაც მოხვდებოდა, იქით გარბოდნენ...

— კატის გამტყავებელო, ღობე-ღობე მძრომელო—წრი პინა ხმები დაადევნეს კუზმას გოგონებმა, რომლებიც სლობოდის პატარა ნაკადულის ქვებზე დახტოდნენ, — ტყავს აძრობენ კატებსა, შენ მოგცემენ თათებსა!

— უპ, თქვე საძაგლებო! — დაუთათხანა ბავშვებს კუზმას წინ მიმავალმა კონდუქტორმა, რომელსაც შესახედავდაც კი ძძიმე მაზარა ეცვა. — ნახეს რაღა თავიანთი ტოლი!

მაგრამ ხმაზეც მიხვდებოდა კაცი, რომ დამტუქსავი სიცილს იკაეებდა. კონდუქტორს ძველ, ღრმა კალოშებზე ტალახი შეხმობოდა, მაზარა მხოლოდ ერთ ღილზე ჰქონდა შეკრული. ძელური ხიდი, რომელზედაც ის გადიოდა, გვერდზე იყვანა გადახრილი. უფრო იქით, გაზაფხულის წყლით ჩარეცხილი თხრილების ახლოს, მკენარი ტირიფები იზრდებოდა. კუზამ ნაღვლიანად შეხედა მათ, მოლურჯო და ლეგა ღრუბლებით დაფარულ ჩალის სახურავებსაც, სლობოდის მთაზე რომ მოჩანდა, წითურბალნიან ძაღლსაც, რომელიც თხრილში ძვალს ღრღნიდა...

„ღიახ, ღიახ, — ფიქრობდა მთაზე ამავალი. — ერთი დრო არავის შერჩება!“ მთაზე რომ ავიდა და ცარიელ მწვანე მინდვრებს შორის ვაგზლის წითელი საგებობანი დაინახა, კვლავ ვაეღიმა. პარლამენტი, დეპუტატები! გუშინ ბრუნდებოდა: ბალიდან, სადაც ზეიმის გამო ილუმინაცია მოეწყოთ, ისროდნენ რაკეტებს, ხოლო ცხენოსანი პოლიციელები უკრავდნენ „ტორეადორს“ და „მდინარის პირას, ხიდის მანლობლად“, „მატჩის“ და „ტროიკას“, თან შუა ცეკვაში შესძახებდნენ ზოლმე: „ეპ, ლამაზო!“ შინ რომ მოვიდა, თავისი სასტუმროს ალაყაფის კარებზე რეკვა დაიწყო. ჩამოჰკრა მავთულს, კიდევ ჩამოჰკრა, მაგრამ კაცმა-სულიერმა არ გამოაკითხა; არავინ

გამოსულა, ირგვლივ კი სიჩუმე იყო, ბინდდებოდა, ქუჩის ბოლოს, მალა, მოჩანდა ცივი მომწვანო ცის დასალიერი, ხოლო თავს ზემოთ ღრუბლები მიცურავდნენ... ბოლოს ვიღაც გამოჩანჩაღდა, აკრუსუნდა, გასაღები ააჩხარუნა და წაიბუზღუნა:

— გახედნისას დავკოჭლდი...

— როგორ? — შეეკითხა კუზმა.

— ცხენმა გადმომავლო, — მიუგო ქიშკრის გამლებმა და დასძინა: — ახლა ორიღა დამრჩა გასახედნი.

— მოსამართლის ცხენები ხომ არა?

— ჰო, მოსამართლისა.

— არ იცი, რისთვის ჩამოვიდა სასამართლო?

— დეპუტატის გასასამართლებლად... მდინარის მოწამვლა სდომებია თურმე.

— დეპუტატო? სულელო, განა დეპუტატები ასეთ რამეს სჩადიან?

— რა ვიცი, ქირმა წაიღოს მაგათი თავი!..

სლობოდის განაპირას, თიხის ფაცხის წინ იდგა ჰალალ-მალალი ბერიკაცი, რომელსაც რაღაც ჯღანები ეცვა. ხელში კაკლის გრძელი ჯოხი ეჭირა; გამვლელის დანახვისას იგი სწრაფად შეეცადა უფრო მოხუცებულად მოეჩვენებინა თავი, ვინემ მართლა იყო, — ორივე ხელით ჯოხს დაეყრდნო, მხრები ასწია, დაღლილი, ნაღვლიანი სახე მიიღო. მინდერიდან მონაბერი ტენიანი გრილი ქარი უწეწავდა ჰალარა თმას. კუზმას მოაგონდა მამა, ბავშვობა... „რუსეთო, რუსეთო! საით მიექანები?“ — გაახსენდა უცებ გოგოლის შეძახილი. „რუსეთო. რუსეთო!.. ოპ, ყბედებო, ჯანდაბას თქვენი თავი ამაზე უკეთესს რას გაიგონებს ყური — „დეპუტატს მდინარის მოწამვლა უნდოდა“... მაგრამ ვინ უნდა დასაჯონ? უბედური ხალხა. უპირველეს ყოვლისა — უბედური ხალხი!..“ — და უცებ კუზმას პატარა მომწვანო თვალებზე ცრემლი მოადგა, რაც ამ ბოლო დროს ხშირად ემართებოდა. ამას წინათ დიაცთა ბაზარში ავდეიჩის სახამროში შეიარა. ეზოში შევიდა, კოჭებამდე ლაფი გაიარა და მეორე სართულზე ავიდა ისეთი აყროლებული, დამპალი ხის კიბით, რომ თვით მასაც კი. ადამიანს, რომელსაც

კარგიც ბევრი ენახა და ავიც, გული აერია. დიდი ჯაფით შე-
ალო მძიმე, ქუჭყიანი კარი, რომელზედაც პატრონს ქეჩის ნაფ-
ლეთები გადაეკრა, ხოლო ჭოკონაქად თოჯზე დაკიდებული
აგური გაეკეთებინა; კარი შეალო თუ არა, მაშინვე დააბრმავა
თამბაქოს კვამლმა, ყურთასმენა წაართვა ცალკე დგარზე
დაწყობილი ჭურჭლის ხმაურმა, ცალკე აქეთ-იქით მორბენალ
მსახურთა ფეხების ბაკუნმა და ცალკე გრამაფონის დუდ-
ლუნმა. მერე გავიდა ბოლო ოთახში, სადაც უფრო ცოტა
ხალხი იყო, მაგიდას მიუჯდა და ერთი ბოთლი თაფლუქი მო-
ითხოვა. მის ფეხქვეშ, ტალახითა და ფურთხით მოსვრილ
იატაკზე ეყარა გამოსრუტული ლიმონის ქერქები, კვერცხის
ნაქუქები და პაპიროსის ნამწვები... პირდაპირ, კედელთან
იჯდა ტანმალალი გლეხი, რომელსაც ქალამნები ეცვა, ნეტა-
რებით აღვსილი იდიმებოდა, გაბურძგვნილ თავს აკანტურებ-
და და დუდლუნა გრამაფონს ყურს უგდებდა; მაგიდაზე არა-
ყიანი ჭურჭელი, პატარა ჭიქა და კრენდლეები ეწყო. მაგრამ
გლეხი არ სვამდა, მხოლოდ თავს აკანტურებდა, ქალამნებზე
იხედებოდა. უცებ კუზმას მზერა რომ იგრძნო, ლხენაჩამდგა-
რი თვალები და ხვეული წითური წვერით დამშვენებული კე-
თილი სახე მიაპყრო. „შემთხვევით შემოვიარე!“ — მხიარუ-
ლად, გაოცებით წამოიძახა და თან თავის გასამართლებლად
დასძინა: „აქა, ჩემო ბატონო, ჩემი ძმა მუშაობს... ღვიძლი
ძმაი...“ კუზმამ თვალის დახამხამებით ცრემლები მოიშორა
და კბილები გააღრკიალა. უპ, წყეულები, როგორ აწყდებიან
სახამროს! შემთხვევით შემოვიარეო! ავდეიჩთან და — შემ-
თხვევით! ეს კიდევ არაფერი: როცა კუზმა ადგა და, მშვიდო-
ბითო, უთხრა, გლეხი, რომელსაც გული სიამითა და მადლი-
ერების გრძნობით აღვსებოდა — როგორც სახამროს კეთილ-
მოწყობის წყალობით, ისე იმის გამო, რომ მას ადამიანურად
ელაპარაკენ, — იმწამსვე წამოხტა და საჩქაროდ მიუგო: „ნუ
განმირისხდებით...“

წინათ ვაგონში მგზავრები საუბრობდნენ მხოლოდ წვი-
მებსა თუ გვალვებზე, იმაზე, რომ „პურის ფასებს ღმერთი
აწესებს“. ახლა კი ბევრნი გაზეთებს აშრილობდნენ ხელში,
კვლავ მსჯელობდნენ სათათბიროზე, მიწების ჩამორთმევა-

ზე — ვერავინ ამჩნევდა კოკისპირულ წვიმას, სახურავზე რომ ხმაურობდა, თუმცა ისეთი ხალხი მგზავრობდა, რომელიც წინათ შემოდგომამდე სულ წვიმის ნატვრაში იყო: პურიტ მოვაპკრენი, გლებები, ხუტორელი მედაბურები. ჩაიარა ფეხმოჭრილმა სალდათმა, რომელსაც სიყვითლე სჭირდა; ნაღვლიანი შავი თვალები ჰქონდა, კოჭლობით მიდიოდა, ხის ფეხს მიაბაკუნებდა, წამლაუწუმ იხდიდა მანჯურიულ ფაფახს და ყოველ გაკითხვაზე მათხოვარივით პირჯვარს იწერდა. ატყდა ხმამალალი, გულძვირი მითქმა-მოთქმა მთავრობაზე, დურნოვკის მინისტრზე და რალაც სახაზინო შერიაზე... დაცივით მოიხსენიეს ის ამბავი, რითაც ადრე ალტაცებაში მოდიოდნენ. ამბავი შეეხებოდა „ვიტიას“, რომელიც პორტსმუტში იაპონელების დასაშინებლად ბრძანებას იძლეოდა ჩემოდნები მიწაში ჩაეფლოთ... კუხმას პირისპირ მჯდომი ახალგაზრდა კაცი, რომელსაც თმა თახვივით გაკრეჭილი ჰქონდა, წამოწითლდა, აღელდა და უცებ ჩაერია ლაპარაკში:

— მაპატიეთ, ბატონებო! აი თქვენ ამბობთ — თავისუფლებათ... აი მე გადასახადის ინსპექტორის საქმის მწარმოებლად ვმუშაობ და დედაქალაქის გაზეთებში წერილებს ვათავსებ... განა ასეთი რამ მას ეხება? თანაც ირწმუნება, მიც თავისუფლების მომხრე ვარო და თახაც, რომ გაიგო ჩვენი სახანძრო საქმის მოუგვარებლობის შესახებ წერილი გამოვაქვეყნე, მომიხმო და მითხრა: კისერს მოგიგრებს, შე ძაღლისშვილო, თუ კიდევ ასეთი რამე დაგიწერიან! მითხარით ერთი: თუკი მე უფრო მემარცხენული შეხედულებები მაქვს...

— შეხედულებები? — ქონდრის კაცის კრინით შესძახა ახალგაზრდა კაცის გვერდით მჯდომმა სქელსქელმა საჭურისმა, — რომელსაც ბოთლის მაგვარი ჩექმები ეცვა, — მეფექვილე ჩერნიაევმა, ბოროტად რომ უბღვერდა, და, გონს მოსვლაც არ აცალა, ისე შეჰყვირა:

— შეხედულებები? შენა გაქვს შეხედულებები? შენა ხარ მემარცხენე? მე შენ ჯერ კიდევ მაშინ მინახიხარ, უნიფხვო რომ დატანტალობდი მაწანწალა მამაშენზე ნაკლებ როდი გიხმებოდა კუჭი იმ შენ ინსპექტორს სულ ფეხებს უნდა უკოცნიდე!

— კონ-სტი-ტუ-უ-ცია, — საჭურისის სიტყვა მოუპრა და წვრილი ხმით წაიძღვრა კუზმამ, წამოდგა, სკამებზე მსხდომთ მუხლებზე გაეხახუნა და ვაგონის კარისაკენ გაემართა.

საჭურისის პატარა, სქელი და საზიზღარი ტერფები ჰქონდა. როგორც ზოგიერთ შეკუქნავე დედაბერს აქვს ხოლმე, პირისა-ხეც — დედაკაცური, დიდი, მოყვითალო, ჩამრგვალებული, ტუჩები — თხელი... კარგი შესახედავი იყო პოლოზოვიც — პროგიმნაზიის მასწავლებელი, ჯოხზე დაყრდნობილი, ასე ალერსიანად რომ აქნევდა თავს, საჭურისის ლაპარაკის ყურისგდებისას; ჯმუხი კაცი, რომელსაც ნაცრისფერი ქუდი ეხურა და რუხი საბეჭურიანი პალტო ეცვა, თვალები ნათელი ჰქონდა, ცხვირი — მრგვალი, კოხტა ქერა წვერი მთელ მკერდზე ეფინა... ვაგონის ბაქანზე გასასვლელი კარი რომ გააღო, კუზმას ცივი და სურნელოვანი წვიმიანი ჰაერი ეცა და ეამა. ბაქნის სახურავზე წვიმა შხაპუნობდა, წვრილ ნაკადულებად მოწანწკარობდა, შხეფებდად იფანტებოდა. წვიმის ხმაურში ირწეოდნენ და რახრახებდნენ ვაგონები, მათს შესახვედრად მოცურავდნენ ტელეგრაფის მავთულები, ხან მალლა იწევდნენ და ხან კი დაბლა ეშვებოდნენ; ვაგონის ორსავე მხარეს შორბოდნენ თხილის ხასხასა ფოთლებიანი ბუჩქები. უცებ მიწა-ყრილიდან ჯგუფად ამოცვივდნენ ბავშვები და წკრიალა ხმით ერთხმად შესძახეს რაღაც. კუზმას გული აუჩუყდა, გაელიმა და სახე წვრილი ნაოჭებით დაეფარა. ხოლო როცა თავი ასწია, მოპირდაპირე ბაქანზე შენიშნა მგზავრი; მგზავრს კეთილი, ტანჯული გლეხის სახე და ჭაღარა წვერი ჰქონდა, ფართოფარფლებიანი ქუდი ეხურა, დრაფის პალტო ეცვა, წელზე თოკი ერტყა, ზურგზე ტომარა და თუნუქის ჩაიდანი ეკიდა, წვრილ ფეხებზე ქალამნები ეცვა. კუზმამ რახრახსა და ხმაურში გასძახა:

— სალოცავიდან ბრუნდები?

— ვორონეჟიდან, — თავაზიანად, სუსტი ხმით გამოსძახა მგზავრმა.

— იქ სახლ-კარს უბუგავენ მემამულეებს?

— ჰო...

— ძალიან კარგი!

— რაი?

— კარგია-მეთქი — ხმამაღლა უთხრა კუზმამ.

გულაჩუყებული შემობრუნდა, თვალის დახამხამებით ცრემლები მოიშორა და აკანკალებული ხელით თამბაქოს გახვევა დაიწყო... მაგრამ ფიქრები კვლავ აერია ერთმანეთში. „მგზავრი — ხალხია, განა საჭურისი და მასწავლებელი ხალხი არ არის? მონობა ორმოცდახუთი წლის წინათ გადავარდა, — მაშ რატომღა უნდა იტანჯებოდეს ხალხი? კი მაგრამ, ვისი ბრალია? თვით ხალხის!“ და სახე კვლავ მოედუნა.

მეოთხე სადგურზე მატარებლიდან ჩამოვიდა და საზიდი დაიჭირავეა. გლებებმა ჯერ შვიდი მანეთი მოსთხოვეს, — კახაკოვომდე თორმეტი ვერსი იყო სავალი, — მერე ხუთი მანეთი და ათი შაური. ბოლოს ერთმა უთხრა: თუ გინდა, სამად წაგიყვან, არა და ენას ტყუილად ნუ იღლიო. ძველი დრო არ გეგონოსო... მაგრამ ამ კილოთი ლაპარაკი ველარ გააგრძელა და ჩვეული ფრაზა დაუმატა: „რა ვქნათ, საქონლის საკვები ისევ გაძვირდა...“ ჰოდა, მანეთნახევრად წაიყვანა. ტალახი გაუვალი იყო, საზიდი — პატარა, დაფახული, ცხენი — ქანცგამოცლილი და სახედარივით დიდყურა. ნელ-ნელა გასწიეს სადგურის ეზოდან, კოფოზე მჯდომი გლები იტანჯებოდა, სადავეები მიეშვა და ყოველნაირად ცდილობდა ცხენს მიშველებოდა. სადგურზე ტრაბახობდა, ისეთი ცხენია — ვერ დააკავებო, და ახლა, ეტყობა, რცხვენოდა. მაგრამ ყველაზე ძნელი ასატანი თვითონ იყო: ახალგაზრდა, უზარმაზარი ტანისა, ჩასუქებული, ქალამნებითა და თეთრი ფეხსახვევებით, ფურჩალშემორტყმული მოკლე ხიფთანით და სწორი, მოყვითალო თმით, რომელზედაც ძველი ჩიხაქუდი ეხურა. უსაკვამურო ქოხისა და კანაფის სუნი სდიოდა; ერთი სიტყვით, ადამის დროინდელ მიწის მხვნელსა ჰგავდა! სახეთეთრი იყო, უწვერულვამო. ყელი გასივებოდა, ხმა ჩახრინწოდა.

— რა გქვია შენ? — შეეკითხა კუზმამ.

— ახვანასის მეძახდნენ...

„ახვანასის!“ ბრაზით გაიფიქრა კუზმამ.

— ახლა?

— მენშოვს... ნ-ნო, შე ოხერო!

— ავი სენი ხომ არა გპირს? — ყელზე მიუთითა კუზმამ.

— ავი კი არა, — წაიბუზღუნა მენშოვმა და გვერდზე გაიხედა, — ცივი ბურახი დავლიე და...

— ულაპეას გიშლის?

— ულაპეას — არა, არ მიშლის...

— ჰოდა, ტყუილად ნუ ლაქლაქებ, — მკაცრად უთხრა კუზმამ. — ჩქარა დაწეჭი საავადმყოფოში. ალბათ ცოლი გყავს?

— მყავს...

— აი, ხომ ხედავ? ბავშვები გეყოლება და კარგი რამითაც დაასაჩუქრებ.

— ეგ ხო უთუოდ ეგრე იქნება, — დაეთანხმა მენშოვი.

და, ქანცგაწყვეტილმა, სადავეები ჩაკრა. „ნო-ნო... შენთან ვინ რას გახდება, შე ოხერო, შენა!“ ბოლოს ამ ამო ჯაფას თავი დაანება და დამშვიდდა. დიდი ხნის ღუმელის შემდეგ უცებ ჰკითხა:

— ვაჭარო, მოიწვიეს თუ არა სათათბირო?

— მოიწვიეს.

— მაკაროვზე კი თქვეს, ცოცხალიაო; — მაგრამ ის აღარ უთქვამთ, თუ...

კუზმამ მხრებიც კი აიჩეჩა: ეშმაკმა უწყის რა არის სტეპის მკვიდრთა თავებში! „რამოდენა სიმდიდრეა!“ — ფიქრობდა ის, მუხლებაწეული იჯდა ფორნის მოტიტვლებულ ფსკერზე, ჯვალოგადაფარებულ ჩალაზე და ქუჩას თვალს ავლებდა. რა შავმიწა ნიადაგია! გზაზე ტალახი ლურჯია, ნოციერი, ხეები, ბალახი და ბოსტნები — მუქი მწვანე... მაგრამ ქოხები თიხისაა, პატარები, წივით დახურული. ქოხებთან წყლის დამსადარი კასრები დგას, რა თქმა უნდა, თავკომბალებითაა სავსე... აგერ, მდიდრულად მოწყობილი ეზო. კალოზე ძველი საცხეველია, ბოსელი, ალაყაფის კარები, ქოხი—ყველაფერი ჩალის ერთ სახურავქვეშაა მოქცეული, ქოხი აგურისაა, ოროთახიანი, ტიხრები ცარცითაა მოხატული. ერთ-ერთ ტიხარზე დახატულია ორკაპა ჯოხი — ნაძვის ხე, მეორეზე — მამლის მსგავსი რალაც; ფანჯრებსაც ცარცის დაკბილული არშია აქვს შემოვლებული. „შემოქმედება! — ჩაიცინა კუზმამ. — პირველყოფილი ცხოვრება, ღმერთო ჩემო, პირველყოფილი“ კარებზე

ნახშირით არის გამოსახული ჯვრები, პარმალთან დიდი საფლავის ქვა დევს, — ეტყობა, პაპას თუ დიდედას მოუმზადებია სიკვდილის წინ... დიახ, ეზო მდიდრულადაა მოწყობილი. მაგრამ გარშემო მუხლამდე ლაფი დგას, პარმალზე ლორი წევს. ქოხს პატარა ფანჯრები აქვს, მის ერთ ნახევარში, რომელშიც ხალხი ცხოვრობს, მუდამ სიბნელე და სივიწროვება: ფიცარნაგი, დგიმი, ვეებერთელა ლუმელი, ნარცხით სავსე გეჯა — ყველაფერი ერთ ოთახშია თავმოყრილი... ოჯახი დიდია, წვრილშვილიანი, ხოლო ზამთარში კრავები და ხბორებიც ემატებათ... სინესტისა და მხუთრისაგან ბული დგას; ბავშვები სლუკუნებენ, ღრიალებენ, რისთვისაც მათ კინწოსკერით უმასპინძლდებიან; რძლები ერთმანეთს ლანძღავენ: „უი, მეხი დეგაყარე, შე ქვეყნის ნათრევო!“ „ლუკმამც გაგჩხერია ყელში დიდმარხვა დღესა!“ — უსურვებენ ერთმანეთს; ბებერი დედამთილი, ჩაშავებულ, ძარღვიან ხელებს დაიკაპიწებს, წივილკივილით მივარდება რძლებს, ლანძღვა-გინებით იჭაჭება და დორბლებსა და წყევლა-კრულვას აფრქვევს ხან ერთსა და ხან მეორეს. ბერიკაციც ავგული და ავადმყოფია, თავისი დარიგებებით გულს უწყალებს ყველას...

მერე ტრიალ მინდორზე გავიდნენ. აქ ბაზარი ეწყობოდა. ზოგან უკვე მოჩანდა კარავთა კალთები, ეყარა საზიდის თვლები და თიხის ჭურჭელი, კვამლი ასდიოდა სახელდახელოდ გაპოხილ ლუმელს, ტრიალებდა მაჭკატის სუნი; ნაცრისფრად მოჩანდა ბოშათა მოჩარდახული ურმები, რომელთა თვლებთან ჯაჭვზე მიბმული ქოფაკები ისხდნენ. უფრო იქით, სახაზინო სამიკიტნოს ახლოს, ქალები და გლეხკაცები შექუჩულიყვნენ და ისმოდა შეძახილები.

— სეირნობს ხალხი, — თქვა ფიქრში წასულმა მენშოვმა.

— რა ესეირნება? — შეეკითხა კუზმა.

— იმედი აქვს...

— რისა?

— რისა და... სახლის ანგელოზისა!

— ი-იჰ! — დაიძახა ვილაცამ ხალხის ფეხების ტყაპუნში:

არცა ვხნათ და არც ვთიბოთ,
ქალებს კვერი ვუზიდოთ!

უცებ შექუჩული ხალხის უკან მდგომმა გლეხმა ხელები ვაშალა. იგი საშინაოდ იყო გამოწყობილი და ყველაფერი სუფთა და გამძლე ეცვა — ქალამნებიც, ფეხსახვევებიც, ხამის ახალი ზოლიანი ძიქვაც, სქელი რუხი მაუდის კალთებდანაოქვებული მოკლე ხიფთანიც. მან მსუბუქად და მარჯვედ დაატყაუნა ფეხი, ხელები აიქნია და გამყივანი ხმით დაიძახა: „აბა, განი, ვაჰარს ვაყურებინოთ!“ ფართო წრეში შეიჭრა, ძიქვა დამთხვეულივით აათახთახა და ტანმალალ ჭაბუკთან მივიდა, რომელსაც ჩინაქუდი გვერდზე მოეგდო, ჩექმებს იძრობდა და თან ჩითის პერანგზე გადაცმულ შავ ხიფთანს იხდიდა. ჭაბუკს სახე მოღუშვოდა, გაფითრებოდა და გაოფლიანებოდა.

— შვილო! სანუკვარო! — ღრიანცელსა და ფეხების ტყაპატყუპში მოთქვამდა ხელებ-გაწვდილი დედაბერი, რომელსაც შინნაქსოვი შალის ზოლიანი კაბა ეცვა. — ქრისტე ღმერთი მოგაგებს სამაგიეროს! სანუკვარო, ღმერთი მოგაგებს... სასიკვდილევ!

შვილმა უცებ თავი უკან გადასწია, ხელები დამუშტა. კბილები დაკრიჭა და მძვინვარე სახითა და ფეხის ბაკუნით შეჰყვირა:

— აბა, აბა, დედაბერო, ნუ დამჩხავი...

— დედაბერმა კი, რაც ებადა, ყველაფერი გაყიდა და შვილს მოახმარა. — ამბობდა მენშოვი და დიდი ჯაფით მიათრევდა ცხენს ტრიალ მინდორზე. — ჰკუას კარგავს მისთვის, — ხომ იცი ქვრივების ამბავი, — ის კი ყოველ ცისმარე დღეს მთვრალი მოდის და ბეგვავს... ახია მაგაზე.

— როგორ თუ ახია? — ჰკითხა კუზმამ...

— როგორ და ისე... ნუ ექომაგები...

ერთ ქოხთან გრძელ სკანზე ტანმალალი გლეხი იჯდა — საფლავიდან ამოღებულსა ჰგავდა: გაძვალტყავებულ ფეხებზე თექის ჩექმები ეცვა, უსიცოცხლო, დიდი ხელები სწორად დაეწყო წვეტიან მუხლებზე, გაცვეთილ ძიქვაზე. ქუდი ბერიკაცულად ჩამოეფხატა. თვლებში ტანჯვა და მუდარა აღბეჭდოდა, სანთელივით ჩამოღვინთილი სახე დაღრეჯოდა, ჩანაცრებული ტუჩები ღია დარჩენოდა...

— ეს ფიტულაა, — თქვა მენშოვმა და ავადმყოფზე მიუთითა. — მეორე წელია მუცლის გვრემა კლავს.

— ფიტულა? ეს რა — მეტსახელია?

— ჰო, ენგრე ეძახიან...

— სისულელეა! — თქვა კუზმამ და პირი მოარიდა გოგონას, რომელიც მეორე ქოხთან იჯდა: ის უკან გადახრილიყო, ხელში თავსაბურიანი ბავშვი ეჭირა და დაჟინებით ათვალერებდა მგზავრებს; ენა გამოეყო, შავ პურს ასველებდა და ბავშვს საწოვარას უმზადებდა... ხოლო განაპირა კალოზე ქარი ტირიფებს ამრიალებდა და უსახელოებო საფრთხობელას არხევდა. სტეპის მახლობელი კალო ხომ ისედაც ყოველთვის უღიმამო და მოსაწყენია. მერე კიდევ ეს საფრთხობელა, შემოდგომის ღრუბლები, რომლებიც ყველაფერს მოლურჯო იერს აძლევს; მინდვრიდან მონაბერი ქარიც სისინებს და კუდს უჩეჩავს ქათმებს, რომლებიც თათაბოთი და ვარდკანფათი დაფარულ კალოზე დაბორილობენ, საცეხვლის ახლოს.

ცის დასალიერზე ლურჯად მოჩანდა მუხნარით დაფარული ორი დიდი ხევი, რომელსაც პორტოჩკი ერქვა. სწორედ ამ ადგილას მოუსწრო კუზმას სეტყვანარევმა კოკისპირულმა წვიმამ და კახაკოვომდე აღარც გადაუღია. სოფლის ბოლოში მენშოვი ცხენს მიაჩაქჩაქებდა, ხოლო კუზმა თვალდახუჭული იჯდა, თავზე სველი ჯვალო წაეფარებინა. სუსხისაგან ხელები უფიჩხდებოდა, ხიფთანის საყელოში წურწურით ჩასდიოდა ყინულივით ცივი წყალი, წვიმაში დამძიმებულ ჯვალოს შმორის სუნი ასდიოდა, თავზე ქახაქუხით სცვიოდა სეტყვა, ტალახის ნათლეთები, თვლებქვეშ შხუოდა წყალი, სადღაც კიკინებდნენ კრავები... ბოლოს ჰაერი ისე შეიხუთა, რომ კუზმამ თავზე წაფარებული ჯვალო მოიძრო და უკან გადაისროლა. წვიმა გადაღებას აპირებდა, სადამოვდებოდა, ფორნის გვერდით, ამწვანებულ სამოვარზე, ქოხებისაკენ მოილალებოდა ცხვრის ფარა. შავი, წვრილფეხება ცხვარი ფარას ჩამორჩენოდა და მას მოერეკებოდა თავზე სველკაბაწაფარებული, ფეხშიშველი დედაკაცი, რომელსაც ტიტველი კანკები მოუჩანდა. დასავლეთით, სოფლის ბოლოს, ცა იკარებდა, აღმოსავლეთით ლეგა ღრუბელზე, პურის ყანის თავზე, ორი იისფერი

რკალი აღმართულიყო. მინდვრებიდან სველი ბალახის სურ-
ნელემა მოდიოდა, სახლებიდან კი — სითბო.

— საუ არის ბატონიანთ სახლი? — გასძახა კუზმამ თეთრ
პერანგსა და შალის წითელ კაბაში გამოწყობილ მხრებგანიერ
დედაკაცს.

დედაკაცი ქოხის ქვის ზღურბლთან იდგა, ხელი მტიჩალი
გოგონასათვის ჩაეკიდა. გოგონა ყურისწამლებად გაჰკიოდა.

— სახლი? — გაიმეორა ქალმა. — ვისი?

— ბატონიანთი.

— ვისი? ვერ გავიგონე... უი, ხმა ჩაიწყვიტე, შე არგასაზ-
რდელი! — შეჰყვირა დედაკაცმა და ისე მაგრად მოქაჩა ხელში
გოგონას, რომ ეს უკანასკნელი გადაყირავდა.

ახლა მეორე ეზოში იკითხეს. გაიარეს ფართო ქუჩა, გა-
უხვიეს მარცხნივ, მერე მარჯვნივ, ჩაუარეს ძველ საკარმიდა-
მოში მდგარ კარფანჯარააქედით სახლს და ციცაბო დაღმარ-
თით მდინარეზე გადებული ხიდისაკენ დაეშენენ. მენშოვს პი-
რისახიდან, თმიდან, ხიფთანიდან წვიმის წვეთები ჩამოსდიო-
და. გალუმპული, სქელი პირისახითა და მსხვილი ბობრი წამ-
წამებით კიდეე უფრო ყუყუჩი ჩანდა. იგი ცნობისმოყვარეო-
ბით იცქირებოდა წინ, — ვინ იცის, სად. კუზმამაც გაიხედა.
გაღმა, დამრეც მინდორზე, მოჩანდა კაზაკოვების დაბურული
ბალი, ვრცელი ეზო; იგი დაფარული იყო ქვის გალავნის ნან-
გრევეებითა და შენობებით, რომელთა დარღვევას აღარაფერი
უკლდა. შუა ეზოში, სამ გამხმარ ნაძვს იქით, იდგა მოყავრუ-
ლი სახლი, რომელსაც სინგურისფერი სახურავი ჰქონდა.
ქვემოთ, ხიდთან, გლეხკაცები შექუჩულიყვნენ. წინ, წვიმი-
საგან ჩამორეცხილ აღმართზე, ტალახში, დიდი ჯაფით მოიკ-
ვლევდა გზას ეტლი, რომელშიც სამი გამხდარი სატვირთო
ცხენი ება. ჩამოფლეთილი, მაგრამ ლამაზი შესახედაობის
მოჯამაგირე, რომელსაც ფერმკრთალი პირისახე, წითური
წვერი და ჰკვიანი თვალები ჰქონდა, ეტლის წინ იდგა, სადა-
ვეებს ეწეოდა, იჭაჩებოდა და ყვიროდა: „ნ-ნო! ნ-ნო-ო!“
გლეხები კი ღრიანცელით და სტვენით ეხმაურებოდნენ:
„თფრუ! თფრუ!“ ტანჯვით იწვდიდა ხილებს ეტლში მჯდომი
შაოსანი ქალი, რომელსაც გრძელი წამწამებიდან კურცხლები

ხცვიოდა. ტანჯვა ეხატებოდა ფირუზისფერ თვალებში სქელ-სქელ, წითურულვაშიან კაცსაც, ქალს გვერდით რომ უჯდა; მარჯვენა ხელზე, რომლითაც რევოლვერი ჩაებლუჯა, ნიშნობის ბეჭედი უბრწყინავდა, მარცხენას კი სულ იჭნევდა. ეტყობოდა, ძალიან სცხელოდა ირმის ბეწვის ტყაპუქში და მაუდის ჩიხაქუდში, რომელიც კეფაზე მოგდებოდა. ხოლო მათ პირისპირ სკამზე მსხდომი ფერმკრთალი ბავშვები — ბიჭი და გოგო — თავმალში გახვეულნი, უწყინარი ცნობისმოყვარეობით იცქირებოდნენ.

— ეს მიშკა სივერსკია, — ხმამალლა, ხრინწიანი ხმით თქვა მენშოვმა, რომელმაც სამცხენას გვერდი აუქცია და ბავშვებს გულგრილად გადახედა. — გუშინ სახლ-კარი გადაუბუგეს... ახია მაგაზე...

ბატონ კაზაკოვების საქმეს განაგებდა მამასახლისი, ყოფილი კავალერისტი სალდათი, ერთი ბრგე, ჯმუხი კაცი. სწორედ მისთვის უნდა მიემართათ სამოახლოში, როგორც მისაწავლა კუზმას ერთმა გლეხმა, მოცელილი, სველი მწვანე ბალახით დატვირთული ფორანი რომ შეჰყავდა ეზოში. მამასახლისს იმ დღეს უბედური დილა გასთენებოდა — ბავშვი მოჰკვდომოდა, რის გამოც კუზმას გულთბილად ვერ შეხვდა. როცა მან მენშოვი ჭიშკართან მიატოვა და სამოახლოს მიადგა, ამ დროს მის დარბაისელ, ნამტირალევ ცოლს ბალიდან მოჰყავდა ჭრელი დედალი, რომელიც ქალის ილღიაში გაყურსულიყო. ძველი პარმალის სვეტებს შუა მდგომმა კაცმა, მაღალყელიანი ჩექმები და ჩითის გვერდზე შესაკრავი ხალათი რომ ეცვა, დედაკაცის დანახვისას შესძახა:

— აგაფია, სა მიგყამს ეგ ქათამი?

— დასაკლავად, — დინჯად მიუგო დაღვრემილმა ქალმა.

— მოიტა მე დაეკლა.

და ახალგაზრდა კაცი საყინულისაკენ გაემართა, ისე რომ ხულაც არ მორიდებია წვიმას, რომლის გადმოფრქვევასაც კვლავ იწყებდა მოლუშული ცა. საყინულის კარი გააღო და ზღურბლთან აყუდებული ნაჯახი გამოიტანა; ერთი წუთის შემდეგ თავგაგდებინებულმა, კისერგასისხლიანებულმა ქათამმა ბალახზე ხტუნვა დაიწყო, მერე წაიფორხილა, დატრიალდა,

ფრთები ააფათქუნა და ირგვლივ ბუმბული და სისხლის შხეფები მიმოფანტა. ახალგაზრდა კაცმა ნაჯახი გვერდზე მიაგდო და ბალისკენ გასწია, მამასახლისის ცოლმა კი ქათამი დაიჭირა და კუზმასთან მივიდა:

— რა გინდა?

— ბალის თაობაზე მოველ, — უთხრა კუზმამ.

— ფედორ ივანიჩს დაუცადე.

— სად არის?

— ახლა დაბრუნდება მინდვრიდან.

კუზმა სამოახლოს ღია ფანჯარასთან იდგა და ელოდა. მან სამოახლოში შეიხედა. ბინდში გაარჩია ღუმელი, ფიცარნაგი, მაგიდა, ფანჯრის ახლოს გრძელ სკამზე — კუბო, ან უფრო სწორად — ვარცლი, რომელშიც დიდთავა, სახეგალურჯებული ბავშვი ესვენა... მაგიდას უჯდა სქელ-სქელი ბრმა გოგო, რომელიც ციცივით ხაპავდა პურჩაფშენილ რძეს. ბუხები, როგორც ფუტკრები სკაში, ისე დაბზუოდნენ თავზე, მკედრის სახეზე დალოდავდნენ და მერე რძეში ცვიოდნენ, მაგრამ ბრმა გამოთაყვანებულივით იჯდა, ლიბრგადაკრული თვალები ბინდისთვის მიეშტერებინა და ჭამდა და ჭამდა უშეძრწუნებულმა კუზმამ პირი იბრუნა. მძაფრი, ცივი ქარი ქროდა და ღრუბლები თანდათან ბნელით ფარავდა მიდამოს. შუა ეზოში აღმართული იყო ორი ბოძი, რომლებზედაც კადონი გაეკრათ. კადონზე ხატივით ეკიდა თუჯის დიდი დაფა: ეტყობა, დარაჯებს ღამით ეშინოდათ და რეკავდნენ. ეზოში ეყარნენ გამხლარი მწვერები. მათ შორის დარბოდა შვიდი-რვა წლის ბიჭუნა, ურიკით დაატარებდა დიდ შავ ჩიხაქუდიან ბობრთმა-აბურძგენილ ძამიკოს—და ურიკა ყურისწამლებად ჰკრიალებდა. მოღუშული და ვეებერთელა სახლი ასეთ ბინდბუნდში ალბათ ძალიან მოწყენილი იყო. „სინათლე მაინც აანთონ!“ — გაიფიქრა კუზმამ. საშინლად დაიქანცა, და ისე ეჩვენებოდა: თითქოს ქალაქიდან ერთი წლის წინათ წამოსულიყო...

სადამო და ღამე ბაღში გაატარა. მინდვრიდან დაბრუნებულმა მამასახლისმა გაჯავრებით თქვა: ბაღი დიდი ხანია იჯარითაა გაცემულიო, ხოლო როცა კუზმამ სთხოვა ღამე გამათევინეო, თავხედურად გაიკვირვა: „რა ჰკვიანი ხარ!—შესქა-

ხა მან.—კაი ფუნდუკი გიშოვნია! შენისთანები ბევრნი დაეხეტებიან აქ...“ მაგრამ მოწყალება გაიღო და ბაღში, აბანოში გაათევა: ანა ღამე. კუზმამ მენშოვს ანგარიში გაუსწორა და სახლის გვერდით ცაცხვების ხეივნით ჭიშკრისაკენ გასწია. რკინის ბადეებიანი, ჩაბნელებული ღია ფანჯრებიდან, ისპოდა როილის ხმამალალი ჟღერა, რომელსაც ფარავდა მშვენიერი ხმა, რაღაცნაირი ვოკალიზმებით, რომლებიც არც ამ საღამოს შეჭფეროდნენ და არც ამ კარ-მიღამოს. დამრეცი ხეივნის ტალახიან ქვიშაზე, რომლის ბოლოს, როგორც ქვეყნის დასასრულს, მქრქალად მოჩანდა მოღრუბლული ცა, კუზმასაკენ აუჩქარებლად მოდიოდა წითურწვერა გლეხკაცი, ვედროთი ხელში, უქულოდ, ქამარშეხსნილი, მძიმე ჩექმებით.

— შეხე, შეხე! — დაცინვით ამბობდა აგი, ვოკალიზმებს რომ ყურს უგდებდა.—შეხე, რა უდარდელად მღერის!

— ვინ მღერის? — ჰკითხა კუზმამ.

გლეხკაცმა თავი ასწია და შედგა.

— ვინა და ბატონიშვილი, ამბობენ მეშვიდე წელია ეგლეაო! — მხიარულად და ენამოჩლექით თქვა მან.

— ეგ რომელი, ქათამს რომ თავი გააგდებინა?

— ა-არა, მეორე... ეს კიდევ არაფერი! სხვა დროს რომ შემოსძახებს: „დღეს შენა ხარ, ხვალ კი მე“, — უბედურება მაშინდა ნახე!

— ალბათ სწავლობს, არა?

— კაი სწავლაა, მე და ჩემმა ღმერთმა!

ეს ყველაფერი აგდებულად, სხვათა შორის, სვენებსვენებით კი უამბო, მაგრამ ისეთი ღვარძლიანი დაცინვითა და ენამოჩლექით უყვებოდა, რომ კუზმამ გულისყურით შეათვალა იერა შემხვედრი. სულელს ჰგავდა. სწორი, წინ მოკლედ შეკრეჭილი თმა ჰქონდა, პირისახე — პატარა, უბრალო, ძველრუსული, სუზდალური. უზარმაზარი ჩექმები ეცვა, ტანი გამხდარი და გაძვალტყავებული ჰქონდა, ქუთუთოები — დაბერილი, თვალეები — ქორულებრ გამოშხირალნი. თვალეებს დახრიდა — შუმი სულელი იყო, ასწევდა — ცოტა შეგეშინდებოდა კიდევ.

— ბაღში ზინარ? — შეეკითხა კუზმა.

— ჰო. მა სად ვიქნები?

— რა გქვია?

— მე? აკიმი... შენ ვინა ხარ?

— მე ბალის იჯარით ალება მინდოდა.

— ჰოო... უყურე შენა! — აკიმმა დაცინვით გააკანტურა თავი და გზას გაუყვა.

ქარი თანდათან უფრო მძაფრად ქროდა და ხასხასა მწვანე ხეებიდან შეხედებს ყრიდა. ბალის ბოლოს, სადღაც ყრუ გრუხუნს ისმოდა, მტრედისფერი ციაგი აცისკროვნებდა ხეივანს და ირგვლივ ისმოდა ბულბულების გალობა. სრულიად გაუგებარი იყო, როგორ ახერხებდნენ ისინი ამგვარ მიყრუებულ არემარეში ესტვინათ ასე მონდომებით, ასე ტკბილად და ძლიერად. გაფანტულიყვნენ ტყვიისფერი ღრუბლებით ჩამოძიმებულ ცაში, ქარისაგან დრეკად ხეებში, ხშირ სველ ბუჩქებში. მაგრამ კიდევ უფრო გაუგებარი იყო, როგორ ატარებდნენ ღამეს ასეთ ქარში დარაჯები, როგორ ეძინათ სველ ჩალაზე დამპალი კარვის ქვეშ!

ისინი სამნი იყვნენ, სამნივე სნეულნი. ერთი მათგანი, ახალგაზრდა, ყოფილი ხაბაზი, ამყამად მაწანწალა, ციებ-ცხელებას უჩიოდა; მეორე, მიტროფანი, ისიც მაწანწალა, ჭლექიანი იყო, თუმცა თვითონ კი ამბობდა, არა მიშავს, ოღონდ ეგ არი ფერდებში მაციებსო; აკიმს „ქათმის სიბრმავე“ ჰქონდა — სიგამხდრის გამო შებინდებისას ცუდად ხედავდა. კუზმას ჰისვლისას ხაბაზი, ფერმკრთალი სახის ალერსიანი კაცი, ქოხის გვერდით ჩაცუკქულიყო; ბამბის ბლუზა ეცვა, გამხდარი, სუსტი ხელები დაეკაიწებინა და ხის ჯამში ფეტვის ბურღულს რეცხავდა. ჭლექიანი მიტროფანი, ტანდაბალი, მხრებგანიერი და შავგვრემანი კაცი, რომელსაც სულმთლად სველი, დაძონძილი ტანისამოსი და ცხენის ძველი ფლოქვებივით გაცვეთილი ჯღანები ეცვა, ხაბაზის გვერდით იდგა და მხრებაწეული, თაფლისფერი, ელვარე, გაფართოებული და უტყვი თვალებით უყურებდა მის მუშაობას. აკიმს ძირგავარდნილი ვედრო მოეტანა და კარვის წინ მიწურ ღუმელში ცეცხლს აჩაღებდა. ის კარავში შედიოდა, ჩალის მშრალ ღეროებს არჩევდა და კვლავ თუჯიის ქვეშ მხრჩოლავ კოცონს უბრუნდე-

ბოდა, სულ რაღაცას ბუტბუტებდა, ქსინავდა, ამხანაგების მიერ მასხრად აგდებისას კადნიერად იღიმებოდა. გულში დასცინოდა მათ და დროდადრო სხარტი, ავი სიტყვით აბიაბრუებდა. ხოლო კუზმა თვალს ხუჭავდა და ხან ლაპარაკს უგდებდა ყურს, ხან კი ბულბულთა სტვენას. ის კარვის ახლოს სკამზე იჯდა, თავზე გაყინული შხეფები ეფრქვეოდა. ამ დროს კი ხეივანში, დაბინდული, ნელი ციაგით ანათროლი და მგრგვინავი გუმბათის ქვეშ დანავარდობდა ნოტიო ქარი. შიმშილი და თუთუნი უწყლავდა გულს. ეტყობოდა, ხალიფაფის დამზადებას ვერ ეღირსებოდა, თავში გასჯდომოდა ფიქრი, რომ შეიძლება მასაც ისეთივე მხეცური ცხოვრება რგებოდა წილად, როგორც ამ დარაჯებს ხვდათ... და აღიზიანებდა მძაფრი ქარი, შორეული, ერთფეროვანი გრუხუნის, ბულბულთა სტვენა, ენაჩლექია აკიმის დინჯი, თავხედური და ღვარძლიანი ლაპარაკი, მისი წრიპინა ხმა.

— აკიმუშკა, ქამარი მაინც გეყიდა ერთი, — თვალთმაქცური ალალმართლობით ეუბნებოდა ხაბაზი, მასხრად იგდებდა და თან კუზმასაკენ იყურებოდა, ერთი შენც მოუსმინე აკიმის ლაპარაკსო.

— დამაცა, — დაცინვით უპასუხებდა აკიმი და თან გრძელი კოვზით აღუღებულ ქვაბს ქათავდა. — აგერ, ბატონთან ზაფხული გავატაროთ და ნახე, თუ კრიჭინა ჩექმები არ გიყიდო.

— „ქლიჭინა ჩექმები!“ არცა გთხოვ.

— ჯღანები მაინც არ გეცვას!

და აკიმმა დიდი მონდომებით გაუსინჯა გემო ფათას.

შემცბარმა ხაბაზმა ამოიოხრა.

— ეეჰ, სად უნდა ვატაროთ ჩექმები!

— გეყოთ ახლა, — თქვა კუზმამ, — უმჯობესია ისა სთქვათ, როგორ გაგაქვთ თავი. ნუთუ ყოველდღე ხალიფაფას სჭამთ?

— შენ რა — თევზი და შაშხი ხომ არ მოგინდა? — კოვზის ლოკვით ჰკითხა აკიმმა, ისე რომ მისკენ არც მიბრუნებულა. — ისე, არა უჭირს რა: ჭიქა არაყი, სამიოდ გირვანქა კაი ლოქო, ერთი ნაჭერი შაშხი, ხილის ჩაი... ხოლო ამას ხალიფაფა კი არა ჰქვია, — თხელი ფათა.

— წვნიან შექამანდს არ აკეთებთ ხოლმე?

— წვნიანი შექამანდიც გვექონდა, ძმავ, და მერე როგორი! ქოფაქისათვის რომ შეგესხა, ბალანი ყალყზე დაუდგებოდა!

კუზმამ თავი გააქნია:

— შენ ალბათ ავადმყოფობისაგან ხარ ეგრე ავი გემექურნალა ცოტაოდენი...

აკიმს არაფერი უპასუხია: ცეცხლი უკვე ქრებოდა, თუჯიის ქვეშ წითლად ღვიოდა დახორხლილი ნაკვერჩხლები; ბალი თანდათან ბნელდებოდა. ქარის ყოველ დაქროლვაზე აკიმს პერანგი უფრიალებდა, და მტრედისფერი ციაგი მკრთალად ანათებდა იქ მსხდომთა პირისახეებს. მიტროფანი კუზმას გვერდით იჯდა, ჯოხზე დაყრდნობილი; საბაზი ჯირკზე ჩამომჯდარიყო ცაცხვის ძირას. კუზმას უქანასკნელი ნათქვამი რომ გაიგონა, საბაზმა დინჯი სახე მიიღო.

— მე კი მგონია, — მორჩილად და ნალვლიანად თქვა პან, — ღვთის გარდა ვერაფერ უშველის. თუ ღმერთმა კაცს ჯანი არ მისცა, ვერაფერთარი ექიმები ვერ უშველიან. აგერ აკიმი მართალს ამბობს: სიკვდილი თუ არ მოგადგა კარს, არ მოკვდებიო.

— ექიმები! — კვერი დაუკრა აკიმმა, რომელიც ნაკვერჩხლებს დასცქეროდა, და განსაკუთრებით ღვარძლიანად წარმოთქვა სიტყვა: ექიმები!.. — ექიმები, ძმავ, თავის ჯიბეს ისქელებენ. წელეები უნდა გამოაყრევიან იმ ექიმებს ეგეთი საქმისთვის!

— ყველა ექიმი როდი ისქელებს ჯიბეს, — უთხრა კუზმამ.

— მე ყველა არ მინახავს.

— ჰოდა, ნულარ როშავ, რახან არ გინახავს, — მკაცრად უთხრა მიტროფანმა.

მაგრამ აქ მიტროფანს უეცრად გაუქრა დამცინავი სიმშვიდე. ქორული თვალები გადმოკარკლა, წამოხტა და გაშმაგებით შეჰყვირა:

— რაო? მე ნუ ვროშავ? ყოფილხარ შენ საავადმყოფოში? ყოფილხარ? მე კი ვიყავი! შვიდი დღე ვიჯექი, — ბევრ ბულკებს მაძლევდა ის შენი ექიმი? ბევრს?

— შე სულელო, — სიტყვა გააწყვეტინა მიტროფანმა, —

ბულკებს ყველას კი არ ურიგებენ: ეგ—ავადმყოფობას გააჩნია.

— აი ავადმყოფობას გააჩნია ავადმყოფობამ გაწყვიტოს ეგენი, ფაშეზე გახეთქოს! — შეჰყვირა აკიმმა, ირგვლივ გაშმაგებით მიმოიხედა, „თხელ ფაფაში“ კოვზი ჩაახეთქა და კარავში შევიდა.

იქ ქსინვით ლამპა ანთო, და კარავში მყუდროებამ დაიხადგურა. მერე სადღაც სახურავიდან კოვზები ჩამოიღო, შაგიდაზე დაყარა და შესძახა: „ძოიტანეთ, რაღა, ხალიფაფა!“ ხაბაზი წამოდგა და თუჯიის მოსატანად წავიდა. კუზმას გაუარა და უთხრა: — „მობრძანდით“. მაგრამ კუზმამ მარტო პური სთხოვა, მარილი მოაყარა და ლოლნით ისევ თავის სკამს მიაშურა. სულმთლად ჩამობნელდა. მტრედისფერი შუქი უფრო და უფრო ფართოდ, სწრაფად და მკაფიოდ ანათებდა მოშრიალე ხეებს, თითქოს ქარი არხევსო, და ყოველ ციაგზე გაფიტრებული ფოთლები ერთ წამს, როგორც დღისით, ისე ჩანდნენ, მერე კი უკუნ სიბნელეში ინთქმებოდნენ. ბულბულები მიყუჩდნენ, — ხმატკბილად და ძალუმად სტვენდა მხოლოდ ერთი — ზედ კარვის თავზე რომ იჯდა. „არც კი უკითხავთ ვინა ვარ, სადაური ვარ, — ფიქრობდა კუზმა. — რა ხალხია, დასწყევლოს ღმერთმა! — და ხუმრობით გასძახ: კარავში:

— აკიმი შენ არც კი მკითხე, ვინა ვარ, სადაური ვარ!

— აბა რაში მჭირდები? — მიუგო აკიმმა.

— მე აშას სხვა რამეს ვეკითხები, — მოისმა ხაბაზის ხმა, — შენი ფიქრით, რამდენ მიწას მოგვეცემს სათათბირო-მეთქი. როგორ ფიქრობ, აკიმუშკა? ა?

— მე უწიგნური კაცი ვარ, — უთხრა აკიმმა. — შენ ნებვიდან უფრო კარგად ხედავ.

ხაბაზი, ეტყობა, ისევ დაიბნა: წუთით დუმილი ჩამოვარდა.

— ჩვენ ძმაზე ლაპარაკობს, — წამოიწყო მიტროფანმა. — ერთხელ ვუამბე, რომ როსტოვში საწყალი ხალხი, ანუ პროლეტარიატი ზამთრობით ნებვს აფარებს თავს...

— გავა ქალაქიდან, — მხიარულად აპყვა აკიმი, — ჰოდა, პირდაპირ ნებვში დურთავს თავს! ლორზე ნაკლებ როდი. ჩაეფლობა შიგ, ჰოდა, სადარდებელიც ცოტა აქვს.

— სულელი! რას უკრანტალებ! ერთი სიღარიბემ მოგიწროს, — ვნახოთ, თუ არ ჩაეფლობი!

აკიმმა კოვზი დაუშვა და ზანტად შეხედა. მერე უცებ გაცხარდა, ქორული თვალები დააჭყიტა და გაშმაგებით შეპყვირა:

— რაო! სიღარიბე! საათობით მოგინდა მუშაობა?

— მაშ როგორ გგონია? — შმაგადვე შეპყვირა მიტროფანმა, ნესტოები დაუშვა და ელვარე თვალებით აკიმს შეაშტერდა. — აბაზად ოც საათს უნდა იმუშაო?

— რა-ო?! შენ კი საათში მანეთი გინდა? — ხარბი ხარ, შე ფაშვეგასახეთქო!

მაგრამ ჩხუბი ისევე სწრაფად ჩაქრა, როგორც გაჩაღდა. ერთი წუთის შემდეგ მიტროფანი ცხელ ხალიფაფას სულს უბერავდა და უკვე წყნარად ლაპარაკობდა:

— თვითონ კი არ არის ხარბი! ევ ბრუტიანი ეშმაკი კაპიკის გულისთვის თავს გასწირავს. არა გჯერათ — სამ შაურად ცოლი გაყიდა! ღმერთმანი, არა ვხუმრობ. იქ ჩვენთან, ლიპეცკში, ერთი ბერიკაცია, პანკოვს ეძახიან, წინათ ისიც მებღაღობას ეწეოდა, ჰოდა, ახლა ისვენებს და ძალიან უყვარს ეს საქმე...

— მაშ აკიმიც ლიპეცკელია? — იკითხა კუზმამ.

— სოფელ სტუდენკიდანა ვარ, — გულგრილად თქვა აკიმმა, თითქოს მასზე არც ლაპარაკობენო.

— ძმასთან ერთად ცხოვრობს, — დაადასტურა მიტროფანმა. — მიწა და ეზო ზიარი აქვთ, მაგრამ მაინც სულელად მიაჩნიათ და ცოლიც, რასაკვირველია, გაექცა; მერედა, რაზე გაექცა? — სწორედ იმ საქმეზე: პანკოვს მოუერიგდა, სამი შაური მომეცი და ცოლთან ჩემს მაგივრად შეგიშვებო, — ჰოდა, შეეშვა.

აკიმი კოვზს მაგიდაზე აკაკუნებდა, ლამპას შესცქეროდა და ღუმდა. ის უკვე გაძდა, ხელ-პირი შეიწმინდა და ახლა რაღაცას ფიქრობდა.

— როშვა ხვნაზე ადვილია, ძმაო, — თქვა ბოლოს. — მერე რა, რომ შევეუშვი: ქალი ხომ ისევ ის დარჩა?

უცებ სმენად იქცა, გაიღრიჭა, წარბი ასწია; მისი სუზდა-

ლური პირისახე რაღაც ნაღველნარევემა მხიარულებამ მოიცივა და გახევებული ნაოჭებით დაეფარა.

— უნდა გადმოიღო თოფი, ესროლია და სული გააფრთხო-ბინო! — განსაკუთრებული წრიპინა ხმითა და ენამოჩლეკით თქვა მან.

— ვიზე ამბობ მაგას? — შეეკითხა კუზმა.

— ბულბულზე...

კუზმამ კბილები გააღრჰიალა, ჩაფიქრდა და თქვა:

— მუდრეგი გლეხი ხარ. მხეცი.

— ...ში მეცი, — მიუგო აკიმმა, დაასლოკინა და წამოდგა:

— ლასა შვლებით, ტყუილად წევთ ჩალას?

მეტროფანმა პაპიროსის გახევეა დაიწყო, ხაბაზი კოვზების ოლაგებას შეუდგა, აკიმკა მაგიდის ქვეშ გაძვრა, ლამ-პას ზურგი შეაქცია, სამჯერ აჩქარებით გადაიწერა პირჯვარი, კარვის ბნელ კუთხეში ჩაიჩოქა, აბურძგვნილი თავი გააქნია, მალლა ასწია და ჩურჩულით დაიწყო ლოცვა. მისი დიდი ლან-დი რაღაც ყავრის ყუთებს დაეცა და გადატყდა. მან კვლავ აჩქარებით გამოისახა პირჯვარი და ისევ სწრაფად ჩაიჩოქა — და კუზმამ უკვე ზიზლით შეხედა მას. აგერ აკიმი ლოცულობს. აბა ერთი გაბედე და ჰკითხე, გწამს თუ არა ღმერთი-თქო! ქორულ თვალებს გადმოკარკლავს! თათარი ვინმე ხომ არა გგონივარო!

ასე ეგონა ერთი წლის წინათ. წამოვიდა ქალაქიდან და, ვინ იცის, იქნებ ველარც დაბრუნებულიყო. სველი ჩიხაქუდი ამძიმებდა, ჭუჭყიან ჩექმებში მოკრუნჩხული ფეხები გას-ცივებოდა და სტეხდა. მთელი დღის მანძილზე პირისახე ქარი-საგან დასუსხვოდა და ეწვოდა. სკამიდან წამოდგა და ნოტიო პირქარში მინდორში გასასვლელი ჰიშკრისაკენ გასწია, სადაც დიდი ხნის გაუქმებული ეკლესია იყო. ჯერ ტალახს კარვიდან გამონაკრთომი სხივები ეცემოდა, მაგრამ როგორც კი კუზმა ქოხს ოღნავ გაშორდა. აკიმმა ლამპას სული შეუბერა, შუქი გაქრა და უცებ დაღამდა. მტრედისფერი ციაგი უფრო თამა-მად და მოულოდნელად გამობრწყინდა და მთელი ცა, ბაღის მთელი სიღრმე გაანათა, თვით განმარტოებული ნაძვებიც კი, სადაც აბანო იდგა, მერე კი უცებ გაქრა და ისე ჩამოხნულდა, რომ კუზმას თავბრუ დაესხა. და ისევ საღდაც დაბლიდან მო-

ისმა შორეული გრუხუნი. კუზმა ცოტა ხანს შედგა და კიშ-
კარში მკრთალი შუქის გამოკრთომისთანავე გავიდა გზაზე.
რომელიც მიწაყრილის გასწვრივ, მოშრიალე ძველი ცაცხე-
ვისა და ნეკერჩხლების გვერდით მიემართებოდა, და ნელ-
ნელა დაიწყო წინ და უკან სიარული. ჩიხაქედსა და ხელებზე
კვლავ დაესხურა წვიმა. და კვლავ განირღვა სიბნელე, აციმ-
ციმდნენ წვიმის წვეთები, და მოტიტვლებულ მინდორზე,
მტრედისფერ შუქზე გამოჩნდა სველი წვირილკისერა ცხენი-
მოტიტვლებულ მინდორს იქით იისფერ ფონზე გამოკრთა ხას-
ხასა მწვანე შვრიის ყანა, ცხენმა თავი ასწია — და კუზმას
შიში შეეპარა. ის კიშკრისკენ შებრუნდა. როცა ხელის ფა-
თურით ნაძვანარში მდგარ აბანომდე მიაღწია, ისეთი სიძლიე-
რით დასცხო წვიმამ, რომ კუზმას თავში გაუელვა საშინელმა
აზრმა, რაც ზავშვობისას ხშირად მოსვლია: ვაითუ დავიხრ-
ხოო. ასანთი ვაჰკრა, ფანჯარასთან ტახტი შენიშნა, ხიფ-
თანი დაკეცა და სასთუმალზე დადო. სიბნელეში ავიდა ტახტ-
ზე, ღრმად ამოიხვნეშა და ზედ გაიშბლართა, გულადმა და-
წვა, ბერიკაცებმა რომ იციან, და მოღლილი თვალები დახუჭა.
ღმერთო ჩემო, რა სულელური და მძიმე მგზავრობაა! ან ჯა
უნდოდა აქ? ახლა ბატონიანთ სახლშიც ბნელა, და ციაგნი ჩუ-
მად ირეკლებიან სარკეებში... კარავში, კოკისპირულ წვიმაში,
სძინავს აკიმს... ამ აბანოში, ვინ იცის, რამდენჯერ უნახავთ
ეშმაკები: ეშმაკი მაინც თუ სწამს აკიმს, როგორც საჭიროა?
არა. ისე კი გულდაჯერებით ჰყვება, როგორ შევიდა ერთხელ
მისი აწ განსვენებული პაპა, — მაინცდამაინც პაპა და თანაც აწ
განსვენებული, — საცეხველში ბზის გამოსატანად, ხოლო ეშ-
მაკი იჯდა თავისთვის ცხენის შესაბმელზე, ფეხი ფეხზე გადა-
ედო, ძაღლივით ბანჯგვლიანი იყო... კუზმამ ცალი ფეხი მოხა-
რა, შუბლზე ხელი შემოიღო და ოხვრითა და ვაი-ვაგლახით
დაიწყო თვლემა...

ზაფხული სამუშაოს ძებნაში გაატარა. ბაღების იჯარით აღე-
ბაზე ოცნება სულელური აღმოჩნდა. ქალაქს დაბრუნებულმა,
აწონ-დაწონა თავისი მდგომარეობა და შეეცადა ნოქრად ან
კანტორის მოხელედ მოწყობილიყო; მერე ყველა სამუშაოზე
თანახმა იყო, ოღონდ კი ლუკმა პური ეშოვნა. მაგრამ ძებნამ.

გარჯამ, თხოვნამ — ყველაფერმა ფუჰად ჩაუარა. ქალაქში კარგა ხანია გავარდნოდა უცნაური კაცის სახელი. ლოთობისა და უსაქმობის გამო იგი ყველას სასაცილო შეიქნა. მისმა ცხოვრებამ ჯერ გააოცა ქალაქელები, მერე კი დააეჭვა. მართლაც — და, ვის უნახავს, რომ მისი ხნოვანობის მედაბური სხვის კარზე ცხოვრობდეს, მეარლნესავით ღარიბი და უცოლო იყოს: მთელ მის ქონებას სკივრი და მძივე ძველი ქოლგა შეადგენს! და კუზმამ სარკეში ყურება დაიწყო: ვინა დგას ბოლოს და ბოლოს მის წინაშე? დამეს სასტუმროში ათევეს, ჩამოსულ თუ წამსვლელ ხალხთან ერთად, დილით ბაზარში, ტრაქტირებში დაჩანჩალებს, რომ იქ ყური მოჰკრას, სად რა სამუშაოს შოვნა შეიძლება; ნასადილევს სძინავს, მერე ფანჯარასთან ზის და კითხულობს, გაყურებს მტვრიან თეთრ ქუჩას და სიცხისაგან გამტრედისფრებულ ცას.... ვისთვის ან რისთვის ცხოვრობს ქვეყნად შიმშილისაგან და მკაცრ ფიქრთაგან გამხდარი და უკვე გაქალაქავებული ეს მედაბური, რომელიც თავს ანარქისტად ასაღებს და იმის განმარტება კი არ შეუძლია, თუ რას ნიშნავს ანარქისტი? ზის, კითხულობს; ამოიოხრებს, ოთახში გაივლ-გამოივლის; ჩაცუცქდება, სკივრს გააღებს; წესიერად დააწყობს გაცვეთილ წიგნებსა და ხელნაწერებს, ორ-სამ გახუნებულ, გვერდზე შესაკრავ ხალათს, ძველ გრძელკალთიან სერთუკს, ყილეტს, გაცრეცილ მეტრიკულ მოწმობას... მერე რაღა უნდა ქნას?

ზაფხულსაც ბოლო არ უჩანდა, ახლა ქალაქში პაპანაქება სიცხე იდგა. ფუნდუკის კუთხის სახლი მზეზე იწვოდა. კუზმას დამდამობით სული ეხუთებოდა და თავში სისხლი აწეებოდა, ღია ფანჯრებიდან შემოსული ყოველი ხმა აღვიძებდა. ბოლო სათივეში რწყილები, მამლის ყვილი და ნეხვის სიმყრალე არ აძინებდა. მთელ ზაფხულს ოცნებობდა კუზმა ვორონეჟში წასვლაზე. სხვა არაფერი არ უნდოდა, ოღონდ ჩასულიყო და შემდეგი მატარებლის გამოსვლამდე ეხეტილა ვორონეჟის ქუჩებში, ენახა ნაცნობი ალვის ხეები, ის ცისფერი სახლი, ქალაქგარეთ რომ იდგა... მერე რისთვის? ათი, თხუთმეტი მანეთი დაეხარჯა და შემდეგ სანთელი ან ბულკი ვეღარ ეყიდა? სირცხვილიცაა ბერიკაცისათვის, სასიყვარულო

მოგონებებს აპყვეს. რაც შეეხება კლამას, ნუთუ იგი მისი ქალიშვილია? ნახა: ფანჯარასთან იჯდა, მაქმანს ქსრვდა, ლამაზი და ღინჯი სახე ჰქონდა, მაგრამ მხოლოდ დედას ჰგავდა...

შემოდგომის დამდეგს კუზმა დარწმუნდა, რომ ისლა დარჩენილა — წმიდა ადგილებისათვის, რომელიმე მონასტრისათვის მიეშურებინა, ანდა ყელში სამართებელი გამოესვა. შემოდგომა იწყებოდა. ბაზარში უკვე ვაშლისა და ქლიავის სუნი ტრიალებდა. ჩამოიყვანეს გიმნაზიელები. მზე ახლა შჩეპნაია პლოშჩადის გადაღმა ჩადიოდა: საღამოს ჰიშკრიდან რომ გამოხვიდოდით, გზაჯვარედინის გადავლისას თვალს მოგპკრიდათ მისი შუქი: მარცხნივ მთელი ქუჩა, რომელიც შორს მოედანს ერთვოდა, ჩამავალი მზის სევდიან სხივებში ჩანთქმულიყო. ღობის იქითა ბაღები მტვერსა და აბლაბუდას დაეფარა. აი, თქვენსკენ მოდის პოლოხოვი, ლაბადა წამოუსხამს, შლიაპის ნაცვლად კი ჩიხაქუდი დაუხურავს. ქალაქის ბაღში კაცის ჰაჰანება არ არის. დახურულია მუსიკოსების ესტრადა, ფარდული, რომელშიც ზაფხულში კუმისსა და ლიმონათს აყიდდნენ, დახურულია ფიცრული ბუფეტიც. ერთხელ ამ ესტრადასთან მჯდომარე კუზმა ისე დანადგლიანდა, რომ თავის მოკვლაც კი გაივლო გულში. მზე ჩადიოდა, ირგვლივ მოწითალო შუქი იღვრებოდა, ხეივანში ცვიოდნენ პაწაწინა, ვარდისფერი ფოთლები, ქროდა ცივი ქარი. ტაძარში მწუხრის ლოცვად უხმობდნენ, და შაბათის ეს ზომიერი, ხშირი სამაზრო რეკვა გულს უწყალებდა. უცებ ესტრადის ქვეშ გაისმა ხველება და კრუსუნნი... „ეს მოტკაა“, — გაიფიქრა კუზმამ. მართლაც, კიბის ქვეშიდან მოტკა ბატისტვინა გამოძერა. ეცვა მოწითალო სალდათური ჩექმები და გიმნაზიელის ძალიან გრძელი, ფქვილში ამოგანგლული მუნდირი, — ეტყობა ბაზარში გაემასხრებინათ, — ეხურა ჰილის ქუდი, რომელზეც მრავალჯერ გადაეგლო თვლებს. ნაბახუსევმა, თვალი არც კი გაუხელია, ისე ფურთხებითა და ბანცალ-ბანცალით ჩაუარა. ცრემლმორეული კუზმა თვითონ შეეხმიანა:

— მოტია! მოდი, ვილაპარაკოთ, გავაბოლოთ...

მოტია მობრუნდა, სკამზე დაჯდა და ნამძინარევი თვალებითა და წარბების თამაშით დაიწყო თამბაქოს გახვევა, მაგ-

რამ, ეტყობა, კარგად ვერ მიმხვდარიყო, ვინ იჯდა მის გვერდით, ვინ შესჩიოდა თავის ბედზე...

ხოლო მეორე დღეს იმავე მოტიამ მოუტანა კუზმას ტიხონის ბარათი.

სექტემბრის დამლევს კუზმა ღურნოვკაში გადავიდა.

III

დიდი ხნის წინათ, როცა ილია მირონოვიჩი ორიოდე წელს ღურნოვკაში ცხოვრობდა, კუზმა ჯერ კიდევ ბავშვი იყო, და სსოვნაში დარჩა მხოლოდ მუქმწვანე, სურნელოვანი კანაფის ნათესები, რომლებშიც მთელი ღურნოვკა ჩაფლულიყო, და კიდევ ზაფხულის ერთი ბნელი დამე: სოფელში არავის არ ენთო სინათლე. ილიას ქოხს ჩაუარა თეთრპერანგა „ცხრა ქალიშვილმა, ცხრა დედაკაცმა და მეთექვრთხეტი ქალმა“, სუყველანი ფეხშიშველნი იყვნენ, თავდაუხურავნი, ხელში ეჭირათ ცოცხები, კეტები, ფიწლები, და იყო ყურისწამღენი რაკუნი, ღუმელის კარებისა და ტაფების ქლარუნი, რასაც ველური გუნდური სიმღერა ფარავდა; ქვრივი კავს მიათრევდა, მის გვერდით მიმავალ ქალიშვილს ხატი ეჭირა, სხვები კი რაკუნითა და ქლარუნით მიდიოდნენ, და როცა ქვრივი ხმადაბლა გამოთქვამდა:

პოი, ძროხის სნებავ,

განველ ჩვენი სოფლიდან —

გუნდი, თითქოს მოთქვამსო, გაბმით მოსძახობდა:

ჩვენ ვიგერიებთ მას —

და ნაღვლიანად, მკვეთრი ყელისმიერი ხმით განაგრძობდა:

საკმეველითა და ჯვრით...

ღურნოვკის ველებს ახლა შრომის ელფერი დაჰკრავდა. ვორგოლიდან კუზმა მხიარული და ოდნავ შეზარხოშებული ჰრუნდებოდა, — ტიხონ ილიჩმა ამ დღეს გულუხეობა გამოიჩინა, სადილობისას ნაყენით გაუმასპინძლდა, — და სიამით შესცქეროდა მურა ფერის გამომშრალ ხნულებს, ირგვლივ

რომ გადაშლილიყვნენ. მზე თითქმის ისევე აცხუნებდა, როგორც ზატხულში, ჰაერი გამჟვირვალე იყო, ცა — მტრედისფერი; ყოველივე ეს ახარებდა და დიდი ხნის სიმშვიდეს ჰპირდებოდა კუზმას. კავით იმდენი რუხი აბზინდა მოეთხარათ, რომ ურმებით ეზიდებოდნენ. საკარმიდამოს ბოლოს ხნულში იდგა ჯიდაოზე ბირკებმიკრული ცხენი და აბზინდათი პირამდე დატვირთული ფორანი, ხოლო იქვე ახლოს იწვა იაკობი, ფეხშიშველი, მოკლე დამტვრიანებული ძიქვითა და გრძელი ხამის პერანგით, ფერდით რუხ ქოფაკს დასწოლოდა და ყურებში ხელი ჩაეკიდა. ქოფაკი იღრინებოდა და უბღვერდა.

— ხო არ იკბინება? — გასძახა კუზმამ.

— ისეთი ავია, რომა მეტი არ იქნება! — აჩქარებით მიუგო იაკობმა და გვერდზე მოქცეული წვერი ასწია. — დრუნჩში ჩააფრინდება ხოლმე ცხენებს...

კუზმას ეამა და გადაიხარხარა. აი, გლეხიც ამას ჰქვია, სტეპიც ასეთი უნდა!

გზა ფერდობს ჩასდევდა და ჰორიზონტი თანდათან ვიწროვდებოდა. წინ მწვანედ მოჩანდა საცეხვლის ახალი თუნუქის სახურავი, გეგონებოდა დაბურულ, დაბალ ბალში ჩანთქმულიო. ბადის ბოლოს, მოპირდაპირე ფერდობზე, გრძლად ჩამწკრივებულებიყვნენ თიხის აგურებისაგან აშენებული, ჩალისსახურავიანი ქოხები. მარჯვნივ, ხნულებს იქით, გაჭიმულიყო დიდი ხევი, რომელიც საკარმიდამოსა და სოფლის გამოყოფ ხევს ერთვოდა. იქ, სადაც ხევეები ერთდებოდნენ, კონცხზე იდგა ორი ფრთებგაშვერილი ქარის წისქვილი; მათ შემორტყმოდა რამდენიმე ქოხი, რომლებიც, ეკუთვნოდათ უაზნოებს — კონცხელებს, როგორც ოსკამ თქვა; იქვე ტრიანლ მინდორზე თეთრად მოჩანდა ცარცით შეფეთქილი სკოლის შენობა.

— ჰა, სწავლობენ ბიჭები? — ჰკითხა კუზმამ.

— სწავლობენ, მაშა! — მიუგო ოსკამ. — ისეთი მარჯვე ბიჭია, რომ ასწავლის!

— ვინ? მასწავლებელი?

— ჰო, რა, მასწავლებელი. ისე ასწავლა იმათ ძმასა, ისე,

რომა — რა გითხრა! სალდათია. გემზე არ იბრძვის, მაგრამა, ყველაფერი კი დამში აქვს მოყვანილი! ერთხელ მე და ტიხონ ილიჩმა შევიარეთ. ერთბაშად წამოხტნენ და დაიყვირეს: „დღეგრძელობას გისურვებთ!“ ასე სალდათებსაც კი არ შეუძლიათ!

და კუზმას კვლავ გაეცინა.

როცა კალოს ჩაუარეს, გატყეპნილ გზას გაჰყენენ, პატარა ბალი უკან ჩამოიტოვებს და მარცხნივ, გადამხმარ, მზის ოქროს სხივებით მოფენილ გრძელ ეზოში შეუხვიეს, გულიც კი აუჩქროლდა: აი, როგორც იქნა, შინაა. როცა პარმალზე ფეხი შედგა და ზღურბლს გადააბიჯა, კუზმამ თაყვანი სცა ფერგადასულ ხატს, წინათახის კუთხეში რომ ესვენა.

სახლის წინ, ღურნოვკისაკენ ზურგმჯექტევით, იდგა ბელლები, რომლებიც ფართო ხევის გადაჰყურებდნენ. სახლის პარმალიდან ოდნავ მარცხნივ მოჩანდა ღურნოვკა, ხოლო მარჯვნივ — კონცხის ნაწილი: ქარის წისკვილი და სკოლა. ოთახები პატარა და ცარიელი იყო. კაბინეტში ეყარა ჭვავი, სადარბაზო და სასტუმრო ოთახში იდგა რამდენიმე ძირგაცვეთილა სკამი. სასტუმრო ოთახის ფანჯრები ბაღს გადაჰყურებდა. მთელ შემოდგომას კუზმას იქ ეძინა ერთ მონგრეულ დივანზე და ფანჯრებს არ ხურავდა. იატაკს არასდროს არ ხეხავდნენ ცარკით: მზარეული ქალის მაგივრად პირველ ხანებში ჰყავდა ერთი ქვრივი უაზნო — ახალგაზრდა ღურნოვოს ყოფილი საყვარელი, რომელსაც შინ შვილებისათვის უნდა მიეხედა და თავისთვის, კუზმასა და მისი მუშისათვის სახელდახელოდ რამე საჭმელი მოემზადებინა. დილით კუზმა თვითონ დგამდა სამოვარს, მერე ზალაში ფანჯარასთან იჯდა და ვაშლიან ჩაის სვამდა. დილის სიელვარეში, ხევის გაღმა, სქელი კვამლი ამოდიოდა სახლების სახურავებიდან. ბაღში საამო სურნელი ტრიალებდა. ხოლო შუადღისას მალლით მზე დასცქეროდა სოფელს. გარეთ ცხელოდა, ბაღში წითლად ღუოდნენ ნეკერჩხლები და ცაცხვები, რომლებსაც ნელ-ნელა სცივოდათ ნაირფერი ფოთლები. მზით გამთბარ მტრედებს მთელ დღეს ეძინათ სამზარეულოს დამრეც, ახალი ჩალის სახურავზე, ყვითლად რომ მოჩანდა ლურჯად მოკამკამე ცაში. ნასადილევს

მოჯამაგირე გლეხი ისვენებდა, უაზნო ქალი. სახლში მიდი-
ოდა, ხოლო კუზმა აქეთ-იქით დაეხეტებოდა. მიდიოდა კა-
ლოზე, შეჭხაროდა მზეს, გატყეპნილ გზას, გადამხმარ შამ-
ბნარს, წაბლისფერ ვარდკაქაქას სასიამოვნო, ნაგვიანევე ფერს
და ჰაერში ნელა მფრენ ბაღლოჯის ბუსუსებს. ობობას ქსე-
ლებით დაფარული თვალუწვდენი ხნულები აბრეშუმისფრად
ბრწყინავდნენ მზის სხივებზე. ბოსტანში გამხმარ ბირკებზე
მწკრივად ისხდნენ ჩიტბატონები. კალოზე, სამარისებურ სი-
ჩუმეში, მზისგულზე დაუღალავად სისინებდნენ კუტკალიები...
კალოდან კუზმა მიწაყრილზე გადაძვრებოდა და ბალის გავლით,
ნაძენართ, თავის კარ-მიდამოში ბრუნდებოდა. ბაღში ემუსაი-
ფებოდა მედაბურებს, ბალის დამქირავებლებს, პატარძალსა და
თხას, რომლებიც ძირნაყარ ხილს კრეფდნენ, შედიოდა მათ-
თან ერთად ჭინჭარში, სადაც ყველაზე მწიფე ხილი ეყარა.
ზოგჯერ სოფელში დაეხეტებოდა, სკოლაში შეივლიდა...

საღდათ მასწავლებელს, რომელსაც დაბადებიდან ჭკუა არ
დაჰყოლოდა, სამუშაოზე სულ მთლად აებნა თავგზა. შესახე-
დავად ჩვეულებრივი გლეხი იყო, მაგრამ ისეთი უჩვეულო
ლაპარაკი იცოდა და ისეთ სისულელეს წამოროშავდა ხოლმე,
რომ მსმენელი ხელებსლა გაასავსავებდა. სახეზე მულამ ეშმა-
კური ღიმილი დასთამაშებდა, მოწყალედ შესცქეროდა თანა-
მოსაუბრეს, თვალებს ჭუტავდა და ყოველ კითხვაზე მოგვი-
ანებით უპასუხებდა.

— რა გქვია შენ? — ჰკითხა სკოლაში პირველად შესულმა
კუზმამ.

საღდათმა თვალეხი მოქუტა, დაფიქრდა.

— სახელი რომ არა, ნერბი და ვერძი ერთი იქნებოდა,—
თქვა ბოლოს აუჩქარებლად. — მაგრამ ახლა მეც გკითხავთ:
აღამი სახელია თუ არა?

— სახელია.

— კარგი. მერე რამდენი ხალხი დაიხოცა, მაგალითად, იმ
დროიდან მოყოლებული?

— არ ვიცი,— უთხრა კუზმამ. — კი მაგრამ, რად გინდა ეგ?

— რათა და იმათა, რომა ამას ჩვენს დღეში ვერ გავი-
გებთ! აი, მაგალითად, მე საღდათი ვარ, ცხენის ექიმბაში. ამას

წინათ ბაზარში მივდიოდრი. ვხედავ — ქოთარშეყრილი ცხენი დგას. მაშინვე მოვახსენე უბნის ბოქაულს: ასე და ასეა საქმე, თქვენო მალალკეთილშობილებავ-მეთქი. შეგიძლია თუ არ-ეს ცხენი ფრთით დაკლაო? დიდი სიამოვნებით-მეთქი.

— რა ფრთით? — ჰკითხა კუზმამ.

— ბატის ფრთით. ავდექი, ფრთას წვერი წავუთალე, მთავარ ძარღვში ჩავასე და ფრთაში ცოტა სული ჩავებერე, — მორჩა და გათავდა. თითქოს უბრალო ამბავია, მაგრამ აბა მოდი და მოიფიქრე!

სალდათმა ეშმაკურად ჩაუკრა თვალი და შუბლზე თითი დაიკაკუნა.

— ამას მიხვედრა უნდა!

კუზმამ მხრები აიჩეჩა და დადუმდა. როცა უაზნო ქალს ჩაუარა, მისი ვაჟის — სენკასაგან გაიგო, რას ეძახდნენ სალდათს. პარმენი რქმეოდა.

— რა გაქვთ გაკვეთილად ხვალისათვის? — დაუმატა კუზმამ და ცნობისმოყვარეობით შეათვალა სენკას ცეცხლის-ფერი ქოჩორა, ცოცხალი, მომწვანო თვალები, ჩოფურა სახე-ჩია ტანი და ქუქყისა და ქარისაგან დამსკდარი ხელ-ფეხი.

— ამოცანები, ლექსები, — თქვა სენკამ, მარჯვენა ხელი უკან აწეულ ფეხში იტაცა და ერთ ადგილზე ხტუნვა დაიწყო.

— რა ამოცანები?

— ბატების დათვლაზე. მოფრინავდა ბატების გუნდი...

— ჰო, ვიცი, — უთხრა კუზმამ. — კიდევ?

— კიდევ თავების...

— ეგენიც უნდა დათვალოთ?

— ჰო. მოდიოდა ექვსი თავვი და მოჰქონდათ ექვსი გრო-ში, — სხაპასხუბით მიაყარა სენკამ; თან აღმაცერად უყურებდა კუზმას ვერცხლის საათის ძეწკვს. — თითო თავვი ძლივძლივობით მოათრევედა ორ გროშსა... რამდენი ყოფილა სულა...

— ჩინებულია. ლექსები რომელია?

სენკამ ფეხს ხელი უშვა.

— ლექსები — „ვინ არის?“

— დაისწავლე?

— დავისწავლე...

— აბა, თქვი...

და სენკა კიდევ უფრო ჩქარა აბუტბუტდა. მოიხსენია მხედარი, რომელიც მოჰყვებოდა ნევის ზემო ტყეებს, სადაც იყო მხოლოდ:

ნადვი, ფიქვი და ქროლა ხავსი...

— ქროლა კი არა — ჭალარა, — უთხრა კუზმამ.

— ჰო, ჭალარა, — დაეთანხმა სენკა.

-- ის მხედარი ვინლაა?

სენკა დაფიქრდა.

— ვინა და — კუდიანი, — თქვა მან.

— კარგი. წადი, დედაშენს უთხარი, საფეთქლებთან მაინც შეგაკრიჭოს თმა, თორემ მასწავლებელი რომ დაგაგლეჯს, ის უფრო უარესია.

— ყურს ხომ მაინც მიპონის, — უდარდელად თქვა სენკამ, კვლავ წაივლო ხელი ფეხში და მინდორში ხტუნვა-ხტუნვით გასწია.

კონცხი და დურნოვკა, როგორც ეს მეზობელ სოფლებს სჩვევიათ, მუდმივ მტრობასა და სიძულვილში ცხოვრობდნენ. კონცხელები ყაჩაღებად და მაწანწალებად თვლიდნენ დურნოვკის მცხოვრებთ, ხოლო დურნოვკელები — კონცხის მკვიდრთ.

დურნოვკა „საბატონო“ იყო. კონცხზე კი უაზნონი სახლობდნენ. მტრობასა და შუღლს მხოლოდ უაზნო ქალი განდგომოდა. იგი მომცრო ტანის, გამხდარი, ფაქიზი, მკვირცხლი, თავაზიანი, სათნო და დაკვირვებული ქალი იყო. საკუთარი ოჯახივით იცნობდა როგორც კონცხის, ისე დურნოვკის მცხოვრებთა ოჯახებს. პირველი აუწყებდა ხოლმე თავისი კარ-მიდამოს მცხოვრებთ, რაც სოფელში მოხდებოდა, თუნდ უმნიშვნელო რამ ყოფილიყო. თუმცა მისი ცხოვრების ავ-კარგიც იცოდა ხალხმა. იგი არასოდეს არ უმაღავდა ვინმეს თავის ამბავს, მშვიდად, უბრალოდ ჰყვებოდა ქმარზე, დურნოვოზე.

— რას იზამ, — ამბობდა ნელი ოხვრით. — საშინელი სილატაკე იყო, პური ახალ მოსავალზეც არ გვყოფნიდა. ჩემ კაცს, მართალი გითხრა; ვუყვარდი, მაგრამ მოდი და ნუ დამორჩილდები! სამი ურემი ჰვაევი მისცა ბატონმა ჩემი გულის-

თვის. რა ვქნათ-მეთქი, — ჩემ კაცსა ვკითხე. გასაგებია, მი-
დიო, — მითხრა. წავიდა ქვევის მოსატანად. საწყაოს საწყაოზე
ეზიდებოდა და თან ცრემლები ღაღალუპით ჩამოსდიოდა...

უაზნო ქალი დღისით თავაუღებლივ მუშაობდა, ღამით
კემსავდა, კერავდა, რკინიგზაზე ფარებს იპარავდა. ერთხელ,
გვიან საღამოს, კუზმა ტიხონ ილიჩისკენ გაემგზავრა, ფერ-
დობი აიარა და შიშისზარი დაეცა: ბნელით მოცული ხნულე-
ბის თავზე, დაისის მბუქტავ შუქზე იზრდებოდა და პირდაპირ
შისკენ მოემართებოდა რაღაც შავი, უზარმაზარი...

— ვინ არის? — ამოილულულა და სადავეები მოსწია.

— უი! — შიშით აღმოხდა იმასაც, რაც ასე სწრაფად იზრ-
დებოდა ცაზე და ერთბაშად გაიფანტა.

კუზმა გონს მოვიდა — და სიბნელეში მაშინვე იცნო უაზნო
ქალი. თურმე ის მორბოდა ფეხშიშველი, მსუბუქი ნაბიჯით,
წელში მოხრილიყო, ზურგზე გაედო ორი საუნიანი ფარი,
ზამთარში რომ რკინიგზის გასწვრივ ამაგრებენ ნამქერისაგან
მის დასაცავად. ქალი წელში გაიმართა და სიცილით წაადუ-
ღუნა:

— ღმერთმანი, ძალიან შემაშინეთ. მოვრბივარ ღამეში —
კვანკალებ, მაშ რა ვქნა? მთელი სოფელი ამ ფარებით ანთებს
ცეცხლს, მხოლოდ ამით გაგვაქვს ზამთარში თავი...

სამაგიეროდ სრულიად არ მიგიზიდავდათ მოჯამაგირე
ყულაბა. ვერაფერზე ვერ დაელაპარაკებოდა კაცი, ძალიან
სიტყვეძვირი იყო. როგორც ღურნოველთა უძრავლესობა,
ისიც მუდამ ძველ, უბრალო გამონათქვამებს იმეორებდა, ამ-
ტკიცებდა იმას, რაც უხსოვარი დროიდანვე ცნობილი იყო.
როცა ავდარი დგებოდა, ის ცას ახედავდა და იტყოდა:

— ავდარი დგება. ახლა წვიმა მისწრებაა ჯეჯილისათვის.
ანეულის აოშვის დროს შენიშნავდა:

— არ გადახნავ — პურსა ვერა ჰამ, ბერიკაცებს უთქვამთ.
თავის დროზე ჯარში მსახურობდა. იყო კავკასიაში, მაგ-
რამ სალდათობას არავითარი კვალი არ დაუჩნევია მისთვის.
ვერაფერს ვერ მოგიყვებოდათ კავკასიაზე, გარდა იმისა, რომ
იქ უამრავი მთებია, რომ მიწიდან ამოდის საშინლად ცხელი
და საოცარი წყლები: „ცხვრის ხორცს ჩააგდებ — წუთში

მოიხარება, მაგრამ, თუ დროზე არ ამოიღე — ისევ უში გახდება...“ და სულაც არ ამაყოფიდა იმით, რომ ქვეყანა ენახა; ეზიზღებოდა კიდევ ბევრის მნახველი ხალხი: ისინი ხომ იძულებით ან სიღარიბის გამო „დაწანწალებენ“. არავის ნათქვამს არ უჯერებდა — „ყველანი ცრუპენტელები არიან!“ — მაგრამ საფიცრად სწამდა, რომ ამას წინათ სოფელ ბასოვოს ბოლოს, შებინდებისას, მოგორავდა ფორნის თვალი — ჯადოქარი; ერთმა გლეხმა ჰკუა იხმარა, ადგა და ეს თვალი დაიჭირა, შიგ ქამარი გაუყარა და შეკრა.

— მერე რა მოხდა? — ეკითხებოდა კუზმა.

— რა? — მიუგებდა ყულაბა. — გამოიღვიძა ჯადოქარმა დილაადრიან და ხედავს — ქამარი პირში და უკანალში აქვს გაყრილი და მუცელზე შეკრული...

— მერე, ვერ გაიხსნა?

— ალბათ ჯვარედინად იყო განასკვეული.

— არა გრცხვენია, ეგეთი სისულელე რომ გჯერა?

— მე რათ უნდა მრცხვენოდეს? ხალხი ცრუობს და მეც ტყუილს ვამბობ.

მისი სიმღერის მოსმენა კი უყვარდა კუზმას. ზიხარ სიბნელებში ღია ფანჯარასთან, არც ერთ ქოხში არ არის სინათლე. ხევს გაღმა მკრთალად მოჩანს სოფელი, ისეთი სიჩუმეა, რომ ისმის როგორ ცვივიან სახლის კუთხეში პანტა ვაშლები, ხოლო იგი პატარა ჩაქუჩით ხელში მიდი-მოდის ეზოში და თავისთვის წყნარი, ნაღვლიანი ფალცეტით მღერის: „დადუმდი, ხმატკბილო ბუღბუღო“... გათენებამდე სახლ-კარს ყარაულობდა, დღისით ეძინა, — თითქმის უსაქმოდ იყო. დურნოვკია საქმეები ტიხონ ილიჩმა წელს ადრიაანად მოაგვარა, საქონლიდან მხოლოდ ცხენი და ძროხა დაიტოვა.

ნათელი დღეები ცივმა, მოლუშულმა, დაყმედილმა დღეებმა შეცვალა. გაშიშვლებულ ბაღში ჩიტბატონები და წიწკანები სტვენდნენ, ნაძვებში ხიოდნენ მარწუხები, მოფრინდნენ მედუდუჟაეები, გულწითელები და კიდევ რომელიღაც ნამცეცა. ზოზინა ჩიტები, გუნდგუნდად ერთი ადგილიდან მეორეზე რომ დაფრინავდნენ კალოზე, რომლის დაფერდებული ნაპირები უკვე ხასხასა ჯეჯილს დაეფარა; ხანდახან ასეთი მღუ-

მარე მსუბუქი ჩიტი მარტოდმარტო იჯდა მინდორში ბალახის ღეროზე... ღურნოვკის განაპირა ბოსტნებში იღებდნენ ნარჩენ კარტოფილს. ადრე ღამდებოდა და საკარმიდამოში ამბობდნენ: „რა გვიან ჩაივლის ხოლმე მანქანა!“—თუმცა მატარებლის განრიგი ოდნავაც არ შეცვლილა... კუზმა ფანჯარასთან იჯდა და მთელ დღეს გაზეთების კითხვაში ატარებდა; მან ჩაიწერა თავისი საგაზაფხულო მოგზაურობა კახაკოვოში, აკიმთან საუბარი, ძველ ანგარიშწარმოების დავთარში აკეთებდა შენიშვნებს იმაზე, რაც სოფელში ნახა და გაიგონა... ყველაზე მეტად მგელკაცას ამბავი იზიდავდა.

მგელკაცა სოფელში ყველაზე ღარიბი და უსაქმური გლეხი იყო. არსად არ მუშაობდა, მიწას იჯარით აძლევდა და ამით ირჩენდა თავს. შინ შიმშილი და სიცივე კლავდა, ის კი მხოლოდ იმაზე ფიქრობდა, რომ როგორმე თამბაქო ეშოვა. სოფლის ყოველ თავყრილობას ესწრებოდა, არც ერთი ქორწილი, ნათლობა თუ დაკრძალვა არ გამორჩებოდა. არც მაღარიჩხი იზდიდნენ ხოლმე უმისოდ: ის აკვარახჭინებდა არა მარტო სოფლის, არამედ მეზობლების საქმეებსაც—ყიდვა-გაყიდვა იქნებოდა ეს თუ გაცვლა-გამოცვლა. მგელკაცას გარეგნობა ამართლებდა მის მეტსახელს: რუხი იყო, გამხდარი, საშუალო ტანისა, მხრებჩამოშვებული; მოკლე, დაგლეჯილი, გაზინთული ქურქი და დაკონკილი თქმის ჩექმები ეცვა, ქუდზე ხომ ლაპარაკი ზედმეტია. ქოხში იჯდა, ამ ქუდს არასოდეს არ იხდიდა, ჩიბუხს პირიდან არ იშორებდა და ისე გამოიყურებოდა, თითქოს რაღაცას ელოდებოდა. მაგრამ მას, როგორც თვითონ ფიქრობდა, ბედი არა სწყალობდა. ვერა და ვერ იშოვა თავისი შესაფერი საქმე! ჩხირკედლაობას ხომ არ დაიწყებდა... და ყველა, რა თქმა უნდა, ცდილობდა მის გაბიაბრუებას..

— ენას ძვალი არა აქვს და სიტყვას ბაჟიო, — ამბობდა მგელკაცა. — შენ ჯერ საქმე გამოძინახე და მერე ილაყბე.

მიწა საკმაო ჰქონდა — სამი დესეტინა. მაგრამ გადასახადი ათ: სულზე შეაწერეს. ახლა კი მგელკაცამ მიწაზე ხელი ჩაიქნია: „გინდა თუ არა, უნდა იჯარით უნდა მისცე მიწა. მიწას მოვლა-პატრონობა უნდა. ეს კი, აბა, რა წესია!“ თვითონ მხოლოდ ნახევარ ყანა პურს თესავდა და იმასაც მომკამდე ჰყიდ-

და, — თანაც „სულ მუქთად“. დაბეჯითებით ამბობდა: დააცა ერთი, ნახე რა დადგებაო. „მართლაც, ჯობს დავაცადოთ...“ — ბუტბუტებდა იაკობი, გვერდზე იხედებოდა და ბოროტად იცინოდა. ნაღვლიანი, ზიზღნარევი ღიმილი დასთამაშებდა მგელკაცასაც.

— ჯობს! — ბუზღუნებდა ის. — შენ რა გიშავს, სალაც-ბოდ გცალია: ქალი გაათხოვე, ბიჭი დააქორწინე. ერთი ჩემ სახლსაც გადახედე, სულ ბავშვებით არის სავსე... ჩემები არიან, სხვისი ზომ არა. თხას ვინახავ მათთვის, გოჭს ვასუქებ... იმათაც უნდათ ჭამა-სმა.

— იცი, რა გითხრა, თხა აქ არაფერ შუაშია, — შეენიტყვებოდა ხოლმე აღელვებული იაკობი. — ჩვენ, გესმის, სულ არაყზე და ჩიბუხზე მიგვდის სული და ეგ არი...

და ტყუილუბრალოდ რომ არ წაჩხუბებოდა მეზობელს, სწრაფად გაეცლებოდა. მგელკაცა თვალს გააყოლებდა და მშვიდად, საქმიანად შენიშნავდა:

— ლოთი, ჩემო ძმაო, როცა იქნება, გამოფხიზლდება, სულელს კი არაფერი ეშველება.

ძმასთან გაყრის შემდეგ მგელკაცა დიდხანს დაეხეტებოდა ბინიდან ბინაზე, ხან ქალაქში მოჯამაგირებოდა. და ხან სოფლის მემამულეებთან. ერთ ხანს სამყურასაც ბერტყავდა. მგელკაცას სწორედ აქ გაუღიმა ბედმა. საამისოდ შექმნილ არტელს ისიც შეეკედლა. სამყურა ბლომად იყო; ფუთში ოთხი აბაზი უნდა აეღოთ, ხეავი კი ორ ფუთზე მეტი გამოდიოდა. გამობერტყეს. მგელკაცა საბეგველს უდგა. რაც მეტი დარჩა, ადგა და თვითონ შეისყიდა. გაკეთდა კაცი: იმავე შემოდგომაზე აგურის ქოხი აიშენა. მაგრამ ანგარიშში მოტყუვდა: თურმე ქოხს გათბობა სჭირვებია. რით უნდა გაეთბო, საკითხავია? საქმელსასმელიც არ ჰქონდათ. იძულებული შეიქნა სახურავი დაეწვა. იდგა ქოხი უსახურავოდ მთელ წელიწადს, სულ გაშავდა. საკვამლე მილისაგან კი ცალული გააკეთა. თუმცა ცხენი ჯერ არა ჰყავდა, მაგრამ როდისმე ხომ უნდა ჰყოლოდა... და მგელკაცამ ხელი ჩაიქნია: გადაწყვიტა ეს ქოხი გაეყიდა და აეშენებინა თიხის ქოხი, რომელიც უფრო იაფი დაუჯდებოდა. ის ფიქრობდა: ქოხში ათი ათასი აგური მაინც იქნება, ათასი ცალი ექვსი მა-

ნეთი თუ არა, ხუთი მაინც ღირს. ესე იგი, სულ ხუთ თუმანზე მეტს იჭერსო... მაგრამ აგური სამი ათას ხუთასი ცალი აღმოჩნდა, კოჭებში კი ხუთი მანეთი კი არ მისცეს, არამედ ორი და ათი შაური... დაღონებული დაეძებდა თავისთვის ახალ ქოხს, მთელ წელიწადს ევაკრებოდა იმათ, ვისგან სახლის ყიდვაც ხელს არ აძლევდა. იგი შეურიგდა დღევანდელ ქოხში ცხოვრებას მხოლოდ იმ იმედით, რომ მომავალში მაგარი, დიდი და თბილი ქოხი ექნებოდა.

— რაც მართალია, მართალია, ამ ქოხში მე ვერ გავძლებ! — დაასვენა ერთხელ.

იაკობმა ყურადღებით შეათვალიერა იგი და ქუდი გაიქნია.

— მაშ ასე. ესე იგი ხომალდებას შემოსვლას ელოდები?

— შემოვლენ კიდევ, — ორაზროვნად მიუგო მგელკაცამ.

— კარგი ერთი, სისულელეს თავი გაანებე, — უთხრა იაკობმა, — სადმე მოეწყვე, გესმის, და მაგრად ჩაეჭიდე სამუშაო ადგილს...

მაგრამ კეთილმოწყობილ მყუდრო კარმიდამოზე, წესრიგზე და რაიმე რიგიან შესაფერ სამუშაოზე ფიქრი სიტოცხლეს უწამლავდა მგელკაცას. სამუშაო მალე ბეზრდებოდა.

— მუშაობა თაფლის ჭამა როდია, — ამბობდნენ მეზობლები.

— თაფლის ჭამა მაშინ იქნება, თუ თადარიგიანი ბატონი შეგხვდა!

ამის გამგონე მგელკაცა უცებ გამოცოცხლდებოდა, ჩამქრალ ჩიბუხს პირიდან გამოიღებდა და მოჰყვებოდა საყვარელ ამბავს — რა ერთგულად და პატიოსნად ემსახურებოდა ორ წელიწადს ერთ მღვდელს ელცის მახლობლად, როცა ჯერ კიდევ უცოლო იყო.

ახლაც რომ მივიდე, სულ კალთებს დამაგლეჯს, დარჩი, დარჩიო! ოღონდ ერთი ვუთხრა: ბერიკაცო, შენთან სამუშაოდ მოვედი-მეთქი.

— მერე წადი, რაღას უყურებ?..

— წადიო! როგორ წავიდე, როცა შინ ამდენი ბლარები მისხედან! სხვისი ჭირი ღობეს ჩხირიო, — ნათქვამია. მე კი ასეთ ყოფაში ვარ ჩავარდნილი...

ასეთ ყოფაში იყო მგელკაცა წელსაც. მთელი ზამთარი ურვაში გაატარა, .უცეცხლოდ, სიცივეში, შიმშილში. დიდმარხვის დღეებში როგორც იყო მოეწყო რუსანოვთან, ტულის ახლოს: თავის სოფელში უკვე აღარ აპყავდათ სამუშაოდ. მაგრამ ერთი თვეც არ გასულა, რომ რუსანოვების მამულიც ჭირივით შესძულდა.

— ეჰ, ჩემო კარგო! — უთხრა ერთხელ მოურავმა. — გიცნობ, რა კაციცა ხარ: შენ სულ გაქცევაზე გიჭირავს თვალი. ძაღლის შვილებო, ფულს წინასწარ იღებთ და მერე კი გაპარვასა ცდილობთ.

— ეგეთ რამეს მხოლოდ მაწანწალა თუ იკადრებს, თორემ ჩვენისთანა ხალხი კი არა, — სიტყვა მოუჭრა მგელკაცამ.

მაგრამ მოურავი გადაკრულ სიტყვას ვერ მიუხვდა. საჭირო იყო უფრო გაბედული ნაბიჯის გადადგმა. ერთხელ მგელკაცას საღამოსთვის ბზის მოზიდვა დაავალეს. კალოზე წავიდა და ფორანზე ჩალის დადება დაიწყო. მოვიდა მოურავი:

— განა მე გასაგები ენით არ ვითხარი, ბზე დაუდე-მეთქი?

— ახლა ბზის დადების დრო არ არის, — დაბეჯითებით მიუგო მგელკაცამ.

— ვითომ რათაო?

— თადარიგიანი ბატონები საქონელს ბზეს შუადღისას უყრიან, საღამოს კი არა.

— შენ რა — მასწავლებელი გამომიხვედი?

— საქონელი არ მინდა დავხოცო და მასწავლებლობაც ეგ არი.

— მერე ჩალა მიგაქვს?

— უნდა იცოდე, რა დროს რა უნდა.

— ეხლავე თავი დაანებე ჩალის დადებას!

მგელკაცა გაფითრდა.

— არა, საქმეს მე თავს არ დავანებებ, არ შეიძლება საქმეს თავი დავანებო.

— ფიწალი მამე, ძაღლო, და გასწი, ცოდვაში არ გამრიო!

— მე ძაღლი კი არა, ქრისტიანი ვარ. აგერ, მივიტან და წავალ. სულ წავალ.

— წახვალ, მაში წახვალ და მალე ისევ მოეთრევი თემში. მგელკაცა ფორნიდან ჩამოხტა და ფიწალი ჩალაზე მიაგდო:

— შე მოვეთრევი?

— დიახ, შენი

— იცი რა, ჩემო ძმაო, სათრევად შენ თვითონ არ გაგიბდეს საქმეი შენი ამბავიც ვიცი. არც შენ გადაგისვამს თავზე ხელს ბატონი...

მოურავს მსუქანი ლოყები აუჭარხლდა, თვალები გადმოეკარკლა:

— რაო?! მაშ ასე! თავზე ხელს არ გადამისვამს? რახან ეგრეა, თქვი — რისთვის?

— მე რა უნდა ვთქვა, — წაიდუღუნა მგელკაცამ და იგრძნო, რომ შიშისაგან მუხლები მოეკვეთა.

— არა ძმაო, ბევრს ნუ ნიედ-მოედები, — თქვი!

— მაშ ფქვილი სად გაქრა? — შესძახა უცებ მგელკაცამ.

— ფქვილი? რა ფქვილი? რომელი ფქვილი?

— რომელი და შენ რომ აწაპნე წისქვილში...

უეცრად მოურავი ყელში ჩააფრინდა მგელკაცას — და წამით ორივენი გაირინდნენ.

— რასა შვრები, ყელში მიჭერ? — წყნარად ჰკითხა მგელკაცამ. — გინდა დამახრჩო?

და უცებ მძვინვარედ აღრიალდა:

— დასცხე, დასცხე, სანამ გული ცხელია!

გაიბრძოლა, ხელიდან დაუსხლტა და ფიწალს ეცა.

— ბიჭებო! — დაიყვირა მოურავმა, თუმცა ირგვლივ არავინ იყო. — მამასახლისს დაუძახეთ! გესმით: ფიწალზე უნდოდა წამოვეგე ამ ძაღლისშვილს!

— ნუ მოძვრები, თორემ ცხვირს მოგამტვრევ, — უთხრა მგელკაცამ და ფიწალი შემართა. — ძველი დრო არ გეგონოს!

მაგრამ ამ დროს მოურავმა ერთი მოუქნია — და მგელკაცა ჩალაზე გადაყირავდა...

მგელკაცა მთელ ზაფხულს კვლავ შინ იჯდა და წყალობას ელოდა. მთელი შემოდგომის განმავლობაში კარდაკარ დაწანწალებდა და იმედოვნებდა, რომ შეეკედლებოდა ისეთ ვინმეს, რომელიც სამყურას დამუშავებდას ეწეოდა... ერთხელ სოფლის ბოლოს ცეცხლი გაუჩნდა ჩალის ზვინს. მგელკაცა პირველი მივიდა ხანძრის ადგილას; ყვირილით ხმა ჩაუხჩა,

წამწამები შეეტრუსა, თავით ფეხებამდე გაიწუწა; ყველას თავ-თავის საქმეს მიუჩენდა: წყლის მზიდავებსაც, იმათაც, ვინც ფიწლებით უზარმაზარ მეწამულ ალში ცვიოდნენ და შემდეგ ცეცხლმოდებული ქუდებით აქეთ-იქით გარბოდნენ, იმათაც, ვინც ტყუილუბრალოდ დაბორილობდნენ სიცხეში, ტაკატაკუცში, წყლის სხმაში, ღრიანცელში, ქოხების ახლოს დაყრილ ხატებსა, კასრებსა, სართავ ჯარებსა, ჩულოებსა, მოქვითინე დედაკაცება და ფარუჯულ, შავფოთოლგაცვენილ ტირიფებს შორის... ერთხელ, ოქტომბერში, კოკისპირული წვიმებისა და სუსხიანი ქარბუქის შემდეგ გუბურა გაიყინა, მოყინული გორაკიდან მეზობლის ტახი დაცურდა, ყინული ჩაამტვრია და რხჩობოდა. მგელკაცამ პირველმა იშვირა ფეხი და წყალში გადახტა მის გადასარჩენად... თუმცა ტახი მაინც დაიხრჩო, მაგრამ ამ ამბავმა უფლება მისცა მგელკაცას გუბურიდან სამოახლოში შეერბინა და არაყი, თამბაქო და საუზმე მოეთხოვა. ჯერ სულმთლად გალურჯებული იყო, კბილებს აკაწაწებდა, გაცრეცილ ტუჩებს ძლივს ამოძრავებდა და ყულაბას ტანისამოსს იცვამდა. მერე მოსულიერდა, შეზარხოშდა, ტრაბახი დაიწყო და კვლავ მოჰყვა, თუ რა ერთგულად და პატიოსნად ემსახურებოდა მღვდელს და რა მარჯვედ გაათხოვა შარშან თავისი ქალიშვილი. ის უჯდა მაგიდას, ხარბად ილუკებოდა, ლორის ნაჭრებს სანსლავდა და კმაყოფილებით ჰყვებოდა:

— კარგი. ჰოდა, მატრიუშკამ და იმ ეგორკამ სიტყვა მისცეს ერთმანეთსა... მისცეს, მისცეს, რაღა უნდა ქნა! ფანჯარასთან ვზივარ და ვხედავ, ეგორკა აუვლის და ჩაუვლის ჩვენ ქოხსა... ჩემ გოგოს კიდევ სუ ფანჯრისკენ გაურბის თვალი... მეთქი უკვე გადაუწყვეტიათ საქმე. დედაკაცს ვეუბნები: შენ ემანდ საქონელს აკამე რამე, მე კი თავყრილობაზე მეძახიან-მეთქი. ქოხს უკან ჩალაში დავიმაღე, ვზივარ და ვუცდი. პირველი თოვლიც სწორედ მაშინ მოვიდა. ვხედავ—ისევე შემოიბარა ეგორკა... ისიც იქ გაჩნდა. ჯერ მარანს ამოეთარნენ, მერე კი იქვე მდგომ ახალ, დაცარიელებულ ქოხს მიაშურეს. დავუცადე ცოტა ხანსა...

— რამოდენა ამბავია — თქვა კუზმამ და უგუნებოდ ჩაიცინა.

მაგრამ მგელკაცას ეგონა ჩემი ჰკუთითა და ეშმაკობით მონიბლული კუზმა მაქებსო და ამბის მოყოლა განაგრძო, ისე რომ ხან უწევდა ხმას და ხან უდაბლებდა:

— მეთქი მოვიციდი, რა მოხდება. მოვიცადე ცოტა ხანსა და მათკენ გავწიე... შევევარდი და ზედ კარის ზღურბლთან მივატანე! შიშისაგან კინალამ გული წაუვიდათ. ეგორკა იმწამსვე მოშორდა ჩემ გოგოსა და მიწაზე გაიშლართა. მატრიუშკა იხვივით გაინაბა და არც ის წამომდგარა... მცემე ახლო, ეგორკამ მითხრა. მეთქი შენი ცემა რათ მინდა... ხიფთანი წავართვი, ფინჯაკიც და საცვლების ამარა გავუშვი... ახლა გასწი, საითაც გენებოს-მეთქი... მე კი შინისაკენ წავედი. ვხედავ, უკან მომდევს: თოვლიც თეთრია, ისიც თეთრი, მომდევს და ქშინავს... სად ეშმაკებში წავიდე? ჩემი მატრიონა მიკოლაევენა კი, როგორც კი ქოხიდან გამოველ, მინდორში გაიქცა! ბასოვოს ბოლოს ერთი მეზობელი ქალი ჩააფრინდა სახელოში და ჩემთან მოიყვანა. ცოტა დავასვენე და ვუთხარი: მეთქი, ღარიბები ვართ თუ არა? გაჩუმდა. დედაშენი გონჯია თუ ჰკვიანია-მეთქი. ხმა არ ამოუღია. „ქალო, როგორ მოგვეპირი თავი, პა? შენ ბუშებით უნდა ამივსო სახლი და მე კი თვალები ვაპარბალო?“ მოვსცხე და მოვსცხე, — ერთი კაი მათრახი მქონდა... მოკლეთ წელი სულ დავუღუღუდე! ეგორკა კი სკამზე იჯდა და ღრიალებდა. იმასაც მოვდექი და ტყავი გავაძრე....

— რა ჰქენი, დააქორწინე? — ჰკითხა კუზმამ.

— მაშ! — წამოიძახა მგელკაცამ და, რომ შეატყო ღვინო თანდათან მეკიდებო, თეფშზე დარჩენილ ლორის ნაჭრებს ხელი წამოუხსვა და ძიქვის ჯიბეებში ჩაიტენა. — მერედა, როგორი ქორწილი გადავიხადე! მე, ჩემო ძმაო, ხარჯის გაწევაზე უკან არ დავიხევე...

„ამბის მოყოლაც ამასა ჰქვია!“ — დიდხანს. ფიქრობდა კუზმა ამ საღამოს შემდეგ. ამინდი ცუდდებოდა. წერის სურვილი არ ჰქონდა, ნაღველი თანდათან ეუფლებოდა. მხოლოდ ისღა ჰგვრიდა სიამეს, როცა მასთან სათხოვნელად მოდიოდა ვინმე. ბასოვოდან რამდენჯერმე მოვიდა ფორნით თავტიტველა. ეს იყო სულ მთლად გამელოტებული კაცი, რომელსაც უზარმაზარი ქუდი ეხურა; ნათლიმამას მისთვის ლავიწი ჩაემ-

ტვრია და ახლა კუზმას სთხოვდა საჩივარი დამაწვრინეო. კონცხიდან მოვიდა ქვრივი ბოთლიკა, რომელსაც ვაჟიშვილისთვის წერილი უნდა გაეგზავნა; ტანსაცმელშემოფლეთილი, წვიმას სულმთლად დაესველებინა და გაეთოშა. თვალცრემლიანმა დაიწყო კარნახი.

— ქალაქი სერპუხოვი, სათავადაზნაურო აბანო, ელტუხინების სახლი.

და ატირდა.

— მერე? — შეეკითხა წარბშექმუხნილი კუზმა და პენსნედან. ბერიკაცულად გამოხედა ბოთლიკას.— დაწვერე. მერე?

— მერე? — ჩურჩულით ჰკითხა ბოთლიკამ და ცრემლების ყლაპვით განაგრძო:

— მერე, ჩემო გვრიტო, უფრო გარკვევით დაწერე... ესე იგი მიხალ ნაზარიჩ ხლუსოვს... საკუთარ ხელში...

და განაგრძო. ალაგ-ალაგ ხან ჩერდებოდა, ხან კი შეუსვენებლივ განაგრძობდა:

— ჩვენ საყვარელ და ძვირფას შვილს მიშას, რატომ დაგვივიწყე, მიშა, თქვენგან არაფერი ისმის... თავათაც გეცოდინება, რომ ნაჭირავებ ქოხში ვართ... ესლა კი გაგდებას გვიპირობენ, აბა ახლა სად წავიდეთ... ჩვენო ძვირფასო მიშა, გთხოვთ ღეთის გულისათვის რაც შეიძლება ჩქარა ჩამოხვიდეთ სახლში...

და ცრემლების ყლაპვითა და ჩურჩულით კვლავ განაგრძო:

— ჩვენ თქვენთან ერთად მიწურ ქოხს მაინც გვაკეთებთ და ჩვენი კუთხე გვექნება...

ქარბუქი და სუსხიანი კოკისპირული წვიმები, დღეები, რომლებიც მწუხრს წააგავდნენ, აკაციის გაყვითლებული ფოთლებით მოფენილი ატალახებული კარ-მიდამო, თვალუწვდენი ხნულები და საშემოდგომო ნათესები ღურნოვკის გარშემო და მათ თავზე დაუსრულებლად მსრბოლი ღრუბლები ჰირივით აძულებდნენ კაცს ამ დაწყევლალ მხარეს, სადაც რვა თვეს ქარბუქია, ხოლო ოთხ თვეს წვიმა, სადაც ხალხი იძულებულია მოსასაქმებლად ბოსელში ან ალუბლის ბაღში იაროს. როცა ცუდი ამინდები დაიჭირა, კუზმას სხვა გზა არა ჰქონდა,—სასტუმრო ოთახის კარ-ფანჯრები აჭედა და სადარ-

ბაზო ოთახში გადავიდა, რათა ზამთარში ღამე იქ გაეთია, ესადილა, თამბაქო მოეწია, მბუჟტავი ლამპის შუქზე გაეტარებინა მთელი საღამო, კუთხიდან კუთხეში ევლო, ჩიხაქულში და ხიფთანში გამოწყობილს, ძლივს რომ იფარავდნენ ცივი ქარისაგან, რომელიც ღრიჭოებიდან უბერავდა. ზოგჯერ აღმოჩნდებოდა, რომ ნავთის მომარაგება დავიწყებოდათ, და კუზმა ბინდბუნდში უსინათლოდ იჯდა, ხოლო დაღამებისას ნამწვს მოუკიდებდა ხოლმე მხოლოდ იმისათვის, რომ შექცეოდა კარტოფილის წვნიან შეჭამანდსა და ბურღულის თბილ ფაფას, რომელსაც მღუშმარე, სახემოღუშული პატარძალი მოართმევდა.

„სად წავიდე?“—ფიქრობდა ხანდახან.

ქარის მეზობელი სამი ჰყავდა: მოხუცი ქალბატონი შახოვა, რომელიც თავად-აზნაურობის წინამძღოლსაც კი უზრდელად თვლიდა და სახლში არ უშვებდა; სამსახურიდან გადამდგარი ჟანდარმი ზაკრევესკი, რომელიც თითქოს ბუასილს გაეაგებინა, ქარის ზღურბლამდეც კი არ უშვებდა ვინმეს; და, ბოლოს, წვრილი აზნაური ბასოვი, რომელსაც ცოლად მდაბიო ქალი შეერთო, ქოხში ცხოვრობდა და მხოლოდ უღელი და საქონელი ეკერა პირზე. ერთხელ კუზმას ესტუმრა მამა პეტრე, — მოძღვარი კოლოდუხისა, რომლის სამრევლოშიც შედიოდა ღურნოვკა, — მაგრამ ნაცნობობის გაბმა არც ერთმა ისურვა და არც მეორემ. კუზმა მოძღვარს მხოლოდ ჩაით გაუმასპინძლდა; მაგიდაზე სამოვრის დანახვისას მღვდელი შეცბა და გადაიხარხარა: „სამოვარი? ჩინებულია! თქვენ, როგორც ვატყობ, გულუხვი მასპინძელი არ უნდა იყოთ!“ ხარხარი სულაც არ შეჭფეროდა მას: გეგონებოდათ ამ ტანმაღალი, გამხდარი კაცის მაგივრად, რომელსაც ფართო ბეჭები, ხშირი შავი თმა და დაუდგრომელი თვალები აქვს, ვილაც სხვა ხარხარებდა.

კუზმა ძმასთანაც იშვიათად დადიოდა. ის კი მხოლოდ მაშინ ინახულებდა ხოლმე, როცა რამე ააღელვებდა. მარტოობამ ისე წარუქვეთა სასო, რომ ხანდახან კუზმა თავს ეშმაკის კუნძულზე გარიყულ დრეიფტუსად თვლიდა. ზოგჯერ მგელკაცასაც ედრებოდა. ისიც ხომ ისეთივე ღარიბი და სუსტი ნებისყოფის კაცი იყო, როგორიც მგელკაცა, ისიც ხომ მასავით ელოდა მუშაობისათვის საჭირო რაღაც ბედნიერ დღეებს! 121

პირველად რომ მოთოვა, მგელკაცა სადღაც წავიდა და ერთ კვირას აღარ გამოჩენილა. სახემოლუშული დაბრუნდა შინ.

— ისევ რუსანოვთან იყავი? — ჰკითხეს მეზობლებმა.

— ჰო. — უპასუხა მგელკაცამ.

— რაზე?

— ჩვენთან იმუშავებო, მითხრეს.

— ჰოო. მერე უარი უთხარი?

— იმათზე სულელი არც ვყოფილვარ და აპროდის ვიქნები!

და მგელკაცა ქუდმოუხდელი დიდხანს იჯდა სკამზე. ბინდბუნდში მისი ქოხის დანახვისას დარდი შემოგაწვებოდა გულზე. ბინდბუნდში თოვლიან ფართო ხევს გაღმა მწუხრისფრად მოჩანდა დურნოვკა, საცეხვლებითა და ტირიფებით დაფარული ეზოებით. დამდებოდა, ქოხებში სინათლეს ანთებდნენ, და იფიქრებდით, რომ იქ სიმშვიდე და მყუდროებააო. უღიმღამოდ გამოიყურებოდა მხოლოდ მგელკაცას ჩაბნელებული ქოხი. ის იყო ყრუ და უსიცოცხლო. კუზმამ უკვე იცოდა: მგელკაცას ქოხის ჩაბნელებულ სანახევროდ ღია წინკარში თუ შეხვედი, მხეცის ბუნაგის მისასვლელთან გეგონება თავი — ირგვლივ თოვლის სუნი ტრიალებს, დაცხრილული სახურავიდან მოჩანს მოლუშული ცა, ქარი აშრიალებს წივასა და ფიჩხს, ნივნივებზე უხეიროდ რომ ყრია; ხელის ფათურით მონახავ დაფერდებულ კედელს, კარს შეაღებ, დაგხვდება სიცივე, სიბნელე და ამ სიბნელეში ოდნავ მოკიაფე შეჭირხლული ფანჯარა... არავინ ჩანს, მაგრამ ხვდები: სახლის პატრონი გრძელ სკამზე ჩამომჯდარა; ჩიბუხი უღვივის; დიახლისი, — წყნარი, მდუმარე, ცოტა მოსულელო ღედაკაცი, — ნელ-ნელა არწევს ჭრიჭინა აკვანს, რომელშიც ფერმკრთალი, შიმშილისაგან თვალებგამოყვლეპილი რახიტიანი ყრმა წევს. ბავშვები ნელთბილ ღუმელზე ამძვრალან და ჩურჩულით რაღაცას უყვებიან ერთმანეთს. ტახტქვეშ დაყრილ, დამპალ ჩალაზე ფათურობენ თხა და გოჭი, — დიდი მეგობრები. წელში ვერ გამართულხარ — ვაითუ თავი ჰერს მივარ-

ტყაო. მობრუნებისაც გეშინია: ზღურბლიდან მოპირდაპირე
კედლამდე ხუთიოდ ნაბიჯია.

— ვინ არი? — გაისმის სიბნელეში ჩუმი ხმა.

— მე.

— კუზმა ილიჩი ხომ არა?

— დიახ.

მგელკაცა გვერდზე ჩაიწევა და სკამზე ადგილს ათავისუფ-
ლებს. კუზმა ჯდება და პაპიროსს უკიდებს. ნელ-ნელა იწყება
საუბარი. მგელკაცა სიბნელეს დაუბეჩავებია, გამოუფიტავს,
დარდით აუესია და სისუსტეს უჩივის, დროდადრო ხმა უკან-
კალებს...

გრძელი, თოვლიანი ზამთარი დადგა.

დაბინდული მოლურჯო ცის ქვეშ გადაჭიმული ქათქათა
მინდვრები ახლა უფრო ვრცელი, უკიდევანო და უკაცური
შეიქნენ. ახალ ნათოვარზე მკაფიოდ მოჩანდნენ ქოხები,
საბძლები, ტირიფები, საცეხვლები. მერე ქარბუქი ატყდა და
მიდამო ისე ჩაჩუმქრა, რომ სოფელი ჩრდილოეთის მიყრუ-
ებულ ადგილს დაემსგავსა; გადანამქრულ ქოხებს მხოლოდ
კარ-ფანჯრები მოუჩანდათ, რომლებიც ძლივძლივობით იცქი-
რებოდნენ ჩამოფხატული თეთრი ბოხოხებიდან. ქარბუქის
შემდეგ მოლიბულ რუხ მინდვრებს სუსხიანმა ქარებმა წამო-
უქროლეს და ხევში მიუსაფრად დარჩენილ მუხის ჩირგვებს
უკანასკნელი ფოთლებიც შემოაძარცვეს; კურდღლის ნაფეხუ-
რებით დასერილ გაუვალ ნამქერში ყელამდე ეფლობოდა მდა-
ბალი აზნაური ტარას მილიაევი, სიყრმიდანვე ნადირობას
გადაყოლილი კაცი; ყინულის ლოდებად გადაქცეულიყვნენ
წყალსაზიდი კასრები, ყინულჭრილების ირგვლივ ყინულის
ლიბი ბორცვაკები აღმართულიყვნენ, ნამქერებზე გზები გაიკ-
ვალა — და დაიწყო ზამთრის სამუშაო დღეები. სოფელში
გავრცელდა სახადი ყვავილი, ქუნთრუშა და ციებ-ცხელება...
ყინულჭრილების ირგვლივ, საიდანაც მთელი ღურნოვკა
იღებდა სასმელ წყალს, მყრალი, დახავსებული გუბურის თავ-
ზე, მთელი დღის განმავლობაში წელში მოხრილნი იდგნენ
სველქალამნებიანი, თავმალწაკრული დიდთავა დედაკაცები,
რომლებსაც კაბის კალთები აეკეცათ და სისვი კანჭები უჩან-

დათ. ისინი ნაცრიანი თუჯის ქვაბებიდან იღებდნენ თავიანთ რუხ ხამის პერანგებს, მამაკაცის ხამის ძიქვებს, ბავშვის დასვრილ არტახებს, წყალში ავლებდნენ მათ, ჯანდრავდნენ და თან ერთმანეთს გასძახოდნენ: „ორთქლით ხელები დამეთუთქაო, მათიუტინების დედაკაცი ციებ-ცხელებით კვდებოა, იაკობის რძალს ყელათმა სჭირსო... სამ საათზე უკვე ბინდღებოდა, ნამქერების გასწვრივ, ქოხის სახურავებზე, ბანჯგვლიანი ძაღლები ისხდნენ. ძე-ხორციელმა არ იცოდა, რას ჰკამდნენ ეს ძაღლები, თუმცა მაინც ცოცხლობდნენ და ავებიც კი იყვნენ.

საკარმიდამოში გლეხები აღრე იღვიძებდნენ. რიყრაყზე, როცა ქოხებში სინათლეს ანთებდნენ, ღუმელს უკეთებდნენ და საჩეხიდან ზანტად ამოდოდა რძისფერი კვამლის ბოლქვები, შექირხლულფანჯრებიან ფლიგელში ისე ციოდა, როგორც დერეფანში, კუზმას აღვიძებდა კარის ხმაური და გათოშილი, თოვლიანი ჩალის შრიალი, რომელსაც ყულაბა მარხილით ეზიდებოდა. ისმოდა მისი ჩუმი, ხრინწიანი ხმა — ხმა დილაადრიან გაღვიძებული და შემცივნული ადამიანისა. პატარძალი სამოვრის მილს აჩხარუნებდა და ყულაბას რაღაცაზე მკაცრად ეჩურჩულებოდა. ქალს სამოახლოში კი არ ეძინა, სადაც აბანოს ჭიები ხელ-ფეხს უწყალოდ კბენდნენ, არამედ — წინათაახში, და მთელ სოფელს სჯეროდა, რომ ამას თავისი მიზეზი ჰქონდა. სოფლელებმა კარგად იცოდნენ, რა გადახდა მას შემოდგომაზე. მდუმარე პატარძალი მონაზონზე მკაცრი და მოღუშული იყო. მაგრამ განა ეს საქმეს შველოდა? კუზმამ უკვე იცოდა უაზრო ქალისაგან, რას ლაპარაკობდნენ სოფელში და გაღვიძებისთანავე ზიზლით იგონებდა ამ ამბავს და სირცხვილით იწვოდა. მუშტს ურტყამდა კედელს და ამით ავებიანებდა, რომ სამოვარს უცდიდა; კრუსუნით მოუკიდებდა ხოლმე პაპიროსს და გულს მოეშვებოდა. ტყაპუჭგადაფარებული იწვა, სითბოს ვერ შორდებოდა, პაპიროსს აბოლებდა და ფიქრობდა: „სინდისგარეცხილი ხალხი! მე ხომ მისი თანატოლი ქალიშვილი მყავს...“ ახალგაზრდა ქალს რომ მეზობელ ოთახში ეძინა, ეს მხოლოდ ნაზ, მამობრივ გრძნობას აღუძრავდა: დღისით პატარძალი დინჯი და სიტყვაძვირი იყო, ხოლო როცა ეძინა, მარტოდმარტო დარჩენილი და დაღონებული ბავშვის

სახე ჰქონდა. მაგრამ განა სოფელს შეეძლო ერწმუნა ეს ნაზი მამობრივი გრძნობა? ტიხონ ილიჩსაც კი არ სწამდა: რაღაც უცნაურად ჩაიცინებდა ხოლმე ხანდახან. ის თავის დღეში მიუნდობელი და ავადმყოფურად ექვიანი იყო და ახლა ხომ სულ მთლად გამოთაყვანდა: რაც არ უნდა გეთქვათ, მუდამ ერთსა და იმავეს გიპასუხებდათ.

— გაიგე, ტიხონ ილიჩ? ზაკრევესკი კატარით კვდებაო: ზორიოლში წაუყვანიათ.

— ჰორია. ვიცი, რა კატარიც სჭირს!

— რა ვიცი, ფერშალმა კი მითხრა და...

— ჰოდა, დადექ და იმას უსმინე...

— გაზეთი მინდა გამოვიწერო, — ეტყვიე მას. — ერთი თუმანი მომეცი, გეთაყვა, ჯამაგირზე ჩაგასესხებ.

— ჰმ! ნეტავი ერთი ჰორებით არ იტენილეთ თავსა! თანაც, მართალი გითხრა, სულ ორი თუ სამი შაური მაქვს ჯიბეში...

შემოვა წამწამებდახრილი პატარძალი:

— ტიხონ ილიჩ, ფქვილი სულ ცოტა დაგვრჩა...

— რაო, ცოტაო? ოჰ, ცრუობ, დედაკაცო!

და წარბს შეხრის. ტიხონ ილიჩი ირწმუნება, რომ ფქვილი კიდევ სამ დღეს მაინც უნდა ჰყოფნოდეთ, თან ხან კუზმას გადახედავს და ხან პატარძალს. ერთხელ სიცილით ესეც კი ჰკითხა:

— ხომ თბილად გძინავთ ერთად?

პატარძალი აიღეწა, თავი ჩალუნა და ოთახიდან გავიდა, ხოლო კუზმას სირცხვილისა და ბრაზისაგან თითები გაუცივდა.

— გრცხვენოდეს, ტიხონ ილიჩ, — ჩაიბუზღუნა მან და ფანჯრისკენ მიტრიალდა, — და საკუთრივ იმის შემდეგ, რაც შენ გამიმხილე...

— მაშ რად გაწითლდა? — ბოროტი ღიმილით ჰკითხა შემცბარმა ტიხონ ილიჩმა.

დიღდიღობით ყველაზე უსიამო. იყო პირის დაბანა. წინათ-თახში გათოშილიყო ჩალა, პირსაბანში შუშის ნატეხებივით ცურავდა ყინულის ნაჭრები. ზოგჯერ კუზმა მხოლოდ ხელს დაიბანდა და ისე მიუჯდებოდა ჩაის; ნამძინარევი სულ მთლად ბერიკაცსა ჰგავდა. მთელი შემოდგომის მანძილზე უსუფთაო-

ბისა და სიცივისაგან ჩამოხმა და გაქალარავდა. გამხდარ ხე-
ლებზე კანი გაუთხელდა, აუპრიალდა და წვრილ-წვრილი.
ლურჯი ლაქებით დაეფარა.

მოდუშული დილა იყო. დამჯდარ მონაცრისფერო თოვლ-
ზე სოფელიც რუხად მოჩანდა. საბძლების სახურავებქვეშ ნაც-
რისფერი გაყინული ხრალებივით ეკიდა სარეცხი. ქოხის წინ
აქცევდნენ ნარცხს, ყრიდნენ ნაცარს — და ეს ადგილი მუდამ
მოყინული იყო. ქოხებსა და საბძლებს შორის ქუჩაზე სკოლი-
საკენ მიეშურებოდნენ ტანსაცმელჩამოფლეთილი ბიჭუნები.
ისინი ნამქერებზე არბოდნენ და მერე იქიდან ქალამნებით და-
ცურდებოდნენ ხოლმე; თვითეულ მათგანს მიჰქონდა ტილოს
პარკი, რომელშიც გრიფელის დაფა და პური ედო. მათკენ
მხრეულითა და ორი გოვზაკით მოიკაკებოდა შავგვრემანი,
ავადმყოფი ბერიკაცი თუჯია, რომელსაც ღორისტყავშემოკე-
რებული, გაქვავებული უშნო თექის ჩექმები და მარტოოდენ
არმიაკი ეცვა; ბექიდან ბექზე ჭყამპალ-ჭყამპალით მოგორავდა
ვიდაცის ჩალით თავდაცული წყლის კასრი; მოდიოდნენ დედა-
კაცები, რომლებიც ხან მარილს სესხულობდნენ ერთმანეთი-
საგან, ხან ბურღულს, ხან ერთ ჯამ ფქვილს კვერის თუ ფაფის
გასაკეთებლად. კალო დაცარიელებულიყო, — მხოლოდ იაკო-
ბის საცეხვლის კარიდან გამოდიოდა კვამლი: იაკობი მდიდარ
გლეხებს ბაძავდა და პურს ზამთრობით ცეხავდა. ხოლო კა-
ლოებს გადაღმა, ეზოს განაპირა შიშველ ტირიფნარს იქით,
უფერული ცის ქვეშ გადაკიმულიყო მონაცრისფრო თოვლი-
ანი მინდორი, ტალღოვანი მოლიპული უდაბნო.

ხანდახან კუზმა სასაუზმოდ ყულაბასთან დადიოდა სამო-
ახლოში და ცხელ-ცხელ კარტოფილს ან წინა დღის მყავე
კომბოსტოს შეჭამანდს მიირთმევდა. ის იგონებდა ქალაქს, სა-
დაც მთელი თავისი ცხოვრება გაატარა, და უკვირდა, რომ ახლა
სულაც არ მიუწევდა იქითკენ გული. ტიხონისათვის ქალაქში
ცხოვრება სანუკვარი ოცნება იყო, მას თვალის დასანახად
გჯავრებოდა სოფელი. კუზმა კი მხოლოდ და მხოლოდ ცდი-
ლობდა შეეძლებინა იგი. ის ახლა უფრო მეტი შიშით ადევ-
ნებდა თვალს თავის ყოფას: ღურნოვკაში მთლად გაველურ-
და, — ბიძახ იშვიათად იბანდა, ხიფთანს მთელი დღის განმავ-

ლობაში ირ იხდიდა, ყულაბასთან ერთად ზიარი ჯამიდან კამ-
და. მაგრამ ყველაფერზე უარესი ის იყო, რომ, თუმცა მას ეში-
ნოდა იმ ყოფისა, რომელშიც იგი დღეობით კი არა, საათობით
ბერდებოდა, მაგრამ ამავე დროს გრძნობდა, რომ ეს ყოფა
მანაც სიამოვნებდა, რომ ის თითქოს სწორედ იმ ჭზას დაუბ-
რუნდა, რომელიც დაბადებიდანვე ეწერა: ტყუილად როდი
იყო ღურნოვეკის მკვიდრთა სისხლისა!

ნასაუზმევს ზოგჯერ კარ-მიდამოში ან სოფელში სეირ-
ნობდა. ეწვეოდა იაკობის კალოს, მგელკაცას ან ყულაბას,
რომლის დედაბერი მარტოდმარტო ცხოვრობდა, კულიანის
სახელი ჰქონდა გავარდნილი, იყო ტანმალალი და საშინლად
გამხდარი, სიკვდილივით კბილებდაკრეჭილი, ლაპარაკობდა
უხეშად და მკაცრად, მამაკაცივით ეწეოდა ჩიბუხს: ღუმელს
დაანთებდა, ტახტზე ჩამოჯდებოდა და აბოლებდა, თან მძიმე
შავქალამნიან წვრილსა და გრძელ ფეხს აქანავებდა. დიდ-
მარხვის დღეებში კუზმა სულ ორჯერ თუ გაემგზავრებოდა
სახლიდან — ფოსტაში შეივლიდა და ძმას ინახულებდა. მგზავ-
რობა უმძიმდა: კუზმა ისე გაიყინებოდა ხოლმე, ველარც კი
გრძნობდა, ჰქონდა თუ არა ტანი. ცხვრის ტყაპუჭი ისე დიდ-
ხანს ემსახურა, რომ სულ გაიქუცა. მინდორში კი ქარი ბო-
ბოქრობდა. ღურნოვეკაში ნიდაგ ჯდომის შემდეგ ზამთრის
სუსხიანი ჰაერის სუნთქვით ვერა ძლებოდა. სოფლის ხან-
გრძლივად ჰვრეტის შემდეგ განაცვიფრებდა მონაცრისფრო
თოვლიანი სივრცე; ლურჯად მოლივლივე შორეთი თვალ-
უწვდენი და ლამაზი ჩანდა, გეგონებოდა დახატულიაო. ცხენი
ფრუტუნებდა და მარდად მიაპობდა სუსხიან ქარს, დაქვდილ
ფლოქვებზე შეყინული თოვლი დროდადრო სძვრებოდა და
ხმაურით ზედებოდა მარხილს. ყულაბა, რომელსაც ლოყა მოჰ-
ყინოდა და ჩალურჯებოდა, მხნედ დასჰყვივლებდა ხოლმე,
გაქანებული მარხილის კოფოდან ისკუპებდა და მერე გვერ-
დულად შეახტებოდა. მაგრამ ქარი ძვალსა და რბილში ატან-
და, თოვლწაყრილ ჩალაში ჩადგმული ფეხები სტეხდა და
უბლიკდებოდა, შუბლი და დაწვები სწიწვნიდა... ულიანოვეკის
დაბალ საფოსტო კანტორაში კი ისეთი მოწყენილობა სუფევ-
და, როგორც შეიძლება იყოს მხოლოდ მიყრუებულ სახაზი-

ნო ადგილებში. იდგა ობისა და ლუქის სუნი, ტანსაცმელჩამოფლეთილი ფოსტალიონი ხმაურით ურტყამდა შტემპელს, პირქუში სახაროვი, იმაზე გაბრაზებული, რომ კუზმამ ველარ მოიფიქრა ხუთი ქათამი ან ერთი ფუთი ფქვილი გამოეგზავნა, გლეხებს უყვიროდა. ტიხონ ილიჩის სახლს რომ მიუახლოვდებოდა, კუზმას აღელვებდა ორთქლმავლის კვამლის სუნი, რაც იმას აგონებდა, რომ ქვეყნად არის ქალაქები, ხალხი, გაზეთები, ახალი ამბები. ძმასთან ლაპარაკი, დასვენება და გათბობა, ცხადია, სასიამოვნო იქნებოდა მისთვის, მაგრამ საუბარს ვერა და ვერ მოაბამდნენ ხოლმე თავს. ძმას წამდაუწყუმ ეძახდნენ დუქანში, სამეურნეო საქმეზე, და თვითონაც სულ მეურნეობაზე, გლეხების მატყუარობაზე, უნამუსობასა და ავკაცობაზე ლაპარაკობდა და თან დასძენდა, რომ აუცილებელი იყო რაც შეიძლება მალე მოეშორებინა თავიდან მამული. ნასტასია პეტროვნა დაბეჩავდა. მას, ეტყობა, ძალიან ეშინოდა ქმრისა: უღალაგო ალაგას ეჩრებოდა საუბარში, უდროოდ დროს აქებდა ქმარს, — მის გამჭირიანობას, თადარიგეიანობას, რომ ის მარტო განაგებდა სამეურნეო საქმეს და ყველაფერს.

— ყველაფერზე მიუწვდება ხელი, ყველაფერზე! — ამბობდა ის, ტიხონ ილიჩი კი უხეშად აწყვეტინებდა სიტყვას. ასეთი საუბრიდან ერთი საათის გასვლის შემდეგ კუზმას უკვე შინისაკენ, კარ-მიდამოსაკენ მიუწევდა გული. „ჭკუაზე შეცდა, რაღა, ჭკუაზე შეცდა!“ დუღუნებდა შინ მიმავალი კუზმა, როცა იგონებდა, თუ რა კუშტი, ავი გამოხედვა ჰქონდა ტიხონს, რა გულჩათხრობილი და ეჭვიანი იყო და როგორ გულისგამწყვალეზად იმეორებდა ერთსა და იმავეს. ხან ყულაბას შეუძახებდა ხოლმე და ხან ცხენს, — ჩქარობდა სახლში დაემალა თავისი ნადველიც და ძველი, გათოშილი ტანისამოსიც...

შობის დღეებში კუზმას ხშირი სტუმარი იყო ბასოვოელი ივანუშკა. ეს გახლდათ ხანშიშესულობის გამო გამოთავყვანებული ძველი ყაიდის გლეხკაცი, ოდესღაც დათვის ღონით სახელგანთქმული; ჩასკვნილი იყო, წელში მოკაკული, გაბურძკვნილი წაბლისფერთმიანი თავი მუდამ ჩაქინდრული ჰქონდა. ხოლო ფეხის წვერები ერთმანეთისაკენ მოქცეოდა და ისე

დაიარებოდა. ოთხმოცდათორმეტ წელს შავმა ჭირმა ერთი-
ნად ამოწყვიტა ივანუშკას დიდი ოჯახი. მხოლოდ სალდათი
შვილი გადარჩა, რომელიც ახლა დარაჯად მუშაობდა რკინი-
გზაზე, დურნოვკის შორიანხლო. ივანუშკას საწუთრო შვილის
სახლშიც შეეძლო გაეღია, მაგრამ ამას აქეთ-იქით ხეტიალი და
მათხოვრობა ამჯობინა. ეზოში დამაჯბაჯებდა, მარცხენა
ხელში ჯოხი და ქუდი ეჭირა, ხოლო მარჯვენაში კი პირმოხს-
ნილი, თოვლით გადაპენტილი ჩანთა. ნაგაზები რატომღაც არ
უყეფდნენ. ის შედიოდა სახლში და დუღუნებდა: „აქა მშვი-
დობა“, — და კედელთან იატაკზე დაჯდებოდა. კუზმა წიგნს
გადადებდა და ისე გაკვირვებით და გაუბედავად უცქეროდა
პენსნეს ზემოდან, გეგონებოდა მის წინ სტეპის რომელიმე
მხეცი ყოფილიყოს, რომლის ოთახში ყოფნა გასაოცარი იყო.
მსუბუქი ნაბიჯით გამოვიდოდა წამწამებდახრილი მღუპარე
პატარძალი, რომელსაც სახეზე მკრთალი, ალერსიანი ღიმილი
დასთამაშებდა, ივანუშკას მოხარშული კარტოფილით საესე
ჯამსა, მარილისაგან განაცრისფერებულ პურის ნატეხს გაუ-
წოდებდა და წირთხლთან გაჩერდებოდა. პატარძალს ქალამნე-
ბი ეცვა, განიერი მხრები ჩამკვირვებოდა და ლამაზი, ფერწა-
სული პირისახე ისეთი გლეხურად უბრალო და ძველებური
ჰქონდა, რომ ალბათ სხვა რამეს ვერც უწოდებდა ივანუშ-
კას, თუ არა ბაბუას. პატარძალი ღიმილით, — იგი მხოლოდ
ივანუშკას უღიმოდა, — ხმადაბლა ეუბნებოდა:

— მიირთვი, მიირთვი, ბაბუა.

ხოლო ის თავს არ სწევდა, მის ალერსს მარტოოდენ ხმი-
თაც ხვდებოდა, პასუხად ჩუმად კრუსუნებდა და ზოგჯერ წა-
იდუღუნებდა: „ღმერთმა გაგახაროს, შვილო“, თათის მაგვარი
ხელით ფართოდ და უხეიროდ გამოისახავდა პირჯვარს და
ხარბად შეექცეოდა საკმელს. არაადამიანურად ხშირი, სქელი
თმიდან წურწურით ჩამოსდიოდა გამდნარი თოვლი, ქალამნე-
ბიდან ჩამონადენი წყალი იატაკს ასველებდა. ჭუჭყიან ხამის
პერანგზე გადაცმულ გაცვეთილ ყავისფერ ხიფთანზე გაკვამ-
ლული ქოხის სუნი უდიოდა. ხანგრძლივი მუშაობით დაკოყ-
რილი ხელებით, დაკვანჩხული თითებით ძლივძლივობით ეჭი-
რა კარტოფილი.

— არა გცივა, მარტო ხიფთანი რომ გაცივა? — ხმამალლა ეკითხებოდა კუზმა.

— რა სთქვი? — ყრუ კრუსუნით მიუგებდა ივანუშკა და თმით დაფარულ ყურს მიაპყრობდა.

— ხომ არა გცივა?

ივანუშკა დაფიქვლებოდა.

— რათ უნდა მციოდეს? — სვენებ-სვენებით უპასუხებდა იგი. — სულაც არა მცივა... წინათ უფრო ჰყინამდა ხოლმე.

— თავი ასწიე და თმა გაისწორე!

ივანუშკა ნელა გააქნევდა თავს.

— ველარა ვწევ, ძმავ... მიწისკენ მებრება...

და მკრთალი ლიმლით ცდილობდა აეწია საზარელი, გაბურძენილი პირისახე, პატარა, მოჭუტული თვალები.

გამაძლარი, ხვნეშოდა. პირჯვარს იწერდა, მუხლებზე დაკვივრულ ნამცეცებს კრეფდა და ჰამდა; მერე ირგვლივ ხელებს მოათათურებდა — ჩანთას, ჯოხსა და ქუდს ეძებდა და, როცა იპოვიდა და დამშვიდდებოდა, იწყებდა დინჯ საუბარს. მას შეეძლო მთელ დღეს უსიტყვოდ მჯდარიყო, მაგრამ კუზმა და პატარძალი ეკითხებოდნენ, და ისიც, თითქოს სიზმარშიაო, საიდანღაც, შორიდან, უპასუხებდა. ჰყვებოდა თავისი ძველი, მოუხეშავი ენით. რომ მეფე, როგორც ამბობენ, სულ ოქროსგანაა ნაჭედი, რომ მეფე სხვა თევზს ვერა ჰამს. „გარნა მარილოვანისა“, რომ ელია წინასწარმეტყველმა განარღვია ცა და დაეცა ქვეყანასა ზედა, „რამეთუ იყო ტანითა მძიმე“; რომ ივანე ნათლისმცემელი ცხვარივით ბალანბურძენილი დაიბადა; რომ ელია მონათვლისას ნათლულს თავში არგანს ჩაპკრავდა ხოლმე, რათა „ჰკუაზე მოსულიყო“; რომ ყველა ცხენი წელიწადში ერთხელ, ფლორისა და ლავრის დღეს. ცდილობს კაცი მოკლას; ჰყვებოდა, რომ წინათ ჰევანის ყანა ისეთი იყო, რომ შიგ ძლოკვიც ვერ გაძვრებოდა, რომ ყოველდღე თითო კაცი ორ დესეტინასა მკიდა; რომ მისი ლაფშა ცხენი ისეთი ღონიერი და საშიში იყო, რომ „ჯაჭვზე აბავდნენ“. რომ ერთხელ, სამოციოდე წლის წინათ, მას, ივანუშკას. ისეთი უღელი მოპარეს, როგორსაც ორ მანეთადაც ვერ გაჰყიდდა... ივანუშკას მტკიცედ სწამდა, რომ მისი ოჯახი შავი ჰირისაგან კი

არ ამოწყდა, არამედ იმის გამო, რომ ხანძრის შემდეგ მაშინვე ახალ ქონში გადავიდნენ და იქ დაიძინეს, ისე რომ ჯერ მაძლისთვის ღამე არ გაუთევიანებიათ, რომ თავისი ვაჟითურთ შემთხვევით გადარჩა: საცეხველში ეძინათ... საღამო ხანს ივანუშკა წამოდგებოდა და მიდიოდა, არც ამინდს დაგიდევდათ და არც სახლის პატრონის რჩევას, რომ დილაზე დაჩენილიყო... ერთხელ გაცივდა და ამ გაცივებას გადაჰყვა კიდევ: ნათლილების წინ შვილის ჯიხურში დალია სული. შვილმა ურჩია, ეზიარეო. ივანუშკა არ დათანხმდა: უთხრა, რომ ვინც ეზიარება — კვდება, ხოლო მას მტკიცედ გადაეწყვიტა, სიკვდილს „არ დანებებოდა“. ის მთელი ღლები უგონოდ იწვა; მაგრამ ბოდვის დროსაც კი სთხოვა რძალს: „სიკვდილმა თუ კარზე დააკაუნოს, ჩემზე უთხარი, შინ არ არის-თქო“. ერთ ღამეს გონს მოვიდა, ძალ-ღონე შოიკრიბა, ღუმელიდან ჩამოფორთხდა და კანდელით გასხვივოსნებული ხატის წინ დაიჩოქა. ის მძიმედ ოხრავდა, დიდხანს დუღუნებდა და იმეორებდა: „მამაო ღმერთო, მომიტევე შეცოდებანი ჩემნი“... მერე ჩაფიქრდა და, იატაკზე დამხობილი, დიდხანს დუმდა. უცებ წამოდგა და მტკიცედ თქვა: „არა, არ დავენებები!“ მაგრამ დილით დაინახა, რომ რძალი ღვეზელებს ხელავდა და ღუმელს ახურებდა...

— ჩემი ქელეხისათვის ხომ არ ამზადებ? — აკანკალებული ხმით ჰკითხა მან.

რძალს არაფერი უპასუხნია. კვლავ მოიკრიბა ძალ-ღონე, ისევ ჩამოფორთხდა ღუმელიდან და დერეფანში გავიდა: ჰო, მართლაც, კედელთან აყუდებული იყო უზარმაზარი ლილისფერი კუბო თეთრი რვაწახნაგიანი ჯვრებით! მაშინ კი მოაგონდა, თუ რა დაემართა ოცდაათი წლის წინათ მის მეზობელ ბერაკაცს, ლუკიანს: ლუკიანი ლოგინად ჩავარდა. მასაც უყიდეს კუბო — კარგი, ძვირფასი კუბო, — ქალაქიდან ჩამოიტანეს ფქვილი, არაყი, დამარილებული ფარგა; მაგრამ უეცრად ლუკიანი მომჯობინდა: სად უნდა წაეღოთ კუბო? რით აენახლაურებინათ ხარჯები? ლუკიანს ბარე ხუთ წელს წყევლიდნენ ამისათვის, საყვედურებით ართმევდნენ სულს... ივანუშკას მოაგონდა ეს ამბავი, მორჩილად ჩაჰკიდა თავი და ქონში

წაჩანჩალდა. ღამით კი, გულადმა უგონოდ მწოლარემ, მთრთოლვარე, საცოდავი ხმით სიმღერა წამოიწყო, მერე ხმას თანდათან უკლო, უეცრად მუხლები აუჯანკალდა, აღუღლულდა, ოხვრას გულიც ამოაყოლა და, ღია ტუჩებზე დუქმორეული, გაშეშდა...

ივანუშკას გამო კუზმა თითქმის ერთ თვეს იყო ლოგინად ჩავარდნილი. ნათლიღება დილას ამბობდნენ, გაფრენილი ჩიტი იყინება ჰაერშიო, კუზმას კი თექის ჩექმებიც არ ჰქონდა. მაინც წავიდა მიცვალებულის სანახავად. გოლიათურ მკერდს ქვემოთ ხამის პერანგზე დაწყობილი და გაშეშებული ხელები, რომლებიც მთელი ოთხმოცი წლის მძიმე ველურ შრომას დაეკოჟრა და დაესახიჩრებინა, ისეთი უხეში და საზარელი ჩანდნენ, რომ კუზმამ სწრაფად მოარიდა მზერა. ხოლო ივანუშკას თმასა და მხეცურ უსიცოცხლო პირისახეს თვალიც კი ვერ შეავლო და სწრაფად წააფარა თეთრი კოლენკორი. კუზმამ არაყი გადაჰკრა და ერთ ხანს გავარვარებულ ღუმელთან დაჯდა, ეგებ გავთბეო... ჯიხურში თბილოდა და ირგვლივ რალაც სადღესასწაულო სისუფთავე იყო. კოლენკორწაფარებული კუბოს თავთან ოქროსფრად ციმციმებდა ფერგადასულ ხატზე მიკრული თაფლის სანთელი, მოჩანდა ნაირფერი მკვეთრი საღებავებით შესრულებული საბაზრო ნახატი — იოსების გაყიდვა ძმებისაგან. გულთბილი სალდათის ცოლი სატაციტ ხელმარჯვედ სწევდა და ღუმელში დგამდა ფუთიან ქვაბებს, მზიარულად ლაპარაკობდა სახაზინო შეშაზე და დიდი თხოვნითა სთხოვდა კუზმას, სოფლიდან ქმრის დაბრუნებამდე დარჩათო. მაგრამ კუზმას აციებდა, სახე უხურდა არაყისაგან, გათოშილ სხეულში საწამლავად რომ ჩაღვროდა, თვალები უმიზნზოდ ეცრემლებოდა... კუზმა არც კი გამთბარა, ისე გაემგზავრა გადათეთრებული ტალღოვანი მინდვრებით ტიხონ ოლიჩისაკენ. გათოშილი, ბალანაქოჩრილი თეთრი ლაფშა მიჰქროდა, ელენთა უბუყბუყებდა და ნესტოებიდან ნაცრისფერ ორთქლს აფრქვევდა; ხისტ თოვლზე ჭრიალებდნენ მარხილის კავები; ყვითლად ანათებდა დაბლა დაწეული, სუსხით მოცული მზე; პირისახეში ჩრდილოეთიდან მონაბერი სუსხიანი, სულისშემხუთველი ქარი სცემდა; სარყეები სქელი ჭირხლით

დაფარულიყვნენ. მოზრდილი ყანის ჩიტები გუნდ-გუნდად ჩაუქროლებდნენ ხოლმე ლაფშას, მბზინვარე გზაზე გაიფანტებოდნენ. გაყინულ ნაკელს აყენკავდნენ, აფრინდებოდნენ და კვლავ იფანტებოდნენ. კუზმა დამძიმებული წამწამებიდან გასცქეროდა მათ, გრძნობდა, რომ მისი ჭალარაწვერულვაშიანი გახევებული პირისახე საშობაო ნიღაბს დამსგავსებოდა... მზე ჩადიოდა. ნარინჯისფრად მოციალე თოვლის ტალღებს სიფითრე შეჰპარვოდათ. მათი ქედებისა და ნაკბილების ჩრდილები ცისფრად ისახებოდნენ... უეცრად კუზმამ ცხენი შემოაბრუნა და უკან, შინისაკენ გააქენა. მზე ჩავიდა, ნაცრისფერ, შექირხლულფანჯრებიან, ბინდით მოცულ სახლში სინათლე ბეუტავდა, კაცის ჭაქანება არ იყო და ციოდა. გულწითელა ჩიტი, რომელიც ბაღში გამავალ ფანჯარასთან დაკიდებულ გალიაში იყო, ცოცხალი აღარ დახვდა; მას ფეხები მალა აეშვირა, ბუმბული აბურძგნოდა და წითელი ჩინჩახვი გაბეროდა.

— გათავდა! — თქვა კუზმამ და გულწითელას გადასაგდებად გავიდა.

ყინვიან თოვლში ჩაფლულმა ღურნოვკამ, რომელიც სტების ზამთრის ამ ნაღვლიან საღამოს ესოდენ შორეული იყო, ქვეყნიერებისათვის, ძრწოლვა მოჰგვარა კუზმას. გათავდა! გახურებული თავი დამძიმებია, გონება დაბინდული აქვს, ახლის დაწვება და ადგომას ველარასოდეს შეძლებს... თოვლზე ქალამნების ჭრაქუნით, ვედროთი ხელში, პარმადს უახლოვდებოდა პატარძალი.

— ავად გავხდი, ღუნიუშკა! — მიელერსა კუზმა იმ იმედით, რომ მისგან აღერსიან სიტყვას გაიგონებდა.

მაგრამ პატარძალმა გულგრილად, ცივად მიუგო:

— სამოვარი ხომ არ დავდგა?

ისიც კი არ ჰკითხა, რით გახდა ავად. არც ივანუშკას ამბავი უკითხავს... კუზმა ბნელ ოთახში შემობრუნდა და, სულმთლად აკანკალებული, შეშინებული იმის ფიქრით, თუ სად უნდა წასულიყო, რომ რამე დასჭირებოდა, დივანზე დაწვა... ერთმანეთში აირივნენ საღამოები და ღამეები, ღამეები და დღეები, და მათი სათვალავი დაეკარგა...

პირველ ღამეს, ასე სამ საათზე, გამოელვინა და კედელს მუშტი წაუშინა, რათა წყალი მოეთხოვა: სტანჯავდა წყურვილი და იმის ფიქრი — გადააგდეს თუ არა გულწითელა. მაგრამ ბრახუნზე ხმა არავინ გასცა. პატარძალი სამოახლოში გასულიყო დასაძინებლად. კუზმას გაახსენდა და იგრძნო, რომ ავად იყო და ველარ მორჩებოდა; გულზე ისეთი ნალველი შემოაწვა, თითქოს აკლდამაში გაღვიძებოდეს. ესე იგი, წინათაახში, სადაც თოვლის, ჩალისა და ცალულების სუნი ტრიალებს, არავინ არის! მამასადამე, ის, უმწეო ავადმყოფი, მარტოდმარტოა ამ ბნელ, გაყინულ სახლში, სადაც ზამთრის უსასრულო ღამეში გამეფებულ სამარისებურ სიჩუმეში მკრთალად მოჩანან ნაცრისფერი ფანჯრები და ჰკიდია გალია, რომელიც უკვე საჭირო აღარაა!

— უფალო, მიხსენ და შემინწყალე, უფალო, მომხედე, — წაიჩურჩულა მან, წამოიწია და აკანკალებული ხელებით ჯიბეების ჩხრეკა დაიწყო.

ასანთი უნდოდა გაეკრა. მაგრამ ეს იყო ჩურჩული ციებ-ცხელებიანი კაცისა; აღმოდებულ თავში ჩაქუჩივით ურტყამდა რაღაც, ხელ-ფეხი ეყინებოდა... ჩამოვიდა კლამა, მისი დვიძლი, საყვარელი ქალიშვილი, უცებ შემოალო კარი, თავქვეშ ბალიში ამოუდო, დივანის გვერდით სკამზე ჩამოჯდა... იგი ქალბატონურად იყო გამოწყობილი, — ხავერდის ქურქი ემოსა, თეთრი ბეწვის ქუდი ეხურა და თეთრი ბეწვისავე ხელთათმანები ეცვა, — ხელებზე საამო სურნელი ადიოდა, თვალები უბრწყინავდა, ლოყები ყინვისაგან ასწითლებოდა... „ახ, რა კარგად გაირკვა ყველაფერი!“ — ჩურჩულებდა ვიღაც, ოღონდ ცუდი ის იყო, რომ კლამამ სინათლე არ აანთო, რომ იგი მას კი არ სწვევია, არამედ ივანუშკას დაკრძალვაზე ჩამოვიდა... რომ უეცრად კლამამ ბოხი ხმით დაამღერა გიტარაზე: „ჰაზ-ბულარო მამაცო, ღარიბული ქოხი გაქვს“...

ავადმყოფობის პირველ დღეებში, როცა ნალვილი გულს უკლავდა, კუზმას ხან გულწითელა ეზმანებოდა, ხან კლამა, ხან ვორონეჟი, მაგრამ თვით ბოდვის დროსაც კი არ ავიწყდებოდა ვინმესთვის ეთქვა, რომ ერთ ღამეში მაინც გამოეჩინათ სიბრალული — კოლოდენიში არ დაემარხათ. მაგრამ, ოპ,

დმერთო ჩემო, რომელ ჰკუთამყოფს ექნება იმედი, რომ დურ-
ნოვკაში შეგბრალე კაცს ნახავს! ერთხელი გონს მოვიდა; დილა
იყო, ღუმელს ანთებდნენ; ყულაბასა და პატარძლის უბრა-
ლო, მივიდი ხმა იცე ულმობლად, უცხოდ და უცნაურად ეჩვე-
ნა, როგორც ულმობლად, უცხოდ და უცნაურად ეჩვენება
ხოლმე ავადმყოფს ჯანსაღი კაცის ყოველდღიური ცხოვრება.
მას უნდოდა დაეძახა, ეთხოვა, სამოვარი დადგითო, მაგრამ
უცებ დამუხჯდა: გაიგონა ყულაბას ბრაზიანი ჩურჩული, რო-
მელიც ცხადია, მას, ავადმყოფს ეხებოდა, და პატარძლის
ნაწყვეტ-ნაწყვეტი პასუხი:

— წავიდეს, ერთი! მოკვდება და — დამარხავენ...

მერე ფანჯრებში აკაციების გაშიშვლებული ტოტებიდან
მიმწუხრის მხემ შემოანათა. ოთახში თამბაქოს ლურჯი კვამ-
ლი იდგა. ლოგინთან ჩამომჯდარიყო მოხუცი ფერშალი, რო-
მელსაც წამლებისა და სუსხიანი პაერის სუნი შემოეტანა და
ულვაშიდან ყინულის ლოლუებს იშრობდა. მაგიდაზე სამოვა-
რი დუღდა, იქვე მდგარი ტიხონ ილიჩი, მაღალი ტანის, კა-
ღარა, კუშტი კაცი, სურნელოვან ჩაის ხარშავდა. ფერშალი
თავის ძროხებზე, ფქვილისა და კარაქის ფასებზე ლაპარაკობ-
და, ხოლო ტიხონ ილიჩი უყვებოდა, თუ რა შესანიშნავად,
მდიდრულად დაასაფლავეს ნასტასია პეტროვნა, რა მოხარუ-
ლი იყო. რომ როგორც იქნა, დურნოვკას ჰყიდველი გამოუჩინ-
და. კუხმა ხვდებოდა, რომ ტიხონ ილიჩი ახლახან მოსულიყო
ქალაქიდან. რომ ნასტასია პეტროვნა სადგურისაჲნ მიძავალ
გზაზე გარდაცვლილიყო უეცრად; სვდებოდა, რომ ტიხონ
ილიჩს დასაფლავება მეტად ძვირი დასჯდომოდა, რომ მას
უკვე აეღო დურნოვკის ღირებულების ნაწილი — და სრული-
ად გულგრილად უყურებდა ამ ამბავს...

ერთხელ ძალიან გვიან გაეღვიძა. მხოლოდ სისუსტეს
გრძნობდა. სამოვარს მოუჯდა. ღრუბლიანი, თბილი დღე იყო,
ბევრი ჩამოთოვა. ფანჯრის ძირას მგელკაცამ გაიარა და ქა-
ლამნებით პატარ-პატარა ჯვრებით დასერილი ნაფეხურები და-
ტოვა. აქეთ-იქიდან ნაგაზები მოსდევდნენ და ტანისამოსის
ჩამოფლეთილ კალთებს ყნოსავდნენ. იგი სადავით მიათრევდა
სიბერისა და სიგამხდრისაგან დაუშნობულ, ცალულის ხახუ-

ნით მხრებგახეხილ, ზურგგადაღლებილ მაღალ თაფლა ცხენს, რომელსაც გაქუცული და ქუქყიანი კუდი ჰქონდა. ცხენი სამ ფეხზე მიკვანქალობდა და მუხლს ქვემოთ მოტეხილ მეოთხე ფეხს მიათრევდა. და კუზმას გაახსენდა, რომ სამი დღის წინ იყო ტიხონ ილიჩი და თქვა: მგელკაცას ვუბრძანე ბებერი ცხენი დაეკლა და ნაგაზები დაენაყრებიაო, რომ მგელკაცა ზოგჯერ წინათაც შვრებოდა ასე: მკვდარ ან უვარგის საქონელს ყიდულობდა და ატყავებდა. როგორც ტიხონ ილიჩმა თქვა, ამას წინათ მგელკაცას საშინელი რამ გადახდა თავს: როცა ერთი ფაშატის დასაკლავად ემზადებოდა, დაავიწყდა მისთვის ფეხები შეეკოქა, მხოლოდ დრუნჩი შეუტრა და გვერდზე მოუქცია; როგორც კი მგელკაცამ პირჯვარი გამოისახა და ცხენს ლავიწის გვერდით ძარღვეში წვრილი დანა გაუყარა, ფაშატი აკიხვინდა, ჩაყვითლებული კბილები დაკრიჭა და მკვლელს გამოეკიდა; შავი სისხლით რწყავდა თოვლს და დიდხანს. ადამიანივით დასდევდა მგელკაცას. დაეწეოდა კიდევ, მაგრამ, „ღვთის მადლით, თოვლი ღრმა იყო“... კუზმა ისე შეაძრწუნა ამ ამბავმა, რომ ახლა, როცა ფანჯარაში გაიხედა, მუხლები მოეკვეთა. ცხელი ჩაის ყლაპვა დაიწყო და ცოტაოდენ გამოკეთდა. თამბაქო მოსწია, ერთ ხანს იჯდა... ბოლოს წამოდგა, წინათახში გავიდა და ყინულჩამომდნარი ფანჯრიდან გაშიშვლებულ, გაქუცულ ბაღს შეხედა: ბაღში, თოვლის თეთრი საბნით დაფარულ მინდორზე, წითლად მოჩანდა გაძვალტყავებული, კისერწაგრძელებული და თავგადაღლებილი დაკლული ცხენი; ძაღლები დაკუზულიყვენენ, ხორცში თათები ჩაეკიდათ და ხარბად სჯიჯგინდნენ შიგანს; ორი რუხი ყვავი გვერდულად. ხტუნვა-ხტუნვით მიიწევდა თავისაკენ: როცა ძაღლები ღრენით მისცვივდებოდნენ, მაღლა აფრინდებოდნენ. შემდეგ კი კვლავ ეშვებოდნენ ძირს, სპეტაკ თოვლზე. „ივანუშკა, მგელკაცა, ყვავები... — გაიფიქრა კუზმამ.— უფალო, მიხსენ და შემეძიწყალე, განმამორე ამ ადგილს!“

სიძაბუნე კარგა ხანს გაჰყვა კუზმას. ნაღველნარევი სიხარულით ავსებდა გაზაფხულზე ფიქრი, სურდა რაც შეიძლება ჩქარა გასცლოდა ღურნოვკას. ხედავდა, რომ ზამთარს ბოლო არ უჩანდა; მაგრამ თოვლი უკვე იწყებდა დნობას. თებერ-

ვლის პირველი კვირა ბნელი, ნისლიანი იყო. ნისლი ფარავდა მინდვრებს, შთანთქავდა თოვლს. სოფელი შავად მოჩანდა, ტალახიან ნამქერებს შორის წყალი იდგა; ერთხელ სოფელში უბნის ბოქაულმა ჩამოიარა, თავით ფეხამდე ჩონჩორიკში იყო ამოსვრილი. ყიოდნენ მამლები, ვენტილატორიდან გაზაფხულის ამალელებელი ტენიანი ჰაერი იქრებოდა... კვლავ უნდოდა ეცოცხლა—ეცოცხლა, დალოდებოდა გაზაფხულს, გადასულიყო ქალაქში საცხოვრებლად, შერიგებოდა ბედს, ხელი მოეკიდა რაიმე საქმისათვის, თუნდაც ამით მარტოდენ ლუქ-მაპური ეშოვნა... ცხადია, ძმასთან სურდა ეცხოვრა, — როგორც არ უნდა ყოფილიყო ის. ძმამ ხომ უკვე შესთავაზა ავადმყოფ კუზმას — ვორგოლში დავსახლდეთო.

— სად უნდა გაგიშვა, — უთხრა მან ცოტოდენი ფიქრის შემდეგ. — აგერ პირველი მარტიდან დუქანსა და ეზოს გადავაბარებ ვინმეს, — ჰოდა, წავიდეთ, ძამიკო, ქალაქში, გავშორდეთ ამ ყაჩაღებს!

მართლაც რომ ყაჩაღები იყვნენ. მოვიდა უაზნო ქალი და მოჰყვა მგელკაცას ამბავს, ამას წინათ რომ გადახდა თავს. დენისკა დაბრუნდა ტულიდან, უსაქმოდ დაეხეტებოდა სოფელში და ყბედობდა, რომ ცოლის შერთვას აპირებდა, რომ ფული ჰქონდა და სულ მალე იმაზე მდიდარი კაცი არ იქნებოდა. მისი მონაჩმახი სოფლელებს ჯერ არ სწამდათ, მერე კი დენისკას გადაკრული სიტყვებით მიხვდნენ, როგორც უნდა ყოფილიყო საქმე და დაიჯერეს. მგელკაცაც დარწმუნდა და ცდილობდა შვილის გული მოეგო. მაგრამ ცხენის გატყავებაში რომ ტიხონ ილიჩისაგან მანეთიანი მიიღო და ტყავში ათი შაური მისცეს, მგელკაცა გაამაყდა და დროსტარებას მიჰყო ხელი: ორ დღეს სევამდა, ჩიბუხი დაკარგა და ლუმელზე მიეგდო. თავი სტკიოდა, თამბაქოს გასახვევი ქალაღლიც კი არ ჰქონდა. ადგა და პაპიროსისათვის დენისკას მიერ ჰერზე გაკრული გაზეთებისა და სხვადასხვა სურათების ჩამოხვევა დაიწყო. ის, ცხადია, ჩუმჩუმად აკეთებდა ამ საქმეს, მაგრამ დენისკამ ერთხელ მაინც წაასწრო და აყვირდა. მგელკაცა ნაბახუსევი იყო და ისიც აყვირდა. მაშინ დენისკამ ლუმელიდან ჩამოათრია იგი და ცემით სიკვდილის პირამდე მიიყვანა. სწო-

რედ ამ დროს მეზობლებიც შემოცვივდნენ... ეს კი, მაგრამ ტიხონ ილიჩიც ყაჩაღი ხომ არ არის, სულელურად რომ დაუქინია პატარძალი ერთ-ერთ ასეთ ყაჩაღზე დააქორწინოსო — ფიქრობდა კუზმა.

როცა კუზმამ პირველად მოჰკრა ყური ამ ქორწინების ამბავს, მტკიცედ გადაწყვიტა, ჩაეშალა ეს საქმე. რა საშინელე-ბაა, რა უაზრობაა! მერე, როცა ავადმყოფობისას გონს მოდიოდა ხოლმე, მას კიდევ ახარებდა ეს უაზრობა. მხოლოდ ის აკვირვებდა და ანცვიფრებდა, რომ მას, ავადმყოფს, ასე გულგრილად ექცეოდა პატარძალი. „მხეცი, ველური! — ფიქრობდა ის და, ქორწილის ამბავს რომ იგონებდა, ბრაზით დასძენდა: ძალიან კარგი! ახია მაგაზე!“ ახლა კი, ავადმყოფობის შემდეგ, სიმტკიცე და ბრაზი მთლად გაუქრა. ერთხელ მან პატარძალს ტიხონ ილიჩის განზრახვაზე ჩამოუგდო ლაპარაკი. ქალმა მშვიდად უპასუხა:

— რა გაეწყობა, მე და ტიხონ ილიჩმა უკვე ვისაუბრეთ ამ საქმეზე. ღმერთმა კარგად ამყოფოს, კარგი იმას მოუფიქრებია.

— კარგი? — გაოცდა კუზმა.

პატარძალმა შეხედა და თავი გააქნია:

— ვითომ რით არის ცუდი? უცნაური ხარო, ღმერთმანი, კუზმა ილიჩ! ფულს მპირდება, ქორწილის ხარჯებს თვითონ კისრულობს... ვინმე ქვრივს როდი მირიგებს. სულ ახალგაზრდა კაცს უნდა გამატანოს, უმწიკვლოს!.. გახრწნილს და ლოთს კი არა...

— არამედ უქნარას, მოჩხუბარს, ყყეყის, — დაუმატა კუზმამ.

პატარძალმა თვალეები დახარა, ერთ ხანს დუმდა, მერე ამოიოხრა, შებრუნდა და კარისკენ გაემართა.

— როგორც გინდათ, — უთხრა აკანკალებული ხმით, — თქვენი ნებაა... ვადაათქმევინეთ სიტყვა... როგორც გენებოთ. კუზმამ თვალეები დაჰყიტა და შეჰყვირა:

— მოიცა, ჭკუაზე შემლილხარი განა მე შენთვის ცუდი მსურს?

პატარძალი მოტრიალდა და გაჩერდა.

— განა ცუდი არა გსურთ? — გაცხარებით და უკმენად უთხრა მან, წამოწითლდა და თვალები შეანათა. — როგორ ფიქრობთ, სად უნდა წავიდე? მთელი ჩემი სიცოცხლე სხვის კარზე ეყვდო? სხვისი მონარჩენი პური ვლრუნა? კარდაკარ ვიწანწალო? თუ ქვრივი ბერიკაცი ვეძებო? მეყო ამდენი ცრემლის ყლაპვა!

და ხმა ჩაუწყდა. ატირდა და ოთახიდან გავიდა. საღამოს კუზმამ დაარწმუნა ის, რომ ფიქრადაც არ მოსვლია ამ საქმის ჩაშლა; პატარძალმა, როგორც იქნა, დაიჯერა და ალერსიანად და მორცხვად გაუღიმა.

— მაშ, გმადლობთ, — უთხრა მან ისეთივე ტკბილი ხმით, როგორითაც ელაპარაკებოდა ივანეშუკას.

მაგრამ ახლაც აუციმციმდა თვალებზე ცრემლი და კუზმამ კვლავ გაასავესავე ხელები

— რაღა გატირებს? — შეეკითხა ის.

და პატარძალმა წყნარად უპასუხა:

— ვინ იცის, იქნებ დენისკასთანაც ვერ გავიხარო...

ყულაბამ ფოსტიდან თითქმის თვენახევრის გაზეთები მოიტანა. ბნელი, ნისლიანი დღეები იდგა. ფანჯარასთან მჯდარი კუზმა დილიდან საღამომდე კითხულობდა. კითხვა დაამთავრა და, ახალი „ტერორისტული აქტებითა“ და სიკვდილით დასჯით შეშფოთებული, გახევდა. თეთრი ხორბომელა ალმაცერად ეცემოდა შავად გამომზიარალ ლატაკ სოფელს, ატალახებულ ოღროჩოდრო გზებს, ცხენის სკორეს, ყინულსა და წყალს; მწუხრის ნისლში ინთქმებოდნენ მინდვრები...

— ავდოტია! — დაიძახა კუზმამ და ზეზე წამოდგა. — ყულაბას უთხარი ცხენი მარხილში შეაბას!

ტიხონ ილიჩი შინ იყო. ეს შავგვრემანი, თეთრწვერა, წარბშეკმუხნილი, დიდი და ღონიერი კაცი ჩითის პერანგის ამარა უჯდა სამოვარს და ჩაის აყენებდა.

— აი ძამიკო! — ალერსიანად შესძახა მან, ისე რომ წარბი არ გაუხსნია. — დაუბრუნდი ამ ქვეყანას? ფრთხილად, ადრე ხომ არ არის?

— ძალიან მომეწყინა, ძმავ, — მიუგო კუზმამ და ერთმანეთი გადაკოცნეს.

— ჰოდა, რახან მოგეწყინა, მოდი ერთი გავთბეთ და ვისაუბროთ...

გამოკითხეს ერთმანეთს ამბავი, დუმილით დალიეს ჩაი: შემდეგ კი გააბოლეს.

— ძალიან გამხდარხარ, ძამიკო! — უთხრა ტიხონ ილიჩმა. პაპიროსი მოქაჩა და წარბებს ქვემოდან გახედა კუზმას.

— გახდები, აბა რა მოგივა! — წყნარად უპასუხა კუზმამ. — გაზეთებს არ კითხულობ?

ტიხონ ილიჩმა ჩაიციხა.

— ჰორებს? არა, დამიფაროს ღმერთმა!

— რომ იცოდე, რამდენი დაუხჯიათ სიკვდილით!

— სიკვდილით დაუხჯიათ? ახია მაგათზე... შენ არ გაგიგია ელცის მახლობლად რა მოხდა? ძმების, ბიკოვების, ხუტორში?... ხომ გახსოვს, რა აყალმაყალი იყო?... ისხდნენ ეს ბიკოვები, როგორც ჩვენ ვზივართ, სალამო ხანს, და შაშს თამამობდნენ... უცებ, — რა არის? პარმალზე გაისმა ბაკუნი და ყვირილი: „გააღეთ!“ ჰოდა, ჩემო ძმაო, ამ ბიკოვებმა თვალის დახამხამებაც კი ვერ მოასწრეს, რომ შემოვარდა მათი მოჯამაგირე, მგელკაცას მაგვარი გლეხუჭა, და მას შემოჰყვა ორი თავზეხელაღებული კაცი, ნაციხარი, რა, მოკლედ რომ ვთქვა... სუყველას ძალაყინები ეჭირათ ხელში. მოუღერეს ძალაყინები და დაუყვირეს: „ხელები მალლა, თქვენი...“ ბიკოვებს ხომ შიშისაგან სული კინალამ გასძვრათ, წამოხტნენ და აყვირდნენ: „რა მოხდა?“ გლეხუჭა კი თავისას გაიძახის: ხელები მალლა და ხელები მალლაო!

და ტიხონ ილიჩს სახე მოეღუშა, გაეღიმა და ჩაფიქრდა.

— დამთავრე, რაღა, — უთხრა კუზმამ.

— დასამთავრებელი არაფერია... რა თქმა უნდა, ხელები აწიეს და ჰკითხეს: „რა გინდათ?“ — „ლორი მოგვეცი! გასაღები სადა გაქვს?“ — „ძაღლის შვილო! ნუთუ არ იცი? ემანდ წირთხლზე ჰკიდია, ლურსმანზე...“

— ხელებაწუელმა უთხრა ევა? — სიტყვა გააწყვეტინა კუზმამ.

— ხელებაწუელმა, მაშ... მაგათ აჩვენებენ ეხლა, ხელების

აწვეინება როგორ უნდა! ცხადია, ჩამოახრჩობენ. ისინი უკვე ციხეში არიან, მშვიდობის მაძიებლები...

— ლორისათვის ჩამოახრჩობენ?

— არა, დოლისათვის, ღმერთო შეგცოდე, — ბრაზნარევი ხუმრობით მიუგო ტიხონ ილიჩმა, — გეყო, მე და ჩემმა ღმერთმა, ჯიუტობა, ბალაშკინად ნუ მოგაქვს თავი! დროა დაეხსნა...

კუზმამ ქალარა წვერზე მოისვა ხელი. მისი ტანჯული გამხდარი სახე, ნაღვლიანი თვალები, ირიბად აწეული მარცხენა წარბი სარკეში ჩანდნენ; კუზმამ შეხედა თავის თავს და წყნარად დაეთანხმა:

— ჯიუტობას? მართლაც რომ დროა... კარგა ხანია დროა...

და ტიხონ ილიჩმა საქმეზე გადაიტანა საუბარი. ეტყობა, წელან, ამბის მოყოლისას, მხოლოდ იმიტომ ჩაფიქრდა, რომ სიკვდილით დასჯაზე ბევრად უფრო მნიშვნელოვანი რაღაც გაახსენდა.

— აი მე უკვე ვუთხარი დენისკას, რომ რაც შეიძლება ჩქარა მორჩეს ამ ამბავს, — მტკიცედ, დაბეჯითებით და მკაცრად თქვა მან და ჩაიდანში ჩაი ჩაყარა. — გთხოვ, ჩემო ძამიკო, შენც ჩაერიო ამ ამბავში. მე, გესმის, მეუხერხულება. მერე კი აქ გადმოდი. ბატონკაცურად ვიცხოვრებთ! რახან ყველაფრის დანგრევა გადაწყვიტეთ, იქ ტყუილუბრალოდ ჯდომა აბა რას გარგებს, ორმაგი ხარჯია და მეტი არაფერი. გადმოდი, საქმეში ერთად ჩავებათ. ზურგიდან მძიმე ტვირთს გადავიგდებთ, ღვთის მადლით, ქალაქამდე როგორმე მივალწევთ და მარცვლეულის ჩაბარებას მივყოფთ ხელს. ამ ხევზე ვერ გაიხარებს კაცი. ფეხებიდან ჩამოვიბერტყოთ მისი მიწა და თუნდ ეშმაკნიც დაჰპატრონებიან ჩვენს შემდგომ. აქ ხომ არ დავიღუპებით! მხედველობაში იქონიე, რომ ჩემგან შორს ვერ წახვალ, — უთხრა მან, წარბები შეხარა, ხელები გაიწვდინა და დამუშტა. — ჩემთვის ღუმელზე წოლა ჯერ კიდევ ადრეა! ეშმაკს რქებს მოვატებს!

კუზმა უსმენდა და თითქმის შიშით უყურებდა მის გამტერებულ, შეშლილ თვალებს, მოღრეცილ ტუჩებს, რომლებითაც ველურის მსგავსად მარცვლავდა სიტყვებს, — უსმენდა და ღუმდა. შერე ჰკითხა:

— ძმაო, მითხარი, ღვთის გულისათვის, რას გამოელი ამ ქორწილიდან? არ მესმის, ღმერთია მოწამე, არ მესმის. შენი დენისკა ხომ თვალის დასანახავადაც კი მეჯავრება. ეს ახალი ტიპი, ახალი რუსეთი, ყველა დახარჩენს უკან ჩამორტოვებს. იმას ნუ უყურებ, რომ მორიდებული, სენტიმენტალურია და თავი სულელად მოაქვს, — იაეთი უტიფარი პირუტყვიია ჩემზე ჰყვება, თითქოს პატარძლთან ვცხოვრობდე...

— მეტისმეტი იცი ხოლმე, მეტისმეტი, — სიტყვა გააწყვეტინა სახემოღუშულმა ტიხონ ილიჩმა. — შენ თვითონ გაიძახი: უბედური ხალხი, უბედური ხალხიო! ახლა კი პირუტყვად გამოგყავს!

— დიახ, გავიძახი და კვლავაც ვიტყვი! — გაცხარებით მიუგო კუზმამ. — მაგრამ ჰკუაზე აღარ ვარ კაცი არაფერი აღარ მეძის: არ ვიცი, უბედურია თუ... ყური მიგდე: შეი იომ გძულს დენისკა! ორივეს გძულთ ერთნაენთი! ის შენზე სხვას არაფერს ამბობს, თუ არა იმას, რომ ყაჩაღია და ხალხს ქჩოზზე წამოაჯდაო. შენ კიდევ მას ლანძღავ, ყაჩაღს ეძახი! ის ახლა თავზედურად ტრახბობს, ჩემსე დიდი კაცი არავენააო...

— ვიცი, ვიცი! — კვლავ შეაწყვეტინა სიტყვა ტიხონ ილიჩმა.

— პატარძალზე კი იცი რას ამბობს? — განაგრძო კუზმამ, ისე რომ ყურიც არ უთხოვებია, — პატარძალს, გეძის. ნახი, თეთრი სახე აქვს, ხოლო ის პირუტყვი იცი რას ამბობს? აუღ შორენეცეცივით არ ქათქათებს ეს ოხერიო! ბოლოს და ბოლოს, შეისმინე: დენისკა სოფლად არ იცხოვრებს, იმ მაწანწალას, რომ დააბა, მაინც ვერ გააჩერებ სოფელში. აბა რა მეურნეა, რა მეოჯახე კაცია? გუშინ მოდიოდა გზაზე და უხამსი ხმით მღეროდა: „მშვენიერი ხარ, ვით ანდელოსი, და ვით დეჰანი ცბიერი, ავი...“

— ვიცი! — წამოიძახა ტიხონ ილიჩმა. — არ იცხოვრებს სოფლად. არაფრით არ იცხოვრებს! მაგრამ მეურნე არ არისო, რომ ამბობ, მე და შენ ხომ კარგი მეურნეები ვართ! მახს ოვს, ერთხელ საქმეზე გელაპარაკებოდი, სახამროში, — აბა მოიგონე? — შენ კი მწყარის ქვითქვითს უგდებდი ყურს... მერე, მერე?

— რა მერე? ან მწყერი რაზე ახსენე? — ჰკითხა კუზმამ.

ტიხონ ილიჩმა თითები მაგიდაზე დააკაჟუნა და მკაცრად, დამარცვლით უთხრა:

— მხედველობაში იქონიე: წყალი რომ დანაყო, მაინც წყალი იქნება. ჩემი სიტყვა სიტყვაა. რახან ვთქვი — გავაკეთებ. ჩემი ცოდვის მოსანანიებლად სანთელს კი არ დავანთებ, არამედ კეთილ საქმეს მოვიმოქმედებ. შეიძლება სულ მცირედი მოწყალება გავიღო, მაგრამ ღმერთი იმ მცირედსაც დამიმახსოვრებს.

კუზმა ზეზე წამოხტა.

— ღმერთი, ღმერთი! — გამყიფანი ხმით შესძახა მან. — სად არის ღმერთი! რა ღმერთი უნდა ჰყავდეს დენისკას, აკიმკას, მენშოვს, მგელკაცას, შენ, მე?

— მოიცა, — მკაცრად უთხრა ტიხონ ილიჩმა. — რომელ აკიმკაზე ამბობ?

— მე რომ ვიწექი და სულს ვლაფავდი, — განაგრძო კუზმამ, ისე რომ ყურბი არ უთხოვებია, — განა მასზე ბევრს ვფიქრობდი? მხოლოდ ერთსა ვფიქრობდი: მისი არაფერი ვიცი და არც ფიქრი შემიძლია! — შესძახა კუზმამ. — უსწავლელი ვარ!

ტიხონი ალსავეს თვალები მიმოავლო ოთახს. გაიარ-გამოიარა, ჰიჯაკის ღილი გაიხსნა, ისევ შეიკრა და ბოლოს ტიხონ ილიჩის პირდაპირ შედგა.

— გახსოვდეს, ძმავ. — უთხრა მან და ლაწვები შეეფაკლა. — გახსოვდეს: ჩვენ ჩვენი დრო უკვე მოვქამეთ და ვერავითარი სანთლები ველარ გვიხსნიან. გესმის?

აღელვებულმა, სიტყვები ველარ გამოძებნა და გაჩუმდა. მაგრამ ტიხონ ილიჩს ახლა სხვა აზრი უტრიალებდა თავში და უცებ დაეთანხმა:

— მართალია. არაფერში არ უქნია ღმერთს დურნოვკის ხალხი! აბა იფიქრე...

და, ახალი ფიქრით გატაცებული, გამოცოცხლდა:

— აბა იფიქრე: მთელი ათასი წელია ხნავენ; რომელი ათასი! მეტირა! მაგრამ რიგიანი ხვნა არც ერთმა არ იცის! ერთადერთ საქმეს ადგანან და ისიც არ იციან, როგორ გააკეთონ! არ იციან, როდის გავიდნენ მინდვრად სამუშაოდ! როდის და-

ბესონ, როდის მომკან! „რაც სხვაა, ჩვენც ისა ვართ“, — სულ ამას გაიძახიან, გაიგე? მკაცრად შეჰყვირა მან და წარბები შეხარა, — როგორც ოდესღაც კუზმა უყვიროდა. — „რაც სხვაა, ჩვენც ისა ვართ!“ პურის გამოცხობა არც ერთმა დედა-კაცმა არ იცის. პურს ზედა ქერქი მულამ სძვრება, ქერქვეშ კი მქავე წყალი რჩება!

კუზმა გაოგნდა.

— „ჰკუაზე შეცდა!“ — გაიფიქრა მან და უაზროდ გაადევნა თვალი ძმას, რომელიც ლამპას ანთებდა.

ტიხონ ილიჩმა კი გონს მოსვლა არ აცალა და განაგრძო:

— ხალხი! ავციები, ზარმაცები, მატყუარები, თანაც ისეთი ურცხვნი, რომ ორ კაცსაც ვერ ნახავ, ერთმანეთს ენდობოდეს! გესმის, — შეჰყვირა და არც კი დაუნახავს, რომ ანთებული პატრუქი ფირფილებდა და ბოლი თითქმის ჭერამდე აღწევდა, — ჩვენ კი არა, ერთმანეთსაც არ ენდობიან! ყველა ასეთია, ყველა! — დაიყვირა ტირილნარევი ხმით და ტკაცანით დაახურა შუშა ლამპას.

არემარეს სილურჯე შეეპარა. ტბორები და ნამქერები სპეტაკი ფიფქებით იფარებოდნენ. კუზმა ფანჯარაში იყურებოდა და დუმდა. საუბარი ისე მოულოდნელად შეიცვალა, რომ კუზმას სიფიცხემაც კი გაუარა. არ იცოდა, რა ეთქვა, ვერ ბედავდა ძმისთვის შმაგ თვალებში შეეხედა, და მან თამბაქოს გახვევა დაიწყო.

„ჰკუაზე შეცდა, — ფიქრობდა იმედდაკარგული. — ჯანდაბამდე გზა ჰქონია, არ დავეძებ!“

ტიხონ ილიჩმაც გააბოლა პაპიროსი და დამშვიდდა. დაჯდა, ლამპის ალს დაუწყო ყურება და აბუზლუნდა:

— შენ კი დენისკაო — გაიძახი... გაიგე, მაწანწალა მკარ ივანოვიჩს რა უქნია? თავის ამფსონთან ერთად გზაში ვილაც დედაკაცი დაუჭერია, კლუჩის საყარაულო ჯიხურში შეუთრევიათ და ოთხ დღეს მიდიოდნენ თურმე... რიგრიგობით... ახლა კი ციხეში ზის...

— ტიხონ ილიჩ, — ალერსიანად უთხრა კუზმამ, — რაეზს რომაე? რად გინდა ეგეები? მგონი შეუძლოდა ხარ. ჯერ

ერთს ამბობ, მერე მეორე რამეზე გადახტები, ერთ წუთში ერთს ამტკიცებ, მეორე წუთში — მეორეს... ბევრს ხომ არა სვამ ხოლმე?

ტიხონ ილიჩი გაჩუმდა. მხოლოდ ხელი ჩაიქნია და სინათლისაკენ მიპყრობილ თვალებში ცრემლები აუკიაფდა.

— სვამ? — წყნარად გაუმეორა კუზმამ...

— ვსვამ, — წყნარადვე უპასუხა ტიხონ ილიჩმა. — დავლევ, მა რა იქნება! ხომ არ გგონია იოლი იყო ჩემთვის იმ დასაბმელ ქოფაკთან მთელი სიცოცხლის გატარება, თანაც ბებერთან? მე არავინ მებრალებოდა, ძამიკო... მაინცდამაინც არც მე ვებრალებოდი ვინმეს! შენ გგონია მე არ ვიცი როგორ ვეზიზღები ხალის? შენ გგონია მიწასთან არ გამასწორებდნენ, რომ როგორც საჭიროა, ისე ეგრძნოთ საბარკული, რომ მათ რევოლუციაში ბედი სწყალობდეთ? ცოტა ხანს მოიცა, ნახე რა მოხდეს! ჩვენ მათ სისხლი გავუშრეთ!

— ლორისათვის უნდა ჩამოახრჩონ?

— ჩამოახრჩონ კი არა! — განაწამები სახით მიუგო ტიხონ ილიჩმა. — ენაზე მომადგა და მეცა ვთქვი...

— კი მაგრამ, ხომ ჩამოახრჩობენ!

— ეგ უკვე ჩვენი საქმე არ არის. მათ ღეთის წინაშე უნდა აგონ პასუხი.

წარბები შეყარა, ჩაფიქრდა და თვალი დახუჭა.

— ახ! — მკმუნვარედ თქვა მან და ღრმად ამოიოხრა. — ახ, ჩემო საყვარელო ძმაო! ჩვენ მალე, სულ მალე წარვდგებით ღეთის სამსჯავროს წინაშე! საღამოობით ვკითხულობ კურთხევანს, ცრემლსა ვღერი და ვქვითინებ. მიკვირს და გამკვირვებია: ვის შეეძლო მოეგონებინა ასეთი ტკბილი სიტყვები! მოიცა, მოიცა...

და ის სწრაფად წამოდგა, სარკის უკანა მხრიდან სქელი, მაგარ ყდაში ჩასმული სასულიერო წიგნი გადმოიღო, ხელის კანკალით გაიკეთა სათვალე და ცრემლნარევი ხმით, თითქოს ეშინია არ შემაწყვეტინონო, დაიწყო კითხვა:

— ვპვოდებ და ვიგლოვ მე, რაჯამს გულის-ხმა-ვპყო სიკუდილი, და ვიხილო საფლავსა შინა მღებარე შუენიერე-

ბაჟ ჩუენი, ხატად ღუთისა დაბადებული, შეურაცხად, უპატაოდ და უსახუროდ...

— ქეშმარიტად ამო არს ყოველივე წარმავალი, დაცხოვრება ესე უმედგრეს აჩრდილისა და სიზმარისა, რამეთუ ცუდად კშფოთებს ყოველი მიწით-შობილი, ვითარცა ჰსთქუა წიგნმან: რამეთუ ოდეს ყოველი სოფელი შევიძინოთ, მაშინ საფლავივე დავიმკვდროთ, სადა იგი ყოველნი ერთბაშად დავმკვდრებინან, მეფენი და მთავარნი, მდიდარნი და გლახაკნი...

— მდიდარნი და გლახაკნი! — სევდიანი აღტაცებით გაიმეორა ტიხონ ილიჩმა და თავი გააქნია. — ფუჰად ჩამიარა ცხოვრებამ, ძამიყო! ერთი მუნჯი მზარეული მყავდა, გესმის, იმ სულელს ერთი უცხოური თავშალი ვაჩუქე, მას კი სულ უკუღმა ეხურა თავზე და ისე გაცვითა... გესმის? უქკუობისა და სიხარბის გამო. სამუშაო დღეებში წალმა სატარებლად მენანებაო, — დღესასწაულს დავუცდიო, — ხოლო დღესასწაული რომ დადგა, თავშლისაგან ნაფლეთებოდა შერჩა... მეც ასე შემერჩა ცხოვრება ხელში. ქეშმარიტად ასე!

დურნოვკისაკენ მიმავალი ქუზმა მარტოოდენ ერთ რამეს გრძნობდა — ყრუ გულისტიკვილს. ამ გულისტიკვილში, ანაღველში გაატარა მან უკანასკნელი დღეები დურნოვკაში.

ამ დღეებში შოდოდა და მოდიოდა თოვლი. მგელკაცას სახლშიც სწორედ თოვლსლა ელოდნენ, რათა ქორწილისათვის გზა გამოკეთებულიყო.

თორმეტ თებერვალს, საღამო ხანს, ცივი შემოსასვლელა ბინდბუნდში ხმადებლა საუბრობდნენ. ღუმელთან იდგა პატარძალი; შავკოპლებიანი ყვითელი თავშალი ეხურა და ქალამნებზე იცქირებოდა. კარებთან მოკლეფეხება დენისკა იდგა, უქუდოდ, მძიმე, მხრებჩამოვარდნილი ტყაპუჭით. მასაც თავი ჩაეჭინდრა და ხელში ნალებიან, მაღალყელიან ფეხსაცმელს ატრიალებდა. ფეხსაცმელი პატარძლისა იყო, დენისკას შეეკეთებინა და გასამრჯელოდ შაურს მოითხოვდა.

— მე არა მაქვს, — ეუბნებოდა პატარძალი. — კუზმა ილიჩს კი ალბათ სძინავს. ხვალამდე მოიცადე.

— მე მოცდა არ შემიძლია, — წაიდუღუნა ფიქრში წასულმა დენისკამ; თან ფრჩხილით ნალს კირტნიდა.

— მაშ რა ვქნა?

დენისკა დაფიქრდა, ამოიოხრა, სქელთმიანი თავი გააკანტურა და მალა ასწია.

— ტყუილუბრალოდ რას ვლაქლაქობთ, — გამბედაობა მოიკრიბა და ხმამალლა, მტკიცედ თქვა მან, ისე რომ პატარძლისათვის არ შეუხედავს. — გელაპარაკა ტიხონ ილიჩი?

— მელაპარაკა, — უპასუხა პატარძალმა. — თავიც კი მომაბეზრა.

— მაშ წავალ და მამაჩემს მოვიყვან. სულ ერთია, კუზმა ილიჩი მაინც უნდა ადგეს ჩაის დასალევად...

პატარძალი დაფიქრდა.

— შენი ნებაა...

დენისკამ ფეხსაცმელი რაფაზე დადო და ფული აღარ ეხსენებია, ისე წავიდა. ხოლო ნახევარი საათის შემდეგ კართან თოვლიანი ქალამნების ბერტყვის ხმა გაისმა: დენისკა დაბრუნდა და მამამისი მოიყვანა. მგელკაცას ხიფთანზე რატომღაც წითელი ქამარი ერტყა. კუზმამ გამოაკითხა მათ. დენისკა და მგელკაცა დიდხანს იწერდნენ პირჯვარს ბნელ კუთხეში, მერე თავები გააქნიეს და მალა ასწიეს.

— მძახალი ხარ თუ რაცა ხარ, კეთილი კაცი კი ხარ! — ღინჯად, თამამად და საქმიანად დაიწყო მგელკაცამ. — შენ შეილად მიჩნეული ქალი უნდა გაათხოვო, მე კი ვაჟი უნდა დავაქორწინო. ჩვენც რომ კეთილად შევთანხმდეთ და ესენიც ბედნიერნი იყვნენ, მოდი ერთმანეთში მოვილაპარაკოთ.

და თავაზიანად, მდაბლად დაუკრა თავი.

კუზმამ უსიამო ღიმილი შეიკავა და ბრძანა პატარძლისათვის დაეძახნათ.

— გაიქეცი, მოძებნე, — თითქოს ეკლესიაშიაო, ჩურჩულით უბრძანა მგელკაცამ დენისკას.

— მე აქა ვარ, — თქვა კარსუჯან მდგარმა პატარძალმა, ღუმელს მოშორდა და მგელკაცას მიესალმა.

ჩამოვარდა დუმილი. იატაკზე მდგარი მოთუხთუხე სამოვრის ცხაური სიბნელეში წითლად ღვიოდა. სახეები არ ჩანდა.

— აბა, შვილო, რას აპირებ, გადაწყვიტე, — ღიმილით უთხრა კუზმამ.

პატარძალი დაფიქრდა.

— ბიჭზე აუვი არ მეთქვის...

— შენ რას იტყვი, დენის?

ერთხანს დენისკაც დუმდა.

— რა უნდა ვთქვა, როდისმე ხომ უნდა ვითხოვო ქალი... ღმერთია მოწყალე, რა ვიცი.

და მძახლებმა მიულოცეს ერთმანეთს საქმის დაწყება. სამოვარი სამოახლოში გაიტანეს. უაზნო ქალმა, რომელსაც ყველაზე ადრე შეეტყო ახალი ამბავი და კონცხიდან აქეთ გამოქცეულიყო, სამოახლოში ლამპა აანთო, ყულაბა არაყისა და მზესუმშირას მოსატანად გაგზავნა, საცოლო და საქმრო ხატის წინ დასვა, ჩაი დაუსხა, თვითონ მგელკაცას მოუჯდა და, რათა უხერხულობა დაერღვია, გამყივანი ხმით წამოიწყო სიმღერა; თან დენისკას მიწისფერ პირისახესა და გრძელ წამწამებს გადახედავდა ხოლმე:

მახსოვს, ერთხელ ჩვენს ზღში,

ზურმუხტისფერ ვენახში,

სეირნობდა ვაჟკაცი —

კობტა, თვალის წარმტაცი...

მეორე დღეს სუყველა, ვისაც მგელკაცა ამ ქეიფის ამბავს უყვებოდა, სიცილით ურჩევდა: „რადაცით მაინც უნდა შეუწყო ხელი ახალგაზრდებს!“ ყულაბამაც ასე უთხრა: ჯგელები ახალ ცხოვრებას დაადგნენ და შენც საქმეში უნდა შეეშველო. მგელკაცა ხმაამოუღებლივ წავიდა სახლში და პატარძალს, რომელიც წინათახში აუთოებდა, ორი თუჯია და ერთი გორგალი შავი ძაფი მოუტანა.

— აბა, ჩემო რძალო, — დარცხვენით უთხრა მან, — დედამთილმა გამოგიგზავნა. ეგებ რამეში გამოგადგეს... რა ვქნა, არაფერი არ გვაბადია, მქონდეს რამე, ტყავში გაეძვრებოდი და მოგცემდი...

პატარძალმა თავი დაუკრა და მადლობა შესწირა. ინ

აუთოებდა ფარდას, რომელიც ტიხონ ილიჩმა „ლეჩაქის სანაცვლოდ“ გამოუგზავნა; თვალები დანაშვოდა და დასწითლებოდა. მგელკაცას უნდოდა ენუგეშებინა, ეთქვა, არც მე ვარ „დალხინებულიო“, მაგრამ ენა აღარ მოუტრიალდა, ამოიოხრა, თუჯიები რაფაზე დადო და გავიდა.

— ძაფი თუჯიაში ჩავედე, — წაიდუღუნა მან.

— გმადლობთ, ბატონო, — კიდევ ერთხელ უთხრა პატარძალმა ისე ალერსიანად და გულთბილად, როგორც მხოლოდ ივანუშკას ელაპარაკებოდა, მაგრამ მგელკაცა გავიდა თუ არა, სახეზე დამცინავი ღიმილი აუთამაშდა და წაიმღერა: „მახსოვს ერთხელ ჩვენს ბაღში“...

კუზმამ ზალის კარებიდან თავი გამოყო და პენსნეს ქვემოდან გახედა. ქალი გაჩუმდა.

— ყური მიგდე, — უთხრა კუზმამ. — ხომ არ დავანებოთ თავი ამ ამბავს?

— ანლა გვიანია, — ხმადაბლა მიუგო მან. — სირცხვილს მაინც ვერ წაუვალთ... განა ყველამ არ იცის, ვისი ფულით უნდა ვიქეიფოთ? ხარჯიც თითქმის უკვე გაწეულია...

კუზმამ მხრები აიჩეჩა. მართლაც, ტიხონ ილიჩმა ფარდასთან ერთად ოცდახუთი მანეთი, ერთი ტომარა საუკეთესო თეთრი ფქვილი, ბურღული და ერთი მქლე ღორი გამოგზავნა... მაგრამ ამ დაკლულ ღორს ხომ არ უნდა გადაჰყვენ თან!

— ოხ, — თქვა კუზმამ. — დამტანჯეთ და ეგ არი „სირცხვილი, ხარჯი“... განა ღორი უფრო ძვირია შენზე?

— ძვირია თუ იაფი, — მკვდარს სასაფლაოდან აღარ აბრუნებენ, — უბრალოდ და მტკიცედ უპასუხა პატარძალმა, ამოიოხრა და გაუთოებელი, თბილი ფარდა ფაქიზად დაკეცა. — ხომ არ ისადილებთ?

პატარძალს სახე დაუმშვიდდა. „რაც არი, არი, — ამასთან მაინც ვერაფერს გახდება კაცი!“ — გაიფიქრა კუზმამ და უთხრა:

— როგორც გინდა, როგორც გინდა...

ნასადილევს პაპიროსს აბოლებდა და ფანჯარაში იყურებოდა. ღამდებოდა. კუზმამ იცოდა, რომ სამოახლოში უკვე გამოეცხოთ ჭვავის კვერი. მოსახარმად ამზადებდნენ ორ ჭვავ

საქონლის თავ-ფეხს, ერთ ქვაბ ვერმიშელს, ერთ ქვაბ წვნიან შექამანდს, ერთ ქვაბ ფაფას — სუყველას ხორციით. და მგელკაცა ბედელსა და ფარდულს შუა აღძართულ თოვლის ბორცვზე ფუსფუსებდა. ბორცვზე მოლურჯო ბინდბუნდში, მარჯუნისფრად აალებულიყო ჩალა, რომელიც დაკლულ ღორზე დაეყარათ. აღს ირგვლივ შემოსხდომოდნენ და საკბილოს ელოდებოდნენ ნაგაზები, რომლებსაც თეთრი ღრუნჩები და მოვარდისფრო აბრეშუმის მსგავსი გულები ჰქონდათ. მგელკაცა თოვლში ეფლობოდა, დარბოდა, ცეცხლს ასწორებდა, ნაგაზებს ჯოხს უღერებდა. ზუბუნის კალთები გაეშალა, აეწია და ქამარში ჩაეტანიებინა, ხოლო მარჯვენა ხელით, რომელშიც პრილა დანა ეჭირა, წამდაუწუმ მოიგდებდა ხოლმე ქუდს კეფაზე. მგელკაცას აქეთ-იქიდან სწრაფად ეცემოდა კაშკაშა ალი, და ის თოვლზე დიდ მოცეკვავე ჩრდილს ტოვებდა, — ჩრდილს წარმართისას. შემდეგ ბელის გვერდით, სოფლის ბილიკზე, უაზნო ქალმა გაირბინა და თოვლის ბორცვს მიეფარა, — მომღერალი ქალებისთვის უნდა დაეძახა და თან შინაბერასათვის ეთხოვა ნაძვის ხე, რომელიც სარდაფში იყო შენახული და საქორწილო ნაღამზე გამართავდნენ ხოლმე. ხოლო როცა კუზმამ თმა დაივარცხნა, ნიდაყვებდაგლეჯილი პიჯაკის ნაცვლად მაჰაპაპური გრძელკალთიანი სერთუკი ჩაიცვა, გამოეწყო და ფანტელებით გადათეთრებულ პარმალზე გამოვიდა, სამოახლოში, ოდნავ განათებულ ფანჯრებთან, შავად შოჩანდნენ ოთახში შექუჩული ქალიშვილები, ჭაბუკები და ბიჭუნები, იყო ერთი ყაყანი, მითქმა-მოთქმა, უკრავდნენ ერთბაშად სამ გარმონზე და თანაც სხვადასხვა რამეებს. წელში მოხრილი კუზმა თითების ფშენებითა და ტკაცატკუცით ბრბომდე მივიდა, ძლივძლივობით გაძვრა ხალხში, თავი დახარა და ჩაბნელებულ დერეფანში შეაბიჯა. დერეფანშიც ვერ ეტეოდა ხალხი. ბიჭუნები ფეხებში ებლანდებოდნენ დიდებს, მათ ქეჩოში ჩაავლებდნენ ხოლმე ხელს და გარეთ აგდებდნენ, მაგრამ შემდეგ მაინც მოძვრებოდნენ...

— გამატარეთ, თუ ღმერთი გწამთ! — თქვა კარებთან პომწყვდეულმა კუზმამ.

კიდევ უფრო შეავიწროვეს — და ვილაცამ ღონივრად გამოსწია კარი. ორთქლში გახვეულმა, ზღურბლს გადააბიჯა და წირთხლთან გაჩერდა. აქ უფრო სუფთა ხალხს მოეყარა თავი: ფერადთავშლიან ქალიშვილებს, ახალთახალ ტანისამოსში გამოწყობილ ქაბუკებს. ირგვლივ ფართლეთლის, ქურქების, ნავთის, წიკოსა და წიწვის სუნი ტრიალებდა. მაგიდაზე ედგა ყუმაშის ნაკრებით მორთული პატარა მწვანე ხე, რომელსაც ტოტები თუნუქის მბეჭუტავი ლამპისკენ ჰქონდა დახრილი. მაგიდის გარშემო, სველ, ყინულჩამომდნარ ფანჯრებს ქვეშ, ჩაშავებულ, ნესტიან კედლებთან ისხდნენ მორთულ-მოკაზმული მომღერალი ქალები, რომელთაც პირისახე ფერუმარით მოეთხუპნათ, თვალები უბრწყინავდათ, თავზე აბრეშუმისა და შალის თავშლები ეხურათ და თმაში, საფეთქლებთან, იხვის კუდის ფერადი ნაკრტენები გაერკოთ. სწორედ მაშინ, როცა კუზმა შემოვიდა, შინაბერამ, კოკლმა ქალიშვილმა, რომელსაც შავგვრემანი, ბოროტი და ჭკვიანი პირისახე, შავი გამკოლავი თვალები და გაყრილი წარბები ჰქონდა, უხეში, ძლიერი ხმით წამოიწყო ძველებური საქორწილო სიმღერა:

ერთ მშენაერსა საღამოს,
 შეღამებისა ხანსაო,
 ქორწილი გადაუხდია
 ჩვენს აელოთია ქალსაო...

ქალიშვილებმა ერთბაშად, ხმაზეუწყობლად გაიმეორეს მისი უკანასკნელი სიტყვები — და ყველანი პატარძლისაკენ მიბრუნდნენ. ქალი, წესისამებრ, ღუმელთან იჯდა — მოურთველი, თავზე თალხი თავშალი ეხურა, და ამ სიმღერისათვის გოდებით უნდა ეპასუხა: „ჩემო მშობელო მამილო, ჩემო მშობელო დედაო, გათხოვილს ბედი დამჩაგრავეს, თვალიცა დამიდგებაო“. მაგრამ პატარძალი ღუმდა; ქალიშვილებმა სიმღერა დაამთავრეს და უკმაყოფილოდ გადახედეს. მერე ერთმანეთს გადაუჩურჩულეს, წარბი შეკრეს და ნელა, გაბმით წამოიწყეს „ობლის სიმღერა“:

გახურდი, ჩემო აბანო,
 ზარო, უმატე ხმასაო!

და კუზმას მაგრად მოკუმული ტუჩები აუთრთოლდა, თავსა და წვივებში ჟრუანტელმა დაუარა, ყვრიმალეებში რაღაც სასიამოვნო ტეხა იგრძნო, თვალეები ცრემლით ავესო და დაეზინდა. პატარძალი შალში გაეხვია, აქვითინდა, აცახცახნდა.

— კმარა, გოგოებო! — გადასძახა ვილაცამ.

მაგრამ ქალიშვილებს არ ესმოდათ:

დარეკე, ზარო, დარეკე,

მაპილო გამიღვიძეო...

მკენესარე პატარძალმა თავი ხელებში ჩარგო და მუხლებამდე ჩაქინდრა; ცრემლი ახრჩობდა... ბოლოს, აკანკალებული, ბარბაცით გაიყვანეს ქოხის ცივ ნაწილში, რათა საქორწილო ტანსაცმელში გამოეწყოთ.

მერე კი პატარძალი კუზმამ დალოცა. სიძე იაკობის შვილ ვასკასთან ერთად მოვიდა. სიძემ მისი ჩექმები ჩაიცვა; სიძეს თმა შეეკრიჭა, მაქმანიან საყელოშემოვლებული, გაპარსული კისერი ასწითლებოდა. პირი საპნით დაეხანა და გაახალგაზრდავებულებოდა, საკმაოდ კარგადაც გამოიყურებოდა. მან იცოდა ეს და დარბაისლურად, დინჯად ხრიდა შავ წამწამებს. ვასკამ, მეჯვარემ, რომელსაც წითელი პერანგი და გაღელილი რომანოვული ქურთუკი ეცვა, შემოსვლისას დამკვრელებს შეუბღვირა:

— გეყოთ ამდენი ჰყვიტინი! — უკმეხად უთხრა მან და შემდეგ დაუმატა, რაც წესისამებრ უნდა ეთქვა: — მორჩით, მორჩით.

მომღერლებმა ერთხმად უპასუხეს:

— ქოხის შენება სამებით არი, ოთხ კუთხეს აწევს სახლი და კარი. ყოველ კუთხეში მანეთი დადე, შუა ოთახშიც — მანეთიანი, გვერდზე მოუდგი ჩარექიანი.

ვასკამ ჯიბიდან ნახევარშტოფიანი ამოიღო და მაგიდაზე დადგა. ქალიშვილებმა აიღეს და წამოიშალნენ. ახლა ოთახი კიდევ უფრო გაიქედა ხალხით. კვლავ გაიღო კარი, ისევ შემოიჭრა ორთქლი და სიცივე — ხალხი მისწი-მოსწია და შემოაბიჯა უაზნო ქალმა, რომელსაც ხელში თითბრის პატარა ხატი ეჭირა; მას შემოპყვა ცისფერ კაბაში გამოწყობილი

პატარძალი. ყველანი განცვიფრდნენ — ისეთი ფერმკრთალი, მშვიდი და ლაჩაზი იყო იგი. ვასკამ შუბლში სილა გააწნა მხრებგანიერ, დიდთავა ბიჭუნას, რომელსაც ტაქსაძალივით მრუდე ფეხები ჰქონდა, და შუა ქოხში ჩალაზე ვილაცის ძველი ქურთუკი გაშალა. მასზე დადგნენ ნეფედედოფალი. თავჩაქინდრულმა კუზმამ უაზნო ქალს ხატი გამოართვა — და ისეთი სიჩუქე ჩამოვიარდა, რომ ცნობისმოყვარე დიდთავა ბიჭის ქსინვაც კი ისმოდა. ნეფედედოფალი ერთბაშად დაეცნენ მუხლებზე კუზმას ფერხთა წინაშე. წამოდგნენ და ისევ დაეცნენ. კუზმამ დედოფალს შეხედა. მათი თვალები წამით შესვდნენ ერთმანეთს და შიშით აღივსნენ. კუზმა გაფითრდა და შიშით გაიფიქრა: „ახლა ხატს იატაკზე დავანარცხებ...“ მაგრამ მისმა ხელებმა, რომლებშიც ხატი ეჭირა, პაერში უნებურად გამოსახეს ჯვარი; პატარძალი ხატს ემთხვია და მერე ტუჩებით დაეკონა მის ხელს. კუზმამ ხატი ვილაცას შეაჩეჩა, პატარძლის თავი მამობრივი გულისტკივილითა და სინაზით ჩაიკრა, ახალ სურნელოვან თავშალზე აკოცა და ატირდა. მერე თვალები ცრემლით დაებურა, შებრუნდა, ხალხი მისწი-მოსწია და დერეფანში შეაბიჯა. თოვლიანი ქარი მოხვდა პირისახეში. თოვლით დაფარული ზღრუბლი სიბნელეში თეთრად მოჩანდა, სახურავი ხმაურობდა, ხოლო ზღურბლის გადაღმა მძვინვარებდა პირქუში ქარბუქი, და მიწაქვეშა ფანჯრებიდან გამონაკრთომი შუქი კვამლის სვეტებით ისახებოდა...

ქარბუქი დილითაც არ ჩამდგარა. ნაცრისფერ კორიანტელში შთანთქმულიყო დურნოვკა და კონცხის წისქვილი. ხან ინათებდა, ხან კი ისევ მწუხრი წვებოდა. ბალი გადათეთრებულიყო. მისი ბუბუნი ბანს აძლევდა ქარის ბუბუნს, რომელშიც თითქოს შორეული ზარების რეკვა ისმოდა. ნამქერთა წვეტიან ქუდებს ნისლი ჰბურავდა. პარმალიდან, სადაც თოვლში ამოგანგლული ნაგაზები თვლემდნენ და ქარბუქის სუსხში სამოახლოს საკვამლე მილიდან მოდენილ თბილსა და საამოსუნს იყნოსავდნენ, კუზმა ძლივძლივობით არჩევდა გლეხების, ცხენებისა და მარხილების ნისლით მოცულ ლანდებს, ზანზალაკების წკარუნს. ნეფის მარხილში ორი ცხენი შეაბეს, დე-

დოფლისაში კი — ერთი. მარხილზე გადააფარეს ყაზანური ქეჩა, რომელსაც გარშემო შავი ნაყში ჰქონდა შემოვლებული. მარხილში ჩამსხდომ მამაკაცებს ფერადი ქამრები ერტყათ. ქალებს დაბამბული ქურქები ჩაეცვათ, თავშლები მოეხურათ. ფრთხილი, მოკლე-მოკლე ნაბიჯებით მიდიოდნენ მარხილისაკენ და პრანკვით ამბობდნენ: „უი, ქა, როგორა ბნელა!..“ დედოფალს ქურქიცა და ცისფერი კაბაც აუეცეს და თავზე წამოახურეს, — მხოლოდ თეთრი კაბით დასვეს მარხილზე, რომ ტანსაცმელი არ დასჭრუნოდა. ქალაღის ყვავიღების გვარგვინით შემკული თავი თავშლებით ჰქონდა შეფუთნილი. ცრემლის ღვრას იმღენად დაესუსტებინა, რომ, თითქოს სიზმარშიაო, ისე ხედავდა ქარბუქში მოსიარულე ლანდებს, ესმოდა ქარბუქის ხმაური, ლაპარაკი, ზანზალაკების წკარუნი. ცხენები ყურებს კუსავდნენ და დრუნჩებს თოვლიან ქარს არიდებდნენ. ქარი ლაპარაკსა და შეძახიღებს შორს ფანტავდა, მარხილში მსხდომთ თვალს უვსებდა, წვეერ-ულვაშსა და ქუღებს უთეთრებდა, და ისინი დიდი გაჭირვებით ცნობდნენ ერთმანეთს ნისლსა და ბინღში.

— უჰ! შენი რჯული კი გაწყდეს! — წაიბურღღუნა ვასკამ, საღავეები აიღო და ნეფეს მიუჯდა.

მან უხეშად და გულგრიღად შესძახა ქარში:

— ბატონო ბოიარებო, გზა დაუღოცეთ ნეფე-დეღოფალს! ვიღაცა შეეხმინა:

— ღმერთმა მშვიღობით ატაროს...

აწყარუნდნენ ზანზალაკები; აჭრიღდნენ მარხიღის კავები, ნამქერები გაარღვიეს, კორიანტელი დააყენეს და თოვღის ნაფრქვევები, ცხენების ფაფარი და კუღები გვერღზე გასტყორცნეს...

ამ დროს კი სოფელში, ეკღესიღის საღარაჯო ჯიხურში, მღვღღის მომღოღინე ხალხი ხელ-ფეხს ითბობდა და მხუთრით იწამღებოდა. ეკღესიაშიც მხუთრის სუნი იღგა, — ქარბუქის, დაბალი თაღებისა და აჭედიღი სარკმეღების გამო აქაც სუღისშემხუთეღი ჰაერი, სიცივე და ბინდი იყო. ანთებული სანთღები ეჭირათ მხოლოდ ნეფე-დეღოფალს და ბეჭებგანიერ, სათვღლიან, შავ-შავ მღვღელს, რომელიც სანთელნა-

ღვენთ წიგნს ჩასჩერებოდა და სხაპასხუპით კითხულობდა იატაკზე ტბორები იდგა — ჩექმებიან და ქალამნებიან ხალხს ბევრი თოკლი შემოეტანა, — კარები წამდაუწუმ იღებოდა და ზურგში ქარი სცემდათ. მღვდელი მკაცრად გახედავდა ხოლმე ხან კარებს და ხან ნეფე-დედოფალს, რომლებიც დაძაბულნი იდგნენ და მზად იყვნენ ყოველივე მისი ნათქვამი აღესრულებინათ, მათს მორჩილ, თვინიერ პირისახეებს, ქვემოდან სანთლის ოქროსფერი სხივები რომ ანათებდათ. ჩვეულებისამებრ, მღვდელი თითქოს გრძნობამორევით გამოთქვამდა ზოგიერთ სიტყვას, გულშიჩამწვდომი ვედრებით გამოჰყოფდა მათ, მაგრამ, სრულიადაც არ ფიქრობდა არც ამ სიტყვებზე და არც იმათზე, ვის მიმართაც იყო ეს სიტყვები თქმული.

— უფალო უხრწნელო და ყოვლისა დაბადებულისა შემოქმედო, — სხაპასხუპით ამბობდა იგი და ხან აუწევდა ხმას, ხან კი დაუდაბლებდა. — რომელმან მხურვალედ მოყუარული შენი აბრაამი აყურთხე, და განაზუნენ საშო სარრასი... რომელმან ისააკს მიანიჭე რებეკა... რომელმან იაკობის და რაქაელის შეერთებასა მოჰხედე... და მომადლე მონათა ამათ შენთა...

— სახელი? — მკაცრი ჩურჩულით, სახის გამომეტყველების შეუცვლელად, მიმართა მან მედავითნეს. და როცა პასუხად შეესმა: „ღენისი, ავდოტია...“ — კვლავ გრძნობამორევით განაგრძო:

— მოჰმადლე მონათა ამათ შენთა ღენისს და ევდოკიას მშვდობითი ცხოვრება, დღეთა სიგრძე, სიბრძნე... და ღირსჰყვენ ესენი ხილუად შეილთა და შეილის-შეილთა... და მოეც ამათ ზეგარდმო ცვარი ცისაგან... განამრავლენ სახლნი ამათნი ჰურისაგან, ღვინისა და ზეთისა... აღამაღლენ ესენი, ვითარცა ნაძენი ლიბანისანი... —

მაგრამ ირგვლივ მყოფთ კიდევც რომ ეგდოთ ყური და მიმხვდარიყვნენ მის ნათქვამს, სულერთია, მგელკაცას სახელი უფრო ეხსომებოდათ, ვინემ აბრაამი და ისააკი, ღენისკაზე უფრო იფიქრებდნენ, ვინემ ლიბანის ნაძვზე. ხოლო თვით ღენისკას, მოკლუფეხებას, ნათხოვარ ჩექმებსა და ნათხოვარ

ტყაპუქში გამოწყობილს, ეჩოთირებოდა გარინდულ თავზე წამოდგმული ნეფის გვირგვინი — სპილენძის უზარმაზარი გვირგვინი, რომელსაც წვეროზე ჯვარი ეკეთა და ყურებამდე ჩამოფხატოდა. პატარძალსაც, რომელიც გვირგვინში უფრო მეტად ლამაზი და გაფითრებული ჩანდა, ხელი უთრთოდა, და ცისფერი კაბის ფურჩალაზე სანთელი ეღვენებოდა...

მწუხრში ქარბუქი კიდევ უფრო შემზარავი იყო. შინისკენ მიმავალნი, რაც ძალი და ღონე ჰქონდათ, მიაქროლებდნენ ცხენებს. წინა მარხილზე მდგარი წითურ ვანკას ცოლი, რომელსაც ცხვირ-პირში კორიანტელი სცემდა და ხმას უხშობდა, ჯადოქარივით ცეკვავდა, ცხვირსახოცს იქნევდა და მგლური ყმუილით მოსძახოდა:

თეთრი მტრედი მოფრანავდა —
ოქროს ნისკარტიანი!

მოსკოვი,
1909-1910

ლიკა

I

გაზაფხულის ის დღეები ჩემი პირველი ხეტიალისა, ჩემი კაბუჭური კრძალულების უკანასკნელი დღეები იყო.

პირველ დღეს ორიოლში ჯერ კიდევ ისეთივემ გავიღვიძე, როგორც ვიყავ გზაში, — მარტოსულმა, თავისუფალმა: მშვიდმა, სასტუმროსა და ქალაქს უჩვევმა, — და ქალაქისათვის უჩვეულო ჟამს — ალიონისას; მეორე დღეს კი უფრო გვიან — როგორც ყველამ. ვიცვამდი გულმოდგინედ, ჩაყუჩებდი სარკეს... გუშინ რედაქციაში უკვე უხერხულობას მგვრიდა ბოშასავით გარუჯული, ქარისაგან აქერცლილი, გამხდარი სახე, მოუვლელი თმები. თავი წესრიგში უნდა მომეყვანა, მით უმეტეს რომ ჩემი საქმეები მოულოდნელად უკეთ წარიმართა: რედაქციაში არა მარტო თანამშრომლობა, ავანსიც შემომთავაზეს, რომელიც ავიღე კიდევ, — ყურებამდე გავწითლდი, მაგრამ მაინც ავიღე... და აი, გავემართე მთავარი ქუჩით, შვევდი თამბაქოს მალაზიაში, სადაც ერთი კოლოფი კარგი პაპიროსი ვიყიდე, შემდეგ საპარიკმახეროში, რომლიდანაც მოხდენილად შეკრეჭილი, სუნამოდაკუთრებული თმითა და ისეთი მამაკაცური სიხალისით გამოვედი, როგორითაც ყოველთვის გამოდიხარ ხოლმე საპარიკმახეროდან. დაუყოვნებ-

ლივ მინდოდა ისევ რედაქციაში წავსულიყავ, კვლავ განმეცა-
და იმ ახალ შთაბეჭდილებათა ზეიმურობა, რითაც გუშინ ასე
უხვად დამაჯილდოვა ბედმა. მაგრამ მაშინვე იქ წასვლა ყოვ-
ლად შეუძლებელი იყო: „ოჰო, ისევ მოვიდა? მერედა ისიც
დილით?!“ — მე ქალაქში გავიარე. ჯერ გუშინდელივით ქვე-
ვით ბოლოხოვსკაიას გავყევი, იქიდან სადგურისაკენ მიმავალ
გრძელ სავაჭრო ქუჩას — მოსკოვსკაიას დავადექი. მივაბიჯებ-
დი, ვიდრე მან რომელიღაც მტვრიანი, ტრიუმფალური ჰიმნ-
რის შემდეგ, უკაცრიელი და უბადრუკი სახე არ მიიღო. ამ
ქუჩიდან კიდევ უფრო უბადრუკ პუშკარნაია სლობოდაში შე-
ვუხვე, მერე კვლავ მოსკოვსკაიაზე დავბრუნდი. როცა მოს-
კოვსკაიადან ორლიკზე დავეშვი, გამვლელთა ფეხქვეშ მოძაგ-
ძაგე, მოქრიალე ხის ხიდი გადავიარე და დაწელებულეებთან
გავედი, ყველა ეკლესიაში დაკრეს ზარებმა და ბულვარის გას-
წვრივ, ამ ზართა გუგუნის საპირისპიროდ, ჩამოიარა ეტლში
მჯდომმა მღვდელმთავარმა, რომელსაც კინკლავით, მაგრამ
მწყობრადმავალი ორი ვეება ყორანა ცხენი მიაქროლებდა;
მღვდელმთავარი მოწყალედ აჩნევდა ხელს და ყველა შემ-
ხვედრს მარჯვნივ და მარცხნივ პირჯვარს სახავდა.

რედაქცია კვლავ ხალხით იყო სავსე, ირგვლივ საქმიანი
ფუსფუსი იდგა, თავის დიდ მაგიდასთან მხნედ მუშაობდა
პატარა ავილოვა, რომელმაც ერთი კი ალერსით გამილიმა და
თავი ისევ მაგიდაზე დახარა. საუზმე წინანდელივით ხანგრ-
ძლივი და მხიარული გამოდგა. ნასაუზმევს ვისმენდი როგორი
მგზნებარებით უკრავდა ლიკა როიალზე, მერე მასთან და
ობოლენსკაიასთან ერთად ბაღში საქანელაზე ვქანაობდი.
ჩაის შემდეგ ავილოვამ სახლი დამათვალეიერებინა: ყველგან
დამატარებდა; საწოლ ოთახში კედელზე პორტრეტი შევნიშ-
ნე, — ჩარჩოდან უკმაყოფილოდ იმზირებოდა ვიღაც ფარ-
თომხრებჩამოფხავებული, ხშირთმიანი, სათვალეებიანი მამა-
კაცი. „ჩემი განსვენებული ქმარი“, — გაკვრით თქვა ავილო-
ვამ და, ცოტა არ იყოს, შევეკრთი, ისე გამაოცა სიცოცხლით
სავსე, ეშხიანი ქალის და ამ კლექიანი ზამბაკის რღაც
ერთად დაკავშირების შეუსაბამობამ.

შემდეგ ავილოვა კვლავ სამუშაოს მიუჯდა. ლიკა გამოე-

წყო, „აბა, ჩემო პატარებო, უნდა გავფრინდე!“ — გვითხრა მისთვის დამახასიათებელი იმ მეტყველებით, რომლის ზოგი თავისებურება უკვე შევნიშნე და მის მაგიერ უხერხულობას ვგრძნობდი. ის სადღაც წავიდა, მე კი ობოლენსკაიას გავყევი საქმეებზე. ობოლენსკაიამ შემომთავაზა კარაჩევსკაიაზე წავყოლოდი. მითხრა, იქ თეთრეულის მკერავთან უნდა შევიაროო და მე სიამოვნება მომგვარა იმ სიახლოვემ, რაიც მან უეცრად ამ ინტიმური წინადადებით დაამყარა ჩვენს შორის. ქალაქშიც ამავე განწყობით მივყვებოდი გვერდით, ვუსმენდი მის დახვეწილ ხმას; მკერავთან განსაკუთრებული სიამოვნებისმომგვრელი მოთმინებით ვიდექი და ველოდებოდი, ვიდრე ის მოლაპარაკებას და ბჭობას დაასრულებდა. როცა ისევ კარაჩევსკაიაზე გამოვედით, უკვე საღამოვდებოდა. „გიყვართ ტურგენევი?“ — მკითხა მან. მე პასუხი შევაცოვნე, ამ კითხვას მულამ იმ ვარაუდით მაძლევდნენ, რომ ტურგენევი მეყვარებოდა, რადგან სოფლად დავიბადე და იქ გავიზარდე. „სულ ერთია, ეს მაინც დაგაინტერესებთ, — თქვა ობოლენსკაიამ, — აქ შორიახლო ერთი კარმიდამოა, რომელიც თითქოსდა „აზნაურთა ბუდეშია“ აღწერილი. გინდათ დაათვალიეროთ?“ — და ჩვენ წავედით სადღაც ქალაქის განაპირას, ბაღებში ჩაფლულ მივარდნილ ქუჩაზე, სადაც ორლიკის ზემოთ, ფლატეს თავზე, აპრილის ადრეული სიმწვანით შემოსილ ძველ ბაღში ნაცრისფრად ჩანდა დიდი ხნის მიტოვებული სახლი, რომლის ნახევრად ჩამონგრეულ საკვამურებში, უკვე ქვებს დაებუდებინათ: ჩვენ შეეჩერდით, სახლს დაბალი ლობიდან, ჯერ კიდევ შეუფოთლავი, დაისის მოწმენდილი ცით მოზარნიშებული ბალიდან გავხედეთ... ლიზა, ლავრეცი, ლემი... და მე გაგიჟებით მომინდა სიყვარული.

საღამოს ყველანი ქალაქის ბაღში, საზაფხულო თეატრში ვიყავით, — თითქმის ბნელოდა, მე ლიკას გვერდით ვიჯექი და მასთან ერთად ვტკბებოდი მთელი იმ დაუოკებელი სისულელით, რაც ორკესტრსა და სცენაზე — რაღაც ქვემოდან განათებულ მოედანზე ხდებოდა, სადაც მუსიკის საცეკვაო გრიალს აჟოლილი, ეშხიანი ქალაქელი ქალები და მეფის გვარდიელნი იატაკზე ფეხებს აბაკუნებდნენ და კალის ცარი-

ელ ყულაბებს აღლარუნებდნენ. წარმოდგენის შემდეგ იქვე, ბალში ვიჯახშმეთ. მე ქალებთან ერთად ფართო და ხალხმრავალ აივანზე ერთ ბოთლ ჩაცივებულ ღვინოს ვუჯექი. მათთან წამდაუწუმ მოდიოდნენ ნაცნობები, მეც მაცნობდნენ მოსულებს, რომელთაგან ყველა დიდი თავაზით მეპყრობრდა ერთის გარდა. მან ოდნავ დამიკრა თავი და ამის ზეტად არავითარი ყურადღება არ მოუქცევია. ეს გახლდათ ძალზე მაღალი, მჭრქალი შავგვრემანი სახის, შავთვალეიანი, უსიცოცხლო გამომეტყველების ოფიცერი, ქილვაშები ნახევრად მოეშვა, ეცვა კარგად შეკერილი მუხლებქვემოთ დაშვებული სერთუკი და ვიწრო შარვალი. მან შემდეგში თავისი სრული უყურადღებობით დიდი სულიერი ტანჯვა მომაყენა. ლიკა ბევრს ლაპარაკობდა და იცინოდა, აჩენდა თავის საუცხოო კბილებს, რადგან იცოდა, რომ ყველას ხიბლავდა. მე კი აღარ შემეძლო მშვილად მეტყვირა მათთვის, სისხლი გამეყინა, როცა ოფიცერმა წასგლისას. მისი ხელი თავის დიდ ხელში შეაყოვნა...

ჩემი გამგზავრების დღეს პირველად იქეჟა ცაზე. მანსოვს ეს ჰეჟა-ჰუნბილი, მსუბუჟი ეტლი, რომელიც ავილოვასთან ერთად სადგურზე მიმაქროლებდა, ეტლითა და ამ ქალის სიახლოვით მონიკებული სიამაყის განცდა, პირველი განშორების უცნაური გრძნობა ჩემს მიერვე გამოგონილ სიყვარულთან, რომლისაც უკვე სავსებით მჯეროდა, გრძნობა, რომელმაც სხვა ყოველივე ბინდში გახვია, — გრძნობა რაღაც ბედნიერი მონაპოვრისა, რაც ორიოლში თითქოსდა ჩემი წილხვედრი გახდა. სადგურის ბაჟანზე განცეიფრებაში მოვედი, როცა ვიხილე რა ტანსრული, რა ჩამსხვილებული იყო მთელი ის ნარჩევი, საზეიმოდ გამოწყობილი ხალხი, რომელიც აქ მატარებლის მოლოდინში გროვდებოდა. როგორი მდაბიური შესახედაობა ჰქონდათ სამღვდელო პირთ, — მიუხედავად თავიანთი ბრწყინვალე საეკლესიო მორთულობისა. — ხელში ჯვრებითა და საცეცხლურებით ყველაზე წინ რომ იდგნენ. იმ წამს, როცა სადგურზე დიდი მთავრის მატარებელი შემოგრიალდა და ყველას თვალი მოსჭრა იქიდან გამოვარდნილმა ღია წითელი გიგანტის მეწამულმა დოლომანმა, ყველაფერი როგორღაც აირ-დაირია, აიბნა — მეტი აღარაფერი მახსოვს,

გარდა პანაშვილის პირქუში, ზვიადი მსვლელობისა. შემდეგ გაპოხილი ფოლადის გოლიათურმა ორთქლმავალმა კუთხის ბაირაღებში ძლევამოსილად დაიბუხუნა და უკან სიგრძეზე ნელ-ნელა, ფოლადის თეთრზოლად დაიწია მისი დგუმის ნიდაყვმა, წინ გასურდა ოქროსფერი არწივებით მომზირალი ვაგონების ლურჯად მოლაპლაპე კედლები... მე ვუცქეროდი მათ ქვეშ სულ უფრო სწრაფად მოძრავ სხმულ ბორბლებს, მუხრუქებსა და რესორებს, — და ვხედავდი მხოლოდ ერთს: იმას, რომ ყოველივე ეს დაფარული იყო თეთრი, სქელი მტვრით, სამხრეთის, ყირიმის გრძელი გზის ჯადოქრული მტვრით. მატარებელი გრუხუნით ეფარებოდა თვალს და თავის დიდებულ-სამგლოვიარო რბოლას განაგრძობდა რუსეთის მკერდზე, სადაც იქით, მისი სათავისაკენ, მე კი მთელი არსებით ამ ზღაპრულ ყირიმს, ლეგენდარული პუშკინის მომხიბვლელ გურუზეთის დღეებს ვეკუთვნივდი.

ჩემი უბრალო, სამაზრო მატარებელი ძორეულ გვერდითა ბაქანზე მიცდიდა და გახარებული ვიყავი იმით, რომ მასში განმარტობა და მოსვენება მელოდა. მატარებლის გასვლამდე ავილოვას ფეხი არ მოუცვლია, მთელი ამ ხნის განმავლობაში მხიარულად ჭიკჭიკებდა, ამბობდა, ვიმედოვნებ კვლავ ორიოლში გიხილავთო, ღიმილით მაგრძნობინებდა, რა მშვენივრად ამჩნევდა იმ სასიერო მწუხარებას, რითაც ორიოლში დავსნეულდი. მესამე ზარზე მხურვალედ დავეკონე მის ხელს, თვით ბაგეებით შეეხო ჩემს ლოყას, მე ვაგონს შევახტი, მატარებელი შექანდა და დაიძრა, მე ფანჯარასთან ვიდექი და ვხედავდი, როგორ მშორდებოდა ბაქანზე მდგომი ავილოვა ხელის მსუბუქი ქნევით...

გზაში ამის შემდეგ ყველაფერი გულს მიჩქროლებდა: ეს პატარა მატარებელიც, ხანდახან რომ ძლივს მილოდავდა, ხან კი უეცრად დამთხვეულივით რყევას და რახრახს იწყებდა, უკაცური დიდი და მცირე სადგურები, სადაც კაცმა არ იცოდა, ჩვენი მატარებელი რისთვის იდგა დაუსრულებლად, და ყოველივე უკვე მშობლიური და ნაცნობი, რაც ხელახლა მერტყმოდა გარს: ფანჯრების ახლო, დამრეც ბორცვებად მიმავალი მინდვრები; ჯერ კიდევ შიშველი და ამიტომ განსაკუთ-

რებით ულაზათო, არყის შეუმოსავი წარაფები, ჩუმად რომ ელოდნენ გაზაფხულს, უფერული ჰორიზონტები... საღამოც ასევე უფერული და გაზაფხულის შესაფერად გრილი იყო თავისი მკრთალი, ჩამოხურული ცით.

II

ორიოლიდან ერთი ოცნება მიმყვებოდა: როგორმე განმეგრძო — და, რამდენადაც შესაძლებელი იქნებოდა, ჩქარა, — ის, რაც ორიოლში დაიწყო, მაგრამ ოაც უფრო ვმორდებოდი ორიოლს, ფანჯრიდან მინდვრებისა და აპრილის ხანგრძლივი მზისჩასვლის შემყურე სულ უფრო ხშირად ვეთიშებოდი ამაზე ფიქრს. აი, ვაგონში უკვე სრული ბინდია, ბინდია გარეთაც, ახლაბან თოვლგადაცლილი, გახუნებული ნეშოთი მოფარდაგებულ, ამ მუხის შიშველ, დაკორძილ მეჩხერ ტყეშიც, მატარებლის მარცხნივ რომ გაშლილა. მე ფეხზე ვდგავარ, ხელში ჩანთა მიჭირავს, მღელვარება მემატება: აგერ სუბოტინის ტყე, მის იქით სადგური პისარევოა. მატარებელი გამაფრთხილებლად და მწუხარედ გაჰკივის სადღაც სიცარიელეში. მე ვაგონის გასასვლელისაკენ მოვიჩქარი: რაღაცნაირი პირველქმნილი სინესტე და სიგრილე იგრძნობა, ცრის, სადგურის წინ მარტო დგას ერთი საბარგო ვაგონი. მატარებელი გვერდს უქცევს ვაგონს, მე გაჩერებამდე ვბტები; შემდეგ ბაქანზე მივჭრი, გავიარე გლეხებისაგან გაქელილი, სუსტად განათებული, უსაზღვროდ ნღვლიანი სადგური და ჩაბნელებულ გასასვლელში გავედი. გასასვლელის წინ, მრგვალ ეზოში, ზამთრის შემდეგ უნიათოდ მომზირალი, ატალახებული ბაღჩაა, ბინდში ძლივს ჩანს სოფლელი მეეტლის დალეული ცხენი. ეს მეეტლე, მთელი კვირეები რომ ამაოდ ელის მგზავრს, თავქუდი მოგლეჯით მომვარდა, აღფრთოვანებით ეთანხმება ჩემს ყოველ სიტყვას, მზადაა თუნდაც ქვეყნის დასალიერში გამაქროლოს, მზადაა ყველაფერზე, რასაც მოვისურვებ — „იქნებ გულს არ დამაყოთ!“ და ერთ წუთში უკვე მორჩილად მივეჯაყჯაყებ მისი მომცრო ფორნით: ჯერ უდაბურ და ბინდით მოცულ სოფელში, შემდეგ უფრო და

უფრო მშვიდად მივიწევ ბნელ, მდუმარე, მთელ სამყაროს
გამოთიშულ ველებში, შავი მიწის ტევრში, რომლის იქით
უსასრულო სივრციდან ჩრდილო-დასავლეთით პატარა ღრუბ-
ლების ქვეშ რაღაც მომწვანო გამოკრთის. წინიდან ღამეული
მინდვრის სუსტი, აპრილის საწვიმარი ნიავი უბერავს. საღდაც
შორს — თითქოს ქარში ადგილს ინაცვლებსო, — ფრთხილ-
ლებს მწყერი. დაბალ, რუსულ ცაზე წვრილ-წვრილნი ვარს-
კვლავნი კრთიან... კვლავ მწყერი, გაზაფხული, მიწა და ჩემი
უწინდელი უსიხარულო ახალგაზრდობა! გზა საშინლად გრძე-
ლია; ათი ვერსის გავლა რუს გლებთან მინდვრად პატარა
მანძილი როდია. მეეტლე ხმას არ იღებს, გამოუცნობი ღუმი-
ლით შეპყრობილი. ტანზე ქოხისა და თავისი გაცვეთილი
მშრალი ცხვრის ტყავის ჯუბაჩის სუნი ასდის, თხოვნაზე,
რომ აუჩქაროს, ღუმს, მაგრამ როგორც კი გრძელი შეღმარ-
თი დაიწყება, წინარიდან ხტება და ხელში თოკის სადავეებით
აუჩქარებლად მიაბიჯებს თავისი ლოლიალა ფაშატის გვერ-
დით, ზურგს მაქცევს... ვასილევსკოეში შესვლისას მეგონა
შუალამე იყო: არსად სინათლე, არსად სიცოცხლის ნატამალი.
თვალი სიბნელეს შეეჩვია და მკაფიოდ გამოჩნდა თვითეული
ქოხი, სოფელში შემავალ შარაზე ქოხების წინ მდგარი თვი-
თეული შიშველი ტირიფი. შემდეგ ხედავ და გრძნობ, როგორ
ეშვები აპრილის სინესტით გაელენთილ დაბლობში. ხედავ
და გრძნობ მარცხნივ მდინარეზე გადებულ ხიდს, მარჯვნივ,
ზევით კი ცივად მომზირალ, შავად ალანდულ კარმიდამოსკენ
მიმავალ გზას! კვლავ მძაფრი გრძნობები მეუფლება: რა სა-
ოცრად ნაცნობია ყველაფერი და ამასთან როგორ ახლებურად
გამოიყურება — ამ თავისი გაზაფხულის სოფლური სიბნე-
ლით, უბადრუკობით, გულცივობით! მეეტლე სულ დადუმდა.
როცა მთაზე მიმაჩაქჩაქებდა, უცებ იქ, ბაღჩის ფიჭვებს შო-
რის გამოჩნდა ფანჯარაში აკიაფებული სინათლე. მადლობა
ღმერთს, ჯერ კიდევ არ სძინავთ! სიხარული, მოუთმენლო-
ბა—და ბავშვური სირცხვილი მეუფლება, როცა დასასრულს
ფორანი პარმალის ახლო ჩერდება, და უნდა გადმოხვიდე, გა-
ალო წინა ოთახის კარები, შეაბიჯო შიგ, ნახო, ღიმილით
როგორ გათვალისწინებენ...

მეორე დღეს ვასილევსკოედან ნახნავებსა და ანეულებზე ცხენით მივდიოდი დილის წყნარ და კამკამა წვიმაში, რომელიც ხან გადაიღებდა, ხან ისევ ცრიდა. გლეხები ხნავდნენ და თესავდნენ. ფეხიძველა მხენელი რხევით მიჰყვებოდა კავს და თეთრ, დაბრეცილ ტერფებს ინაცვლებდა რბილ კვალში, რომელიც ძალზე დაჭინთულ, მოხრილ ცხენს გაჰყავდა. კვალში: კავს უკან, ლურჯი ჰილყვაფი ონაერობდა, — მიწიდან წამდა-უწუმ იტაცებდა შინდისფერ ჰიას, ჰილყვავს დიდი, თანაბარი ნაბიჯებით მოჰყვებოდა მხარზე სათესგადაკიდებული, უქუ-დო მოხუცი, რომელიც კეთილშობილური სიუხვით ფართოდ შლიდა მარჯვენა ხელს და მოზომილი ნახევარწრეებით მარც-ვლებს აყრიდა მიწას.

ბატურიანში ისეთი სიყვარულითა და სიხარულით შემხვდნენ, რომ გული საგულეს აღარ მქონდა. ყველაზე უფრო დის სი-ხარულმა განმაცვიფრა, — არ მოველოდი მის ამგვარ დაუფა-რავ სიყვარულსა და სიხარულს, რითაც ფანჯარაში გამოიხე-და და იმწამსვე ჩემთან პარმაღზე მოვარდა. თვითონაც რა მომხიბლავი იყო თავისი სიფაქიზით, ახალგაზრდობით, როგო-რი უბიწო, როგორი უმანკო ჩანდა ახალთახალ კაბაში, ამ დღეს, რომ ჩემი გულისათვის ჩაეცვა პირველად. აღტაცებაში მომიყვანა სახლმაც — თავისი ძველებური, მომხიბვლელი სი-კუშტით. ჩემი ოთახი ისე დამხვდა, თითქოს ახლახან გამოვსუ-ლიყავ იქიდან: ყველაფერი თავის ადგილზე იდგა, რკინის შან-დალში ჩადებული, ნახევრად დამწვარი ქონის სანთელიც კი. რომელიც ზამთარში ჩემი გამგზავრებრის დღეს საწერ მაგიდა-ზე დარჩა. შევედი, ირგვლივ მიმოვიხედე: კუთხეში შავი ხა-ტები, ზევით ფერადი (ბროწეულისფერი და ლილისფერი) მი-ნებით გაწყობილი, ძველებური ფანჯრების იქით ხეები და აქა-იქ გამტრედისფერებული ცა, საიდანაც ახლადატქვირებულ ტოტებსა და როკებზე თქორი ეცემა, — ოთახში ცოტაოდენი ბინდი, ხალვათობა, სიდრმე... მუქი, გლუვი, ხის ჰერი, ასეთივე მუქი და უხორკლო ძელებით ნაგები კედლები... გლუვი და მეტად მრგვალი მუხის საწოლის თავკიდურები...

ორიოლში ხელახლა წასასვლელად საქმიანი საბაბი გამოჩნდა: ბანკში პროცენტები უნდა შემეტანა. წვედი კიდეც მხოლოდ ფულის ერთი ნაწილი გადავიხადე, დანარჩენი კი გავფლანგე. ეს სახუმარო საქმე არ იყო, მაგრამ ჩემს თავზე რაღაც ხდებოდა, რასაც განსაკუთრებულ მნიშვნელობას არ ვაძლევდი. მე ყოველთვის გამოუცნობი, ანგარიშმიუცემელი, საალაბედო გამბედაობით ვიქცეოდი. ორიოლში მიმავალმა სამგზავრო მატარებელზე დავიგვიანე და მაშინვე საბარგო მატარებლის ორთქლმავალზე მოვიკალათე. მახლოვს, მაღალი რკინის საფეხურებით ტლანქ, ბინძურ რაღაცაში შევედი. ვდგავარ და ვიციქირები. მემანქანეებს უსაშველოდ გაზინთული და რკინასავით ელვარე რაღაც აცვიათ, გაზინთული და ელვარეა მათი სახეებიც, ზანგის საოცარი თვალებიც, თითქოსდა განგებ მსახიობივით შეთხუპნული ქუთუთოებიც. ახალგაზრდა რკინის ნიჩაბს ყურისწამლებად ახრიგინებს იატაკზე დახვავებულ ქვანახშირში, ხმაურით აგდებს ლუმელის საფარს და იქიდან ჯოჯოხეთურად ამოვარდნილ წითელ ალს ერთბაშად ახშობს ნიჩბიდან გადაყრილი ქვანახშირის სიშავით, უფროსი თითებს იწმენდს საშინლად გაზეთილ ჩვარზე, განზე ისვრის მას, შემდეგ რაღაცას ეწევა და ატრიალებს... ისმის ყურისწამლები სტვენა, საიდანღაც თვალისმომკრელი ორთქლი მოქშუის და გარს გეხვევა, გაყრუებს მოულოდნელად აგუგუნებულ რაღაც და ნელ-ნელ გეწევა წინ... რა საშინლად ისმის შემდეგ ეს გუგუნი, როგორ უფრო და უფრო იზრდება ჩვენი ძალა, სიმარდე, როგორ ირხევა, ბრუნავს, ხტის ირგვლივ ყოველივე! იყინება, უჩვეულოდ ქვავდება დრო, ბორცვებზე შეუნელებლად ბორგავს გახურებული, დრაკონის დოლი — და რა ჩქარა ილევა ყოველი გადასარბენი! მის შემდეგ კი, ყოველ სულის მოთქმაზე ღამისა და საღვთების უშფოთველ სიძყუდროვეში, ტყის ღამეული ჰაერის სუნი ტრიალებს და ახლომახლო ბუჩქებიდან ბუღბულის დამატკობელი, სანეტარო გალობა იღვრება... ორიოლში შეუსაბამოდ გამოვეწყვე მოხდენილ ვიწრო ჩექმებში, უსახელო თხელ ხიფთანში:

გვერდზე შესაკრავ აბრეშუმის წითელ პერანგსა და შავ, წითელიძირიან აზნაურის ქუდში, ვიყიდე საუკეთესო სამხედრო უნაგირი, რომელმაც ძალიან მომხიბლა თავისი კრაჭუნა, სურნელოვანი ტყავით და ღამით სახლში მიმავალს სიხარულით არ მძინებია, რომ იგი ჩემს გვერდით იღო. კვლავ პისარეევოში მივდიოდით, მინდოდა ცხენიც შემეძინა — იქ, სოფელში სწორედ ამ დროს ცხენების ბაზრობა იყო: ბაზრობაზე ჩემსავით უსახელოებო ხიფთანებითა და აზნაურის ქუდებით მორთულ, ბაზრობათა ხშირ სტუმარს, რამდენიმე ჩემს თანატოლთაგანს დავუშეგობრდი და მათი დახმარებით ახალგაზრდა, ჯიშოიანი ფაშატი ვიყიდე (თუმცა ბოშა გულდაგულ მაძალებდა თავის გახვითქულ ბებერ დონურ იაბოს — „ბატონო, იყიდე, მიშა. იცოდე, არ წააგებ!“) — ზაფხული ამის შემდეგ ნამდვილ დღესასწაულად მექცა — ზედიზედ სამი დღე ისედაც არ ვყოფილვარ ბატურიონში, მუდამ ჩემს ახალ მეგობრებთან ვიყავი სტუმრად, მაგრამ როცა ის ორიოლიდან დაბრუნდა, ქალაქში ვიკარგებოდი ხოლმე: როგორც კი მისგან მოკლე ბარათი მივიღე: „დავბრუნდი, ველი პაემანს“, ამ ბარათის სულელური გონებამახვილობით მოყენებული უსიამოვნებისა და იმის მიუხედავად, რომ უკვე საღამო იყო და ღრუბლებიც დაიძრა, ცხენი მაშინვე სადგურზე გავაჭენე. ვაგონში კი მთვრალივით მახარებდა მატარებლის სწრაფი სვლა, რაც უფრო სწრაფად მეჩვენებოდა უკვე აბობოქრებული ქექა-ქუხილისა და იმის გამო. რომ ვაგონის დაგადუგი მეხის ბდგვიწვას, სახურავზე დაშვებული კოკისპირული წვიმის ხმაურს უერთდებოდა, და ყოველივე ამას თან სდევდა ლურჯი ალი, წამდაუწუმ რომ ანათებდა ფანჯრების შავ მინებს, რომლებზეც თქრიალით დიოდა აქაფებული წვიმის წყალი და სიგრილე მოჰქონდა.

თითქოსდა სხვა არაფერი არსებობდა ხალისიანი შეხვედრებით სიამტკილობის გარდა. მაგრამ აი, — ეს მოხდა უკვე ზაფხულის მიწურულს; ერთმა ჩემმა მეგობარმა, რომელიც დასა და მამასთან ერთად ქალაქის ახლო, მდინარე იატის ფლატეებიან ნაპირთან მდებარე მამულში ცხოვრობდა, და ლიკასთან ნამყოფი იყო, თავისი დაბადების აღსანიშნავ სადილზე საკმაოდ ბევრი ხალხი მოიწვია. მის წასაყვანად თვი-

თონ მოვიდა, ლიკა მასთან ერთად მიდიოდა პატარა შარაბანით, მე კი ცხენით მივდევი უკან. სიამეს მგვირდა ველების მშრალი, მზიანი სივრცეები, გაშლილი, თითქოსდა ქვიშიანი ყანები თვალუწვდენელ მანძილზე ძნებს დაეფარა, გული რაღაც თავდავიწყებასა და ცულლუტობისკენ მეწეოდა. ცხენს უღმერთოდ ვაფიცხებდი და ვაოკებდი, შემდეგ სადავეს ვუშვებდი, ისიც მთელი სისწრაფით აბტებოდა ძნებს და მკრელი ნალებით გლეჯდა მათ ჩერგილებს. დღეობა სალამომდე გაგრძელდა, დაქონილ აივანზე, სალამო შეუმჩნევლად შეერწყო ღამეს, ღამებს, ღვინოს, სიმღერებსა და გიტარას. მე ლიკას გვერდით ვიჯექი და მოურიდებლად მეჭირა მისი ხელი, ისიც არ მეწინააღმდეგებოდა. ღამით მაგიდიდან შეთანხმებულებივით წამოვდექით, აივნიდან ჩამოვედით და ბალის სიბნელეს შევერიეთ. იგი შეჩერდა, ხეს ზურგით მიეყრდნო და ხელები გამომიწოდა, — მე ვერ ვხედავდი, მაგრამ ზუსტად გამოვიცანი მათი მოძრაობა... ამის შემდეგ ბაღში სწრაფად ინაცრისფერა, ეზო-მიდამოში ყვინჩილების ხრინწიანი, რაღაც უნიათო, ნეტარი ყვილი გაისმა, ერთ წუთში კი მთელი ბაღი გაანათა მდინარისპირა დაბლობის იქით, ყვითელი მინდვრების თავზე გამოჩენილმა ოქროსფერმა აღმოსავლეთმა... შემდეგ ჩვენ დაბლობის ზემოთ, ფლატეზე ვიდექით, ის ვარდისფრად აელვარებულ ცის ტატნობს შეჰყურებდა, ჩაიკოვსკის „დილას“ მღეროდა და მე უკვე ვეღარ მამჩნევდა. როცა მაღალ ბგერაზე ხმამ უღალატა, ბატისტის კაპიტისფერი ქვედატანის მოხდენილი ფურჩალები აიკაპიწა და სახლისაკენ გაიქცა, მე დაბნეული შევდექი, ფიქრის თავი არ მქონდა, იმის ძალაც არ შემწევდა უბრალოდ ფეხზე ვმდგარიყავ, ფლატეს ფერდზე, ხმელ ბალახში მდგარ ბებერ არყის ხესთან მიველ და მის ქვეშ დაწვექი. უკვე გათენებულისკენ ამოვიდა და, როგორც ყოველთვის ზაფხულის მიწურულს, დარიანობისას, ერთბაშად ჩამოდგა ნათელი, ცხელი დილა: მე თავი მივადე არყის ფესვებს და იმწამსვე ჩამეძინა, მაგრამ მზე უფრო და უფრო აჭერდა, — მალე ისეთ პაპანაქებასა და ელვარებაში გამეღვიძა, რომ ავდექი და ბარბაცით წავედი ჩრდილის მოსაძებნად. ჯერ ისევ ეძინა მძაფრი, თვა-

ლისმომპკრელი სინათლით გარშემორტყმულ სახლს. მხოლოდ მოხუცი მასპინძელი ამდგარიყო. მისი კაბინეტის ღია ფანჯრიდან, რომლის ქვეშ ხელმიშვებული იასამნის ხშირი ბუჩქნარი ჩანდა, ისმოდა ხველა, რომელშიც დილის პირველი ჩიბუხით და ნაღებინი, მაგარი ჩაით მიღებული ბებრული კმაცოფილება გამოსჰქვიოდა. ჩემი ნაბიჯებისა და მზით გაბრწყინებულ იასამნიდან ჩემივე მიზეზით ზღვად აშლილი ბელტრების ხმაურზე გარეთ გამოიხედა, თან თურქული მოხატული აბრეშუმის ხალათი მიიფარა მკერდზე, დასიებული თვალებითა და ვეება ჭალარა წვერით — საშინლად მომზირალი სახე გამოაჩინა და არაჩვეულებრივი გულკეთილობით გაიღიმა. მე დამნაშავესავით მივესალმე, დილის მყუდროებითა და სიმარტოვით, შიგ მოფარფატე პეპლებიო, ლურჯი შპალერით, სავარძლებითა და პატარა დივნებით ნამდვილად მომხიბლავი სასტუმრო ოთახის ღია კარებში შევედი, ერთ-ერთ მოგრეხილ, მოუხერხებელ დივანზე წამოვწექი და კვლავ ღრმა ძილს მივეცი თავი. მაგრამ უცებ, — თითქოსდა ჩაძინებისთანავე, თუმცა დიდხანს მეძინა, — ვიღაც მომიახლოვდა და სიცილით ლაპარაკი დაიწყო, თან თმებს მიწეწდა. თვალი გავახილე — ჩემს წინ ახალგაზრდა მასპინძლები იდგნენ: და და ძმა, ორივე შავტუხა, თვალებბრიალა, აღმოსავლურად ლამაზნი, ძმა ყვითელი აბრეშუმის პერანგში, და კი ასეთივე ზედატანში გამოწყობილი. მე ზეზე წამოვხტი. ისინი გულთბილად ლაპარაკობდნენ, რომ უკვე აღდგომისა და საუზმის დროა, რომ ის გავემგზავრა და მარტო კი არა, კუზმინის თანხლებით, ამასთან პატარა წერილიც გადმომცეს. მაშინვე მომაგონდა კუზმინის დაუდევარი, თავხედური, რალაცნაირად ჭრელი, თაფლისფერი თვალები, წერილი გამოვართვი, ძველებურ „სამოახლოში“ წავედი, — იქ ტაბურეტზე დადგმულ გეჯასთან მორჩილად მელორდა ვიღაც შაოსანი მოხუცი ქალი, რომელსაც გამხდარ, ლაქებით დაფარულ ხელში წყლით სავსე დოქი ექირა, — ზეზეურად წავიკითხე: „ჩემს ნახვას მეტად ნულარ ეცდებით“ — და პარის ბანა დაეიწყე. წყალი ყინულივით ცივი და ფუცხუნა იყო, — „აქ ზომ ჰის, წყაროს წყალია“, — თქვა მოხუცმა და ძალზე გრძელი სელის პირსახოცი მომაწოდა. მე

სწრაფად გავიარე წინა ოთახი, კარტუზი და მათრახი ავიღე, სიციხისაგან გახურებული ეზო გადავირბინე და პირდაპირ საჯინიბოში შევევარდი... სიბნელიდან წყნარად და მწუხარედ შემომპიხვინა ცხენმა, რომელიც უნაგირმოუხდელი დარჩენილიყო და ახლა ფერდებჩავარდნილი ცარიელი ბაგის გვერდით იდგა. მე სადავეს ვეცი, ჯერ კიდევ გაუნელებელი, რაღაც გიჟური ალტყინებით უნაგირს მოვახტი და ეზოდან გავიქერი. როცა კარ-მიდამოს გავცდი, მსწრაფლ მინდორში გადავუხვიე, უგზო-უკვლოდ გავქანდი შრიალა ნაყანევზე, ცხენი პირველივე ძნების ზვინთან შევაყენე, უნაგირიდან ჩამოვიქერ და იქვე ჩავჯექი. ცხენი ქშინავდა, ძნებს პირს ავლებდა თავთავებში, საიდანაც თითქოსდა მინისებური მარცვლები ცვიოდა, და თავისკენ ეწეოდა. ნამჯასა და ძნებში კუტკალიები დახტოდნენ და პაწაწინა საათებივით წიკწიკებდნენ, ირგვლივ ქვიშიანი უდაბნოსავით გაშლილიყო ნათელი გელები, ჩემს გულისყურამდე კი აღარათფერი აღწევდა, თავში ერთი აზრი მიტრიალებდა: იგი ან დამიბრუნებს თავისთავს, ამ ღამეს, ამ დილას, ბატისტის ფურჩალებს, ხმელ ბალახში გამკრთალი მისი ფეხები რომ აშრიალეებდა, არადა ჩვენი სიცოცხლე არ იქნება!

ამ გიჟური აზრებით შეპყრობილმა და მათში სულელურად დაჯერებულმა ცხენი ქალაქისკენ გავაქენე!

IV

ამის შემდეგ დიდხანს დავრჩი ქალაქში. მთელი დღეები ვიჯექი ლიკასთან პატარა, მტკრიან ბაღში, რომელიც მისი ქვრივი მამის შუაგულ ეზოში გაეშენებინათ, — მამა (უღარდელი, ლიბერალი ექიმი). ლიკას არაფერში არ ზღუდავდა. იმ წუთიდან, როცა ისტიდან ცხენი მოვაქენე და ჩემი სახის დანახვისას ლიკამ ორთავე ხელი მკერდზე მიიღო, უკვე აღარ შეიძლებოდა იმის გარკვევა, ვისი სიყვარული უფრო ძლიერია. ბედნიერი, ანგარიშმიუცემელი გახდა — ჩემი, თუ მისი (მისი სიყვარულიც უცებ და საიდანდაც გაჩენილი). ბოლოს, ერთმანეთისთვის რომ თუნდაც ცოტა დასვენების საშუალება მიგ-

ვეცა, გადავწყვიტეთ დროებით განვშორებულიყავით. ეს აუცილებელიც იყო, მით უფრო, რომ აზნაურთა სასტუმროში ნისიად ვცხოვრობდი და ყელამდე ვალებში ჩავეფალი. ამას გარდა წვიმებიც დაიწყო. მე განშორებას ყოველნაირად ვაპიანურებდი, ბოლოს ძალა მოვიკრიბე და თავსხმაში გავემართე სახლისკენ. სახლში პირველად სულ მეძინა, ჩემად დავბორიალობდი ოთახიდან ოთახში, არაფერს ვაკეთებდი. არაფერზე ვფიქრობდი. შემდეგ ფიქრები მომეძალა: რა ხდება ჩემს თავს, რით დამთავრდება ყოველივე? ერთხელ ჩემი ძმა ნიკოლოზი მოვიდა, ოთახში კარტუზის მოუხდელად დაჯდა და მითხრა:

— ამრიგად, ჩემო კარგო, შენი რომანტიკული ცხოვრება სვეკეთილად გრძელდება. ყველაფერი ძველებურადაა: „მივყავარ ეშმაკს ცხრა მთას იქით“, მაგრამ რა არის ამ ცხრა მთას იქით, ღმერთმა უწყის, მე ხომ ყველაფერი ვიცი, ბევრი რამ მსმენია, დანარჩენს თვითონ ვხვდები— ეს ამბები ყველა ერთი ყაიდისაა. ისიც ვიცი, რომ შენ ახლა ჯანსაღი განსჯის თავი არა გაქვს, მაგრამ მაინც: რას აპირებ შემდეგისთვის?

მე ხუმრობაშერევით ვუპასუხე:

— ყველას ჰყავს თავისი ეშმაკი, მაგრამ საით მიერეკება ან რისთვის, რასაკვირველია, კაცმა არ იცას. ეს საღეთო წერილშიც კია ნათქვამი: „გასწი, კაბუკო, სიყმაწვილეში საითაც მიგიწევს გული შენი და საითაც იყურებიან თვალნი შენნი!“

ჩემი ძმა გაჩუმდა. იგი იატაკს დაჰყურებდა. გეგონებოდა შემოდგომის უსიცოცხლო ბაღში წვიმის ხმაურს აყურადებდნო, შემდეგ ნაღვლიანად თქვა:

— მაშ, გასწი, გასწი...

მე ღღენიადავ ვეკითხებოდი თავს: რა ვქნა? ნათელი იყო, სახელდობრ, რა მექნა, მაგრამ რაც უფრო დაეინებით ვცდილობდი საკუთარი თავის დარწმუნებას, რომ ხვალვე უნდა დამეწერა გაბედული, გამოსათხოვარი წერილი, — ეს ჯერ კიდევ შესაძლებელი იყო, ჩვენ ჯერ არც ისე დაახლოებულნი ვიყავით, — მით უფრო მიპყრობდა მისდამი სინაზე, მაღლიერების გრძნობით მავსებდა მისი სიყვარული, უფრო აღტა-

ცებაში მოეყავდი მას, მისი თვალების მშვენიერებას, სახეს. სიცილს, ხმას... რამდენიმე დღის შემდეგ კი მწუხრისას, ეზოში მოულოდნელად გამოჩნდა თავიდან ფეხებამდე გალუმპული ცხენოსანი შიკრიკი, რომელმაც სველი დეპეშა მომიტანა; „მეტის მოთმენა არ შემიძლია, გელოდები“. განთიადამდე არ დამაძინა იმ თავბრუდამხვევემა აზრმა, რომ რამდენიმე საათში დავინახავდი ლიკას, გავიგონებდი მის ხმას...

ამგვარად, მთელი შემოდგომა ხან სახლში ვიყავი, ხან ქალაქში. გავყიდე უნაგირი, ცხენი, ქალაქში უკვე აზნაურთა სასტუმროს ნაცვლად შჩეპინის მოედანზე, ნიკულინას ფუნდუქში ვცხოვრობდი. ქალაქს აჯლა სრულებით არ ჰქონდა ის იერი, როგორიც ყრმობის წლებიდან დამამახსოვრდა. ყველაფერი უბრალოდ და ჩვეულებრივად გამოიყურებოდა, — მხოლოდ ხანდახან, უსპენსკის ქუჩაზე ბალისა და გიმნაზიის გვერდით ჩავლისას, გონებაში რაღაც თითქოსდა სულის მახლობელი, ოდესღაც განცდილი რამ კრთებოდა. უკვე დიდი ხანია ჩვეულებრივ ვეწევი, დავდივარ საპარიკმახეროში, სადაც ერთ დროს ასეთი ბავშვური მორჩილებით ვიჯექ და შუბლქვემოდან გავცქეროდი მაკრატლის შეუწყვეტელ კრაქა-კრუქზე როგორ ცვიოდა ძირს ჩემი აბრეშუმით რბილი თმა. ჩვენ სასადილო ოთახში დილიდან საღამომდე თითქმის ყოველთვის მარტოდმარტო ვისხედით თურქულ დივანზე: ექიმი დილითვე ტოვებდა სახლს, ლიკას გიმნაზიელი ძმა სასწავლებელში მიეშურებოდა, ნასაუზმევს ექიმი წაიძინებდა ხოლმე და ისევ საღამე მიდიოდა, გიმნაზიელი კი დაუდგარი თამაშით, თავის წითელ ვოლჩოკთან სირბილით ერთობოდა, რომელიც ვითომდა ცოფდებოდა, ყეფდა და ენაგადმოგდებული არბი-ჩამორბოდა მეორე სართულის ხის კიბეზე. ერთ ხანს ამ ერთფეროვანმა ჯდომამ და, შესაძლებელია, ჩემმა გადაჭარბებულმა, უცვლელმა მგრძნობიარობამ თავი მოაწყინა ლიკას — ის საბაბს პოულობდა სახლს გასცლოდა, მეგობრებთან და ნაცნობებთან წასულიყო. მე კი დივანზე ვიჯექ და ვუსმენდი გიმნაზიელის ყვირილს, ხარხარს, ფეხების ბაკუნს, გააფთრებული ვოლჩოკის თეატრალურ ყეფას, ნახევრად ფარდაჩამოფარებულ ფანჯრებიდან მოწმენდილ ცას ცრემლმო-

რეული გავყურებდი და პაპიროსს პაპიროსზე ვეწეოდი... შემდეგ ლიკას კვლავ რალაც დაემართა: წინანდებურად სახლში დაიბუდა, ისეთი ალერსიანი და გულკეთილი გახდა, რომ მისი ველარაფერი გავიგე. „რას იზამ, ჩემო კარგო, ჩანს ამგვარი ბედი მქონია!“ — მითხრა ერთხელ, სახე სინარულით დაუნაოქდა და ატირდა. ეს მოხდა ნასაუზმევს, როცა სახლში ყველა ფეხის წვერებზე დადიოდა, რომ ექიმისთვის მოსვენება დაეცლიათ. „მე მხოლოდ და მხოლოდ მამა მეცოდება, მასზე ძვირფასი ქვეყნად არავინ გამაჩნია!“ — თქვა ლიკამ და, როგორც ყოველთვის, მამისადმი უსაზღვრო სიყვარულით გამაკვირვა. სწორედ ამ დროს, თითქოსდა განგებ, გიმნაზიელმა მოირბინა და დაბნეულად წაიბუტბუტა, რომ ექიმი მიხმობდა. ლიკა გაფითრდა. მე ხელზე ვაკოცე მას და გაბედულად მივაშურე მამამისს.

ექიმი ჩინებულად გამოძინებული და პირდაბანილი კაცის საამური სინალისით შემხვდა, იგი ღიღინებდა და პაპიროსს ეწეოდა.

— ჩემო ახალგაზრდა მეგობარო, — მომმართა მან და შემომთავაზა მეც მომეწია, — დიდი ხანია თქვენთან მოლაპარაკება მინდოდა, — ალბათ იცით, რის შესახებ. კარგად მოგეხსენებათ, რომ მე განუსჯელი კაცი ვარ, მაგრამ ქალიშვილის ბედნიერება ჩემთვის დიდ რამეს ნიშნავს. სულით და გულით მებრალეებით თქვენც, და ამიტომ ვილაპარაკოთ პირუთვნელად, როგორც მამაკაცებს შეეფერება. შეიძლება ეს ძალზე უცნაურიც კი იყოს, მაგრამ მე ხომ სრულებით არ გიცნობთ თქვენ, მითხარით, ვინა ხართ? — ღიმილით მკითხა მან.

მე წითელ-ყვითელმა ფერმა გადამკრა, ყოველნაირად ვცდილობდი პასუხი დამეყოვნებინა. ვინა ვარ? მინდოდა გოეთესავით ამაყად მეპასუხა (მაშინ სულ ახალი წაკითხული მქონდა ეკერმანი): „მე შეცნობილი საყოთარი არა მაქვს თავი. მაღალმა ღმერთმა დამიფაროს თვითშეცნობისგან“. მორიდებით კი ვუპასუხე:

— თქვენ იცით, რომ მე ვწერ... განვაგრძობ წერას, ჩემს თავზე მუშაობას...

და მოულოდნელად დაეუმატე:

— შესაძლოა, მოვემზადო და უნივერსიტეტში შევიდე...

— უნივერსიტეტი, ეს, რა თქმა უნდა, შესანიშნავი რამაა, — მომიგო ექიმმა, — მაგრამ საიმისოდ მომზადება ხუმრობა როდია. მერედა სახელდობრ რისთვის უნდა მოვემზადოთ? მხოლოდ და მხოლოდ ლიტერატურული თუ საზოგადოებრივი, სამსახურებრივი მოღვაწეობისათვის?

კვლავ ეშმაკი შემიძვრა თავში — ისევ გოეთე: „მე ყოველთვის ამა ქვეყნის აუტანელი ცვალებადობის გრძნობით ვცხოვრობ... პოლიტიკა არასდროს არ შეიძლება პოეზიის საქმე იყოს...“

— საზოგადოებრიობა პოეტის საქმეს არ შეადგენს, — ვუპასუხე მე.

— მაშ, თქვენის აზრით, ვთქვათ, ნეკრასოვი პოეტი არაა? მაგრამ თქვენ თუნდაც ოდნავ მაინც ადევნებთ თვალყურს მიმდინარე საზოგადოებრივ ცხოვრებას, იცით, რით სულდგმულობს და რა აღელვებს დღესდღეობით ყველა პატიოსან და კულტურულ რუსს?

მე დაფიქრდი და წარმოვიდგინე ის, რაც ვიცოდი: ყველა ლაპარაკობს რეაქციაზე, საერობო უფროსებზე, იმის შესახებ, რომ „ქვა ქვაზე აღარ დარჩენილა დიდი რეფორმების ეპოქის ყველა კეთილი წამოწყებიდან“... რომ ტოლსტოი მოუწოდებს „მყუდრო სავანისკენ“... რომ ჩვენ ჰემმარიტად ჩეხოვისებურ „ბინდში“ ვცხოვრობთ... გამახსენდა ტოლსტოველების მიერ გავრცელებული მარკოს ავრელიუსის პატარა წიგნი: „ფრონტონმა მასწავლა მე, რა გულქვაა არისტოკრატებად წოდებულ ადამიანთა სული...“ გამახსენდა დაღვრემილი მოხუცი ხოხოლი, რომელთანაც გაზაფხულზე დნებარზე მივცურავდი; ვილაც სექტანტი, სულ რომ თავის ყაიდაზე ჩაპჩინინებდა პავლე მოციქულის სიტყვებს: „რომელმან ჰქმნა ქრისტეს თანა, რამეთუ აღადგინა იგი მკუდრეთით, და დაქსუა მარჯუენით მისა ზეცათა შინა, უზესთაეს ყოველთა მთავრობათა, და ხელმწიფებათა, და ძალთა, და უფლებათა, და ყოველისავე სახელისა, რომელი სახელ-დებულ-არს არა ხოლო თუ ამას სოფელსა, არამედ მერმესაცა მას, რამეთუ არა

არს ბრძოლა ჩუენი სისხლთა მიმართ და ხორცთა, არამედ მთავრობათა მიმართ და ხელმწიფებათა, სოფლის-მპყრობელთა მიმართ ბნელისა ამის საწუთოისათა...“ მე ვიგრძენი ჩემი უკვე დიდი ხნის გატაცება ტოლსტოველობით, რომელიც ყველას ათავისუფლებდა ყოველგვარი საზოგადოებრივი ბორკილისაგან, ამასთან ერთად ჩემთვისაც საძულველ „სოფლის-მპყრობელთა ბნელისა ამის საწუთოისათას“ წინააღმდეგ ილაშქრებდა და ტოლსტოველობის ქადაგად დავეარდი.

— მაშ, თქვენის აზრით ყოველგვარი ბოროტებისა და უბედურებისაგან ხსნის ერთადერთი გზა ამ ყბადაღებულ უმოქმედობასა და წინააღმდეგობაშია? — გადაქარბებული გულგრილობით მკითხა ექიმმა.

მე სწრაფად ვუპასუხე, რომ „მხოლოდ სრულიად განსაკუთრებული“ მოქმედებისა და წინააღმდეგობის მომხრე ვარ. ჩემი ტოლსტოველობა ჩამოყალიბდა იმ ძლიერ, ერთმანეთის საწინააღმდეგო გრძნობათაგან, რომლებიც პიერ ბეზუხოვმა და ანატოლი კურაკინმა, „ხოლსტომერის“ თავადმა სერაპუხოვსკიმ და ივან ილიჩმა შთამაგონა, მოსკოვის აღწერის შესახებ დაწერილ სტატიაში ნაჩვენებმა ქალაქის ჭუჭყისა და სილატაკისა საშინელმა სურათებმა — „მაშ, რა ვქნათ“ და „განა ბევრი მიწა სჭირდება ადამიანს“, ბუნებაში, ხალხში ცხოვრების პოეტურმა ოცნებებმა, რომლებმაც „კაზაკები“ შემაქმნევინა და მალოროსიაში მიღებულმა ჩემმა საკუთარმა შთაბეჭდილებებმა გამიღვიძა: რა ბედნიერებაა — ჩამოიფერთხო მთელი ჩვენი ცოდვილი ცხოვრების ფერფლი და იგი სადმე ტრამალის ხუტორში, დნეპრის ნაპირას აგებულ თეთრ ქოხში პატიოსანი, შრომითი ცხოვრებით შეცვალო! ექიმს ამ ქოხის გარდა ყოველივე ამიდან ზოგი რამ ვუთხარი. იგი მისმენდა, როგორც ჩანდა, ყურადღებით, მაგრამ რაღაც მეტისმეტი შემწყნარებლობით. მას ძილმორეული თვალები წუთით ჩაუშუქდა და მთქნარების შემოტევით შეკრული ყბები აუტოკდა, მაგრამ თავს ძალა დაატანა, მხოლოდ ცხვირში დაამთქნარა და თქვა:

— დიახ, დიახ, მე თქვენ გისმენთ... ესე იგი, პირადად თქვენთვის, ასე ვთქვათ, „ამა ქვეყნის“ არავითარ სიამეს არ

ექებთ? მაგრამ ხომ არის აგრეთვე პირადის გარდა სხვა რამეც. მე, მაგალითად, დიდად არ მალფრთოვანებს ხალხი, სამწუხაროდ, კარგად ვიციან მას და მაინცდამაინც არა მწამს, რომ ის ყოველგვარი სიბრძნის საწყისი და წყაროა და რომ მე ვალდებული ვარ მასთან ერთად სამ ვეშაპზე დაეამკვიდრო დედამიწა, მაგრამ მაინც, ნუთუ არაფრითა ვართ დავალებული მისგან და არაფერი გემართებს მისი? თუმცაღა თავს ნებას არ ვაძლევ ამ მხრივ ჭკუა დაგარიგოთ. მე, ყოველ შემთხვევაში, ძალზე მოხარული ვარ, რომ ვისაუბრეთ. ახლა კი დავუბრუნდები იმას, საიდანაც დავიწყე. გეტყვით მოკლედ და, მაპატიეთ, ფრიად მტკიცედ. როგორი გრძნობებიც არ უნდა არსებობდეს თქვენსა და ჩემს ქალიშვილს შორის და განვითარების რა საფეხურზეც არ უნდა იმყოფებოდნენ ისინი, წინდაწინ გეუბნებით: ის, რა თქმა უნდა, სავსებით თავისუფალია, მაგრამ თუ მოისურვებს, მაგალითად, რაიმე მყარი კავშირი გააბას თქვენთან და ამაზე, ასე ვთქვათ, ჩემს ლოცვა-კურთხევას მოითხოვს, ცივ უარს მიიღებს. თქვენდამი ძალზე სიმპათიურად ვარ განწყობილი. ესურჯებთ ყოველგვარ სიკეთეს, მაგრამ ეს ასეა. რატომ? გიპასუხებთ სავსებით ობივატელურად: არ მინდა უბედურებაში, გასაჭირში, უსასოო მდგომარეობაში გნახოთ ერთიცა და მეორეც. შემდეგ, ნება მიბოძეთ სრული გულახდილობით ვილაპარაკო: რა გაქვთ თქვენ საერთო? გლიკერია მშვენიერი გოგონაა და, რაღა დასამალია, საკმაოდ ცვალებადი ხასიათისა, — დღეს ეს იტაცებს, ხვალ სხვა, — ოცნებობს, რასაკვირველია, არა ტოლსტოის მყუდრო სავანეზე, — აბა, ერთი დააკვირდით, როგორ იცვამს მიუხედავად იმისა, რომ ამ გამოყრუებულ ადგილას ვცხოვრობთ. ამით იმის თქმა კი არ მინდა, რომ იგი უზნეოა, უბრალოდ ვფიქრობ, რომ, როგორც იტყვიან, სრულებით არაა თქვენი შესაფერისი...

ლიკა კიბის ქვევით მულოდა, მან შემკითხველი და ავისმომლოდინე თვალები მომაპყრო. მე აჩქარებით გადავეცი ექიმის უკანასკნელი სიტყვები. ლიკამ თავი დახარა.

— ჰო, მის ნებას არასოდეს არ გადავალ, — თქვა მან.

ნიკულინას ფუნდუკში ცხოვრებისას გარეთ ხანდახან გამოვყოფდი თავს და უმიზნოდ დავეხეტებოდი შჩეპინის მოედანზე, შემდეგ მონასტრის უკან გაშლილ ცარიელ მინდვრებში, სადაც ძველი კედლებით შემოზღუდული ვეება სასაფლაო იყო. იქ მხოლოდ ქარი დაჰქროდა — ირგვლივ სევდა და დუმილი, ჯვრებისა და საფლავების ქვათა, მიეიწყებულთა და შიტოვებულთა საუკუნო ძილი, რაიმეზე შექმნილი ბუნდოვანი, ყოველივესგან შოწყვეტილი აზრის მაგვარი რაღაც ამაოება სუფევდა. სასაფლაოს ჭიშკარზე გამოსახული იყო განხმული სამარხებით მთლად გადათხრილი უსაზღვრო ნაცრისფერი დაბლობი, რომელზეც ცერად დაშვებული საფლავის ქვები, მათ ქვემოდან წამომართული კბილებდაკრეკილი, ნეკნებშიშველი ჩონჩხები და ღია-მწვანე სუდარებში გახვეული უხსოვარი დროის ბერ-მონაზვნები ჩანდა; დაბლობს ვეება ანგელოზი დასტრიალებდა თავს, მას მუხლებში მოეხარა ქალწულური შიშველი ფეხები, გრძელი, ცარცისფერი ტერფები უკან აესროლა, ზოლ-ზოლად მიაფრიალებდა თავის მქრქალ-ლურჯ სამოსს და ბაგეებთან მიტანილ საყვირს ახმიანებდა... ფუნდუკში მაზრის დამახასიათებელი შემოდგომის მყუდროება მეფობდა, აქაც სიცარიელე იყო — სოფლიდან ჩამოსულთაგან თითქმის არავინ ჩანდა. მე ვბრუნდებოდი, შევდიოდი ეზოში — საჩიხიდან მამაკაცის ჩექმებში ფეხწადგმულ მზარეულ ქალს მამალი გამოჰყავდა: „აი, სახლში მიმყავს, — ამბობდა და თან რაღაცაზე ეცინებოდა, — სიბერემ მთლად გამოაჩერჩეტა, დაე. დღეიდან ჩემთან დაიდოს ბინა...“ ავდიოდი ფართო ქვის პარმალზე, გავივლიდი ბნელ დერეფანს, შემდეგ ტახტებიან თბილ სამზარეულოს და ოთახებში გავდიოდი, — აქ დიასახლისის საწოლი ოთახის გარდა იყო სხვა ოთახიც, სადაც ორი დიდი დივანი იდგა, — იშვიათად მოსულ მედაბურთა და სამღვდლო პირთა სარეცელი, უფრო ხშირად კი მარტო ჩემი. სიჩუმეა, სიჩუმეში საწოლ ოთახში დიასახლისის მალვიძარას მწყობრი წიკწიკი ისმის... „გაისეირნეთ?“ — ალერსით, ნაზი, შემწყნარებელი ღიმილით მეკითხება დიასახ-

ლისი იქიდან გამოსვლისას. რა მომხიბვლელი, ჰარმონიულად ხმაა! იგი ჩასუქებული, მრგვალი პირისახის ქალი გახლდათ. ხანდახან არ შემეძლო მშვიდად მეცქირა მისთვის, განსაკუთრებით საღამოობით, როცა აბანოდან მთლად სახედაქლადებული ბრუნდებოდა, ჯერ კიდევ შეუმშრალი, მუქი თმებითა და მოუყუჟენე, მიბნედილი თვალების კრთომით. თეთრ საღამურ ზედატანში ლაღად, ნებიერად იჯდა სავარძელში, დიდხანს სვამდა ჩაის და თავის სუფთა სხეულს განასვენებდა. მისი საყვარელი, აბრეშუმივით რბილბეწვიანი, თვალებგიზგიზა თეთრი კატა კი მის ოღნავ გაშლილ ფაშფაშა მუხლებზე კრუტუნებდა. გარედან რაკუნის ისმოდა: მზარეული მაგარ, მკიდროდ შეკრულ დარაბებს კეტავდა ქუჩიდან და ფანჯრის გვერდებზე გაკეთებულ ხვრელებში ხმაურით ჰყოფდა დამუხლული ურდულის თავტაბიკებს, რაც რაღაც ძველ, საშიშ დროს აგონებდა კაცს. ნიკულინა დგებოდა, თავტაბიკების ბოლოებში რკინის სოლებს უყრიდა, მერე ისევ ჩაის უჯდებოდა და ოთახში უფრო მეტი სიმყუდროვე ისადგურებდა... ამ დროს უცნაური გრძობები და აზრები მეუფლებოდა: მივატოვებ ყველაფერს და სამუდამოდ დავსახლდები აქ, ამ ფუნდუქში, ვიძინებ მის თბილ საწოლ ოთახში, მალევიძარას რიტმულ წიკწიკში ერთი დივანის თავზე სურათი ეკიდა: საოცრად მწვანე, ერთიან კედლად აღმართული ტყე, იქვე ძელური, ძელურის გვერდით კი — თვინიერად მოხრილი ბერიკაცი, რომელსაც ასევე თვინიერი, მშვიდი, დამცხრალი წაბლისფერი დათვის თავზე ხელი დაედო; მეორის ზემოთ ჩანდა კუბოში ჩაწოლილი, მედიდური, თეთრი პირისახის, შავსერთუკიანი მოხუცის — ნიკულინის გარდაცვლილი ქმრის ფოტოგრაფიული პორტრეტი, რაც სრულიად შეუსაბამო იყო იმათთვის, ვინც იქ უნდა წოლილიყო ან მჯდარიყო. სამზარეულოდან შემოდგომის ხანგრძლივ საღამოსთან ხმაშეწყობილი, ხშირი კაკუნის და გაბმული სიმღერა ისმოდა: „ეკლესიასთან იდგა კარეტა, იყო ქორწილი შინ და გარეთა...“ ეს გარეუბნის დღიურად მომუშავე მედაბური ქალები მღეროდნენ და ბასრი საკეპავი დანებით საზამთროდ ახალი კომბოსტოს მაგარ თავებს ჰკრიდნენ. ყოველივე ამაში — მედაბურთა სიმღერაში,

მათ მწყობრ კაკუნში, ძველ ნათხაპნ სურათში, თვით მიცვალებულშიც კი, რომლის სიცოცხლე თითქოსდა ისევ გრძელდებოდა ფუნდუკის ამ უაზროდ ბედნიერ ცხოვრებაში — რაღაც ტკბილი და მწარე ნაღველი იყო...

VI

ნოემბერში სახლს მივაშურე. გამომწვიდობებისას დავთოქვით ორიოლში შევხვედრილიყავით: ლიკა პირველ დეკემბერს წავიდოდა იქ, მე კი, უხერხულობა რომ არ შექმნილიყო, ერთი კვირით გვიან. მაგრამ პირველი დეკემბრის ცივ, მთვარიან ღამეს პისარეგოში გავეარდი, რომ სწორედ იმ მატარებელში ჩავმჯდარიყავ, რომლითაც იგი ქალაქიდან უნდა გამოსულიყო. ო, როგორ ვხედავ, რარიგ ვგრძნობ ამ ზღაპრულ, განსაცვიფრებელ ღამეს! აი, გზაზე ვარ ბატურინსა და ვასილევსკოეს შუა, ტრიალ, თოვლით დაფარულ ველში. ცხენები მიქრიან. ხელნაში შებმული, გეგონება ერთ ადგილზე იხრება რკალადო, სწრაფი ჩორთით მიიწევს წინ, გვერდითა მწყობრად მიანავარდებს გავას, მაღლა ისვრის თეთრად მოქათათე ნალებით დაქედილ ფეხებს და თოვლის კორიანტელს აყენებს ჰაერში... იგი დროდადრო გზას სცდება. ზღართანს ადენს ღრმა თოვლში, იკლაკნება ჩამოვარდნილ ღვედებთან ერთად, ჩქარობს, ფაფხურობს, შემდეგ კვლავ გიუტად დგება და ისევ მიქრის, თავგამეტებით ეწევა საბმურს... ყველაფერი მიქრის, მიიჩქარის და ამასთან, თითქოს დგას და გველოდება: შორით, მთვარის შუქზე უძრავად ჩანს და ვერცხლისფერი ედება თოვლის ახორკლილ, მოყინულ ზედაპირს, თეთრად იფერება ყინვით ფერგამკრთალი, ძირს გადმოხრილი უძრავი მთვარე, ფართოდ, მისტიურ-ნაღვლიანად რომ შემოქდობია მოცააგე, მუქი ბეჭედი. მაგრამ ყველაზე უმოძრაო მე ვარ, ამ რბოლასა და უძრაობაში გამეშებული, გარკვეულ დრომდე მისი მორჩილი, მოლოდინით გარინდებული და ამასთან რომელიღაც მოგონებაში მშვიდად მომზირალი: სწორედ ასეთი ღამე და ასეთივე გზაა ვასილევსკოეში, მხოლოდ ეს ჩემი პირველი ზამთარია ბატურინში და

მე ჯერ კიდევ უბიწო, უცოდველი, გახარებული ვარ — ახალ-
გაზრდობის პირველი დღეების სიხარულით, ვასილევსკოდან
წამოღებული ამ ძველთაძველი ტომების, მათი სტანსების,
ეპისტოლეთა, ელეგიათა და ბალადების სამყაროში პირველი
პოეტური გატაცებებით:

მიქრიან, ირგვლივ სიმარტოვეა,

სვეტლანას თვალებში სტეპი...

„სადაა ახლა ეს ყოველივე!“ — ვფიქრობ და განცვიფრე-
ბული სულ რაღაცის მოლოდინში ვარ. „მიქრიან, ირგვლივ
სიმარტოვეა“, — ვამბობ ჩემთვის ამ რბოლასთან ხმაშეწყო-
ბით (მოძრაობის რიტმში, ჩემზე რომ მუდამ ასეთი მომჯა-
დობელი ძალა აქვს) და თავი დათვის ქურქსა და მაგარი
ტყავის თავმოსართავში აღქვრივლ ძველ: გულად. სადღაც
მიმქროლავ მგზავრად მეჩვენება, სინამდვილეს მხოლოდ კო-
ფოზე მდგომი. ჯუბაჩის ზემოთ არმიაკმოცმული, დათოვ-
ლილი მეეტლე, და კოფოს ქვეშ ჩემს გათოშულ ფეხებზე
დაყრილი, გაყინული, აშშორებული, თოვლის ნამქერით და-
ფარული შერისის ნამჯა მაგონებს... ვასილევსკოეს იქით
დაღმართში დაქანებისას შუალა ცხენი დაეცა და ხელნა
გატეხა, — სანამ მეეტლე ხელნას გადააბამდა, მე ჩემი დამე-
მართა, რადგან მატარებელზე ვიგვიანებდი, როგორც კი მი-
ველ, უკანასკნელი ფულით ვიყიდე პირველი კლასის ბილე-
თი, — ის პირველი კლასით მგზავრობდა, — და ბაქანზე გავი-
ქერი. მახსოვს სუსხიანი ორთქლით შებურული მთვარის
შუქი, რომელშიც ბაქანის ფარებისა და სატელეგრაფოს ყვი-
თელი სინათლე ირეოდა. მატარებელი უკვე ახლოვდებოდა,
მე დაბინდულ, თოვლიან შორეთს გავყურებდი და ვგრძნობ-
დი, რომ ყინვითა და უამური, შინაგანი თრთოლვით სუნთქვა
შემეკრა. გაისმა ზარის მოულოდნელი, გუგუნა ხმა. ყურის-
წამდებად აქრიალდა და არახუნდა გასასვლელები, ატყდა
სადგურიდან გამომავალი ხალხის ჩქარი ნაბიჯების ხშირი და
ძძაფრი ტაკატუკი — და შორს შავად აილანდა კიდევ რა-
ღაცნაირად აფხორილი ორთქლმავალი, გამოჩნდა მისი მძიმე
ქშინვის თანხლებით ნელ-ნელა მომავალი მკრთალი წითელი
სინათლეების უცნაური სამკუთხედი... ქოშინით, კრიალით,

ოხვრით, დიდის ქაპანწყევტით ჩამოდგა გაყინული, თოვ-
ლში გახვეული მატარებელი... მე ვაგონის წინა დერეფანში
შევვარდი, კარები გავაღე — ის მთელ ვაგონში მარტოდმარ-
ტო, ფარნების ალუბლისფერი ფარდით დაფარულ სიბნელეში
ქურთუკმოხურული იჯდა და პირდაპირ ჩემსკენ იყუ-
რებოდა...

ვაგონი იყო ძველი და მაღალი, სამ წყვილ თვალზე შემ-
დგარი; სვლის დროს ერთთავად რახრახებდა და ბორძიკობდა;
აწყდებოდა აქეთ-იქით, აჭრიალებდა კარებსა და კედლებს,
ნაცრისფერ ალმასებად ციაგობდა მისი შეყინული მინები...
ჩვენ უკვე სადღაც შორს ვიყავით, იყო შუალამე... ყველაფე-
რი როგორღაც თავისთავად, ჩვენდა უნებურად, ჩვენი ცნო-
ბიერების გარეშე მოხდა... იგი ანთებული, ამღვრეული სახით
წამოდგა, თმები გაისწორა, თვალები დახუჭა და პირგამეხე-
ბული დაჯდა კუთხეში...

VII

ზამთარი ორიოლში გავატარეთ.

როგორ გამოვხატო ის გრძნობა, რომლითაც დილით ვა-
გონიდან გადმოვედით და რედაქციაში შევედით ამ ახალი,
საშინელი სიახლოვით საიდუმლოდ დაკავშირებულნი!

მე პატარა სასტუმროში დაესახლდი, იგი ძველებურად ავი-
ლოვას შეეკედლა, მთელ დღეს თითქმის იქ ვატარებდით,
სანუკვარ საათებს კი — სასტუმროში.

ეს იყო ხორციელად და სულიერად რაღაც მძიმე, მომქან-
ცველი ნეტარება.

მანსოვს: ერთ საღამოს საციგურაოდ იყო წასული, მე
რედაქციაში ვიჯექი და ვმუშაობდი, — იქ უკვე ცოტ-ცოტა
სამუშაოს, გარკვეულ გასამრჯელოს მაძლევდნენ, — სახლში
სიცარიელე და მყუდროება მეფობდა, ავილოვა რომელიღაც
კრებაზე წავიდა, საღამოს ბოლო არ უჩანდა, ქუჩის ფარანი
ნაღვლიანად და დუნედ ენთო ფანჯარასთან, გამვლელთა მო-
ახლოებული და დაშორებული ნაბიჯები, მათი ჭრაჭუნი თოვ-
ლზე თითქოსდა რაღაცას მტაცებდნენ, რაღაც მიჰქონდათ
ჩემგან; გულში ნაღველს, აღშფოთებას, ეპვებს დაებუდები-

ნათ, — მე აქ მარტოდმარტო მხოლოდ მისი გულისთვის ვუ-
ზივარ ამ სულელურ, ჩემთვის შეუფერებელ სამუშაოს, ის კი
სადღაც, შავი ნაძვებით და თოვლის თეთრი ზეინულით გარ-
შემორტყმულ, პოლკის მუსიკით ახმაურებულ და იასამნის-
ფერი დოლბანდის შუქში გახვეულ მოყინულ გუბურაზეა,
შავი, მოქანავე ფიგურებით რომ მოფენილა, — იქ მხიარუ-
ლად გრძნობს თავს... უეცრად ზარის ხმა გაისმა და ოთახში
ლიკა შემოიჭრა. ნაცრისფერ კოსტუმსა და ბეწვის ქუდში
გამოწყობილს ხელში ციგურები ეჭირა; მისმა ახალგაზ-
რდულმა სიხალისემ, ყინვით ალექილი სახის სილამაზემ და
კრთომამ ყოველივე ერთბაშად აავსო სიხარულით. „ო, რო-
გორ დავიღალე!“ — თქვა მან და თავის ოთახში გავიდა, მე
უკან გავეყვი. ლიკა დივანზე დაეშვა და მოთენთილობის გა-
მომხატველი ღიმილით გადაწვა ზედ, ციგურები ისევ ხელში
ეჭირა. მე მტანჯველი და უკვე ჩვეული გრძნობით ვუცქერო-
დი ზონარით შეკრულ მის მაღალ ფეხის ზურგს, ნაცრისფერ
წინდაშემოსხეპილ ფეხს, მოკლე, ნაცრისფერივე ქვედატანი-
დან რომ ჩანდა, — მარტო ეს მკვრივი შალის ქსოვილიც კი
სულს მიფორიაქებდა, — დავიწყე საყვედურები, — ჩვენ ხომ
მთელი დღე არ გვინახავს ერთმანეთი! — შემდეგ უცებ შევ-
ნიშნე, რომ მას ეძინა, გულს სინაზისა და სიბრაღულის სულ-
ში ჩამწვდომი გრძნობა დაეუფლა... როცა გამოიღვიძა, ალერ-
სითა და ნაღველით მიპასუხა: „მე თითქმის ყველაფერი მეს-
მოდა, ნუ გამიჯავრდები, საერთოდ ძალზე დავიღალე, მე ხომ
საკმაოდ ბევრი რამ გადავიტანე წელს!“

VIII

ორიოლში ცხოვრების საბაბი რომ ჰქონოდა, მან მუსიკისა
სწავლა დაიწყო. საბაბი მეც მოეძებნე — „ხმაში“ მუშაობა.
პირველად ეს მახარებდა კიდევ; მახარებდა თუნდაც ჩემს
არსებობაში დამკვიდრებული ერთგვარი წესიერება, მამშვი-
დებდა ზოგი ვალდებულება, რომელიც ჩემს ყოველგვარ ვალ-
დებულებას მოკლებულ ცხოვრებაში შემოვიდა. შემდეგ სულ
უფრო მიეღვებდა თავში: ნუთუ ასეთ ცხოვრებაზე ვოცნე-
ბობდი! აი, მე შესაძლოა ყველაზე საუკეთესო ხანაში ვარ, რო-

ცა მთელ ქვეყანას უნდა ვფლობდე, მე კი რასა ვფლობ? ვთქვათ ყოველივე ეს აჭამდის იყო, ახლა? რა მელის მომავალში? უკვე მეჩვენებოდა, რომ ჩვენს ურთიერთ სიახლოვეშიც. ჩვენი გრძნობების, აზრების, გემოვნების თანხმობაშიც დიდი ხანია ყველაფერი რიგზე ვერაა: ეს „მარადისი უთანხმოება სინამდვილეს და ოცნებას შორის“ სიყვარულის მთლიანობისა და ერთსულოვნების მარადიული განუხორციელებლობა იმ ზამთარს განვიცადე, როგორც სრულიად ახალი და ჩემს გიჟართ თითქოსდა საშინლად უქანონო რამ.

ყველაზე მეტად ბალზე, სტუმრად ყოფნისას ვიტანჯებოდი. როცა ის მოხდენილ, მკვირცხლ მამაკაცთან ცეკვავდა და მის კმაყოფილებას, გამოცოცხლებას, მისი ფეხებისა და ქვედატანის სწრაფ მოძრაობას ვუმზერდი, მუსიკა თავისი ხალისიანი ხმოვანებით, ვალსებით მტკივნეულად მხედებოდა გულზე და ცრემლის საფრქვევად მეწეოდა. მას ყველა აღტაცებით უცქეროდა ტურჩანინოვთან — იმ, შავი ნახევარქილვაშებით და უსიცოცხლო ჩალამებული თვალებით შემეკულ, მოგრძო, მქრქალი — შავგვრემანი სახის წოწოლა ოფიცერთან რომ ცეკვავდა. ლიკა საკმაოდ მაღალი იყო, მაგრამ ოფიცერი მაინც მასზე ტანადი ჩანდა და, როცა მჭიდროდ ხელმოხვეული დიდხანს მსუბუქად ატრიალებდა მას, ზემოდან რაღაცნაირი დაყინებით დაჰყურებდა, ლიკას კი მისკენ აღეპყრო სახე, როპელზეც ერთგვარი ბედნიერებაც და უბედურებაც. მშვენიერი და ამასთან ერთად ჩემთვის უსაზღვროდ საძულველი რამ გამოსახვოდა. ო, როგორ ვევედრებოდი მაშინ ღმერთს, რაღაც წარმოუდგენელი რამ მომხდარიყო, — ოფიცერი უცებ დახრილიყო, ეკოცნა მისთვის და ამით იმწამსვე დაედასტურებინა ავი მოლოდინი, ჩემი სულის მწუხარე შფოთვა!

— შენ მხოლოდ საკუთარ თავზე ფიქრობ, გინდა ყველაფერი შენებურად იყოს, — მითხრა მან ერთხელ, — შენ უსათუოდ, სიამოვნებით მომისპობდი ყოველგვარ პირად ცხოვრებას, ყოველგვარ საზოგადოებას, გამომთიშავდი ყველასაგან. როგორც შენ ხარ გამოთიშული...

და მართლაც: რაღაც იდუმალი კანონის ძალით, რომელიც ყოველგვარ სიყვარულში, განსაკუთრებით კი ქალისადმი

სიყვარულში შებრალების, გულშემატკივარი სინაზის გრძნობას მოითხოვდა, მე ვერაფრით ვერ ვიტანდი, — განსაკუთრებით ხალხის წინ, — მისი მხიარულებისა და გამოცოცხლების წუთებს, მოწონებისა და თავის გამოჩენის სურვილს, მაგრამ ძალზე მიყვარდა მისი უბრალოება, სიწყნარე, უმწეობა: ცრემლები, რომელთა გამოც მაშინვე ბავშვივით ებურცებოდა ტუჩები. საზოგადოებაში უმეტესად თავი განმარტობით: უკეთურ მეთვალყურედ მეჭირა, გულში ვხარობდი კიდევ ამ განკერძოებითა და არაკეთილმოსურნეობით, რითაც უფრო მძაფრი შთაბეჭდილებები მექმნებოდა, უფრო ნათლად, გარკვევით ვამჩნევდი ხალხის ყოველგვარ ნაკლს. სამაგიეროდ როგორ მინდოდა ლიკასთან სიახლოვე და როგორ ვიტანჯებოდი, ამას რომ ვერ ვახერხებდი! მე ხშირად ლექსებს ვუკითხავდი მას.

-- მისმინე. ეს გასაოცარია! — ვიძახდი მე: — „განავლტე სული ჩემი აბობოქრებულ მხარეს, სადაც სევდაა ვით წარაფიანზე მთვარე!“

მაგრამ ლიკა გაცეხას არ გამოხატავდა.

— ჰო, ძალზე კარგია, — წყნარად, უგულისყუროდ ამბობდა იგი, თავქვეშ ხელებამოდებული ნებიერად რომ წამოწოლილიყო დივანზე და ცერად მიცქეროდა, — მაგრამ რატომ „ვით წარაფიანზე მთვარე?“ ეს ფეტი არაა? მას საერთოდ ჰკარბად აქვს ბუნების სურათები.

მე ბრაზი მიპყრობდა: ბუნების სურათები! ვუმტკიცებდი, რომ ჩვენგან გამოთიშული არავითარი ბუნება არ არსებობს, რომ ჰაერის ყოველი უმნიშვნელო მოძრაობა ჩვენი საკუთარი სიცოცხლის მოძრაობაა, ის კი იცინოდა.

— ასე მარტო ობობები ცხოვრობენ, ძვირფასო! მე ვკითხულობდი:

რა მოწყენაა! ხეაენის ბოლო
დილიდან ისევ დაინთქა მტვერში,
და ვერცხლასფერი გველების რემა
კლაეინდებურად გაკრთა ნამქერში...

ის მეკითხებოდა:

— როგორი გველები?

და საჭირო იყო ამეხსნა; რომ ეს ქარბუქია, მიწისპირა ქარია.

მე გაფითრებული ვკითხულობდი:

დახურულ ეტლში ღამე მსუსხავი
აცეცებს თავის ამღვრეულ თვალებს...
მთა-ტყის გადაღმა, ღრუბლებას ნისლში
მთვარის მწუხარე ლანდი ეღვარებს...

— მე ხომ, ძვირფასო, არასდროს არ მინახავს ყოველივე ეს! — ამბობდა იგი.

ახლა უკვე ჩუმი საყვედურით ვკითხულობდი:

ღრუბლებში ატანს მზის სხივები შორი და მწველი,
ხაზავდი სილას, სილა იყო თვალისმომპრელი...

იგი მოწონებით მისმენდა, ალბათ, მხოლოდ იმიტომ, რომ ისე წარმოედგინა, თითქოს ბაღში თავად იჯდა და ლამაზი ქოლგით ხაზავდა სილაზე.

— ეს მართლაც მშვენიერია, — თქვა ლიკამ, — მაგრამ გვეყოფა ლექსები, მოიწი აქეთ... შენ კიდევ უკმაყოფილო ხარ ჩემით!

მე ხშირად ვუამბობდი მას ჩემი ბავშვობის, ადრეული ახალგაზრდობის, ჩვენი ეზო-კარის მშვენიერების, დედის, მამისა და დის შესახებ: იგი დაუნდობელი გულგრილობით მისმენდა. მე მწუხარებას, გულის აჩუყებას ველოდი მისგან, როცა ვუყვებოდი ჩვენს ოჯახში ხანდახან არსებულ ხელმოკლეობაზე, — იმის შესახებ, მაგალითად ერთხელ როგორ მოვხსენით ყველა ხატს მთელი ძველებური მოჭედებულობა და ქალაქ მემშჩერინოვოში დასაგირაველად წავუღეთ მარტო მცხოვრებ, საკვირველი აღმოსავლური იერის, ცხვირკეხიან, უღვაშა, თვალებდაშრეტილ, შალით და ბეჭდებით მორთულ ბებრუხანა ქალს, რომლის გამოყრუებულ, ყოველგვარი სამუზეუმო ნივთებით გამოჭედილ სახლში მთელი დღე გამყივანი, შემაზრუნენი ხმით კიოდა თუთიყუში; და რა ვნახე სევდისა და გულის აჩუყების მაგიერ?

— ეს საშინელებაა, — უგულისყუროდ ამბობდა იგი.

რაც უფრო დიდხანს ვცხოვრობდი ქალაქში, მით უფრო გვრძნობდი, რომ აქ რატომღაც სრულიად ზედმეტი ვიყავი,

ავილოვამაც შეიცვალა ჩემდამი დამოკიდებულება, — უკარება და დამცინავი გახდა; რაც უფრო უსიცოცხლო და მოწყენილი იერს იღებდა ჩემი ქალაქური ცხოვრება, მით უფრო ხშირად მინდოდა ლიკასთან მარტო ვყოფილიყავ, რაიმე წამეკითხა, მეამბნა, აზრი გამომეთქვა. სასტუმროში ვიწრო, უსიამო ოთახი მეპირა, საშინელ მოწყენილობას ვასადგურებდით მე, ჩემი პატარა ჩემოდანი და რამდენიმე წიგნი, ჩემს ავლა-დიდებას რომ შეადგენდა, მარტოდ გატარებული ღამეები — ისე სულ-შემხუთველნი და ციენი, რომ არაქათს მაცლიდნენ და დაძინებას ვერ ვახერხებდი, ძილ-ღვიძილში ველოდი განთიადს, მახლობელ სამრეკლოზე ზამთრის სუსხიან ჰაერში ზარის პირველ ანძიანებას. ლიკასაც ვიწრო ოთახი ჰქონდა, იგი დერეფნის ბოლოს კიბის გვერდით მეზონინში ცხოვრობდა, სამაგიეროდ ოთახის ფანჯრები ბაღს გადაჰყურებდა, იყო კარგად მორთული, მყუდრო და თბილი; დაბინდებისას ღუმელი ენთო, ლიკას ხომ, თავის საოცრად მშვენიერ ფეხსაცმელებს რომ გაიხდიდა, დივანის ბალიშებზე უჩვეულო ნეტარებით წოლა ემარჯვებოდა ოთხად მოკუნტულს. მე ვკითხულობდი:

ისმის ღამეულ ქარბუქის ქშენა,
უღაბურ ტუიანს აკრთობს ქშატინი,
ერთმანეთის წინ დავსხედით ჩვენა,
ფიჩხი იწვება ცეცხლზე შიშანიტ..

მაგრამ მთელი ეს ქარბუქი, ტყეები, მინდვრები, ცეცხლის, საცხოვრებლის, მყუდროების მძაფრი პოეტური განცდა სრულიად უცხო იყო მისთვის.

მე დიდხანს მეგონა, რომ საკმარისი იყო მეთქვა: „გინახავს ეს შემოდგომის დატკეპნილი, მაგარი, ლილისფერი რეზინის მსგავსი, ნალის კბილებით დაჩეხილი და შუადღის მზით თვალისმომკრელ ზოლად აელვებულნი გზები?“ რომ მისი აღტაცება გამომეწვია. მე მას მოვუყუევი, ერთხელ, შემოდგომის მიწურულს როგორ წავედი ძმასთან, გიორგისთან ერთად მოსაჭრელი არყის ხის საყიდლად: სამზარეულოში ჰერი ჩამოგვენგრა და კინაღამ იმსხვერპლა ჩვენი ყოფილი ღრმად მოხუცი მზარეული, რომელიც იქ მუდამ ღუმელზე იწვა. არყის ხე საკოჭედ გვინდოდა. გადაუღებლად წვიმდა (მზიანი ციდან სწრაფი,

წერილ-წერილი წვეთები ცვიოდა), ფორანში ჩვენთან ერთად გლეხები ისხდნენ და ჩორთით მიედიოდით ჯერ მთავარ გზაზე, შემდეგ კი ტყიანში, რომელიც ამ ათინათებულ წვიმისა და მზის ელვარებაში, ჯერ კიდევ მწვანე, მაგრამ უკვე უსიცოცხლო, წყლით დატბორილ მოლში. განსაცვიფრებელი სილადით, სილამაზითა და სიმშვიდით იდგა... მე ვთქვი, რარიგ შემეცოდა ეს მხრებგაშლილი, წერილი ქანგისფერი ფოთლებით დაფარული არყი, როცა გლეხებმა ბაჯბაჯით, უხეშად შემოუარეს, ახედ-დახედეს, შემდეგ დაკორძილ. ტლანქ ხელისგულებზე დაიფურთხეს, ნაჯახებს მისწვდნენ და ერთდროულად დაპკრეს თეთრად და შავად აკრელებულ მის ტანს... „ვერ წარმოიდგენ. რა საოცრად სველი იყო ირგვლივ ყოველი, რარიგ ელავდა და ლივლივებდა!“ — ვამბობდი მე და იმით დავამთავრე, რომ გამოვტყდი ამაზე მოთხრობის დაწერას ვაპირებ-მეთქი. მან მხრები აიჩეჩა:

— რა არის აქ სამაგისო, ჩემო კარგო! მთელი ბუნება უნდა აღწერო!

ჩემი ერთ-ერთი ყველაზე რთული და ტანჯვის მომგვრელი სიამოვნება მუსიკა იყო. ო, რარიგ მიყვარდა ლიკა, როცა რაიმე კარგს უკრავდა! რა ზეალმტაცი სინაზე მეუფლებოდა! რარიგ მსურდა დიდხანს, დიდხანს მეცოცხლა! როცა მუსიკას ვუსმენდი, ხშირად ვფიქრობდი: „ჩვენ თუ ოდესმე განვშორდით, ამას როგორ მოვისმენ უმისოდ! როგორ მეყვარება, როგორ გამახარებს რამე, თუ ამ სიყვარულსა და სიხარულს მას არ გავუზიარებ!“ მაგრამ რაც არ მომწონდა, ისე თავშეუქავებლად ვკიცხავდი, ლიკა წონასწორობას კარგავდა:

— ნადია! — გასძახოდა ავილოვას, კლავიშებს თავს ანებებდა და სწრაფად ბრუნდებოდა მეზობელი ოთახისკენ. — ნადია, უსმინე ერთი რას მიედ-მოედება!

— ასეც ვიზამ! — ვიძახოდი, მე. — ამ თვითეული სონატის სამი მეოთხედი უხამსობა, ღრიანცელი და ალიაქოთია! ოჰ, აქ საფლავის ნიჩბის წყარუნი ისმის! ოჰ, აქ მოლზე ფერიები ცეკვავენ, იქ კი ჩანჩქერები გუგუნებენ! ეს ფერიები ერთ-ერთი ყველაზე საძულველი სიტყვაა ჩემთვის! საგაზეთო „ექვ გარე-შეაზე“ უარესია!

ლიკას თავი მოჰქონდა თეატრის უზომო სიყვარულით, მე

კი თეატრი მძულდა, სულ უფრო მეტად ვრწმუნდებოდი, რომ მსახიობთა უმრავლესობის ნიჭიერება სხვებთან შედარებით წარმოადგენდა დიდ უნარს ყოფილიყვენ უხამსნი, თავი სწვებზე უკეთ მოეჩვენებინათ, ყველაზე საძაგელ შემომქმედებად და მხატვრებად. ყრუანტელს მგვრიდა აბრეშუმის ხახვისფერ თავსაკრავებსა და თურქულ შალში გახვეული, ერთი და იგივე ამპარტავნული გულმოდგინებით უკან გადახრილ ეს მუდმივი მაქანკლები, უსათუოდ მკერდზე, გრძელკალთებიანი სერთუკის გვერდითა ჯიბესთან. გაფშეკილი მარცხენხელი რომ მიედოთ და ტიტ ტიტჩების წინაშე პირმოთნე მანკვითა და მოთაფლული ენით რომ იგრიხებოდნენ; ეს ღორისმაგვარი გოროდნიჩები და ხუნტრუცა ხლესტაკოვები, უღიმდამოდ, გულისამრევად მოხიხინე ოსიპები, ბილწი რეპეტროლოვები, ქარაფშუტულად აღშფოთებული ჩაცკები, ეს ბეჭდებმოელვარე ფამუსოვები, ზუსტად ქლიავივით რომ გამოზურცვოდათ აქტიორული ტუჩები; ეს მეჩირალდნეთა ლაბადებსა და ფარფლებდაღვარჭნილ ქუდებში გამოწყობილი, ბიწიერად მიბნედილი, შეღებილი თვალებით შემკული, ბარკლებზე შეხვავერდშემოტმასნილი, ბრტყელ, მდაბიოტერფებიანი ჰამლეტები. ოპერა კი! ცხრად მოკაკული რიგოლეტო, ფეხები ერთხელ და სამუდამოდ რომ ყოვლად უხეიროდ გაეჩაჩხა და მუხლებში შეერთებინა! ცისკენ უსასოოდ და ნეტარებით თვალბმიბრეცილი სუსანიინის გრგვინვა: „ამოენთები ჩემო გარიყრაეო“, მეწისქვილე „ალიდან“, საზარლად რომ გაეშალა და მრისხანედ აქნევდა ხმელი ტოტებივით ჩამომხმარ ხელებს, რომლებზეც ისევ ჰქონდა ნიშნობის ბეჭედი, ტანთ კი ისეთი კონკეები, იმდენად დაფლეთილი, დაგლეჯილი შარვალი ეცვა, გეგონებოდათ, გაცოფებული ძაღლების მთელი ხროვა წეწდაო! თეატრზე კამათის დროს ჩენი შეთანხმება არ ხერხდებოდა: ერთმანეთს არაფერს ვუთმობდით და არც არაფერი გვეყურებოდა. აი, ორიოლში საგასტროლოდ ჩამოსული სახელგანთქმული პროვინციელი მსახიობი „შეშლილის ჩანაწერებში“ გამოდის, მის თამაშს ყველა დაძაბულად ადევნებს თვალს, ალტაცებაში მოდიან ავადმყოფის საწოლზე წამომჯდარი დედაკაცური სახის, მეტისმეტად წვერმოშვებული, ხალათმოცმული

მსახიობი თუ რა დიდხანს, რა უსაშველოდ დიდხანს დუმს, რაღაც რეგენული სიხარულით და სულ უფრო მომძლავრებული გაკვირვებით გარინდებული; შემდეგ ნელ-ნელა სწევს თითს, წარმოუდგენლად დუნედ, აუტანელი გამომეტყველებით იქცევს ყიას და დამარცვლით იწყებს: „ღღე-ვან-ღღელ ღღეს...“ მომდევნო ღღეს იგი ლიუბიმ ტორცოვად გვევლინება, მესამე ღღეს კი ჰარხლისფერცხვირიან, გაზინთულ მარმელადოვად: „ნებას მომცემთ, მოწყალეო ხელმწიფეჲ, თავაზიანად მოგმართოთ?“ — აგერ ცნობილი მსახიობი ქალი სცენაზე წერილს წერს,—უცებ გადაწყვიტა რაღაც საბედისწერო რამ დაეწერა, აწრათად მიუჯდა მაგიდას, მშრალ სამელნეში მშრალი კალაში ჩააწო, ერთ წამში სამი გრძელი ხაზი გაუსვა ქაღალდზე, კონვერტში ჩადო, ზარი დააწკარუნა და მოკლედ, ცივად უბრძანა შემოსულ, თეთრწინსაფრიან მოსამსახურეს: „დაუყონებლივ გაატანე შიკრიკს!“ — თეატრში გატარებული ყოველი ასეთი საღამოს შემდეგ ერთმანეთს ვუყვირით ღამის სამ საათამდე, ძილს ვუფრთხობთ ავილოვას და მე უკვე ჯვარს ვაცმევ არა მარტო გოგოლის შემლილს, ტორცოვს და მარმელადოვს, თვით გოგოლსაც, ოსტროვსკისაც და დოსტოვესკისაც...

— დაუეშვათ, მართალი ბრძანდებით, — იძახის უკვე გაფითრებული, თვალბღაბინდული და ამიტომაც განსაკუთრებულად მშვენიერი ლიკა, — რატომღა ცოფდებით ასე? ნადია, ჰკითხე ერთი!

— იმისათვის, — გავყვირი პასუხად, — მარტო იმისთვის, რომ როცა მსახიობი სიტყვა „არომატის“ წარმოთქმისას ამბობს „ა-რო-მატი!“ — მზად ვარ სული ამოვართვა:

ასეთივე ყვირილი იწყებოდა ორიოლის ყოველი რანგის საზოგადოების ხალხთან ჩვენი თვითეული შეხვედრის შემდეგ. მე სულით და გულით მინდოდა ჩემი დაკვირვებულობით, ამ დაკვირვებულობაში დახელოვნებით მიღებული სიამოვნება მასაც გაეზიარებინა, მსურდა მისთვისაც გადამედო გარემოსადმი ჩემი უღმობელი დამოკიდებულება, მაგრამ სასოწარკვეთით ვხედავდი, რო? ჩემი გრძნობებისა და აზრების თანამონაწილედ გახდომის მაგიერ სავსებით საწინააღმდეგო რამ გამოდიოდა. ერთხელ ვუთხარი:

— ნეტავ იცოდე, რამდენი მტერი მყავს!
— სად? რომელი? — მკითხა მან.
— ყოველნაირი, ყველგან: სასტუმროში, მალაზიებში, ქუჩებში, სადგურში...

— მერედა ვინაა ეს მტერი?

— ყველა, ყველა! რამდენი საზიზღარი სახისა და აღნაგობის ადამიანია ქვეყნად! ეს პავლე მოციქულმაც კი თქვა: „არა ყოველი ხორცი ერთ ხორც-არს, არამედ სხუა არს კაცთა, და სხუა ხორც არს პირუტყვთა...“ ზოგიერთი პირდაპირ საშინელი სანახავია! სიარულისას ტერფებს ისე აბიჯებენ, ისე მოხრილად უჭირავთ ტანი, გეგონება, ახლახან ისწავლეს ფეხზე დგომაო. აი, გუშინ ბოლხოვსკაიაზე დიდხანს მივეყვებოდი უკან ფართომხარბეჭიან, ჩათსკვნილ პოლიციის ბოქაულს, თვალს არ ვაშორებდი მაზარაში გახვეულ მის სქელ ზურგს, გამობზევილ, პრიალა ჩექმის ყელეებში გაკრულ კანჭებს; ო, რომ იცოდე, რა მშვიერი მგელივით ვუყურებდი ამ ჩექმის აყროლებულ ყელებს, საუცხოოდ ნაყერი ნაცრისფერი მაზარის მაუდს, ქამრის ღილებს და ამ ძალოვან, ორმოცი წლის ცხოველს მთელი თავისი სამხედრო აკაზმულობით!

— როგორ არ გრცხვენია! — თქვა ლიკამ ზიზღნარევი სიბრაღულით. — ნუთუ მართლა ასეთი ბოროტი და საძაგელი ხარ? შენი, საერთოდ, ვერაფერი გამიგია. მთლიანად რაღაც საკვირველი წინააღმდეგობებითა ხარ სავსე!

IX

მიუხედავად ამისა, დილით რედაქციაში მოსვლისას ყოველთვის სიხარულით, მთელი გულით ვეგებებოდი საკიდარზე ჩამოკიდებულ მის ნაცრისფერ ქურთუკს. რომელშიც თითქოსდა თვით იგი, მისი რაღაც ქალური ნაწილი იმალებოდა, და საკიდარქვეშ დაწყობილ სანუკვარ, ნაცრისფერ ბოტებს, გრძნობის ყველაზე მეტად ამშლელ ნაწილს. მოუთმენლობით შეპყრობილი — რაც შეიძლება ჩქარა მენახა ლიკა — რედაქციაში ყველაზე ადრე მოვდიოდი, ჩემს სამუშაოს ვუჯდებოდი — ვათვალისწინებდი და ვასწორებდი პროვინციებიდან მი-

ღებულ კორესპონდენციებს, ვკითხულობდი დედაქალაქის გაზეტებს და მათი მიხედვით ვადგენდი „საეკლესიო დეპეშებს“, კინამდამ ხელახლა გადავწერე პროვინციელი ბელეტრისტების ზოგიერთი მოთხრობა; მთავარი ყურადღება კი მაინც მისკენ მიქონდა მიპყრობილი, ველოდი — და აი, ბოლოს: ჩქარი ნაბიჯები. ქვედატანის შარიშური! იგი თითქოსდა საყვარელით გამოცვლილი, გრილი, სურნელოვანი ხელებით, გიჟმაყი, მაგარი ძილის შემდეგ განსაკუთრებით გამოცოცხლებული თვალების ელვარებით მოიბრუნდა, მიმოიხედავდა და მაკოცებდა. საატუმროშიც ასევე შემობრუნდა ზანდაზან, თან ქურთუკის ბეწვის, ზამთრის ჰაერის სუნთქვა შემოჰქონდა; მე ვკოცნიდი მის შეფაკულ ცივ სახეს, ქურთუკს შიგნით იმ თბილსა და სააღმოსავლურ ვეხვეოდი, მის სხეულსა და სამოსს რომ შეადგენდა; ის იცინოდა, ხელიდან მისხლტებოდა, — „გამიშვი, საქმეზე მოვედი!“ — მოსამსახურეს ეძახდა, ბრძანებას აძლევდა ოთახი დაეღებინა, თვითონ შეელოდა დალაგებაში...

ერთხელ შემთხვევით მოვუსმინე ავილოვას და ლიკას საუბარს. — ისინი საღამოთი სასადილოში ისხდნენ და ჩემს შესახებ გულდიად ლაპარაკობდნენ. ეგონათ, რომ მე სტამბაში ვიყავი. ავილოვა ეკითხებოდა:

— ლიკა, ძვირფასო, შემდეგში როგორღა წავა თქვენი საქმე? შენ იცი, რა თვალთ ვუყურებ მას, იგი, რა თქმა უნდა, მეტად იშვინიერია, მე მესმის, მოიხიბლე... მაგრამ მერე?

მე თითქოს ფეხქვეშ მიწა გამომეცალა: როგორ, „მეტად იშვინიერი“ ვარ, მეტი არაფერი! ის არც მეტი, არც ნაკლები მხოლოდ „მოიხიბლა!“

პასუხი უფრო საწყენი იყო:

— მერედა რა უნდა ვქნა? მე ვერავითარ გამოსავალს ვერ ვხედავ...

ამ სიტყვებმა ისე გამაცოფა, მინდოდა სასადილოში შევეპარდნილიყავ, მეყვირა, რომ გამოსავალი არის, რომ დღეის იქით ჩემი ფეხი არ იქნება ორიოლში, მაგრამ უცებ ლიკამ კვლავ დაიწყო ლაპარაკი:

— ნადია, როგორ ვერ ხედავ, რომ ნამდვილად მიყვარს!:

გარდა ამისა, შენ კარგად არ იცნობ მას, — იგი ათასჯერ უკეთესია ვიდრე ჩანს...

ღიან, შეიძლება გაცილებით ცუდი ვგონებოდი ვინმეს, ვიდრე ვიყავი. მე დაძაბულად, აფორიაქებულად ვცხოვრობდი, ხალხში შკაცრად. გულზვიადად მეჭირა თავი, ადვილად მეუფლებოდა სევდა, სასოწარკვეთილება; მაგრამ ადვილადაც ვიცვლიდი გუნებას, თუკი ვხედავდი, რომ ჩვენს სიმშვიდეს აწაფერი ეშუქებოდა, არავინ ხელყოფდა ლიკას: იმწამსვე მიბრუნდებოდა თანდაყოლილი უნარი ცხოფილიყავ კეთილი; გულწრფელი და მხიარული. რა საზეიმოდ ვეწყობოდი, თუ ვიცოდი, რომ საღამო, სადაც წასვლას ვაპირებდით, არც შეურაცხყოფას და არც წუხილს არ მომაცენებდა: როგორ მომწონდა ჩემი თავი, ვიყურებოდი სარკეში. შევხაროდი საკუთარ თვალებს, ახალგაზრდა დაეღაჟა სახეს. ქათქათა ხალათს, რომლის გახამებელი ნაოჭები მომხიბლავი ტკაცანით იშლებოდა და იკეცებოდა! რა ბედნიერი ვიყავი ბალზე, როცა ეპკეები გულს არ მიღრღნიდა! ბალზე წასვლისას მუდამ საშინელ წუთებს განვიცდიდი, — უნდა ჩამეცვა ავილოვას განსვენებული ქმრის ფრაკი, — მიუხედავად იმისა, რომ იგი სავსებით ახალი და, მგონი, სულ უხმარი გახლდათ, გულს მიმძიმებდა. მაგრამ საკმარისი იყო სახლიდან გავსულიყავი, ერთი კი ყინვაში ჩამესუნთქა. ვარსკვლავებით აჭრელებული ცა დამენახა და მარხილში სწრაფად ჩავმჯდარიყავ, რომ ეს წუთები დავიწყებას მისცემოდნენ... ღმერთმა უწყის, რატომ ამკობდნენ საბალო შეკრების გაჩახჩახებულ მისასვლელებს რაღაც წითელზოლიანი კარებით; რისთვის გამოიყურებოდნენ წმინდა მხედრული სიმკაცრით მათ წინ მდგარ თავყრილობის მომწესრიგებელი უბნის პოლიციელები! მაგრამ სულ ერთია — ეს უცნაური შესასვლელი, რომელიც მის წინ დაბეკნილ, ხრაშუნა თოვლს თვალისმომჭრელი შუქით მძაფრად, თეთრად აჩირადნებდა, სინათლეთა მთელი ეს სწრაფი, შეთანხმებული ლიეღივი, პოლიციელის მკვეთრი შეძახილი, მისი გაფიჩხებული გაწყებილი უღვაშები, თოვლზე პრიალა ჩექმების ბაკუნნი, თეთრი ნაქსოვი ხელთათმანიანი ხელების ჯიბეებიდან რაღაც საგანგებო უკუტრიალით ამოღება და ჩადება — უკვე ბალს

წარმოადგენდა. თითქმის ყველა აქ მოსულ მამაკაცს ფორმა ეცვა, — რუსეთში მრავალგვარი ფორმა იყო ოდესღაც, — და თავისი ჩინებითა და ფორმებით ყველა გამომწვევად აღგზნებული ჩანდა. მე ჯერ კიდევ მაშინ შევნიშნე, რომ მათაც კი, ვინც მთელი სიცოცხლის მანძილზე მაღალ თანამდებობებს და ტიტულებს ფლობენ, არასოდეს არ შეუძლიათ მათი შეგუება. ეს მოსული ხალხი მეც ნიადაგ მალეღვებდა, მყისვე ჩემი გამახვილებული, მტრული დაკვირვების საგანი ხდებოდა. სამაგიეროდ ქალთაგან ყველა მიმზიდველი და სანდომიანი ჩანდა. ისინი ვესტიბიულში მომხიბვლელად იხსნიდნენ ბეწვეულს და კაპორებს და სწრაფად იქცეოდნენ სწორედ იმ არსებებად, რომელთაც მართლაც რომ შეენოდათ ფართო კიბეების წითელ ხალიჩებზე სარკეებში გამრავლებულ, აგრე რიგად ჯადოქრულ გუნდებად სიარული. და შემდეგ — დარბაზში დამკვიდრებული ბალის წინამორბედი ეს მომხიბვლელი სიცარიელე, მისი მოსალმუნე სიგრილე, ერთთავად აღმასივით მოელვარე, გაჩახჩახებული ქალის ვეება მტევანი, უზარმაზარი შიშველი ფანჯრები, პრილა პარკეტის გაშლილი სივრცე, ცოცხალი ყვავილების, პუდრის, სუნამოს, საბალო თეთრი ლაიკის სუნი და მთელი ეს მღელვარება მომსვლელთა ხილვისას, მოლოდინი მუსიკის პირველი აგრიალებისა, დარბაზის ჯერ კიდევ აუძღვრეველ სივრცეში უეცრივ გაქრილი, თავის თავში დარწმუნებული, ყველაზე მარდი წყვილებისა.

ბალზე მე ყოველთვის მათზე ადრე მივიდიოდი. ჩემი მისვლისას სტუმართა შეკრება ისევ გრძელდებოდა, ქვევით მსახურები თავს ვერ ართმევდნენ მოზღვავებულ სურნელოვან ქურქებს, ქურთუკებსა და მაზარებს, ირგვლივ ყველგან თხელი ფრაკისთვის შეუფერებელი ცივი პაერი იდგა. აქ, ამ უცხო ფრაკში, საღად თმადავარცხნილი, ტანადი, თითქოს უფრო გამხდარი და შემსუბუქებული, თავისუფალი, ყველასთვის უცხო და მარტოსული, რედაქციაში რაღაც უცნაურ როლის შემსრულებელი, ვინმე მეტისმეტად ამაყი ჰაბუკი, — პირველად ისე ფხიზლად და საღად, ყველგან ისე განცალკევებულად გგარძნობდი თავს, თითქოსდა რაღაც ცივი სარკისმაგვარი რამ ვიყავი. შემდეგ ხალხი უფრო მატულობდა, იზრდებოდა ხმაური, მუსიკა

უფრო შეწყობილად ქუხდა, მოდიოდნენ და მოდიოდნენ ქალები, იქედებოდა დარბაზის შესასვლელები. ჰაერი თბებოდა, მძიმდებოდა და მე თითქოს ვთვრებოდი, ქალებს მეტი სითამამით ვუცქეროდი, კაცებს კი ქედმაღლურად, უფრო რიტმულად დავსვრიალედი ხალხში და, როცა რომელიმე ფრაკს ან მუნდირს წავედებოდი, მეტი თავაზით და მედიდურობით ვიხდიდი ბოდიშს... შემდეგ უეცრივ დავინახავდი მათ, — აი, ფრთხილად, ღიმმორეულნი მოემართებიან, — გულს თბილი, ამასთან უხერხულობისა და განცვიფრების გრძნობა შეატოკებდა ხოლმე: ვუმზერ და თვალებს არ ვუჯერი, სულ შეცვლიათ სახე, განსაკუთრებით ლიკას! ამ წუთში მუდამ მანცვიფრებდა მისი სილადე, სინატიფე: კორსეტით შეკრული ტანი, მსუბუქი და უზადო-სადღესასწაულო კაბა, ხელთათმანებიდან მხრებამდე შიშველი და ყმაწვილივით გალურჯებული, გაყინული ხელები, სახის გაუბედავი გამომეტყველება... მარტოოდენ წარჩინებული საზოგადოების ქალის თმის მაღალი ვარცხნილობა, რომელშიც განსაკუთრებით მიმზიდველი, მაგრამ თითქოსდა ჩემგან განშორების, ლალატისა და ამავე დროს მალული ბიწიერებისაკენ მისწრაფება გამოსკვიოდა. მასთან იმწამსვე მიიჩნებნდა ვინმე ბალისათვის ჩვეული, აჩქარებული ნაბიჯით, მდაბლად დაუკრავდა თავს, ლიკა ავილოვას უწვდიდა მარაოს, თავის კავალერს თითქოს დაბნევით, მოხდენილად ადებდა მხარზე ხელს და ფეხის წვერებზე ტრიალით ეფარებოდა თვალს, იკარგებოდა მორიალე ხალხში, ხმაურში, მუსიკაში, ჰე კი რაღაცნაირი გამოთხოვების და უკვე საშინლად მტრული გრძნობით გავცქეროდი მის კვალს.

პატარა, ცოცხალი. მუდამ მხნე და სამხიარულოდ განწყობილი ავილოვაც ასევე მანცვიფრებდა ბალზე თავისი სიახალგაზრდავით და ნატიფი ეშხიანობით. ერთხელ სწორედ აქ გავიგე, რომ იგი მხოლოდ ოცდაექვსი წლისა იყო, და პირველად — ისე, რომ ვერც კი ვბედავდი ჩემი თავისთვის დამეჯერებინა, მივხვდი ამ ზამთარს ასე უცნაურად რატომ შეიცვალა ჩემდამი დამოკიდებულება, მივხვდი, რომ შეიძლებოდა ვყვარებოდი და ჩემზე ეეკვიანა..

შემდეგ დიდი ხნით დავშორდით ერთმანეთს.

მიზეზი ის იყო, რომ მოულოდნელად ექიმი ჩამოვიდა.

ერთ ნათელ სუსხიან დილას რედაქციის წინა ოთახში შეველთუ არა, უეცრივ ძალზე ნაცნობი პაპიროსის მკვეთრი სუნი ვიგრძენი, თანაც სასადილოდან გაცხოველებული ლაპარაკი და სიცილი შემომესმა. მე შევდექი. — რაშია საქმე? აღმოჩნდა, რომ მთელი სახლი ექიმს აევსო კვამლით. ლაპარაკობდა სწორედ ის, — ხმამალა, იმ ყაიდის ადამიანთა სიხალისით, რომლებმაც შიალწიეს რა გარკვეულ ასაკს, შემდეგ აღარაფერი შეცვლიათ და ასევე დარჩნენ მთელი წლების მანძილზე, დიდ სიამოვნებას ჰგვრით შესანიშნავი გუნება, თამბაქოს ზედიზედ წევა და გაუთავებელი ლაპარაკი. გულმა რეჩხი მიყო — რას უნდა ნიშნავდეს ეს მოულოდნელი ჩამოსვლა? რაიმე მოთხოვნას უყენებს ლიკას? როგორ შევიდე? როგორ დავიჭიროთ თავი? — არაფერი საშინელი არ მომხდარა, მაგრამ ეს მხოლოდ პირველ წუთებში. მე სწრაფად მოვიკრიბე ძალა, შევედი, ღიმილით გამოვხატე განცვიფრება... ექიმი თავისი გულკეთილი ხასიათის გამო, ცოტა არ იყოს, დაიბნა კიდევ, სიცილითა და თითქოს მობოღიშებით ნაჩქარევად თქვა, რომ ჩამოვიდა „პროვინციისაგან ერთი კვირით დაისვენოს“. მე იმწამსვე შევნიშნე ლიკას აღელვება, რატომღაც ავილოვაც აღელვებული იყო. შეიძლებოდა ყოველივე ამის მიზეზად ექიმი მიგვეჩინა, როგორც მოულოდნელი სტუმარი, როგორც კაცი, რომელიც ეს წუთია მაზრიდან გუბერნიაში ჩამოვიდა, რის გამოც ვაგონში ღამის თევრს შემდეგ უცხო სასადილოში განსაკუთრებული სიხალისით მიირთმევდა ცხელ ჩაის. მე თანდათან ვმშვიდდებოდი, მაგრამ თურმე სწორედ ახლა მელოდა ზარი: ექიმის ნალაპარაკევიდან უეცრად მივხვდი, რომ ის მარტო არ ჩამოსულა, რომ თან ჩამოპყოლია ბოგომოლოვი, ჩვენს ქალაქშიც ცნობილი ახალგაზრდა, მდიდარი დაბადი, რომელსაც უკვე დიდი ხანია თვალი ეჭირა ლიკაზე. შემდეგ ექიმის სიცილიც გავიგონე:

— ლიკა, შენზე ამბობს ჰკუხას ვკარგავო, ფრიად მტკიცე გადაწყვეტილებით ჩამოვიდა! ასე, რომ ახლა იმ უბედურის ბედი მთლიანად შენს ხელშია: გინდა მოკლავ, გინდა აცოცხლებ!

ბოგომოლოვი არა მარტო მდიდარი, ჰკვიანი და ამასთან ცოცხალი და სასიამოვნო ხასიათის კაცი გახლდათ, დამთავრებული ჰქონდა უნივერსიტეტი, ცხოვრობდა საზღვარგარეთ, ლაპარაკობდა ორ უცხო ენაზე; გარეგნობით პირველად შეიძლება იყოს შეეშინებინეთ კიდევ: წითური, უკან სწორად გადავარცხნილი თმა, ფუნთულა, მრგვალი სახე, მეტისმეტად, არაადამიანურად მსუქანი — რაღაც უსაშველოდ გაზრდილი და ზღაპრულად ნასუქი ბაღის, ან კიდევ გასისინებული, სისხლჭარბი ახალგაზრდა იორკშირის მსგავსი. მაგრამ ამ იორკშირში ისეთი დიდებული, წმინდა და ჯანსაღი რამ იყო, — ცისფერ თვალებში ცის ლაქვარდი, სახის ფერი წარმოუდგენლად უბიწო, ყოველგვარ მოქცევაში, სიცილში, ხმაში, თვალებისა და ტუჩების მოძრაობაში რაღაც მოკრძალება და სინაზე, — რომ ალტაცებასაც კი იწვევდა. ფეხები და ხელები შესამჩნევად პატარა ჰქონდა, ეცვა ინგლისური ქსოვილის ტანსაცმელი — აბრეშუმის წინდები, პერანგი, ყელსახვევი. მე სწრაფად გადავხედე ლიკას, მისი უხერხული ღიმილი შევნიშნე... და უცებ ყოველივე უცხოდ და შორეულად მომეჩვენა; სახლში უაღრესად ზედმეტ და არასაქირო არსებად ვიქეცი, მე ლიკასადმი სიძულვილმა შემიპყრო...

ამის შემდეგ დღეში ერთი საათიც კი არ შეგვეძლო მარტო გაგვეტარებინა, ის ან მამასთან იყო, ან ბოგომოლოვთან. ავილოვას იდუმალი, ანცი ღიმილი არ შორდებოდა სახიდან, ბოგომოლოვს ისეთი თავაზით და ალერსით ეპყრობოდა, რომ იგი პირველი დღეებიდანვე სახლში შინაკაცად იქცა, გამოჩნდებოდა დილით და შემდეგ გვიანობამდე აქ იჯდა, სასტუმროში მხოლოდ ღამეს ათევდა. ამას გარდა, თეატრის მოყვარულთა დრამატიული წრის რეპეტიციები დაიწყო. — წრე, რომლის წევრი ლიკაც იყო, ყველიერისთვის სპექტაკლს ამზადებდა და ლიკას მეშვეობით პატარა როლების შესასრულებლად არა მარტო ბოგომოლოვი, თვით ექიმიც ჩაითრია. ლიკა ამბობდა, რომ ბოგომოლოვის არშეიყობას მხოლოდ მაშინ ხათრით არ თაკილობდა, არ უნდოდა მასთან მწვავე დამოკიდებულებით მამისთვის ეწყენინებინა. მე ყოველნაირად ვითმენდი, ისეთ სახეს ვიღებდი, თითქოს მისი მჯეროდა, თავს ძალას ვა-

ტანდი და რეპეტიციებს ვესწრებოდი, ამით ვცდილობდი ჩემი აუტანელი ეჭვებისა და იმ ტანჯვა-წამების დაფარვას, რასაც რეპეტიციებზე განვიცდიდი: სირცხვილით არ ვიცოდი სად დამემალა თვალები, როცა ვუმზერდი .ლიკას, მის უსუსურ ცდას „ეთამაშნა“. მერე საერთოდ რა საშინელი რამ იყო ეს ადამიანური უნიჭობის სანახაობა! რეპეტიციებს ხელმძღვანელობდა უმუშევარი, პროფესიონალი მსახიობი, რომელიც გაბრუებული იყო თავისი უბადრუკი სცენიური გამოცდილებით და თავს, რასაკვირველია, დიდ ტალანტად ასაღებდა. იგი გაურკვეველი ასაკის კაცი გახლდათ, საგოზავისფერ სახეზე ისე დიდი ნაოქები ჰქონდა, საგანგებოდ გაკეთებული გეგონებოდათ. მოთმინებას წამდაუწუმ კარგავდა და, როცა მითითებას იძლეოდა, როგორ უნდა ეთამაშნა ამა თუ იმ როლში, ისე უხეშად და ბრაზმორევით ილანძლებოდა, საფეთქლებზე თოკივით ებურცებოდა სკლეროზული ძარღვები. თვითონ ხან კაცების, ხან ქალების როლებს ასრულებდა, ხალხს არაქათი ეცლებოდა მისი მიბაძვისას, მე კიდევ ხმის ყოველი ბგერა, სხეულის ყოველი მიმოხრა ეკალივით მესობოდა გულზე: რამდენად მომაბეზრებელი იყო მსახიობი, მით უფრო აუტანელნი იყვნენ მისი მიმბაძველები. მერედა რატომ, რისთვის თამაშობდნენ? მათ შორის იყო ყველა პროვინციული ქალაქის დამახასიათებელი ბანოვანი — სამხედრო პირის ქვრივი. ჩხირივით გამხდარი, თავის თავში დაჯერებული და უტიფარი ქალი; მუდამ ბრწყინვალედ მორთული, ყოველთვის მღელვარე და რალაცის მომლოდინე ქალიშვილი, რომელიც ტუჩების კენეტას დაუფლებოდა; ერთმანეთთან განუყრელობით და საოცარი მსგავსებით მთელ ქალაქში განთქმული, მეტისმეტად მღუმარე, ზედმიწევნით შავი თმებითა და შავი შეზრდილი წარბებით შემკული ორი და — ყორანა სახელნე ცხენების ნამდვილი ცალები; გუბერნატორის საგანგებო დავალებათა ჩინოვნიკი, — წითელი ქუთუთოებიდან დაჰყეტილი, ცისფერი თვალებით მომზირალი, ძალზე მაღალი. ძალზე მაღალ საყელოში თავჩარგული, აუტანლად თავაზიანი და ზრდილი, ჯერ კიდევ სავსებით ახალგაზრდა, მაგრამ მელოტშეპარული ბობრი კაცი; ბრგე, ტანმოსული, მკერდმსხვილი და მხრებფართო, ტლანქტერფე-

ბიანი ადგილობრივი, სახელმძღვანელო ვეჟილი, — როცა მას ბალზე ფრაკში გამოწყობილს ვხედავდი, მუდამ უფროს ლაქიაში მეცვლებოდა; ახალგაზრდა მხატვარი: შავი ხავერდის ხალათში, გრძელი ინდუსური თმებით, თხის პროფილით, თხისავე წვერით, ქალური ბიწიერებით აღსავსე მოქუთუღი თვალებითა და მეტად წითელი, ნაზი ტუჩებით, რომელთა დანახვაც უხერხულობას მგვრიდა, — ქალის მენჯით...

შემდეგ სპექტაკლიც დაიდგა. ფარდის აწევამდე კულისებში შეძრომა მოვახერხე: იქ ერთი ორომტრიალი იდგა, იცვამდნენ, იკეთებდნენ გრიმს, ყვიროდნენ, ჩხუბობდნენ, გამორბოდნენ საპირფარეშოდან, ეჯახებოდნენ და ვერ ცნობდნენ ერთიმეორეს, ისე უცნაურად მორთულიყვნენ, — ვილაცას ყავისფერი ფრაკი და იისფერი შარვალის კი ეცვა, — ისეთი ულაზათო პარიკები და წვერები ჰქონდათ, ისე უხეიროდ გათხიპნილი, უმეტველო სახეები: ვარდისფერი სალბუნით დამშვენებული შუბლი და ცხვირი, მოელვარე, ჩავარდნილი თვალები, შავად შეღებილი, მანეკენივით მსხვილი და მძიმედ მოხამხამე წამწამები. მე ლიკას შევეჩხე და ველარც ის ვიცანი, — ძალზე გამაოცა მისმა თოჯინისმაგვარმა იერმა, — რაღაც ვარდისფერმა, ძველმოდურმა კოხტა კაბამ, ქერა, სქელთმიანმა პარიკმა, შეფერადებული სახის უწნო სილამაზემ და ბავშვურობამ... ბოგომოლოვი ყვითელთმიან მეეზოვეს თამაშობდა, იგი განსაკუთრებული ხელოვნებით მოერთოთ „საყოფაცხოვრებო ტიპის“ მსგავს ქმნილებად, — ექიმი კი ბებერი ბიძის, გადამდგარი გენერლის როლს ასრულებდა; მანვე დაიწყო სპექტაკლიც: ახალთახალ ჩესუჩის კოსტუმში გამოწყობილი, ისიც მთლად ვარდისფრად გათხიპნილი სახითა და ვეება ჟღალი უღვაშებით, ჰალარა და მინც განსაცვიფრებლად ახალგაზრდული შესახედობისა, აგარაკზე, იატაკზე დადგმული ფიცრის მწვანე ხის ქვეშ წნულ სავარძელში გადაწოლილიყო და მიუხედავად ქვემოდან რამპის ნათურების მძაფრი სინათლით გაშუქებული დეკორაციის ზაფხულის მშვენიერი დილისა, გაბღენძილი ჩაპყურებდა ფართოდ გაშლილ გაზეთს. მას გაზეთის წაკითხვის შემდეგ ხმადებლა რაღაც უნდა წაებუტბუტებინა, მაგრამ სულ წინ იტქირებოდა და მიუხედავად მოკარნახის თავგამოდებუ-

ლი სისინისა, ენას ვერ იბრუნებდა პირში: მხოლოდ მაშინ, როცა ლიკა (ბავშვის მომხიბვლელი, წკრიალა, თამამი სიცილით) კულისებიდან გამოვარდა, უკანიდან მიიჭრა მასთან, თვალებზე ხელი დააფარა და დაიძახა:

„აბა, გამოიცან, ვინა ვარ?“ მხოლოდ მაშინ იყვირა, თანაც გარკვევით: „მომეშვი ანცო, კარვად ვიცი, ვინცა ხარ!“

დარბაზში ნახევრად ბნელოდა, სცენაზე სინათლე კაშკაშებდა. მე პირველ რიგში ვიჯექი და ხან სცენას გავყურებდი, ხან ირგვლივ ვიხედებოდი; წინ ისხდნენ ყველაზე მდიდარი, სიმსუქნით სულშეხუთული სამოქალაქო პირნი და პოლიციელთა და სამხედროთაგან ყველაზე დიდჩინიანი გვამნი, რომლებიც სავსებით მოუჯადოებინა ყოველივე იმას, რაც სცენაზე ხდებოდა: დაძაბული პოზები, დაუმთავრებელი ღიმილი... მე პირველი მოქმედების დასასრულამდე ველარ გავძელი, როგორც კი სცენაზე რალაცამ დაიჯახუნა, — იმის ნიშანმა, რომ მალე ფარდა დაეშვებოდა, — სასწრაფოდ დავტოვე დარბაზი. სცენაზე უკვე მთელი მონდომებით თამაშობდნენ, ნათელ, ბუნებრივ დერეფანში, სადაც ყველაფერს შეჩვეული მოხუცი ჩაცმაში მეხმარებოდა, განსაკუთრებით არაბუნებრივად ისმოდა მსაჩიობთა ზღვარგადასული, გაცხარებული წამოძახილები. ბოლოს ქუჩაში გამოვევარდი. სულში რალაც გამანადგურებელი მარტოობის გრძნობა ჩაგუბდა. ირგვლივ არავინ ჩანდა, ფარნები უნიათოდ ენთო. სახლის მაგიერ რედაქციისაკენ მივდიოდი, — სასტუმროში, ჩემს ვიწრო ოთახში მისვლა საშინელებას უდრიდა. მე დაწესებულებებს ჩაუფარე და გადავუხვიე ცარიელი მოედნისაკენ, რომლის შუაში აღმართულ ტაძარს, ოდნავ ელვარე, ოქროსფერი გუმბათი ვარსკვლავებიან ცაში აეზიდა... თოვლზე ჩემი ნაბიჯების კრაქუნშიც კი რალაც გამოუცნობი და შემზარავი რამ იგრძნობოდა... თბილ სახლში სიწყნარე იდგა, განათებული სასადილოდან საათის ნელი, მშვიდი წიკწიკი ისმოდა. ავილოვას ბავშვს ეძინა, კარები ძიძამ გამიღო, ნამძინარევი თვალებით შემომხედა და წავიდა. მე კიბესთან მიდგმულ, უკვე ესოდენ ნაცნობ და ჩემთვის ესოდენ განსაკუთრებულ ოთახში შეველ და ნაცნობ, ახლა როგორღაც საბედისწერო დივანზე ჩამოვჯექი... ველოდი, თანაც გულს მიკლავდა ის წუთი, როცა ისინი

ანაზღად მოვიდოდნენ, ხმაურით შემოიჭრებოდნენ ოთახში, ერთმანეთის დასწრებით დაიწყებდნენ ლაპარაკს, სიცილს, მიუ-სხდებოდნენ ჩაის, გაუზიარებდნენ შთაბეჭდილებებს; — ყვე-ლაზე მეტად მაინც ის წამი მაკრთობდა, როცა ლიკას სიცილს, ხმას გავიგონებდი... ოთახი სავსე იყო მისით, მისი ყოფნით და არყოფნით, მისი ტანსაცმლით, სუნამოს, ჩემს გვერდით დივანის მუთაქაზე გადადებული მისი მსუბუქი ხალათის სურნელით... ფანჯარაში მკაცრად იცქირებოდა ზამთრის ლურჯი ღამე, ბალ-ში ალანდული შავი ტოტების მიღმა ვარსკვლავები ციაგებ-დნენ..

მარხვის პირველ კვირას ლიკა მამასა და ბოგომოლოვთან ერთად გაემგზავრა (ბოგომოლოვს უარი უთხრა). მე დიდი ხა-ნია აღარც კი ველაპარაკებოდი მას. როცა გასამგზავრებლად ემზადებოდა, სულ ტიროდა, ყოველ წუთს იმის მოლოდინში იყო, რომ უცებ დავაკაებდი, არ გავუშვებდი.

XI

მშვენიერი პროვინციული დღეები იდგა. საქმეშემოღეული მეეტლეები კუთხე-კუთხე ატუზულიყვენენ. გათოშილები დრო-დადრო გაცხარებით იქნევდნენ ხელებს, გაუბედავად უხმობ-დნენ გამვლელ ოფიცერს: „თქვენო კეთილშობილებავ! გაინა-ვარდებთ?“ ქეები ალღოთი გრძნობდნენ გაზაფხულის მოახლო-ებას და ნერვულად, ხალისიანად ჟიჯკივებდნენ, ყვავები კი უფრო შემაზრხენად და საშინლად ყრანტალებდნენ.

გახშორება განსაკუთრებით აუტანლად დამ-დამობით მეჩვე-ნებოდა. შუალამით გამომეღვიძებოდა და მიკვირდა: როგორ და რიდასთვის ვიცხოვრო ახლა? ნუთუ ეს მე ვარ ამ უაზრო ღამის ბინდში, ათასობით უცხო ადამიანით დასახლებულ რომელიღაც საგუბერნიო ქალაქში, მთელი ღამე რაღაც უტყვი ეშმაკით გა-ნაცრისფერებულ, ფანჯრებვიწრო ოთახში წამოწოლილი არ-სება! მთელ ქალაქში ერთადერთი მახლობელი ადამიანი ავი-ლოვავა, მაგრამ ნამდვილად მახლობელი კია? ორპირი და უხერხული მახლობლობა...

ახლ- გვიან-გვიან მოვდიოდი რედაქციამი, ავილოვავა, რო-გორც კი მისაღებიდან წინა ოთახში დამინახავდა, სიხარულით იღიმებოდა — იგი კვლავ ალერსიანი და მოსიყვარულე გახ-

და, აღარ დამცინოდა, ახლა ნიადაგ ვამჩნევდი მის ყურად-
ღებას, მზრუნველობას, მის ნამდვილ სიყვარულს, ხშირად
მთელ საღამოებს მასთან ვატარებდი, — იგი დიდხანს უკრავ-
და ჩემი გულისთვის, მე კი დივანზე ვიწექ და მუსიკით გან-
საკუთრებულად გამძაფრებული სიყვარულით აღძრული წუ-
ხილითა და ყოვლისმიმტევებელი სინაზით ცრემლმომდგარ
თვალებს ვლულავდი. მისაღებში შესვლისას მის პატარა,
მკვრივ ხელს ვკოცნიდი და მუდმივ თანამშრომელთა ოთახ-
ში გავდიოდი. იქ პაპიროსს ეწეოდა მოწინავე სტატიების
აგტორი, ორიოლში პოლიციის ზედამხედველობის ქვეშ გად-
მოსახლებული სულელი, ჩაფიქრებული, შესახედავად საკ-
მაოდ უცნაური კაცი: მდაბიური წვერით, წაბლისფერ უხეშ
მაუდის ხიფთანსა და გაწმენდილ ჩექმებში, რომლებიც
მეტად მძაფრ და სასიამოვნო სუნს აყენებდნენ. იგი ამასთან
ცაიც იყო: მარჯვენა ხელის ნახევარი არ ჰქონდა, სახელოში
ჩამალული მეორე ნახევრით ქალაღდს აწვებოდა, მარცხენათი
კი წერდა: იგი დიდხანს იჯდა. ფიქრობდა, ახრჩოლებდა პა-
პიროსს, უცებ ქალაღდს უფრო მაგრად აკერდა ხელს და
ჩქარ-ჩქარა, მაიმუნივით მარდად ჩააგვირისტებდა. მის შემ-
დეგ განსაცვიფრებელსათვალიანი, ფეხებმოკლე, პატარა
მოხუცი — საზღვარგარეთის მიმომხილველი მოდიოდა. წინა
ოთახში ყურებთან ფინურ ქუღსა და კურდღლის ბეწვით გა-
წყობილ კაზაკურას რომ გაიხდიდა, პატარა ჩექმებში, შარ-
ვალსა და ქამარშემორტყმულ ფლანელის ხალათში ისე პატა-
რა ჩანდა, ათი წლისა გეგონებოდათ; მაღლა, სხვადასხვა მხა-
რეს მრისხანედ აშვერილი, მონაცრისფრო ქალარა თმა კი
მაჩვენარბას ამგვანებდა; მრისხანედ გამოიყურებოდა მისი
განსაცვიფრებელი სათვალეც. მოხუცს ორი კოლოფი მოჰ-
ქონდა მუღამ, — ერთი თუთუნისა, მეორე ჰილზებისა—და მუ-
შაობის დროს სულ პაპიროსებს ტენიდა: ჩვეულებრივად დაჰ-
ყურებდა რა დედაქალაქის გაზეთს, საპაპიროსე ხელსაწყოს
სარქველიან მიღში ღია ფერა: ბოქკოვან თამბაქოს აწყობდა.
ტენიდა, უგულისყუროდ, ხელის ფათურით ეძებდა ჰილზს,
ხელსაწყოს სახელურს მკერდზე, რბილ ხალათზე იკერდა,
შილაკს კი ჰილზის სათუთუნე სტვირში ჩრიდა და პაპიროსს

მარდად ისროდა მაგიდაზე. შემდეგ დამკაბადონებელი და კორექტორი შემოდრიოდნენ. დამკაბადონებელი მშვიდად, თავისუფლად მოაბიჯებდა. განსაცვიფრებლად თავაზიანი, მღუმარე და გულჩათხრობილი კაცი გახლდათ; არაჩვეულებრივად გამხდარი და ხმელ-ხმელი იყო, ბოშასავით შავი თმა, ზეთისხილისფრად მწვანე სახე, შავი პატარა უღვაშები და ნაცრისფერი, ჩალურჯებული ტუჩები ჰქონდა, ზედმიწევნით ფაქიზად და სალუქად ეცვა ყოველთვის: შავი შარვალი, ლურჯი ხალათი, კისერზემთ აწეული დიდი გახამებული საყელო — სისუფთავით და სიახლით ბზინავდა; მე ხანდახან სტამბაში ველაპარაკებოდი მას: ამ დროს დუშმის არღვევდა, მუქი თვალებით პირდაპირ დაჟინებით შემომცქეროდა და წინასწარმეტყველივით ღმის აუმაღლებლად მუდამ ერთსა და იგივეს: მთელ ქვეყანაზე ყოველი მხრით, ყველგან და ყველაფერში გამეფებულ უსამართლობაზე ლაპარაკობდა. კორექტორი წამი ერთი იყო და ათჯერ მაინც გამოჩნდებოდა — მუდამ რალაცას ვერ იგებდა, ან ის წერილი არ მოსწონდა, რომელსაც ასწორებდა. წერილის ავტორს ხან განმარტებას, ხან გაუგებარი ადგილის შეცვლას სთხოვდა: „აქ მომიტევეთ და რალაც მთლად კარგად ვერაა ნათქვამი“. იგი მსუქანი და მოუხეშავი იყო, თითქოსდა ოდნავ სველი, ხეულის თმა ჰქონდა, იმაზე შიშისა და ნერვიულობის გამო, რომ ყველა ამჩნევდა მის საშინელ სიმთვრალეს, მხრებში იწურებოდა, ვისაც განმარტებას სთხოვდა, მისკენ იხრებოდა, თან ალკოპოლით გაჟღენთილ სუნთქვას იკავებდა და მოელვარე, გასიებული, აცახცახებული ხელით შორიდან უჩვენებდა გაუგებარ, ან მისი აზრით შეუსაბამო სტრიქონს. მე ამ ოთახში უგულისყუროდ ვასწორებდი სხვადასხვა უცხო ხელნაწერს, უფრო მეტად კი ვფიქრობდი, თვით რა და როგორ დამეწერა.

ახლა კიდევ ერთი იღუმალი ტანჯვა, — კიდევ ერთი მწარე „განუხორციელებლობა“ შემომემატა. კვლავ რალაც-რალაცების წერას შევეუდექი — ამჟამად უმთავრესად პროზაში და ისევ დავიწყე დაწერილის ბეჭდვა. მაგრამ იმაზე არ ვფიქრობდი, რასაც ვწერდი და ვბეჭდავდი. სურვილი მტანჯავდა, დამეწე-

რა რაღაც სრულიად სხვა, სრულიად განსხვავებული რამ, ვიდრე ის, რის დაწერაც შემეძლო და ვწერდი: რაღაც ისეთი, რის დაწერაც ჩემს ძალას აღემატებოდა. რა წარმოუდგენელი ბედნიერებაა — ყოველივე იმისაგან, რასაც ცხოვრება იძლევა, კუმშვარითად წერის ღირსი რამ ჩამოქნა, — რამოდენა სულიერი შრომა სჭირდება ამას! ჩემი ცხოვრებაც უფრო და უფრო ებმებოდა „განუხორციელებლობასთან“ ამ ახალ ბრძოლაში, ამ სხვა რამის, ასევე მოუხელებელი ბედნიერების ძიებისა და პოვნის, მასზე დაკვირვებათა და შეუხელებელ ფიქრთა კიდილში.

შუადღით ფოსტა მოდიოდა. მე მისაღებ ოთახში გავდიოდი და კვლავ ვხედავდი ავილოვას კოხტად, გულმოდგინედ დავარცხნილ, ნიადაგ 'აიწუშაოზე დახრილ თავს და ყოველივე იმ ძვირფასს, რაც მისი მაგიდისქვეშ შეწყობილ შაგრენის პატარა ფეხსაცმელების მკრთალ ბზინვასა და მხრებზე მოხურულ ბეწვის მოსასხამში გამოსჭვიადა, მოსასხამზეც ასევე ბზინავდა ზამთრის უსიცოცხლო დღისა და ფანჯრების შუქი, მათ მიღმა კი ყომრალი, მოქურუხებული თოვლიანი ცა იმზირებოდა. ფოსტიდან დედაქალაქის ჟურნალის ახალ ნომერს ვირჩევდი, აჩქარებით ვხსნიდი... ჩეხოვის ახალი მოთხრობა: ამ გვარის ერთი დანახვითაც კი ისეთ რამეს განვიცდიდი. მარტოდონ მოთხრობას დავეყურებდი, — დასაწყისის წაკითხვაც კი არ შემეძლო მისგან მოსალოდნელი სიამოვნებით აღძრული შურის გამო. მისაღებ ოთახში ამასობაში უფრო მეტი და მეტი ხალხი შემოდის და გადიოდა: მოდიოდნენ განცხადებათა შემკვეთელები, ასევე მწერლობის ჟინით შეპყრობილი სხვადასხვა ჯურის ადამიანთა ზღვა: აქ შეიძლება გენახათ თივთიკის ყელსახვევითა და თივთიკის ხელთათმანებით მორთული კეთილსახიერი მოხუცი, რომელსაც დიდი ფორმატის იაფფასიანი ქაღალდის მთელი შეკვრა მოეტანა, ბატის ფრთის კალმისდროინდელი კანცელარული სინატიფით გამოყვანილი სათაურით: „სიმღერები და ფიქრები“: სიმორცხვისაგან სახელაწილი ახალგაზრდა ოფიცერი, თავის ხელნაწერს მოკლე და მკაფიო თავაზიანი თხოვნით რომ ტოვებდა — გადაგვებდა და დაბეჭდვისას არამც და არამც მისი

ნამდვილი გვარი არ გაგვემქვადენებინა — „მხოლოდ ინიციალები დასვით, თუ ეს დაშვებულია რედაქციის წესით“. ხანშაშესული მღვდელი, რომელსაც მღელვარებისაგან ქურქიც კი გაოფლიანებოდა და სურდა მისი „სოფლის სურათები“ Spectator — ის ფსევდონიმით დაგვებეჭდა; შემდეგ სამაზრო სასამართლოს მოღვაწე... მოღვაწე არაჩვეულებრივად ფაქიზი კაცი გახლდათ. მისაღებში უცნაური აუჩქარებლობით იხდიდა ახალ კალოშებს, ახალი ტყავის ხელთათმანებს, ქრცვინის ახალ პალტოს და ბოიარის ახალ ქუდს, რის შემდეგ უაღრესად გამხდარი, ტანჯალალი, სუფთა და ნაფოტაკბილები ჩანდა. ულვაშებს თითქმის ნახევარ საათს იწმენდდა თოვლივით თეთრი ცხვირსახოცით, მე ამასობაში საკუთარი მწერლური გამჭირიანობით მთვრალი, ხარბად ვაკვირდებოდი მის ყოველ მოძრაობას:

— დიახ, დიახ, უთუოდ ასეთი სუფთა, ფაქიზი, აუჩქარებელი უნდა იყოს, ასე უნდა უვლიდეს თავს, რადგან მეჩხერი კბილები და სქელი ულვაშები აქვს... რადგან ეს ვაშლივით გამობურცული შუბლი უკვე უმელოტდება, თვალები ცოცხლად უელავს და ყვრიმალეებზე წითლად უღვივის ქლექიანის ლაქები, რადგან დიდი და ბრტყელი ტერფები, ასევე დიდი და ბრტყელი, ვეება ფრჩხილებიანი ხელები აქვს!

საუზმის ხანს გადიას ბიჭუნა სეირნობიდან ჰოჰყავდა. ავილოვ-წინა ოთახში გარბოდა, მარღად იმუხლებდა მის წინ, თეთრი კრაველის ქუდს აძრობდა, უხსნიდა ლურჯ, თეთრი კრაველითვე გაწყობილ ხიფთანს, ქორთა, შელაყლაყებულ სახეზე ჰკოცნიდა, ის კი საღდაც უგულისყუროდ იმზირებოდა, რაღაც თავისზე, შორეულზე ფიქრობდა, უგულოდ ანებებდა გახდას და კოცნას — და მე ვგრძნობდი, რომ ყოველივე ეს: ბავშვის უაზრო მიამიტობა, ავილოვას დედობრივი ბედნიერება, გადიის ბებრული სიწყნარე შურით მავსებდა. მე უკვე ყველასი მშურდა, ვისაც ცხოვრება საქმეებითა და საზრუნავით ჰქონდა სავსე და არა ლოდინით, რომლებიც აღამიანურ საქმეთაგან ყველაზე უცნაურ — ვილაცისათვის რაღაცის შეთხზვით არ იტკიებენ თავს, წერა რომ ჰქვია; რომელთაც უბრალო, ზუსტი და განსაზღვრული საქმე აქვთ,

რის შესრულების შემდეგ მეორე დღემდე სავსებით მშვიდად და თავისუფლად შეუძლიათ იყვნენ.

ნასაუზმევს სახლიდან გავდიოდი. ქალაქს სქლად, მთვლე-
მარე ფანტელებად ეფინებოდა დიდმარხვის ის მშვენიერი
თოვლი, რომელიც თავისი ფაქიზი, განსაკუთრებულად უზა-
დო სიქათქათით ყოველთვის იტყუება, თითქოს გაზაფხული
კარზეა მომდგარი. ჩემს გვერდით ჩუმად მიქროდა უზრუნვე-
ლი, ეს-ეს არის, ალბათ, სადმე. სახელდახლოდ დალეული,
თითქოსდა რაღაც კარგი, კეთილი საქმის ჩასადენად გამზა-
დებული მეეტლე... რა იყო აქ არაჩვეულებრივი? მაგრამ მე
ახლა ყველაფერი გულზე მხვდებოდა — თითქმის ყოველი
წუთიერი შთაბეჭდილება — და მკისვე სურვილი მიჩნდებო-
და მისთვის, ამ შთაბეჭდილებისთვის ნება არ მიმეცა ტყუილ-
უბრალოდ დაკარგულიყო, უკვალოდ გამქრალიყო, — ანგარე-
ბის მოყვარულივით სწრაფად მექცია ჩემს საკუთრებად და
მისგან რაღაც ამომეძალა. აი, იმ მეეტლემ ერთი წამით გაი-
ელვა და ყველაფერი, რითაც და როგორც გაიელვა, მკვეთრ-
ად გაკრთა ჩემს სულშიც და იქ გაელვებულის რაღაც უც-
ნაურ მსგავსებად დარჩენილი კიდევ რა დიდხანს და ამოდ
მაწამებს! შორით — მდიდრული სადარბაზო კარია, მის წინ
ფილაქანთან თეთრ ფანტელეებში შავად ილანდება კარეტის
სანდალოზის ძარა, მოჩანს ახალი თოვლით დაფარულ ძველ
თოვლში ჩაფლული უკანა თვლების დიდი, თითქოსდა გაპო-
ხილი სალტეები, — მე მივდივარ და, თვალი შევავლე თუ არა
კოფოზე წამომართულ, მხრებფართო, ილღის ქვემოთ ბავ-
შეურად ქამარშემორტყმულ, ბალიშივით სქელი ხავერდის
კონფედერატკით მორთული მეეტლის ზურგს. უცებ დავინა-
ხე: კარეტის მინებიან კარებთან ატლასის ბონბონიერში ზის,
კანკალებს და ისე დაჟინებით იცქირება, გეგონება, აგერ-
აგერ რაღაცას იტყვისო, პატარა, ცქრიალა ძაღლი, რომლის
ყურები ზუსტად ჰგავს განასკველ ბაბთს, — და კვლავ ელვასა-
ვით მოიჭრა სიხარული: ო, არ დამავიწყდეს — ნამდვილი
ბაბთი!

მე ბიბლიოთეკაში შევდიოდი ხოლმე. ეს ძველი, იშვიათი
სიმდიდრის ბიბლიოთეკა გახლდათ, მაგრამ რა საოცრად მოწ-

ყენილი და უკაცური! ძველი ხელმიშვეებული შენობა, ვეება, ცარიელი დერეფნები, მეორე სართულის სიცოცხლემიმქრალი კიბე, ნაბადივით გადაფენილი, აგლეჯილ მუშამბიანი კარი, გაცვეთილი, დაფლეთილი წიგნებით გამოქედილი სამი დარბაზი, გრძელი ხარისხა, მაღალი საწერი მაგიდა, შავი, უამისფერ რალაცაში გამოწყობილი, მკერდალასტული, ჩუმი, უქემური, ტანმომკრო ბიბლიოთეკის გამგე, გამხმარი, ფერგაქკრთალი ხელებით, შუა თითზე მელნის ლაქა რომ აჩნდა, მისი ბრძანების აღმასრულებელი ნაცრისფერხალათიანი მოუვლელი ბიჭი, რომელსაც დიდი ხანია რაც თავისი თონთლო, თავვის თავი არ გაეპარსა... მე „სამკითხველო კაბინეტში“ — დახუთული ჰაერით გაგუდულ მრგვალ ოთახში შევდიოდი, რომლის შუაში ასევე მრგვალი მაგიდა იდგა, ზედ კი „საეპარქიო უწყებანი“ და „რუსი მლოცველი“ ეწყო. მაგიდას ერთი უცვლელი მკითხველი — გამხდარი გიმნაზიელი უჯდა. მას მოკლე, გაცვეთილი მაზარა ეცვა, მოკმუქნული ცხვირსახოცით წამდაუწყუმ ფრთხილად იწმენდა ცხვირს, წინ იხრებოდა და სქელტანიან წიგნს რალაცნაირი იღუმალეებით ფურცლავდა... ან კი ვინ უნდა მჯდარიყო აქ ჩვენ ორს გარდა, რომლებიც მთელს ქალაქში ერთნაირად საოცარნი ვიყავით მარტოობით და იმით, რომ ორივე ვკითხულობდით, იგი გიმნაზიელისათვის შეუფერებელ რალაცას კითხულობდა „საკომლო გადასახადის“ შესახებ. გამგემ მეც არა ერთხელ შემომხედა გაოცებით: მე „ჩრდილოეთის ფურტკარს“, „მოსკოვის უწყებანს“, „პოლარულ ვარსკვლავს“, „ჩრდილოეთის ყვავილებს“, პუშკინის „სოვრემენიკს“ ვთხოულობდი... სხვათა შორის, არც ახალს ვივიწყებდი, ყოველგარ „გამოჩენილ ადამიანთა ბიოგრაფიებს“ ვეტანებოდი: მხოლოდ იმიტომ, რომ მათში რალაც მხარდაქერა მეპოვნა. ჩემს თავს შურით ვადარებდი გამოჩენილ ადამიანებს... „გამოჩენილი ადამიანები!“ რამდენი პოეტი, რამდენი რომანისტი იყო დედამიწაზე, მაგრამ რამდენი შემორჩა დღემდე? მხოლოდ ერთი და იგივე სახელები უძლებს საუკუნეებს! ჰომეროსი, პორაციუსი, ვირგილიუსი, დანტე, პეტრარკა... შექსპირი, ბაირონი, შელი, გოეთე... რასინი, მოლიერი... იგივე „ღონ კიხოტი“

იგივე „მანონ ლესკო...“ მახსოვს, ამ ოთახში პირველად დიდი ალტაცებით წაეკითხე რადიოშჩევი: „მიმოვიხედე—ადამიანთა ტანჯვამ სული დამიმწუხრა!“

სალამოს ბიბლიოთეკიდან გამოვედი და წყნარად მივაბიჯებდი ბინდშეპარულ ქუჩებში. აქა-იქ ზარების ნელი რეკვა ისმოდა. ჩემს თავზე, ლიკაზე, მშობლიურ სახლზე ნაღველშემოწოლილი ეკლესიაში შევდიოდი. ეკლესიაში სიცარიელე და ბინდია, მიდამოს სანთლების უნიათო შუქი ჰფენია, ჩანს რამდენიმე მოხუცი კაცი და ქალი. სანთლების უჯრასთან დაუზარებლად დაყუდებულა ჰალარაშერეული, უბრალოდ თმადავარცხნილი მნათე და თვალებს ვაჭრული სიმკაცრით აცეცებს. დარაჯი ძლივს მიათრევს დაქანცულ ფეხებს, ერთგან ასწორებს გადაღუნულ სანთელს, რომელიც ძალზე სწრაფად იღვენთება, მეორეგან სულს უბერავს ბოლომდე დამწვარ სანთელს, რომელსაც ნამწვისა და სანთლის სუნი, ასდის, შემდეგ ნამწვაებს ბებრულ მუქაში აგორგალებს და ეტყობა, რა საშინლად მობეზრებია ეს ჩვენი მიწიერი არსებობა და ყველა მისი საიდუმლო: ნათელა, ზიარება, ჯვრისწერა; დასაფლავება, წლიდან წლამდე ერთმანეთს მიყოლებული ყოველი დღესასწაული, ყოველი მარხვა. შესამოსელის გარეშე უჩვეულოდ წვრილ, მხოლოდ ანაფორამოცმულ, შინაურულად და ქალივით თავშიშველ მღვდელს სახე დახურულ აღსავლის კარებისაკენ მიუბყრია, მისკენ ისე ღრმად იდრიკება, მკერდიდან ოლარი სცილდება, ძირს ეშვება და ნაღვლიან, იღუმალ ბინდში, მწუხარე სიცარიელეში ირხევა მისი ხმამაღალი, ოხვრით წარმოთქმული: „ღმერთო, მეუფეო სულისა ჩემისა...“ ეკლესიიდან გამოსულმა კვლავ ჩავისუნთქე გაზაფხულის წინამსრბოლი ზამთრის ჰაერი, დავინახე შავმოიისფრო ბინდი. მათხოვარმა, რომელსაც ჩამჩასავით მოემზადებინა ხელისგული, ჩემს წინ თვალთმაქცური მოკრძალებით დახარა სქელთმიანი ჰალარა თავი. როცა მან შაურიანი დაიჭირა და ხელში ჩამუჭა, თვალი შევაავლე და გავვოცდი — ნამდვილი ლოთის ბაცი ფირუზისფერი თვალები, ვეება, ხენდროსმაგვარი ცხვირი — სამი ხორკლიანი, დასვრეტილი, მსხვილი ხენდროსაგან შემდგარი სამკე-

ცი ცხვირი... ო, კვლავ სულისშემგებებელი სიხარული: სამკე-
ცი ხენდროს ცხვირი!

მე ქვევით მივყვებოდი ბოლხოვსკაიას და ბინდშეპარულ
ცას შევეყურებდი, — ცაში აღანდულ ძველ სახლთა სახურავე-
ბის კონტურები და მათი დამამშვიდებელი სილამაზე მოსვენე-
ბას არ მაძლევდა. ადამიანის ძველი სადგომი — ვინ წერდა ამის
შესახებ? ინთებოდა ფარნები, შუქი ეფინებოდა მალაზიის ფან-
ჯრებს, შავად კრთოდა ფილაქანზე მიმავალთა გამოსახულება-
ნი, სალამო ლილასავით ლურჯდებოდა, ქალაქში სიმყუდროვე.
უშფოთველობა ისადგურებდა... მე ხან ერთ და ხან მეორე გამ-
ვლელს ჯაშუშევით მივდევი უკან, შევეყურებდი მათ ზურ-
გებს, კალოშებს, ვცდილობდი რალაც გამეგო, რალაც დამეკი-
რა, შეევკრილიყავ მათში... დამეწერა! სწორედ სახურავებზე,
კალოშებზე, ზურგებზე უნდა დაიწეროს, და არა იმისათვის,
რომ „ებრძოლო თვითნებობას და ძალადობას, დაიცვა ჩაგ-
რულნი და დაბეჩავებულნი, შექმნა ნათელი ტიპები, დახატო
საზოგადოების, თანამედროვეობის, მის განწყობილებათა და
მიდრეკილებათა ფართო სურათები!“ მე ნაბიჯს მოვეუჩქარე,
ორლიკისკენ ვეშეებოდი, სალამო დამემ შეცვალა, ხიდზე უფ-
რო მკაფიოდ ანათებდა გაზის ფარანი. ფარანქვეშ ილლიაში
ხელებამოჩრილი, სახედასიებული, უსიცოცხლო, ჩალამებული
თვალებით მომზირალი, ფერიმჭამელებიანი მაწანწალა შიშ-
ველი წითელი თათებით პირდაპირ თოვლში ჩამდგარიყო,
ტანთ დაგლეჯილი ჩითის პერანგი და მოკლე ვარდისფერი პე-
რანგის ამხანაგი ეცვა. იგი წელში იკაკვებოდა, მთელი სხეუ-
ლით ძალღვივით ძაგძაგებდა, ძალღურად შემომმკქეროდა და
უნიათოდ ბურტყუნებდა: „თქვენო ბრწყინვალეზე!“ მისი
ამგვარი შესახედაობა და მთლიანად ის, ქურდის სისწრაფით
შევიგრძენი, სამაგიეროდ ამ განცდის მონიჭებისათვის უზალ-
თუნიანი ჩავუვდე ხელში... საშინელია ცხოვრება! მაგრამ ნაპ-
დვილად „საშინელია?“ იქნებ რალაც სულ სხვაა, ვიდრე „სა-
შინელება?“ ამ რამდენიმე დღის წინ ასეთივე მაწანწალას შა-
ურიანი მივეცი და გულუბრყვილოდ წამოვიძახე: „ეს მაინც
საშინელებაა, რომ თქვენ ასე ცხოვრობთ!“ და უნდა გენახათ,
ჩემს სისულელეზე რა მოულოდნელი უტიფრობით, როგორ

მტკიცედ და გაბოროტებით შემომყვირა: „სრულიად არავითარი საშინელება არაა, ახალგაზრდავ!“ ხილთან კი, დიდი სახლის ქვედა სართულში, თვალისმომკრელად ელავდა საძებვეს სარკისებრი ვიტრინა, რომელიც ისე დაეფარა ნაირნაირ ძებვეულსა და შაშხებს, რომ თითქმის არ ჩანდა საძებვეს თეთრი და ნათელი შიგნითა ნაწილი. „სოციალური კონტრასტები“ — გესლიანად ვფიქრობდი ვილაციის ჯიბრზე, ვიტრინის სინათლესა და ელვარებაში ჩავლისას... მოსკოვსკაიაზე მეეტლეთა ჩაიხანაში შევედი, მე მის ხმაურში სივიწროვესა და მომთენთავ სითბოში ვიჯექი და ვუცქეროდი ჩასუქებულ, ალისფერ სახეებს, ქერა წვერებს, ჟანგმოკიდებულ ატკეცილ სინს, რომელზეც ორი თეთრი ჩაიდანი იდგა და სახურავები სახელურებზე სველი, წვრილი კანაფით ჰქონდათ მიბმული... ხალხის ყოფაცხოვრებაზე დაკვირვება? რა სათქმელია აი ამ სინს, ამ სველ კანაფებს უნდა მისჩერებოდე!

XII

ხანდახან სადგურზე მივდიოდი.—ტრიუმფალური ჭიშკრის იქით სიბნელე, მაზრის მიყრუებული ადგილები იწყებოდა და მე გონებაში უცნობ, არარსებულ, მხოლოდ ჩემს მიერ წარმოსახულ რომელიღაც პატარა სამაზრო ქალაქს ვხედავდი, თანაც ისე, თითქოს მთელი სიცოცხლე იქ გამეტარებინოს. ვხედავდი ფართო, თოვლით დაფარულ ქუჩებს, თოვლში შავად მომზირალ ქოხებს, წითელ სინათლეს ერთ-ერთ მათგანში... და აღტაცებით ვიმეორებდი: დიახ, დიახ, ასეც უნდა დავწერო, სულ სამი სიტყვა: თოვლი, ქოხი და შიგ ანთებული ლამპარი... მეტი არაფერი!—ზამთრის ქარბორიოს უკვე ორთქლმავლების კივალი, მათი შიშინი და ეს ტკბილი, სიშორის, სივრცის გრძობით სულის სიღრმემდე ამალეღვებელი ქვანახშირის სუნი მოჰქონდა. მოპირდაპირე მხარეს შავად ალანდულ, მეეტლეები მგზავრებს მიაქროლებდნენ — უკვე მოვიდა მოსკოვის საფოსტო? მართლაც — ბუფეტის დარბაზში ხალხს, სინათლეებს, სამზარეულოს სუნსა და ჩაიდანს ჰაერი შეეხუთა, ფრაკის კალთების ფრიალით დაქრიან ბირთვივით მრგვალი, შავმოიისფრო, გაკრეჭილთავა და ცხენის თვალისბუდეებიანი, ფეხებდაჯღვარ-

კული, ღაწვებგანიერი, შავგერემანი თათარი ლაქები... საერთო მაგიდასთან მთელი სავაჭრო საზოგადოებაა; ცივ თართს პირშუშხათი მიირთმევენ საკურისები: დიდი და დაძაგრული, დიატური, ზაფრანისფერი სახეები, ვიწრო თვალები, მელიის ქურქები... სადგურის წიგნის ფარდული ყოველთვის დიდ აღფრთოვანებას მგვრიდა. მე მშვიერი მგელივით ვუვლი გარს. მივიწევ მისკენ, ვაკვირდები წიგნების ყვითელ და ნაცრისფერ ყუბაზე გაკეთებულ წარწერებს. ყოველივე ეს ისე ამძაფრებს მგზავრობისადმი, ვაგონისადმი ჩემს მუდმივ მისწრაფებას, ისე მანატრებს მას, ვისთანაც სადამე მიმავალა შეიძლებოდა წარმოუდგენლად ბედნიერი ვყოფილიყავ, რომ გარეთ მივიჩქარი, მივრბივარ მეეტლესთან და ქალაქში. რედაქციისაკენ მივქარი. რა კარგია მუდამ ეს ერთმანეთში აღრეული გულის წუხილი და სიჩქარე! მე მარხაღში ვზივარ და მათთან ერთად მივჯაყჯაყებ, ვვარდები ოღროჩოღრობებში, თავს მალა ვწევ — ღამე ეტყობა მთვარიანია: მღვრიედ მიმავალ ზამთრის ღრუბლებში გაფითრებული მთვარე ციმციმებს, ელავს, ანათებს. რა მალაა და რა უცხოა ყველასათვის! ღრუბლები მიტურავენ, აშიშვლებენ მას, შემდეგ ისევ ეხვევიან — მისთვის კი სულ ერთია, მათთან არაფერი ესაქმება! თავი უკან მაქვს გადახრილი, თვალს არ ვაშორებ და სულ ვცდილობ, როცა ციმციმით ღრუბლებიდან მთლიანად გამოგორდება, გავიგო: როგორია ცხედრის თეთრი ნიღაბი? ერთთავად შიგნიდან მანათობელი, მაგრამ როგორი? სტეარინისებური? ღიახ, ღიახ, სტეარინისებური! ასეც ვიტყვი სადმე! შესასვლელში გაკვირვებულ ავილოვას ეეჯახები: „ოჰო, რა სულზე მოხვედი! წავიდეთ კონცერტზე!“ მას შავმაქმანიანი, ძალზე ღამაზი რალაც აცვია, რომელშიც უფრო პატარა და ტანჯნარი ჩანს, მხრები, ხელები და მკერდის ნაზი სათავე მოუშიშვლებია. ავილოვას თმა პარიკმახერთან დაეყენებინა, ოღნავ შეპუდრულიყო, ზის გამოც მისი თვალები უფრო ელვარე და ჩამუქებული ჩანდა. მე ქურთუკს ვაცმევ და თავს ძლივს ვიკავებ. რომ უცებ არ ვაკოცო ასე ახლო მყოფ შიშველ სხეულს. დახვეულ სურნელოვან თმებს... თავადაზნაურთა საკრებულოს ქორკანდელით

განათებულ ესტრადაზე დედაქალაქის სახელგანთქმული მომღერლებია: მშვენიერი ქალი და ვეება, შავგერემანი მამაკაცი, რომელიც ყველა მომღერალივით განცვიფრებას იწვევდა საოცარი სიჯანსაღითა და ახალგაზრდა ულაყის მოუხეშავი, საუცხოო ძალ-ლონით. იგი ვეება ტერფებზე წამოცმული ფეხსაცმელებით, უცნაურად შეკერილი ფრაკით, თეთრი გულსპირით და თეთრივე ყელსახვევით აბზინებული გამომწვევად. ომახიანად გრგვინავს მამაცური, ვაჟკაცური შემართებით და მუქარის გამომხატველი მომთხოვნელობით. ქალი ხან ცილდება, ხან ეკვრის, აჩქარებით პასუხობს მას, ნაზი საყვედურებით, ჩივილით, უღრმესი მწუხარებითა და ზეღმტაცი სიხარულით, გულსწრაფი, სანეტარო, კისკისა ფიორიტურებით აწყვეტილებს სიმღერას...

XIII

ხშირად გათენებამდე ვდგებოდი ხოლმე, საათს რომ დავხედავდი, ჯერ კიდევ არ იყო შვიდი. უზომოდ მინდოდა კვლავ საბანზი გავხვეულიყავ და თბილად ვწოლილიყავ; ოთახში უამური, ნაცრისფერი ბინდი ჯერ კიდევ არ გაფანტულიყო. მძინარე სასტუმროს სიჩუმეში რაღაც ძალზე ადრეული ისმოდა, — სადღაც დერეფნის ბოლოს სასტუმროს მსახური ტანსაცმელს ჯაგრისით წშენდდა და ღილებს აჩხარუნებდა: მაგრამ ისეთი შიში მიპყრობდა წინანდებურად უქმად არ დამეკარგა დღე, ისეთი მოუთმენლობა, რაც შეიძლება ჩქარა და ახლა უკვე ბეჯითად მივჯდომოდი მაგიდას, რომ მსწრაფლ ზეზე ვდგებოდი. რა უცხო და აუტანელია ყველაფერი — ეს ბინძური მსახური, სადღაც ჯაგრისს რომ აფხაკუნებს, ეს სასტუმრო, თუნუქის უბადრუკი პირსაბანი, რომლიდანაც სახეში გეზად გარტყამს ცივი ნაკადი! რა საცოდავად გამოიყურება ჩემი ახალგაზრდული სიგამხდრე ამ თხელ ღამის პერანგში, როგორ გაშეშებულა მინასთან რაფის ხორხოშელა თოვლზე მობუზული მტრედი! გული უცებ სასიხარულო, თამამი გადაწყვეტილებით ინთებოდა: არა, ახლავე უკან ბატურიანში, ჩემს მშვენიერ მშობლიურ

სახლში უნდა დაებრუნდე, მაგრამ როგორც კი სახელდახე-
ლოდ დავლევდი ჩაის და წიგნებს დიდი წვალებით ავალაგებ-
დი მეორე ნომრის კარებთან მიდგმულ მაგიდიდან, სადაც
ერთი ფერგამკრთალი, სევდისმომგვრელი სილამაზის ქალი
ცხოვრობდა რვა წლის ბავშვით, მაშინვე მითრევედა ჩემი ჩვე-
ულებრივი დილის საქმიანობა: საწერად პზადება — იმის და-
ძაბული გარჩევა: რა არის ჩემში, იმ რაღაცის გამონახვა ჩემს
შინაგან სამყაროში, რაც ასე მეგონა, აგერ-აგერ ჩამოყალიბ-
დებოდა, რაღაცად იქცეოდა... ველოდი ამ წუთს — და უკვე
შიშს ვგრძნობდი, რომ საქმე ისევ და ისევ მხოლოდ ლოდინ-
ით, უფრო და უფრო მხარდი მღელვარებით, გაშეშებული
ხელებით, შემდეგ კი სრული უნუგეშობით და სადმე ქალაქ-
ში, რედაქციაში სირბილით დასრულდებოდა. თავში კი ისევ
ირეოდა, ბორგავდა თავისი თვითნებურობითა და ქაოსით,
უაღრესად სხვადასხვაგვარი გრძნობების, აზრებისა და წარ-
მოდგენების სიმრავლით გულის გამწყალბელი რაღაც... ძი-
რითადი ყოველთვის საკუთარი, პირადი იყო, — მაშინ განა
მართლა მაინტერესებდა სხვა ადამიანები როგორი ყურადღე-
ბითაც არ უნდა დავევირვებოდი მათ? რას იზამ, ვფიქრობდა
მე, იქნებ, პირდაპირ საკუთარ თავზე დავიწყო თხრობა? მაგ-
რამ როგორ? „ბავშვობისა და ყრმობის“ მსგავსად? თუ უფრო
მარტივად? „მე დაეიბადე სწორედ იქ, სწორედ იმჟამად...“
მაგრამ, ღმერთო ჩემო, რა მშრალი, უბადრუკი — და არაფ-
რისმთქმელია! მე ხომ სავსებით სხვას ვგრძნობდი! ეს სირ-
ცხვილია, სათქმელად ძნელია, მაგრამ ეს ასეა: მე დაეიბადე
სამყაროში, დროისა და სივრცის უსასრულობაში, სადაც
თითქოსდა ოდესღაც რაღაც მზის სისტემა შეიქმნა, შემდეგ
რაღაც მზედწოდებული, შემდეგ მიწა, მაგრამ რა არის ეს? რა
ვიცი ყოველივე ამის შესახებ. ცარიელი სიტყვების გარდა?
მიწა პირველად გაზისებრ მანათობელ მასას წარმოადგენდა...
მილიონი წლების შემდეგ ეს გაზი სითხედ იქცა, შემდეგ სითხე
გამყარდა, აქედან მოკიდებული თითქოსდა კიდევ ორმა მილი-
ონმა წელმა ხანვლო და დედამიწაზე გაჩნდა ერთუჯრედიანი
წყალმცენარეები, ინფუზორები... მერე კი უხერხემლონი: ჭიე-
ბი, მოლუსკები... შემდეგ ამფიბიები... ამფიბიებს მოჰყვა გი-

განტური ქვეწარმავლები... მერე რაღაც გამოქვაბულის ადამიანი და მის მიერ ცეცხლის გაჩენა... შემდეგ რომელიღაც ქალდია, ასირია, რომელიღაც ეგვიპტე, თითქოსდა მარტოოდენ დაბალზამებული მუმეებისა და პირამიდების შემქმნელი... რომელიღაც არტაქსერქსე, რომელმაც პელესპონტეს გამოლტვა ბრძანა... პერიკლე და ასპაზია, ბრძოლა თერმოპილთან, მართონის ბრძოლა... თუმცადა ყოველივე ამას დიდი ხნით წინ უსწრებდა ის ლეგენდარული დღეები, როცა აბრამი თავის ფარაქთან ერთად აღდგა და აღთქმული მიწის საძებნელად გაეშურა... „რწმენითა აბრამ დაემორჩილა მოწოდებას წასულიყო მხარეს, აღთქმულს სამემკვიდროდ და წარვიდა, რამეთუ არა უწყოდა საით ვიდოდა...“ დიახ. არ იცოდა! ისევე, როგორც მე! „რწმენითა დაემორჩილა მოწოდებას...“ რის რწმენით? უფლის ბრძანების სიკეთის რწმენით. „და წარვიდა რამეთუ არა უწყოდა საით...“ არა, იცოდა: რაღაც ბედნიერებისაკენ; ესე იგი იმისკენ, რაც მიმზიდველი და კარგი იქნებოდა, მიანიჭებდა სიხარულს, იგივე სიყვარულს — სიცოცხლისას... მეც ხომ იმით ვცხოვრობდი მუდამ, რაც სიყვარულს, სიხარულს იწვევდა...

კარებთან პატარა მაგიდის გვერდით უკვე ისმოდა ქალისა და ბავშვის ხმა, პირსაბანის პედალის ჟღარუნია. წყლის წანწკარი, დუღდა ჩაი, იწყებოდა შეგონებანი: „კოსტენკა, ჰამე ფუნთუშა!“ მე ვდგებოდი და ოთახში სიარულს ვიწყებდი. ახლა კიდევ ეს კოსტენკა... დედამისი, ჩაის დააღევიანებდა თუ არა, შუადღემდე საღლაც მიდიოდა. შინ მობრუნებისას რაღაცას ამზადებდა ნავთქურაზე, ანაყრებდა მას და ისევ მიდიოდა. მერედა რა ტანჯვა იყო იმის ყურება, როგორ დაძვრება ეს საერთო სანომრო ბავშვად ქცეული კოსტენკა ნომრებში, როგორ იჭყიტება ხან ერთ, ხან მეორე მცხოვრებთან, თუ ვინმე ან აღმოჩნდება, როგორ გაუბედავად ამბობს რაღაცას; დროდადრო როგორ ცდილობს წაიქლესოს, რაიმე ფარისევლური უთხრას, კოსტენკას კი არავინ უსმენს. ზოგი სხაპასხუპით მიაყრის: „აბა, წადი, წადი, ძმობილო, თუ ღმერთი გწამს, ხელს ნუ გვიშლი!“ — და გარეთაც ავდებს. ერთ ნომერში ცხოვრობდა მეტისმეტად სერიოზული, მეტისმე-

ტად წესიერი, ტანმორჩილი მოხუცი ქალი, რომელიც თავის თავს ყველა მცხოვრებზე მაღლა აყენებდა, დერეფანში ისე ჩაივლიდა, არავის შეხედავდა, ხშირად, ძალზე ხშირადაც კი იკეტებოდა საპირფარეოში, სადაც შემდეგ წყალს ახმობდა. მას ერთი დიდი, გასისინებული ოთახის ძალი ჰყავდა, რომელსაც ფართო ზურგი, რაჭყეტილი, გამოციებული ხურტკმელის თვალები, ბილწი, ჩაქყლებილი ცხვირი, საზიზღრად წამოწეული, ამპარტავნული ქვედა ყბა და ორ ეშვს შუა გამოჩხერილი გომბეშოს ენა ჰქონდა. მის დრუნჩს ჩვეულებრივ ერთი და იგივე გამომეტყველება — უტიფარი ყურადღება — არ შორდებოდა, ოღონდ ძალზე ნერვული იყო. თუ ვინმეს მანერ ოთახიდან გამოგდებული კოსტენკა დერეფანში შემოხვდებოდა, იმწამსვე გაიგონებდით მის ბოროტ ღრუნას, ქშინვას და ზინჩინს, რაც მალე ბრაზმორეულ სიშმაგეში გადადიოდა და ხმამაღალი ყუფით მთავრდებოდა, კოსტენკა კი ისტერიულ ღრიალს იწყებდა...

მაგიდასთან ხელახლა დაჯდომისას სულს მიწუხებდა ცხოვრების უბადრუეობა, მისი ერთფეროვნება და გულისგამწყალებელი სირთულე. ახლა მინდოდა კოსტენკაზე და კიდევ რაღაც ამისდაგვარზე მეტქვა რაიმე. აი. მაგალითად, ნიკულინას ფუნდუკში ერთხელ მთელი კვირა ცხოვრობდა და მუშაობდა ხნიერი მეღაბური მკერავი ქალი, რომელიც ჩამონაქრებით ავსებულ მაგიდაზე სულ რაღაცას ჰკრიდა, შემდეგ დალამბულს საკერავ მანქანაზე სდებდა და დაგვირისტებას იწყებდა... მარტო ის რად ღირს, როცა ჰკრიდა და მაკრატლის მოძრაობას თვალს აყოლებდა, როგორ იღრეცდა გაფშეკილ, ლაფშა პირს, რა სიამოვნებით სვამდა ჩაის და მუდამ მოწადინებული იყო რაიმე მაამებელი ეთქვა ნიკულინასთვის, და როცა მას თვალთმაქცური გამოცოცხლებით აალაპარაკებდა, როგორ უწვდიდა — თითქოსდა უნებლიეთ — თავის მსხვილ, ნაჯაფ ხელს, თეთრი პურის ნაქრებით ავსებულ პატარა კალათს და მურაბიან, დაწახნაგებულ ლარნაკს! ყავარჯნიან ფეხუცა ქალს აღარ იკითხავთ, რამდენიმე დღის წინ რომ კარაჩევსკიაზე შემომხვდა? ყველა კოჭლი და კუზიანი გამომწვევად, აბრეხით დადის: ის კი მორიდებით მოჩინდრიკობ-

და ჩემსკენ, ხელები ყავარჯნის შავი სახელურებისთვის ჩა-
ევლო, მოძრაობისას თანაბრად ეყრდნობოდა მათ, ზემოთ
სწევდა მხრებს, რომელთა ქვეშ ყავარჯნის შავი საყრდენები
გამოჩრილიყო და ჩაციებით შემომცქეროდა... მას გოგონას
მოკლე ქურთუკი ეცვა, ჰკვიანი, ნათელი და უცოდველი, მუ-
ჭი თაფლისფერი და ქალწულოური, მაგრამ უკვე ცხოვრების
ავ-კარგის, მისი მწუხარებისა და იღუმალების მცოდნე თვა-
ლები ჰქონდა... რა მშვენიერია ზოგი უბედური ადამიანი,
მისი სახე, თვალები, რომელთაგანაც მთელი მისი სული შე-
მოგაყურებს!

შემდეგ კვლავ შევეცადე გავყოლოდი იმაზე ფიქრს, რი-
თაც ჩემს ცხოვრებაზე წერა უნდა დამეწყო. მაგრამ რით!
უპირველეს ყოვლისა, ხომ საჭიროა ვთქვა თუ სამყაროს შე-
სახებ არა, სადაც მე გავჩნდი მისთვის ღირსსახსოვარ წამს,
რუსეთის შესახებ მაინც: წარმოდგენა მივცე მკითხველს, რო-
მელ ქვეყანას ვეკუთვნი, რა ვითარების შედეგად მოვევლინე
დედამიწას. მაგრამ ან ამის შესახებ რა ვიცი? სლავიანთა გვა-
როვნული ყოფა-ცხოვრება, სლავურ გვართა განხეთქილება-
ნი... სლავები გამოირჩეოდნენ მაღალი ტანით. ქერა თმებით,
სიმაძაცით, სტუმართმოყვარეობით, აღმერთებდნენ მზეს,
ქეჩა-ქუხილს და ელვას, თაყვანს სცემდნენ ოჩოპინტრეს,
ალებს, წყლის კაცებს, საერთოდ ბუნების ძალებს და მოვ-
ლენებს... კიდევ რა? მთავართა მოწოდება, ცარგრადის ელ-
ჩები მთავარ ვლადიმირთან, საერთო სახალხო ტირილში
დნებრში პერუნის დამხობა... იაროსლავ ბრძენი, მისი შვი-
ლებისა და შვილიშვილების შინა ომი... რომელიღაც ვსევო-
ლოდ ბოლშოე გნებდო... ესეც არ იყოს, — მე სრულებით
არაფერი ვიცი ახლანდელი რუსეთის შესახებაც! ჰო, ვთქვათ,
გალატაკებული მემამულენი, დამშეული გლეხები, საერობო
უფროსები, ჟანდარმები, პოლიციელები, სოფლის მღვდლები,
მწერლების თქმით, უთუოდ რომ მრავალრიცხოვანი ოჯახი
აწევთ კისერზე... შემდეგ? აი, ორიოლი ერთ-ერთი ყველაზე
ძირეული რუსული ქალაქი, — მისი ცხოვრება, მისი ადამია-
ნები მაინც გამეცნო, მე კი რა გავიცანი? ქუჩები, მეეტლეები,
დატკეპნილი თოვლი, მაღაზიები, აბრები — სულ აბრები და

აბრები... მღვდელმთავარი, გუბერნატორი... გოლიათი, ლამაზი, მაგრამ მხეცი ბოქაული რაშევსკი... პალიცინი: ორიოლნს დიდება. მისი ერთ-ერთი ბურჯი, ერთ-ერთი იმ ახირებულთა კამქითაგანი, რომლებითაც რუსეთმა უხსოვარ დროიდანვე გაითქვა სახელი: კაცი დიდგვაროვანი, აქსაკოვისა და ლესკოვის მეგობარი. ხნიერი; ცხოვრობს ძველი რუსული დარბაზისმაგვარ შენობაში, რომლის კედლები ძველთაძველი, იშვიათი ხატებითაა დაფარული, თვით რალაცნაირი. ფერადი ტარსიკონით მოქარგული განიერი ხიფთანი აცვია. თავს შემოკვერცხვლით იკრეკს, დაძაგრული სახე და ვიწრო თვალები აქვს, მეტად გონებამახვილია, როგორც ამბობენ განსაკვიფრებლად ნაკითხი... სხვა რა ვიცი ამ პალიცინის შესახებ? სრულიად არაფერი!

მაგრამ ამ დროს აღშფოთება მიპყრობდა: რა აუცილებელია რალაცან და ვილაცას მთელი სისრულით ვიცნობდე, რატომ არ შეიძლება ვწერო ისე, როგორ ვიცი და ვგრძნობ! მე კვლავ ზეზე ვდგებოდი და სიარულს ვიწყებდი, მახარებდა ჩემი აღშფოთება, ვეჭიდებოდი მას როგორც შევლას... და მოულოდნელად თვალწინ მიდგებოდა სვიატიგორის მონასტერი, სადაც გასულ გაზაფხულს ვიყავი, მისი კედლების მახლობლად, დონეის ნაპირზე გაშლილი სხვადასხვა ჯურის მლოცველთა ბანაკი, მორჩილი, რომელსაც მონასტრის ეზოში დავდევი და ამაოდ ვცდილობდი სადმე ღამის გასათევი მოეცა, ვხედავდი როგორ იჩეჩდა მხრებს. გამირბოდა და სირბილში როგორ მიაფარფატებდა კაბის ბოლოებს, ხელებს, ფეხებს, თმებს; რა წვრილი, მოქნილი ტანი, ახალგაზრდულთა, ქორფლით დაფარული სახე, დამფრთხალი, მწვანე თვალები და საოცრად აჩეჩილი, ფაფუკი, რბილი და ნაზი, ნათელი ოქროსფერი ხუჭუჭა თმა ჰქონდა... შემდეგ იმ გაზაფხულის დღეებს ვხედავდი, როცა მე, თითქოს. დაუსრულებლად ვცურავდი დნეპრზე... შემდეგ გარიყრაქს სადღაც ტრამალში... თვალწინ კრთებოდა — როგორ გავიღვიძე მაგარი ვაგონის მერხზე ამ სიმაგრითა და დილის სიცილით ერთიანად გაფიჩხებულმა, ორთქლით გათეთრებულ მინებში არაფერი ჩანდა — სრულიად გაუგებარი იყო, სად მიდიოდა მატარებელი! — და

ვიგრძენი, რომ სწორედ ეს გაუგებრობა იყო აღმაფრთოვანებელი... მე დილის ცოცხალი გონებით წამოვხტი, ფანჯარა გავაღე, ზედ დავეყრდენ: თეთრი დილა, თეთრი თვალშეუვალი ნისლი, გაზაფხულის დილისა და ნისლის სუნი, ვაგონი მიქრის და ნისლი სველი თეთრეულივით გირტყამს ხელეებზე, და სახეზე...

XIV

ერთხელ ჩემი ადგომის დრო რატომღაც ძილში გამეპარა. როცა გავიღვიძე, არც მაშინ ავმდგარვარ, ვიწექი და ჩემს პირდაპირ ფანჯარაში ზამთრის დღის ლიცილიცა სინათლეს გავცქეროდი. თან იშვიათ სიმშვიდეს, გონებისა და სულის იშვიათ სიფხიზლეს ვგრძნობდი. მთელი გარემო რაღაც პატარა და უმნიშვნელო რამედ მეჩვენებოდა. მე დიდხანს ვიწექი ასე, ვგრძნობდი რარიგ მენახუშებოდა, რარიგ მევიწროებოდა ოთახი და არაფერი მაკავშირებდა მასთან. შემდეგ ავდექი, პირი დავიბანე, ჩავიცვი და ჩვეულებისამებრ პირჯვარი გადავისახე ჩემი უხეირო რკინის საწოლის თავზე ჩამოკიდებულ პატარა ხატთან, სწორედ იმ ხატთან, რომელიც, რაოდენ გასაკვირიც არ უნდა იყოს, ახლაც ჰკიდია ჩემს საწოლ ოთახში: ტლანქ, ვერცხლისფერ მოკვდილობაში ჩასმული, მუქი წენგოსფერი, დროთა ვითარებაში გაქვავებული სწორი ფიციარი; მოკვდილობის ამობურცული ადგილები გამოსახავს აბრამის ტრაპეზთან მსხდომ სამ ანგელოზს, რომელთა დაშრეტლი, საოცრად აღმოსავლური სახეები ყავისფრად მოჩანს, მის მრგვალ კრილებში; ეს არის დედაჩემის საგვარეულო მემკვიდრეობა, რითაც ცხოვრების გზა, კაცობაში ფეხშედგმა დამილოცა იმ ბერობის მსგავსი რაღაცადან, რასაც ჩემი ბავშვობა, ყრმობა, პირველი ჰაბუკუბური წლები, ჩემი მიწიერი არსებობის მთელი ის მიყუჩებული, იღუმალი ხანა წარმოადგენდა, რაც ახლა მის სანუკვარ, ზღაპრულ, დიდი ხნიდან თითქოსდა რაღაც განკალკივებულ, ჩე?თვისაც კი უცხო ყოფად გარდასახულ, განსაკუთრებულ ხანად მეჩვენება... პირჯვარის გადასახვის შემდეგ საყიდლებზე წავედი,

რომელთა შექმნაც წოლისას მოვიფიქრე. გზად წუხანდელი სიზმარი გამახსენდა: ყველიერი იყო, მე კვლავ როსტოვ-ცევებთან ვცხოვრობდი, მამასთან ერთად ცირკში ვიჯექი და მოედანს გავყურებდი, სადაც ყორნისფერი ჯუჯა ცხენების პატარა რემა, მთელი ექვსეული დარბოდა... ცხენებს თავზე წითელი ჯიღები ედგათ, ისინი კოხტად შეეკაზმათ ზანზალაკებიანი პატარა, სპილენძისფერი უნაგირებით, ლაგამიც მაგრად ამოედოთ — უნაგირთან მიბმული ხავერდის სადავეები ისე დაკიმვოდათ, რკალივით ხრიდნენ მსხვილ, მოკლე კისრებს, რომლებზეც შავი ჯაგარისივით აფხოროდათ მოკლედ შეკრეკილი ფაფარი... ცხენებს უკეთურად, ჯიუტად დაეხარათ შავი თავები და ფეხშეწყობილნი, ერთრიგად, ნელი ჩორთით დარბოდნენ ზანზალაკების ქლარუნით, — ყველას ერთნაირად მოკლე ფეხები, ერთნაირი ფერდები, ერთი ფერი და სიმალლე ჰქონდა, — მცირე გარბენის შემდეგ მოულოდნელად ლაგამის ღრქიალითა და ჯიღების რხევით შედგნენ... ფრაკში გამოწყობილი დირექტორი დიდხანს ყვიროდა და ატყლაშუნებდა მათრახს, ვიდრე არ აიძულა ცხენები მუხლებზე დაცემულიყვნენ და შეაყურებლებს მისალმებოდნენ, რის შემდეგ მხიარული გალოპით უცებ ახშიანებულმა მუსიკამ — თითქო უკან მისდევსო — სწრაფად გააქროლა, მწყრივად გარეკა ისინი მრგვალი მოედნის გასწვრივ... მე საწერი ნივთების მაღაზიაში შეველ და შავმუშამბიანი, სქელი რვეული ვიყიდე. შინ რომ მოვბრუნდი, ჩაის მივუჯექი, თან ვფიქრობდი: „საკმარისია, დღეიდან მხოლოდ ვიკითხავ და ხანდახან ყოველგვარი ამოჩემების გარეშე მოკლედ ჩავინიშნავ ზოგ რამეს — ყოველნაირ აზრს, გრძნობას, დაკვირვებას...“ მე კალამი ავიღე და მონდომებით, მკაფიოდ გამოვიყვანე:

— ალექსი არსენიევი. ჩანაწერები.

შემდეგ დიდხანს ვიჯექი, ვფიქრობდი რა ჩამეწერა, მთელი ოთახი კვამლით ავავსე, მაგრამ არ ვწუხნდი, მხოლოდ ჩუმად და მოწყენილად ვიყავი. ბოლოს ჩაწერა დავიწყე:

— რედაქციაში შემოვიდა ცნობილი ტოლსტოველი თავადი ნ-ის, ტულის დაშენებულიათვის გამოსაღებისა და გაწეული ხარჯების ანგარიშის დაბეჭდვას ითხოვდა. თავადი გახ-

ლდათ პატარა, საკმაოდ მსუქანი კაცი, ეცვა რაღაც მსუბუქი, კავკასიურის მსგავსი ჩექმები. კრაველის საყელოიანი პალტო, ეხურა კრაველის ქუდი, — ყოველივე ძველი და გაცვეთილი, მაგრამ ძვირფასი და სუფთა, — ამასთან თხელი ნაცრისფერი ხალათი, ზედ შემოკვერილი თასმით, რომლის ქვეშ მუცელი მრგვალდებოდა, თვალებზე კი ოქროს პენსნე ეკეთა. თავი მეტად მორიდებულად ეჭირა, მაგრამ სრულიად არ მესიამოვნა მისი წესიერი, ნაპატივები, რძისფერი სახე და ცივი თვალები. იმწამსვე შემძულდა იგი. მე, რასაკვირველია, ტოლსტოველი არა ვარ, მაგრამ არც ისა ვარ, სხვებს რომ ჰგონიათ: მე მინდა ცხოვრება, ხალხი მშვენიერი იყოს, სიყვარულს, სიხარულს აღგიძრავდეს და მხოლოდ ის მძულს, რაც ხელს უშლის ამას.

რამდენიმე ხნის წინ ბოლხოვსკაიას აღმა ავუყუევი და ასეთი სურათი ვიხილე: მზე ჩადის, ყინავს, დასავლეთით ცა იწმინდება და იქიდან, ამ მწვანე, გამკვირვალე და სუსხიანი ციდან მთელ ქალაქს ეფინება დაისის ნათელი შუქი, რომლის გამოუცნობი სევდის გამოხატვა ყოვლად შეუძლებელია; ფილაქანზე კი ჩამოკონკილი, სიცივისაგან გალურჯებული მოხუცი მეარღნე დგას და ამ სუსხიან საღამოს ახმიანებს თავისი დანჯღრეული არღნის ბგერებით, ფლეიტისებური სტვენით, რაკრაკით, ხრიალით და ამ სტვენისა და ხრიალისაგან ამონატაცი რომანტიული, რაღაც უცხო და შორეული, ძველთაძველი მელოდიით, რაც აგრეთვე სულს აწამებს — რაღაც ოცნებებით, რაღაცაზე სინანულით...

— მე ყველგან განვიციდი სევდას ან შიშს. დღემდე თვალწინ მიდგას ამ ორი კვირის წინ ნანახი სურათი. ესეც საღამოს მოხდა, მხოლოდ ბნელ და მოქუშულ საღამოს. შემთხვევით ერთ პატარა ეკლესიაში შევედი, სიბნელეში ამბიონთან, თითქმის იატაკზე სინათლე ჩანდა, მე ახლოს მიველ და სული შემიგუბდა: ბავშვის კუბოს თავზე მიმაგრებული სამი თაფლის სანთელი მკრთალად და მწუხარედ აშუქებდა ქალაქის არშიაშემოვლებულ ვარდისფერ პატარა სასახლეს, შიგ მწოლარე შუბლვიწრო, შავკერემან ბავშვს. გეგონებოდათ, ბავშვს სძინავსო, თუ არა ფაიფურისებურ სახეზე, ამობერილ,

დახუჭულ ქუთუთოებსა და ბაგეთა სამკუთხედში ის რაღაც იასამნისფერი და ამ ქვეყნად ყოველივესგან ის უსაზღვროდ მორჩილი, მარადისი განრიდება, რითაც კუბოში იწევა!

— მე დავწერე და გამოვაქვეყნე ორი მოთხრობა, მაგრამ მათში ყველაფერი ყალბი და უამურია: ერთი დამშეულ გლეხებზე, რომლებიც არ მინახავს, — და, კაცმა რომ თქვას, არც ვნანობ, — მეორე მემამულეთა გალატაკების გაცვეთილ თემაზე, რაც ასევე გამოვიგონე, ნამდვილად კი როგორ მსურდა დამეწერა მხოლოდ თეთრი ალვის შესახებ, ღარიბი მემამულე პ.—ს სახლის წინ რომ ხარობს, და კიდევ მის კაბინეტში, კარადაში დადგმული ქორის უძრავ ფიტულზე, რომელიც ელვარე თვალებით გაშლილი, კრელი, ღიაყავისფერი ფრთებით ყვითელი მინიდან ნიადაგ, ნიადაგ ძირს იყურება. თუ გალატაკებზე დავწერდი, მინდოდა მხოლოდ მისი პოეტურობა გამომეხატა: უბადრუკი ყანები, რომელიმე კარ-მიდამოს, ბაღების, შინაყმების, ცხენების, სანადირო ძაღლების საცოდავი ნაშთები, მოხუცებული მამაკაცები და ქალები, იგივე „ძველი ბატონები“, რომლებმაც წინა ოთახები ახალგაზრდებს დაუთმეს და თავად უკანა ოთახებში იყუყუებდნენ, — ყველაფერი ეს სამწუხარო და ამაღელვებელია. თან ისიც უნდა ვთქვათ, როგორი არიან „ახალგაზრდა ბატონები“. უმეცარნი, უსაქმურნი, გლახაკნი, ჯერ კიდევ სულ იმის ფიქრში გართულნი, რომ ცისფერი სისხლისანი არიან, რომ ერთად ერთ უმაღლეს და უკეთილშობილეს წოდებას შეადგენენ: აზნაურის ქულებში, გვერდზე შესაკრავ პერანგებში, შარვლებში, ჩექმებში გამოწყობილნი... შეყრისთანავე მოჰყვებიან სმას, თუთუნის წევას, ტრაბახს. არაყს ძველებური შაჰ-პანურის ბაკალით სვამენ, თოფებში ხორხოციით აწყობენ ფუჭ ტყვიებს და ანთებულ სანთლებს ესვრიან, სროლით აქრობენ მათ. ვინმე პ., ერთი ამგვარ „ახალგაზრდა ბატონთაგანი“, გატიალებულ კარ-მიდამოდან სულ გადასახლდა თავის, რასაკვირველია, დიდი ხნიდან უმოქმედო წყლის წისქვილში და იქ ერთ ცხვირმიგნესილ საყვარელთან ცხოვრობს ქოხში. მასთან სძინავს ტახტზე, თივაზე თუ „ბაღში,“ ანუ ქოხის გვერდით მდგარ ვაშლის ძირში. ვაშლის ტოტზე დაუკიდია

სარკის ნატეხი, რომელშიც თეთრი ღრუბლები ისახება. მოწყენილობისაგან ზის და ნიადაგ ქვებს ესერის წისქვილის გვერდით საგუბარში მოცურავე იხვებს, რომლებიც ყოველ ქვის სროლაზე ერთბაშად, გუნდად აყიყინდებოდნენ და ახმაურდებოდნენ.

ჩვენი ყოფილი შინაყმა, ბრმა, მოხუცი გერასიმე დადიოდა ყველა ბრმასავით თავაწეული, თითქოს რალაცას აყურადებსო, გუმანით სინჯავდა გზას ჯოხით. ის მარტოკაცხოვრობდა სოფლის განაპირას, ქოხში ჰყავდა მხოლოდ ლ. ფნის გაღიაში გამომწყვდეული მწყერი, რომელიც სულ ფრთხილვდა, უხეში ტილოს სახურავს ახტებოდა და ნიადაგ მასზე ხეთქებით ბუმბული მთლიანად გასცვივნოდა. გერასიმე სიბრმავის მიუხედავად ზაფხულის ყოველ გარიყრაჟზე მინდვრად გადიოდა მწყერების საჭერად, ტკებოდა მათი ქუთქუთით, უსინათლო სახეზე მოლამუნე, თბილ ქარს რომ მოჰქონდა. იგი ამბობდა — არაფერიო ქვეყნად გულის ფანცქალზე უფრო საამო იმ წუთებში, როცა მწყერი, ბადესთან სულ უფრო ახლო მისვლისას, დროის გარკვეულ მანძილზე უფრო ფიცხად, ხმამაღლა და მონადირესავით გულის მომკვლელად ხმიანებს. აი, ის იყო ქვეშარიტი, უანგარო პოეტი.

XV

რედაქციაში სასაუზმოდ გული არ მიმიწევდა. მოსკოვსკაიაზე წაველ სამიკიტნოში. იქ რამდენიმე ჰიქა არაყი შევსვი და ქაშაყი შევატანე. მე თეფშზე სიგრძივ გაჭრილ ქაშაყას თავს დავყურებდი და ვფიქრობდი: „ესეც უნდა ჩავწერო — ქაშაყს სადაფისფერი ლაყუჩები აქვს“. შემდეგ ცხარე ერბოკვერცხი ვქამე. ხალხი ბლომად იყო სამიკიტნოში. ირგვლივ ქაღებისა და შემწვარი ტბის ცქიმურას სუნი ტრიალებდა, ჰერდაბალ დარბაზში დახუთული ჰაერი იდგა. თეთრხალათიანი, მხრებში მოხრილი და კეფაგადაწეული ფარეშები ცეკვა-ცეკვით მიმობოდნენ, მიკიტანი, ყველაფერში რუსული სულის განსახიერება. დიდი ხნის ათვისებული სიმკაცრისა და კეთილმსახურების გამომეტყველებით მოხდენილად იდგა დახლთან და ყურადღებით ზვერავდა თვითეულ მათგანს; პა-

ტარა მაგიდებს შუა, რომლებიც მედაბურებს დაეკავებინათ, დინჯად დადიოდნენ უხეშ, ყურებიან წალებში ფეხწა-დგმული ჭკის მსგავსი, ტანმომცრო, შავი მონაზნები. მედაბურები იქმუხნებოდნენ და ქისებიდან ყურგახვრეტილ კაპიკიანებს იღებდნენ... ყოველივე ეს თითქოსდა ჩემი სიზმრის გაგრძელება იყო: არყით, ცხარე ერბოკვეერცხით და ბავშვობის მოგონებით გაბრუებული ცრემლების მოახლოებას ვგრძნობდი... შინ დავბრუნდი თუ არა, დავწეკი და დავიძინე. მწუხრისას სევდიანს, რაღაცაზე სინანულით შეპყრობილს, გამეღვიძა. თავი სარკეში შევათვალიერე, დავივარცხნე, უკმაყოფილოდ შევნიშნე, რომ ჩემს გრძელ თმებს გადაქარბებული არტისტულობა ეტყობოდა და საპარიკმახეროს მივაშურე. საპარიკმახეროში იჯდა ვიღაც თეთრბალახონიანი, ტანმორჩილი, მჭლოტი და ყურებაფშეკილი ღამურა, რომელსაც პარიკმახერი საოცრად სქლად და გულუხვად უსაპნავდა ზედა ტუჩსა და ლოყებს. მან მთელი ეს რძისფერი ქაფი სამართებლით მარდად ჩამოაცალა ღამურას, შემდეგ ხელახლა ოდნავ გასაპნა და ისევ ჩამოასუფთავა — ამჯერად ქვემოდან, სამართებელი დაუდევრად, მოკლე-მოკლედ აჰკრა ლოყაზე, — ღამურა წამოდგა, ბალახონი გადაიწია, დაიხარა, ჰარხალივით გაწითლდა, ცალი ხელით ბალახონი მიიმაგრა მკერდზე და მეორეთი პირის ბანას შეუღდა.

— ხომ არ დაგასხუროთ? — ჰკითხა პარიკმახერმა.

— მიდი, — თქვა ღამურამ.

პარიკმახერმაც სურნელოვანი საპკური ააშიშინა და ღამურას სველ ლოყებს მსუბუქად მოუცაცუნა ხელსახოცი.

— გაამოთ, — მკაფიოდ თქვა პარიკმახერმა, თან ბალახონს აცლიდა. ღამურაც წამოდგა, იგი საშინელი შესახედავი იყო: დიდყურა, დაბალ-დაბალი, მხარბეჭიანი, უზარმაზარი თავის ქალა, ფართო, გამხდარი, წითელი ტარსიკონისფერი სახე, პირის მაგივრად შავი ხერელი, ობობისავით დაბარძღული, მოკლე ტანი და წვრილი, მრუდე ფეხები ჰქონდა. გაპარსვის შემდეგ თვალები ბალღივით უელავდა. მან პარიკმახერს გასამრჯელო მისცა, შავი ძვირფასი პალტო ჩაიცვა, მაღალი ცილინდრი დაიხურა, სიგარას მოუყიდა და გავიდა.

— იცით ვინ არის? — მომმართა პარიკმახერმა, — უმდიდრესი კაცი, ვაჭარი ერმაკოვი. მერედა რამდენს მაძლევს ხოლმე? დახედეთ.

მან ხელისგული გაშალა და მხიარული სიცილით მიჩვენა: — ზუსტად ორი კაპიკი!

შემდეგ ჩვეულებისამებრ ქუჩებში დავიწყე ხეტიალი. ეკლესიის ეზო დავინახე და შიგ შევედი, იქიდან ეკლესიას მივაშურე — მარტოობისა და მოწყენისაგან ეკლესიებში სიარული უკვე ჩვეულებად მექცა.

შენობაში თბილოდა. გარემოს, საწიგნეს ირგვლივ, მალალ შანდლებზე გუნდ-გუნდად მოკაშკაშე სანთლების ელვარებით შექმნილი ნაღვლიანი საღღესასწაულო იერი დაჰკრავდა. საწიგნეზე ხელოვნური ლალით მოოქვილი ჯვარი იდო, წინ კი მღვდელმსახურნი იდგნენ და სევდანარევი გულისაჩუყებით გალობდნენ: „თაყვანსა ვცემთ, უფალო, ჯვარსა შენსა...“ შესასვლელთან ბინდში ატუზულიყო გრძელი ხიფთანიითა და ტყავის საცვეთებით მორთული, ბებერი ცხენივით მოუქნელი და ჩაფსკვნილი ვეება მოხუცი, რომელიც (ვიდაცის ჰკუთის სასწავლებლად) გალობას მრისხანე გუგუნით აყოლებდა ხმას. ხალხში კი, საწიგნეს გვერდით წინიდან სანთლის ოქროსფერი შუქით გასხივოსნებული, ჩხირივით გამხდარი მწიკრი იდგა. მისი წმინდანივით გაცრეცილი და ჩალამებული, ძირს დახრილი სახე არც კი მოჩანდა ლოყებზე უთავბოლოდ; ქალურად ჩამოშლილ შავ კულულებში; მარცხენა ხელში წელთა სიმრავლით გაპრიალებული გრძელი ხელჯოხი ჩაებლუჯა, მხარზე გუდა ჰქონდა გადაკიდებული; მწირი მარტო, ყველასგან გამოცალკევებით იდგა უძრავად. მე ვუცქეროდი მას და თვალებზე ისევ მომადგა სამშობლოზე, რუსეთზე, მთელ მის ბნელ წარსულზე გულში აღძრული, დაუოკებელი ტკბილი და მწარე გრძნობებით გამოწვეული ცრემლები. ვიდაცამ უკანიდან მხარზე მსუბუქად დამკრა პანთელი: მე შევბრუნდი — ჩემს უკან სალოფსა და ვეება შალში გახვეული მოხუცი ქალი იხრებოდა, რომელსაც ერთადერთი კბილია შემორჩენოდა: „ილოცე, ბატონო!“ მე სიხარულით დავემორჩილე, ცივი, დამკვნარი, ფრჩხილებმოლურჯო ხელიდან სან-

თელი გამოვართვი, ჩაბეჭუტულ შანდალს მივაშურე, სანთელი უხეიროდ, რალაცნაირად მივამაგრე ზედ, თან მრცხვენოდა ჩემი უგერგილობია, და უცებ გავიფიქრე: „წავალი“ გვერდზე გავდექი, მუხლი მოვიყარე და შემდეგ ბინდში სწრაფად, ფრთხილად გამოვემართე გასასვლელისკენ, უკან კი ეკლესიის საამო, უშფოთველი სინათლე და სითბო დავტოვე. კაობჭესთან პირქუში სიბნელე და სადღაც ზემოთ აოგრიალე ქარი შემომხვდა... „მივიღივარ!“ — გავივლე გულში, გადავწყვიტე სმოლენსკში წასვლა და ქუდი დავიხურე.

სმოლენსკში რატომ? ოცნებები ბრიანსკში, „ბრინსკის“ ტყეებში, „ბრინსკის“ ყაჩაღებთან ქროდა... რომელიღაც შესახვევში სამიკიტნოში შეველ. ერთ პატარა მაგიდასთან ვიღაც არამზადა სიმთვრალეს იგონებდა, თავს აკანტურებდა და ამოჩემებული რუსული გულჩვილობით საკუთარ უბედურებაზე გაჰკიოდა: „მე საბედისწერო შეცდომით რატომღაც კატორღაში მოვხვდი!“ მას მეორე მაგიდიდან ზიზლით უცქეროდა უკან თავგადაწეული, შავ, მეჩხერულვაშებიანი, — თუ მისი გრძელი კისრით, ყელის თხელ კანქვეშ მოძრავი წვეტიანი და მსხვილი ხორხის თავით ვიმსჯელებ, ქურდი. დახლთან ტანმალალი, გამხმარ ფეხებზე სიფრიფანა კაბამიკრული მთვრალი ქალი ირწეოდა. როგორც ეტყობოდა, მრეცხავი: ის ვიღაცის უნაძუსობას უმტკიცებდა ნოქარს და დახლზე მინისებრ ეღვარე. რეცხვისაგან გალეულ წვირლ თითებს უკაჟუნებდა. წინ არყიანი, თლილი კიქა ედგა, დროდადრო ხელში იღებდა მას, ცოტას მოსვამდა, კვლავ ძირს დებდა და თითების კაჟუნით განაგრძობდა ლაპარაკს. ლუდის დალევა მინდოდა, მაგრამ სამიკიტნოს აშმორებული ჰაერი მეტისმეტად უარდა, ნათურა საცოდავად ბეუტავდა და პატარა გაყინული ფანჯრების რაფებიდან და ზედ მიმპალი ჩვრებიდან წვეთები დიოდა...

ავილოვასთან, სამწუხაროდ, სტუმრები დამხვდა სასადილოში. „ა—ა! ჩვენი საყვარელი პოეტი — თქვა მან. — არ იცნობთ ერთმანეთს?“ მე ავილოვას მივესალმე. სტუმრებსაც თავი დავუკარი. ავილოვას გვერდით თეთრ აბრეშუმის ყილეტსა და შავ ვიზიტურაში გამოწყობილი, სახედალარული, მო-

კლე, ყავისფრად შეღებილულვაშებიანი და ყავისფერივე პარიკით შემკული მოხუცი ვაჟბატონი იჯდა. ის სწრაფად წამოდგა და მისი ასაკისთვის განსაცვიფრებელი სიმარდიით უაღრესად თავაზიანად დამიკრა თავი? ვიზიტურას კიდევები შავი ყაითნით იყო შემოკერილი, რაც ყოველთვის ძლიერ მიზიდავდა და შურიტა და ოცნებებით მაწამებდა ხოლმე. მაგიდის შუა ადგილი ენაქარტალა და ამავე დროს ოსტატურად მოლაპარაკე ქალს დაეკავებინა. მან ზუსტად სელაპის ფარფლ-თათი — პატარა ფუმფულა ხელი გამომიწოდა, რომლის კრიალა ყუთრბალიშს ხელთათმანის ნაკერებისაგან დარჩენილი დაკბილული ზოლები აჩნდა. ქალი ცოცხლად, სხაპასხუპით და ცოტა სულშეგუბებით ლაპარაკობდა. კისერი სრულიად არ ემჩნეოდა, საკმაოდ სქელი იყო, განსაკუთრებით უკან, ილღიებთან; ქვასავით მაგარი და მრგვალი წელი კორსეტით შეეკრა, მხრებზე კი ნაცრისფერი ბეწვი ებურა, რომელსაც შალის კაბის, თბილი სხეულისა და ნელსაცხების სუნთან შეზავებული მძაფრი სურნელი ასდიოდა.

ათ საათზე სტუმრები აიშალნენ, წაილაქუცეს და წავიდნენ.

ავილოვამ გაიცინა.

— ოჰ, როგორც იქნა, გვეშველა! წავიდეთ, ჩვენთან დავსხდეთ. აქ სარკმელი უნდა გავადლო... მაგრამ, ჩემო ძვირფასო, რათა ხარო ასე რაღაცნაირი? — ალერსიანი საყვედურით მიტხრა და ორივე ხელი გამომიწოდა.

მე ხელი მოვეუჭირე და ვუპასუხე:

— ხვალ მივემგზავრები...

მან შეშფოთებით შემომხედა:

— საით?

— სმოლენსკში.

— რისთვის?

— როგორღაც აღარ შემიძლია ამგვარად ცხოვრება...

— მერედა სმოლენსკში რა დავრჩენიათ? მაგრამ მოდი ჩამოვახდეთ... მე ათათფერი მესმის...

ჩვენ ზოლებიანი სამითლე ტილოს შალით გადაფარებულ დივანზე დავსხედით.

— ხედავთ ამ სამითლე ტილოს? — ვუთხარი მე. — ვაგონისაა, არ შემიძლია ამასაც კი დამწვიდებით ვუცქირო, სამგზავროდ მეწევა.

აეილოვა უფრო ღრმად ჩაჯდა. მისი ფეხები ჩემს წინ ეწყო.

— მაგრამ რატომ სმოლენსკში? — მკითხა მან, თან გაოცებული თვალს არ მაშორებდა.

— შემდეგ ვიტებსკში... პოლოცკში...

— რისთვის?

— არ ვიცი. უწინარეს ყოვლისა, ძალზე მომწონს სიტყვები: სმოლენსკი, ვიტებსკი, პოლოცკი...

— ო, ხუმრობის გარეშე ამბობთ?

— მე არ ვხუმრობ. განა არ იცით, რა მიმზიდველია ზოგიერთი სიტყვა? სმოლენსკი ძველად მუდამ იწვოდა. მუდამ ალყაში იყო... მე რაღაც ნათესაურსაც კი ვგრძნობ მისდამი — იქ ერთ დროს, რომელიღაც საშინელი ხანძრისას ჩვენი საგვარეულოს რაღაც ძველი სიგელები დაიწვა, რის გამოც დიდი სამემკვიდრო უფლებები და საგვარეულო პრივილეგიები დაეკარგეთ...

— თქვენ უფრო და უფრო გიმძიმთ აქ ყოფნა! ბევრს დარდობთ? ლიკა არაფერს იწერება?

— არა. მაგრამ საქმე ამაში როდია. ორიოლის მთელი ეს ცხოვრება ჭკუაში არ მომდის. „თავის იალალს ცნობს ირემი ველად გაჭრილი...“ ლიტერატურულ საქმეებსაც ხეირი არ ეტყობა. მთელი დილა ვზივარ და ისეთი სისულელეები მეზადება, თავი შეშლილი. მგონია... მაგრამ რით ვცხოვრობ? ჩვენთან ბატუჩინში ერთი მედუქნის ქალიშვილია, მან გათხოვების იმედი უკვე დაკარგა და ამიტომ მხოლოდ სხვების ფხიზელი და უკეთური თვალთვალით იქცევს თავს. მეც ასე ვარ.

— ო, რა ბავშვი ხართ ჯერ კიდევ! — ალერსით მითხრა აეილოვამ და თავზე ხელი გადამისვა.

— სწრაფად მხოლოდ უმდაბლესი ორგანიზმები ვითარდებიან, — ვუპასუხე მე, — მერედა ვინ არაა ბავშვი? ერთხელ ორიოლში მოვემგზავრებოდი, ჩემს გვერდით იჯდა ელეცკის

საოლქო სასამართლოს წევრი, პატივსაცემი, სერიოზული კაცი, რომელიც პიკის მეფეს ჩამოჰგავდა... ის დიდხანს კითხულობდა „ახალ დროებას“, შემდეგ წამოდგა, გარეთ გავიდა და დაიკარგა. მე შევშფოთდი კიდევ, გამოველ და წინა დერეფნის კარი გავაღე. მატარებლის ხმაურში მას ჩემი ხმა არ ესმოდა, ვერც მხედავდა — მერე და რას შევესწარ? ეს პატივსაცემი კაცი თავდავიწყებით ცეკვავდა და ბორბლების ტაქტს აყოლილი მეტად გასაოცარ ილეთებს აკეთებდა.

ავილოვამ თვალები მომაპყრო და უცებ წყნარად, მრავალმნიშვნელოვნად მკითხა.

— გინდათ მოსკოვში წავიდეთ?

მე საშინელმა ყრუანტელმა დამიარა... გავწითლდი. უარი-სა და მადლობის სიტყვები წავიბურტყუნე... დღემდე ვიგონებ ამ წუთებს, დიდ დანაკარგზე გულბრტყვილის გრძნობით.

XVI

მომდევნო ღამე უკვე მესამე კლასის ვაგონის ცარიელ კუბეში გავატარე. სულ მარტო ვიყავი, ცოტა მეშინოდა კიდევ, ხის მერხებზე ფარნის მკრთალი შუქი ნაღვლიანად ცახცახებდა და ირხეოდა. მე ვიდექი ბნელ ფანჯარასთან, რომლის უხილავი ნახვრეტებიდან მძაფრი, გრილი ჰაერი მოჰქროდა და ხელით სინათლემოჩრდილული ყურადღებით ჩავცქეროდი ღამესა და ტყეებს. იქ ათასობით წითელი ფუტკარი ქროდა, ფარფატებდა, ხანდახან ზამთრის სიგრილესთან ერთად საკმევლისა და ორთქლმავალში ცეცხლშენთებული ხის სუნი დგებოდა... ო, რა ზღაპრულად მოქმედი, მკაცრი და დიდებულის იყო ეს ტყიური ღამე! ტყეში გამავალი გზის უსასრულო, ვიწრო და ღრმა განაკაფს ასწლოვანი ფიჭვების დიდრონი, დაბინდული ლანდები მჭიდრო, უსიერი მწყობრით მიჰყვებოდა. ტყის ძირას თეთრ ნამქერში გეზად მივბოდა ფანჯრების ნათელი ოთხკუთხედები, ხანდახან ტელეგრაფის ბოძები კრთებოდა — მაღლა და შორს კი ყველაფერი სიბნელესა და იღუმალეზაში ჩანთქმულიყო.

დილით უცებ, ხალისიანად გამედვიძა: ყველაფერი კაშკაშებს, ყველაფერი მშვიდია, მატარებელი დგას — უკვე სმო-

ლენსკია, დიდი სადგური. მე ვაგონიდან გამოვეარდი, ხარბად ჩავისუნთქე სუფთა ჰაერი... სადგურის კარებთან ხალხი რაღაცასთან იყრიდა თავს: მეც მივირბინე — ნადირობისას მოკლული ვეებერთელა, ტლანქი, გაქვავებული და გაყინული, შესახედავდაც კი საზარელი, ძალოვანი ტახი იწვა, რომლის გრძელ, ნაცრისფერ წვეტებად აშვერილ ხშირ ჯაგარს მშრალი თოვლი დაჰყროდა; მას პატარა, ღორული თვალები და ორი მაგრად მოქერილი თეთრი ეშვი უჩანდა. დავრჩე? — გავივლე გულში. — არა; ისევ ვიტებსკში წასვლა სჯობს!

ვიტებსკში საღამოს ჩავედი, ნათელი და სუსხიანი საღამო იყო. ყველგან მაღალი თოვლი, დუმილი, სისპეტაკე და უბიწობა გამეფებულიყო. იგი ძველ და არარუსულ ქალაქად მეჩვენა მაღალი, ერთი ყაიდის დამრეცსახურავიანი და ფანჯრებპატარა სახლების გამო, რომელთაც ქვედა სართულებში შიგ შეწეული და ტლანქი ნახევარწრიული კარები ჰქონდათ დატანებული. წამდაუწუმ მხედებიან ლაპსერდაკებში, თეთრ წინდებსა და წაღებში გამოწყობილი, ცხვრის ხვეული რქის მსგავსი კიკინებით შემკული, ერთთავად ჩალამებული, მწუხარე და შემკითხველი თვალებით მომზირალი, სისხლნაკლული ბებერი ებრაელები. მთავარ ქუჩაზე სეირნობა იყო გამართული, — ფილაქანზე ნელა იძროდა ლილისფერ, მტრედისფერ და ბროწეულისფერ ხავერდის სქელ ქურთუკებში ებრაული პროვინციული ბრწყინვალეებით მორთული, ჩასუქებული ქალიშვილების მკიდრო გუნდი. მათ უკან ანტილოპის მინაზებული მზერით მორიდებულად, განცალკევებით მიაბიჯებდა ქალიშვილური სინაზისა და აღმოსავლურად ფერადი, მრგვალი სახის, ასევე კიკინებიანი ყმაწვილკაცობა, რომელთაც მაღალი ცილინდრები ეხურათ, ლოყებზე კი ახალგაზრდული, აბრეშუმივით რბილი ბუსუსები წამოშლოდათ... მე მოჯადოებულებით მივიდიოდი ამ ჯგუფში, ამ, ჩემის ფიქრით, ესოდენ ძველ ქალაქში, რომელიც საოცარი სიახლით წარმომიდგა.

ბინდებოდა, მე მივადექი რომელიღაც მოედანს, სადაც ორსამრეკლოიანი ეკლესია აღმართულიყო. შიგ შესვლისას ცოტაოდენი ბინდი, გრძელი მერხების წყება და ტრაპეზზე ნახევარწრედ შემორიგებული სანთლები მეცა თვალში. შეს-

ვლისთანავე სადღაც ზემოთ წელა, დაფიქრებით ახმიანდა ორღანი, მისი ბგერები ყრუდ და ნარნარად დაიღვარა ირგვლივ, შემდეგ ხმის ამოდება, სიმკვეთრე, სიმკეპქარე დაეტყო ორღანს... ერთთავად თრთოდა და ეღრიალი დაიწყო, თითქოს მისი ხმის ჩამხშობ რაღაცას უხსლტებო. ბოლოს დაუსხლტა კიდევ და ციურ საგალობლად ძალუმად მოეფინა მიდამოს. წინ, საღაც სანთლები ენთო, ხან მაღალი, ხან ჩუმი ბუტბუტი ირხეოდა, ისმოდა დუდღუნა ლათინური წამოძახილები. ზემოთ, სიბნელეში ჩაკარგული, ორთავე მხარეს სივრცეზე ჩამწკრივებული ქვის მსხვილი სვეტების ზეძირკველებზე ბინდში შავ მოჩვენებებად იდგნენ რკინის უცნაური აბჯროსნები, საკურთხეველს მალლა კი ძლივს ჩანდა დიდი, ნაირფერადი ფანჯარა...

XVII

მე იმ საღამოსვე გავემგზავრე პეტერბურგს. ეკლესიიდან გამოველ და სადგურში პოლოცკის მატარებელს მივაშურე: მინდოდა პოლოცკში რომელიმე ძველ სასტუმროში დაებინავებულიყავ და რამდენიმე ხანს რატომღაც სრულ მარტობაში მეცხოვრა. მატარებელი გვიან გადიოდა. დაბინდულ სადგურში არავინ ჩანდა. ბუფეტს მხოლოდ დახლზე შემოდგმული ლამპის უღიმღამო შუქი ანათებდა. კედლის საათი ისე დუნედ წიკწიკებდა, თითქოს თვით დრო იწურებო. მე უსაშველოდ დიდხანს მარტო ვიჯექ სამარისებურ სიჩუმეში. როცა დასასრულ, საიდანღაც ჩაის სუნი მოიჭრა და სადგურმა გამოცოცხლება, განათება იწყო, მე თვითონ არ მესმოდა, რას ვაკეთებდი, აჩქარებით ავიღე პეტერბურგის ბილეთი.

ვიტებსკის სადგურში, პოლოცკს მიმავალი მატარებლის დაუსრულებელ ლოდინში, გარემოსაგან საშინელი განკერძოების, გაკვირვებისა და გაუგებრობის, გრძნობაჲ შემიპყრო, — რა არის ყოველივე ეს, გარს რომ მარტყია; რისთვის და რატომ ვარ მათ შორის? წყნარი, ნახევრადბნელი ბუფეტი დახლითა და ზედ შემოდგმული უღიმღამოდ მანათობელი ლამპით, სადგურის დარბაზის დაბინდული სივრცე, მისი სივრცე-

სიმაღლე, ყველა სადგურისთვის დამახასიათებელი ერთფეროვნებრთ მილაგებული მაგიდა, დარბაზის მთელი შუაგული რომ დაუკავებია, ძილმორეული, მოხუცი ლაქია, რომელიც ბუფეტში ამ დამეული სადგურის მძაფრი ჩაის სუნის დადგომისას უკან ჩამოკიდებული, ჩამოფართხუნებული ფრაკის კალთებით სადღაც დახლქვემოდან ოთხადმოკაეული, ფეხმორთხმული გამობობლდა და უკმაყოფილო, ბებრული უგერგილობით კედლებთან მიდგმულ სკამებზე შედგომა და ხელის კანკალით მქრქალშუშვიანი ლამპების ანთება დაიწყო... შემდეგ ახოვანი ეანდარმი, დეზების მოურიდებელი ქლარუნით ბუფეტზე რომ გაიარა და ბაქანს მიაშურა, რომლის ფოფიალა მაზარის უკანა ჩანაქერი კაი ულაყის კუდს ჩამოჰგავდა, — რა არის ეს? რატომაა, რისთვისაა? როგორ არაფრის ნასახი არ ჰქონდა ზამთრის ღამისა და თოვლის იმ სიგრილეს, ეანდარმის ბაქანზე გასელისას რომ დაჰქროლა გარედან! აი, სწორედ აქ გამოფხიზლდი გარინდებისგან და უცებ გადაეწყვიტე რატომღაც პეტერბურგს წავსულიყავ.

პოლოცკში წვიმდა, სველ ქუჩებს უბადრუკი იერი ელო. ქალაქს მატარებელთა შორის გავხედე და გამიხარდა, რომ მოლოდინი არ გამიმართლდა. შემდგომ გზაზე ჩავეწერე: „უსასრულო დღე. თოვლისა და ტყის უსაზღვრო სივრცე. ფანჯრებს ცისა და თოვლის უნიათო შუქი არ სცილდება. მატარებელი ხან ტყეში შედის, საღაც ტევრების ბინდში ეხვევა, ხან ისევ გამოდის თოვლის მოწყენილ, გაშლილ ვაკეებზე, რომელთა შორეულ პორიზონტზე, ჩაშავებული ტყის ზემოთ, დაბალ ცას მწკრივად ჩამოჰკიდებია რაღაც მქრქალ ტყვიისფერი... ყველგან ხის სადგურები... ჩრდილოეთი, ჩრდილოეთი!“

პეტერბურგი მე უკვე უკიდურეს ჩრდილოეთად მომეჩვენა. მეეტლე ჩემდა გასაოცარი ერთმანეთის მსგავსი, დიდებული, ლაზათიანი ქუჩებით მოქურუხებულ ქარბუქში ლიგოვკისკენ, ნიკოლაევსკის სადგურისკენ მიმაქროლებდა. ჯერ სამი ხაათი იყო, მაგრამ სადგურის ვეება, უფერული შენობის მრგვალი საათი ქარბუქში უკვე ანათებდა. მე სადგურის ახლოს შეეჩერდი, ლიგოვკის იმ მხარეს, რომელიც არხის გა-

ყოლებით მდებარეობდა. ეს ადგილი საშინელი სანახავი იყო,— შეშის საწყობები, საჩაიეები, მეეტლეთა სადგომები, სამიკიტნოები, ლუღხანები. ნომერში, რომელიც მეეტლემ პირჩია, დიდხანს გაუხდელად ვიჯექი და დადლილობითა და ვაგონის ჯაყჯაყით მთლად მოცელილი მეექვსე სართულიდან უსაზღვროდ ნაღვლიან ფანჯარას, მიმწუხრის თოვლის დურდოს გავყურებდი... პეტერბურგის მთელი არსებით განვიცდიდი ამას: მე აქ ვარ, გარს შარტყია მისი პირქუში, ჩამოკირული, ცივი სიდიადე. ნომერში თბილოდა, ძველი შალის ფარდების, ასეთივე შალითგადაფარებული ტანტის სუნსა და რაღაც მოწითელოს სიმყრალეს, რითაც ცუდ სასტუმროში იატაკს წმენდნენ, ჰაერი შეეხუთა. მე გარეთ გამოველ და ხვეულ კიბეებზე ჩამოვირბინე. ქუჩაში თვალშეუვალმა ქარბუქმა თოვლის სიცივე შემომაგება. ქარბუქში მეეტლე დავლანდე და ფინეთის სადგურზე გავიჭერი, რომ საზღვარგარეთის გრძნობა განმეცადა. აქ მალე გვარიანად შევთვერი და დეპეშა გავუგზავნე ლიკას:

„ჩამოვალ ზეგ“.

უხარმაზარი, ხალხმრავალი, ბებერი მოსკოვი ზამთრის მზის სითბოთი ატირებული ნამქერით, ნაკადებით და გუბეებით, კონკების გრიალითა და ჟლარუნით, მიმავალთა და მომავალთა უთავბოლო ქოთქოთით, საქონლით მძიმედ დატვირთული, საპალნე ცხენებშებმული უამრავი მარხილით, ვიწრო ტალახიანი ქუჩებით, კრემლის კედლების დარბაზების, სასახლეთა და მათ შუაში უხალისოდ აბზინებული ტაძრის ოქროსფერი გუმბათების უგემური სიკოხტავით შემხვდა. გამაოცა ვასილ ნეტარმა, შემოვიარე კრემლის ტაძარი, ოხოტნი რიადში ეგოროვის განთქმულ სამიკიტნოში ვისაუზმე. ეს დიდებული ადგილი გახლდათ: ქვევით მოვაქრე მდაბიოთა ერთი აურზაური და ყაყანი ისმოდა, ზევით კი ორ პატარა, დაბალქერიან დარბაზში სისუფთავე, სიწყნარე და წესიერება სუფევდა, — მოწვევაც კი არ შეიძლებოდა, — სადღაც ეზოდან პატარა, გამთბარ ფანჯრებში მომზირალი მზე და გალიაში ამღერებული იადონი სიმყურდროვეს ასადგურებდა; კუთხეში თეთრად კიაფობდა კანდელი, ერთი კედლის მთელი ზედა ნა-

წილის გაყოლებით კი მოშავო ლაქივით ბრწყინავდა ჩამუქებული სურათი: ზევით აპრეხილი, ქერქლიანი სახურავი, გრძელი აივანი, სადაც ჩაის სვამდნენ ოქროსფერ ხალათში გამოწყობილი, სახეყვითელ ჩინელთა შეუსაბამოდ დიდი გამოსახულებანი, რომელთაც თავზე იაფფასიანი ლამპის თალფაქივით ეღოთ მწვანე ჩაჩები... იმავე დღეს, საღამოთი მოსკოვი დავტოვე.

ჩვენს ქალაქში მარხილები უკვე აღარ დადიოდა, სადგურში აზოვის. მშფოთვარე ქარი თარეშობდა, ლიკა მშრალ, თოვლგადაგვილ ბაქანზე მელოდა. ქარი მის საგაზაფხულო ქუდს არხევდა და მზერას უშლიდა. მე შორიდან შევნიშნე იგი, — დაბნეული, ქარისაგან სახემოკმუხენილი, თვალით მეძებდა მიმავალ ვაგონებში. ლიკას ის ამაღელვებელი, შესაბრალისი რამ აღბეჭდოდა, რაც ყოველთვის გვანცვიფრებს ხოლმე მახლობელ ადამიანში მასთან განშორების შემდეგ. იგი გამხდარიყო, ტანთ უბრალოდ ეცვა. როცა ვაგონიდან ჩამოვხტი, ბაგეებიდან პირბადის აწევა მოინდომა, მაგრამ ვერ შეძლო და მკვდარივით გადაფითრებულმა მოუხერხებლად მაკოცა მის შიგნიდან.

მან ქარის საპირისპირო მიმართულებით თავი ღუმლით დახარა და მეეტლეზე მიმითითა, მხოლოდ რამდენჯერმე გაიმეორა მწარედ და მშრალად:

— ეს რა მიყავი, ეს რა მიყავი!

შემდეგ ასევე სერიოზულად თქვა:

— აზნაურთა სასტუმროში, არა? მეც. შენთან წამოვალ.

ნომერი სასტუმროს მეორე სართულზე იყო, მას დიდი წინათახი ჰქონდა. შიგ შესვლისას ლიკა დივანზე დაჯდა და უყურებდა სასტუმროს მსახური რა ბრიყვულად დგამდა ჩემს ჩემოდანს ოთახის შუაში, ხალიჩაზე. მსახურმა ჩემოდანი დადგა და იკითხა, ხომ არაფერს მიბრძანებთო.

— არაფერი არ გვინდა, წადით... — ჩემს მაგიერ უთხრა ლიკამ და ქუდის მოხდას შეუდგა.

— რას გაჩუმებულხარ, არაფერს მეტყვი? — უხალისოდ თქვა მან, თან ცდილობდა ბაგეთა თრთოლა დაეძლია.

მე მუხლი მოვიყარე, მის ფეხებს მოვეხვიე, და კაბის ზე-

მოდან ვკოცნიდი აცრემლებული. ლიკამ თავი ასწია და კვლავ ვიციანი. ვიგრძენი მისი ნაცნობი, უზომოდ ტკბილი ტუჩები და ჩვენი გულების საოცრად ნეტარი გარინდება. მე ზეზე წამოვიპყერ, კარების გასაღები გადავატრიალე, გალიგვებული ხელით ჩამოვუშვი ფანჯრებზე თეთრი, დაბურთული ფარდები, — ფანჯრებთან ეკალ-მუხას არხევდა ქარი, ზედ მოუქვენრად ხშიანებდა მთვრალივით მოქანავე ჭილყუავი...

— მამა მხოლოდ ერთს ითხოვდა, — თქვა შემდეგ მხართეძობზე ნებივრად წამოწოლილმა ლიკამ. — ჯვრისწერა თუნდაც ნახევარი წლით გადავდოთ. მოითმინე, ახლა სულ ერთია, ჩემი სიცოცხლე მხოლოდ შენ ერთს გეკუთვნის, რაც გინდა, ის მიუაჯი.

სარკის სადგამზე დაუწვავი სანთლები ელაგა, უძრავად ჩამოკიდებულ თეთრ ფარდებს სიმქრქალე დაჰკრავდა, თეთრ ქერზე სხვადასხვა, უცნაურ ფიგურებად ჩანდა რაღაც ნაძერწი კაზმულობა.

XVIII

ჩემი ძმა გიორგი ერთ მალღორსიულ ქალაქში ერობის სტატისტიკას განაგებდა. ჩვენც იქ გავემგზავრეთ სამუშაოდ. ვნების კვირა და აღდგომა ბატურინში გავატარეთ. ლიკა დედას და დას თვალში რომ ჩავარდნოდა, ხელს არ ამოისვამდნენ. მამაც სიყვარულით მიმართავდა შენობით, დილ-დილობით თავად უწვდიდა ხელს საამბოროდ, მარტო ჩემი ძმა ნიკოლოზი იკავებდა თავს და მოკრძალებით, თავაზიანად ეპყრობოდა. ლიკას ჩემმა ოთახმა, სადაც ჭაბუკობა გავატარე და მას ახლა ამალელებელ, მშვენიერ რამედ ესახებოდა, ჩემმა წიგნებმა, რომლებსაც გაუბედავი სიხარულით ათვალიერებდა. ჩემს ოჯახთან, სახლთან, ეზო-მიდამოსთან დაკავშირებამ ჩუმი, გაურკვეველი ბედნიერება მოჰგვარა... შემდეგ ჩვენ გავემგზავრეთ...

ღამე ორიოლამდე. განთიადისას ხარკოვის მატარებელში გადაჯდომა მოგვიხდა.

მზიან დილას ცხელ ფანჯარასთან ვდგავართ ვაგონის დერეფანში.

— რა უცნაურია, ორიოლის და ლიპეცკის გარდა ჯერ არსად არ ვყოფილვარ! — ამბობს ლიკა. — ახლა კურსკია? ეს ჩემთვის უკვე სამხრეთია.

— ჰო, ჩემთვისაც.

— კურსკში ვისაუზმებთ? — იცი, მე ჩემს სიცოცხლეში სადგურში არ მისაუზმია...

კურსკს იქით, რაც უფრო შორს მივდივართ, მით მეტი სითბო და სიხარული იგრძნობა. შპალების გაყოლებით, ფერდობებზე აბიბინებული ბალახი, ყვავილები და თეთრი პეპლებია. პეპლების ფრთებზე უკვე ზაფხული იცინის.

— ზაფხულში იქ სიცხე იქნება. — ღიმილით ამბობს ლიკა.

— ჩემი ძმა იწერება ქალაქი ბაღებშია ჩაფლულიო.

— ო, მალე მოსია. მართლაცდა ვერასდროს ვერ ვიფიქრებდი... შეხე, შეხე, რამოდენა ალვის ხეებია! უკვე მწვანით შემოსილნი! რად არის ამდენი წისქვილი?

— ეს ქარის წისქვილებია და არა წყლისა. ახლა ცარცის მთები გამოჩნდება, შემდეგ ბელგოროდი.

— მე ახლა მესმის შენი. მეც ვერასდროს ვერ შევძლებდი ჩრდილოეთში ცხოვრებას ამ უხვი სინათლის გარეშე.

მე ფანჯარას ვუშვებ. უბერავს თბილი, მზედაკრული ქარი, ორთქლმავლის ბოლს სამხრეთულად ასდის ქვანახშირის სუნი. ლიკა თვლებზე ხელს იფარებს, მზე მწველ ზოლებად ეცემა მის სახეს, შუბლთან ათამაშებულ მუქ ახალგაზრდულ თმებს, უბრალო ჩითის კაბას, თვალისმომკრელად ანათებს და ათბობს მას.

ბელგოროდის ველს აფეთქებული ალუბლის ბაღების, თეთრად ელვარე ქოჩების მიმზიდველი კრძალვა გადააფენია. სადგურში ბილითების გამყიდველი პატარა ხოხოლების სულმოუთქმელი, ალერსიანი ლაპარაკი ისმის. -

ლიკა ყიდულობს და ვაჭრობს, თან კმაყოფილია თავისი ყაირათიანობით და მალე მოსიული სიტყვების ხმარებით.

სალამოს ხარკოვში ვართ, ჩვენ კვლავ ვიცვლით გზას.

განთიადისას ქალაქს ვუახლოვდებით.

ლიკას სძინავს. ვაგონში სანთლები იფერფლება, ტრამა-
ლებში ისევ ღამე, თვალშეუდგამი ბინდია. მათ მიღმა კი ჩანს
შორეული აღმოსავლეთი, რომელსაც მკრთალი, იღუმალის
სიმწვანე ედება. როგორ არა ჰგავს ეს მიწა ჩვენსას — ეს მო-
შიშვლებული, უსაზღვრო ვაკე თავისი მწვანე-ნაცრისფერი
ვიწრო ყორღანებით! გაიელვა მძინარე, პატარა სადგურმა, —
არც ბუჩქი და არც ხეა მის ახლომახლო, თვითონაც უსიცო-
ცხლო, ცარიელი და თეთრ-მონღოლურაა განთიადის ამ იღუ-
მალ დაბადებაში...

აი, ვაგონშიც იჭრება დღის ნათელი. ქვევით, იატაკზე ბინ-
დია, მაგრამ ზემოთ, უკვე მკრთალი სინათლე ჩანს. ლიკაჟ
ძილში თავი ბალიშში ჩარგო, ფეხები შემოიკეცა. მე ფრთხი-
ლად ვახურავ დედაჩემის ნაჩუქარ ძველებურ აბრეშუმის
შარფს.

XIX

სადგური ქალაქიდან შორს, ტრიალ ველშია. იგი პატარაა
და მიმზიდველი. სადგურში ირევიან თავაზიანი ლაქიები,
ალერსიანი მებარგულენი, მშვენიერ წყვილცხენა ტარანტასის
კოფოზე წამოსკუპებულან კეთილი მეეტლეები.

ქალაქი დაბურულ ბაღებში ჩაძირულა, მთის ფლატეზე,
საიდანაც ის აღმოსავლეთს და სამხრეთს გაჰყურებს, ჰეტმა-
ნის ტაძარი დგას, ველის აღმოსავლეთით კი განმარტოებით
მოჩანს ციცაბო გორაკი, რომლის წვეროზე ძველი მონასტე-
რია აღმართული, მონასტრის მიღმა სიმწვანე და სიცარიელე
სუფევს. სამხრეთით, მდინარის გაღმა აქოჩრილი მდელოების
იქით მზერა თვალისმომკრელ ელვარებაში იკარგება.

ქალაქის ბევრი ქუჩა ვიწრო ჩანდა ფიცრის „საქვეითოთა“
გასწვრივ მწყობრად გადაჭიმული ბაღებისა და ალვის ხეთა
გამო. „საქვეითოებზე“ ხშირად შეხვდებოდით ღონიერ მხარ-
ზე მძიმე მხრეულდადებულ, თეძოებზე პლახტაშემოკრულ,
მკერდსავსე და ამაყ გოგონებს. აღტაცებაში მოვყავდით არა-
ჩვეულებრივად მაღალ და მსხვილ ალვის ხეებს; იდგა მაისი,
ხშირად გრუხუნებდა ცა, დიოდა ღვართქაფი და რა ხასხასა

სიმწვანე ედებოდა ხეების მკერძ ფოთლებს, რა მძაფრი და საამო კეთილსურნელება იფრქვეოდა ირგვლივ! — აქ გაზაფხული მუდამ კაშკაშა და მხიარული, ზაფხული ხორშაკიანი, შემოდგომა ნათელი და ხანგრძლივი, ზამთარი კი რბილი და ქარნოტიო იცოდა, მარხილები ეყვნების მშვენიერი, ყრუ დუღუნით დადიოდნენ.

მზით გარუჯულ, ქალარა, მრგვლად თავშეკრეჭილ ვეება მოხუც კოვანკოს, რომელთანაც ერთ ამგვარ ქუჩაზე დავსახლდით, მთელი ადგილ-მამული ჰქონდა: ეზო, ფლიგელი, სახლი და სახლის უკან ბაღი. თვითონ ფლიგელში გადავიდა, ჩვენ კი თეთრად შეღებილი, უკანიდან ბაღით დაჩრდილული და ფასადის მხარეს დიდშუშაბანდიანი სახლი დაგვითმო. ის სადღაც მსახურობდა; სამსახურიდან დაბრუნებისას მაღიანად სადილობდა, ისვენებდა, შემდეგ კი ნახევრად გახდილი ღია ფანჯრის წინ იჯდა, „ჩიბუხს“ აბოლებდა და მღეროდა: „ჰაი, მთაზედა მკიან მომკალნი...“

ოთახები დაბალი და უბრალოდ გაწყობილი იყო; წინა-ოთახში რაღაც ძველი სკივრი იდგა, ზედ ფერადი გვირისტით ნაკერი ხამი, უხეში ტილო ეფარა. ჩვენ გვემსახურებოდა კაზაკი გოგონა, რომლის სილამაზეში რაღაც ნოლაური იგრძნობოდა.

ჩემი ძმა უფრო სათნო და კეთილი გახდა. იმედები გამიმართლდა — ლიკასა და გიორგის შორის მალე ნათესაური და მეგობრული სიახლოვე დამკვიდრდა; როცა რომელიმეს შეველაპარაკებოდი, მუდამ ერთმანეთს უჭერდნენ მხარს.

ჩვენი თანამშრომლებისა და ნაცნობების (ექიმების, ვექილების, მემამულეების) წრე ძმის ხარკოვურ წრეს ჰგავდა, — მე ადვილად შევეწყვე ყველას, სიამოვნებით გავაბი ურთიერთობა ლეონტოვიჩისა და ვაგინთან, რომლებიც აგრეთვე ხარკოვიდან გადმოსულიყვნენ. ეს წრე ხარკოვურისაგან მხოლოდ იმით განსხვავდებოდა, რომ შედგებოდა უფრო თავდაპირილი, თითქმის სავსებით ქალაქის, მყუდროქალაქური კეთილდღეობის შესაბამისად მცხოვრები ადამიანებისაგან, რომლებიც მეგობრულად ხვდებოდნენ არა მარტო ქალაქის სხვა საზოგადოების ხალხს, პოლიცემისტერსაც კი.

ჩვენ ყველაზე ხშირად სამმართველოს ერთ-ერთი წევრის სახლში ვიკრიბებოდით: იგი ხუთი ათასი დესეტინა მიწისა და ათი ათასი სული ცხვრის მფლობელი გახლდათ, მდიდრული, ბრწყინვალედ მორთული სახლი მხოლოდ ოჯახისთვის ეკირა, თვით კი, თავის დროზე იაკუტსკში ნამყოფი, ტანმომცრო, ღარიბულად ჩაცმული, მორიდებული კაცი, აქ საბრალო სტუმარივით ჩანდა.

XX

ეზოში ქვის ძველი ჭა იყო, ფლიგელის წინ იზრდებოდა ორი თეთრი აკაცია, სახლის პარმალის გვერდით კი აშვერილიყო წაბლის: ხის შავი კენწერო. რომელიც შუშაბანდის მარჯვენა მხარეს ჩრდილავდა. ზაფხულში, დილის შვიდი საათისათვის ყოველივე ეს უკვე ელავდა, მზით კაშკაშებდა, ხურდა; საქათვიდან მამლის ერთფეროვანი, აბნეული, შემკითხველი ყივილი ისმოდა, სახლში, განსაკუთრებით, უკანა ოთახებში, რომელთა ფანჯრები ბაღს გადაჰყურებდა, ჯერ კიდევ გრილოდა; საწოლ ოთახში, სადაც პატარა, თათრულ ფეხსაცმელებზე შემდგარი, სიცივიტ მობუზული ლიკა ჭყუმპალაობდა, წყლისა და საპნის მოლიტიწე სუნი ტრიალებდა; სახესველი, კისერზე თმებქვეშ გასაპნული ლიკა ჩემსკენ დარცხვენით მოტრიალდებოდა ხოლმე და ფეხს მიბაკუნებდა: „დაიკარგე აქედან!“ შემდეგ იმ ოთახიდან, რომლის ფანჯრები შუშაბანდს ეკვროდა, ადუღებული ჩაის სუნი მოდიოდა. — იქ კაზაკი გოგონა ტიტველ ფეხზე წამოცმულ ნალებიან ქოშებს დააბაკუნებდა. მისი შიშველი, ჯიშინი ფაშატივით ჩამოსხმული კანჭები აღმოსავლურად გამოკრთოდა ქვედაწელიდან; ელავდა გოგონას ქარვის ყელსაბამიანი, მრგვალი, პატარა კისერიც, ცოცხლად და ცქვიტად ატრიალებდა შავთმიან თავს, ასევე ცოცხლად უციმციმებდა ირიბად მომზირალი თვალები, — ყოველ მოძრაობაზე გავას იქნევდა.

ჩემი ძმა პაპიროსით ხელში, ღიმილითა და მამისათვის დამახასიათებელი მიხვრა-მოხვრით გამოდიოდა ჩაიზე. ტანმომცრო და მსუქანი იყო, მამას არ ჰგავდა, მაგრამ მისი ბატონკაცური

მანერებიდან ზოგი რამ მაინც ეტყობოდა; მან ახლა მოხდენილად ჩაცმა დაიწყო, დაჯდომისას დიდკაცურად გადაიდებდა ფეხს ფეხზე და პაპიროსიც ბატონკაცურად ეჭირა. ოდესღაც ყველა დარწმუნებული იყო მის ბრწყინვალე მომავალში, თავადაც სჯეროდა ამისა, ახლა კი სავსებით კმაყოფილდებოდა იმ როლით, რომელსაც ამ მალოროსიულ მიყრუებულ ადგილას ასრულებდა, ჩაიზეც ხალისიანად გამოდიოდა; იგი სავსებით ჯანსაღად, ყოჩაღად გრძნობდა თავს. მის ოჯახს, მეტად საყვარელ ოჯახს ჩვენ შევადგენდით, სამსახურში ჩვენთან ერთად სიარული, რასაც, ხარკოვის არ იყოს, ნახევრად თამბაქოს წვევა და ლაპარაკი შეადგენდა, მისთვის ყოველდღიური სიამოვნება იყო. როცა დასასრულ, უკვე წასასვლელად გამზადებული, ზაფხულის სინალისით მორთული ლიკა გამოჩნდებოდა, სახე უბრწყინდებოდა და ხელზე კოცნიდა.

ჩვენ მზის შუქით აბზინებულ საოცარ ალვის ხეთა გასწვრივ სახლების ცხელ კედლებსა და თაკარა ბალებს კიდეკიდე მიეყვებოდით ფეხით მოსიარულეთათვის განკუთვნილ გახურებულ ფიცრებზე; ლიკას გაშლილი ქოლგა კამკამა აბრეშუმით ნათლად ისახებოდა მუქ სილურჯეში. შემდეგ ჩვენ სიცხის აღმურში გახვეულ მოედანს ვჭრიდით და სამმართველოს ყვითელ შენობაში შევდიოდით. იქ ქვემოთ დარაჯების ჩექმებისა და მათ მიერ ახრჩოლებული თუთუნის სუნი ტრიალებდა. მეორე სართულის კიბეზე ქაღალდებით ხელში დაფიქრებით ადიოდნენ და ხოხოლურად ხრიდნენ თავს შავი ლუსტრინის პიჯაკებში გამოწყობილი ყოველნაირი საქმის მწარმოებლები და საქმის მმართველები, — გარეგნული სიჩერჩეტის მიუხედავად, ცბიერი და დიდად გამოცდილი ხალხი.

ჩვენ გავდიოდით კიბის ქვეშ პირველი სართულის სიღრმეში, ჩვენი განყოფილების ინტელიგენტურად დაუდევარი, მხიარული ადამიანებით ავსებულ და შათი გამოისობით მეტად მიმზიდველ ოთახებში... საშინლად მიმძიმდა, როცა ლიკას აქ ვხედავდი ათასნაირ დასაკითხ ფურცლებთან, რომლებსაც ის კონვერტებში დებდა მაზრებში დასაგზავნად.

შუალღით დარაჯებს უხეირო კიქით ჩაი და ასევე უხეი-

რო ლამბაქით ლიმონის ნაჭერი შემოჰქონდათ. ეს ერთფეროვნება პირველ ხანებში რაღაც სიამოვნებასაც კი მგვრიდა. ამ დროს სხვა განყოფილებებიდან სალადობოდ და გასაბოლებლად ყველა ჩვენი მეგობარი იკრიბებოდა. მოდიოდა სამმართველოს მდივანი სულიმაც. ეს გახლდათ ლამაზი, რამდენადმე წელში მოხრილი, ოქროს სათვლიანი კაცი, რომელსაც ხავერდივით რბილი, შავად მოელვარე დიდებული თმა და წვერი ამშვენებდა; სულიმამ მსუბუქი, შემპარავი სიარული, შემპარავი ღიმილი და ასეთივე მანერით ლაპარაკი იცოდა; ყოველთვის იღიმებოდა და ყოველთვის ბრწყინავდა თავისი სიმსუბუქით და სილაზათით. იგი დიდი ესთეტი იყო, მონასტერს, რომელიც ბორცვზე იდგა, გაყინულ აკორდს უწოდებდა. ჩვენთან ხშირად იყო და ლიკას სულ უფრო მეტი სიამით და იდუმალებით უცქეროდა. ლიკას მაგიდასთან მისვლისას, მისი ხელებისაკენ იხრებოდა ხოლმე, სათვალეს მაღლა იწევდა და ტკბილად, უშფოთველად უღიმოდა: „ახლა რაღას აგზავნიო?“ ლიკა ამაზე ერთთავად იშმუშნებოდა და ცდილობდა, რაც შეიძლება თავაზიანად, მაგრამ რაც შეიძლება უბრალოდ ეპასუხნა. მე სავსებით დამშვიდებული ვიყავი, ახლა არავეიზე არ ვეჭვიანობდი.

სამსახურში, ორიოლის „ხმის“ რედაქციის არ იყოს, ჩემდა უნებურად რაღაც განსაკუთრებული მდგომარეობა მოვიხვე — როგორც თანამშრომელს, ალერსიანი დაცინვით მიცქეროდნენ. მე ჩემთვის ვიჯექი და აუჩქარებლად ვაჯამებდი, ვადგენდი ცნობებს, ამა და ამ მაზრის ამა და ამ თემში რაოდენი თამბაქო, შაქრის ჭარხალია დათესილი, რა ზომები მიიღეს ჭარხლის მავნებელ ხოჭოებთან „ბრძოლაში“, ხანდახან უბრალოდ რაღაცას ვკითხულობდი და აინუნშიაც არ ვაგდებდი ირგვლივ ლაპარაკს. მე ის მახარებდა, რომ საკუთარი მაგიდა მქონდა, რომ კანცელარიიდან რამდენიც მინდოდა იმდენი ახალი კალმის, ფანქრის და კარგი საწერი ქაღალდის მოთხოვნა შემეძლო.

ორ საათზე მუშაობა მთავრდებოდა, ჩემი ძმა ღიმილით დგებოდა ზეზე — „დროა დავიძრაო!“ ყველა ცოცხლად ეძებ-

და თავის საზაფხულო ქუდს. ელვარე მოედანზე ჯგუფურად გამოდიოდნენ, ერთმანეთს ხელს უქნევდნენ და დარაიისა და ჯოხების ბზინვით მიდიოდნენ სხვადასხვა მხარეს.

X X I

ქალაქში ხუთ საათამდე კაცის ჭაჭანება არ იყო, ბაღები სიცხის აღმურში ეხვია. ჩემს ძმას ეძინა, ჩვენ კი ლიკას ფართო საწოლზე ვიყავით გაშოტილნი. მზემ სახლს თავი დაუარა და ახლა საწოლი ოთახის ფანჯრებში ბრჭყვიალებდა, ბალიდან იჭყიტებოდა შიგ, პირსაბანის სარკეში თავისი ღია მწვანე ფოთლებით ისახებოდა ბაღი. ამ ქალაქში სწავლობდა გოგოლი, მთელი ეს გარემო წარმოდგენდა მის მიგრაციას, იანოვშიჩინას, შიშაკს, იარესკის, — ხშირად სიცილით ვიგონებდით: „რა მომხიბვლელი, რა საუცხოოა ზაფხულის დღე მალოროსიაში!“

— მაგრამ მაინც ცხელა! — ამბობდა ლიკა და ხენეშით ბრუნდებოდა გულადმა, — თანაც რამდენი ბუზია! შემდეგ როგორღაა ბოსტნების შესახებ?

— „ჰაეროვანი მწერების ზურმუხტი, თოფაზი, იაგუნდი სცვივა ნაირფერ ბოსტნებს...“

— საოცრად დიდებული რამაა. მე გაგიყვებით მინდა მიგრაციის წასვლა. რამენაირად აუცილებლად უნდა წავიდეთ, ხომ? წავიდეთ როგორმე! ოღონდაც რა უცნაური, რა უსიამო კაცი იყო ცხოვრებაში გოგოლი, არავინ უყვარდა ახალგაზრდობაშიც კი...

— მაშ, მთელი ახალგაზრდობის მანძილზე ერთადერთი დაუფიქრებელი საქციელი — ლიუბეკაში წასვლაა.

— როგორც შენი პეტერბურგში... ასე რამ შეგაყვარა მგზავრობა?

— რატომ გიყვარს შენ წერილების მიღება?

— ახლა ვიღასგან ვიღებ!

— სულ ერთია, გიყვარს. ადამიანი მუდამ მოელის რაღაც სასიხარულოს, საინტერესოს, ოცნებობს სიხარულზე, რაიმე ამბავზე. ამით გიზიდავს გზაც. შემდეგ თავისუფლება, სილა-

ღე... სიახლე, რომელიც აღგაფრთოვანებს, ზრდის ცხოვრების
აზრს, ჩვენც ხომ ამას ვეძებთ ყოველგვარ ძლიერ გრძნობაში.

— ჰო, ჰო, მართალს ამბობ.

— ამბობ — პეტერბურგიო. შენ რომ იცოდე რა საშინე-
ლებაა ეს და როგორ ერთბაშად, სამუდამოდ ვიგრძენი იქ,
რომ მე სულის სიღრმემდე სამხრეთელი ვარ. გოგოლი იტა-
ლიიდან იწერებოდა: „პეტერბურგი, თოვლი, არამზადები, დე-
პარტამენტი — ყოველივე ეს სიზმრად ვნახე: მე კვლავ სამ-
შობლოში გავიღვიძე“. მეც სწორედ ასე გავიღვიძე იქ. არ შე-
მიძლია დამშვიდებით მოვისმინო ეს სიტყვები: ჩიგირინი,
ჩერკასი, ხოროლი, ლუბნი, ჩერტომლიკი, დიკოე პოლე, —
აულელვებლად ვუცქირო ლერწმის სახურავენს, გლეხის შეკ-
რეკილ თავს, ყვითელ და წითელ წაღებიან დედაკაცებს, ლაფ-
ნის კალათებსაც კი, მხრეულზე რომ გადიკიდებენ და ალუბა-
ლი და ქლიავი დააქვთ. „თოლია დაჰქრის, ვითა ბავშვი ტი-
რის ფრთამალი, ქარო, დაბერე, მზევე, გაათბე კახაკთ ტრამა-
ლი...“ ეს, შევჩენკოა, — ნამდვილად გენიალური პოეტი
მალოროსიაზე მშვენიერი სხვა ქვეყანა არ მეგულება. და რაც
მთავარია, მას უკვე ისტორია არა აქვს, — მისი ისტორიული
ცხოვრება დიდი ხანია და ამასთან სამუდამოდ დასამარდა.
დარჩა მხოლოდ მოგონება, სიმღერები და ლეგენდები მის
შესახებ, — რაღაც უღროობა. მე ეს მალფრთოვანებს ყველა-
ზე მეტად.

— შენ ხშირად გაიძახი — მალფრთოვანებს, აღფრთოვა-
ნება.

— ცხოვრება სწორედაც აღმაფრთოვანებელი უნდა იყოს.

მზე იწვერებოდა, მისი შუქი ღია ფანჯრებიდან უხვად
ეფინებოდა შეღებილ იატაკს, ქერზე სარკის ათინათები ცია-
გებდა. რათებს, რომლებზეც გუნდ-გუნდად ზრიალებდნენ
ბუზები. სიმხურვალე ემატებოდა. ბუზები გრილ, შიშველ
მხრებზე კბენდნენ ლოკას. რათაზე უცებ ბელურა ჯდებოდა,
ფხიზლად, მკვირცხლად მიმოიხედავდა, შეფრთხილდებოდა
და ისევ ჩრებოდა დაისის მზეზე უკვე აბზინებულ ბალის ნა-
თელ სიმწვანეში.

— კიდევ თქვი რაიმე, — ამბობდა ლიკა, — მითხარი, ყი-

რამში როდისმე წავალთ? ო, რომ იცოდე, როგორ ვოცნებობ ამაზე! შენ შეგეძლო რაიმე დაგეწერა, — მე მგონია შესანიშნავადაც დაწერდი, — გვექნებოდა ფული, ავიღებდით შვებულებას... რატომ მიატოვე წერა? შენ რატომღაც უგულისყუროდ ეკიდები, არად აგდებ შენს ნიქს!

— იყო ერთი რიგი კაზაკებისა, რომელთაც „მოხეტიალეებს“ ეძახდნენ, სიტყვა ხეტიალის მიხედვით. ჰოდა, მეც ნამდვილი მოხეტიალე ვარ. „ღმერთი მექუდეს ჰგავს, ზოგს კარგ ქუდს დაახურავს, ზოგსაც თავშიშველს ატარებს“. გოგოლის ნაწერებში ყველაზე საუკეთესოა მისი უბის წიგნაკი: „ქოჩორა ველის თოლია გზიდან ზევით მიიწვეს და რკალს ხაზავს ჰაერში... გზის ორთავე მხარე აყვავებულ ნარცეცხლათი გადამწვანებულა, მათ მიღმა არაფერია თვალუწვდენელ ვაკეთა გარდა... ტყრუშული ღობეებისა და თხრილების თავზე მზესუმზირები წამოწვდილა, ჩანს სუფთად შელესილა ქოხის ჩალის საჩიხი, წითელჩარჩოიანი მოხდენილი ფანჯარა... შენ ძველთაძველი ფუძე ხარ რუსეთისა, სადაც გულითადია გრძნობა და ნაზია სლაფური ბუნება!“

ლიკა ყურადღებით მისმენდა, შემდეგ მოულოდნელად მეკითხებოდა:

— ერთი მითხარი, რად წამიკითხე ეს ადგილი გოეთედან? აი, თუ როგორ გაემგზავრა ფრედერიკისგან და უცებ როგორ წარმოსახა სადღაც მიმავალი, ოქროთი მოსირმულ ნაცრისფერ კამზოლში გამოწყობილი ვიღაც მხედარი. როგორა აქვს ნათქვამი?

— „ეს მხედარი ვიყავი თვით მე. მეცვა ოქროთი მოსირმული კამზოლი, როგორიც არასოდეს მიტარებია“.

— ო, ეს უცნაურიცაა, და შესანიშნავიც. შენ ისიც თქვი, რომ ახალგაზრდობაში ყველა თავის სანატრელ კამზოლს ხედავს ოცნებაში... რატომ მიატოვა მან იგი?

— ამბობდა, რომ მას ყოველთვის მისი „ღემონი“ განაგებდა.

— ჰოდა, შენც მალე გადამიყვარებ. აბა, მითხარი მართალი, რაზე ოცნებობ ყველაზე მეტად?

— რაზე? ვიყო ყირიმის რომელიმე ხანი, შენთან ერთად

ვცხოვრობდე ბაღჩისარაის სასახლეში... ბაღჩისარაი სულ მთლად კლდოვან, საშინლად ცხელ ხეობაშია, სასახლეში კი მუდამ ჩრდილი, სიგრილე და შადრევნებია, ფანჯრებთან თუთის ხეები...

— სერიოზულად ამბობ?

— სერიოზულად. მე ხომ მუდამ რაღაც საშინელი სისულელით ვცხოვრობ. აი, თუნდაც ეს ველის თოლია, მასში ველისა და ზღვის ეს შენივთება... ნიკოლოზი ხანდახან სიცილით მეუბნებოდა, რომ ბუნებამ გამომასულელა. მე ძალზე ვიტანჯებოდი, ვიდრე ერთხელ შემთხვევით არ წავეიკითხე დეკარტეს ნათქვამი, რომ მის სულიერ ცხოვრებაში ნათელ და ჰკვიანურ აზრებს ყოველთვის ყველაზე უმნიშვნელო ადგილი ეჭირა.

— მერედა რა, სასახლეში ჰარამხანაა? მეც სერიოზულად გეუბნები ამას. გახსოვს, თავად მიმტკიცებდი, რომ მამაკაცის სიყვარულში სხვადასხვა სასიყვარულო გრძნობათა ბევრი შენარევია, რომ ეს თვით შენ გამოსცადე ნიკოლინასთან, შემდეგ ნადიასთან... შენ ხომ ხანდახან ძალზე უღმობლად მიხსნი გულს! რაღაც ამისდაგვარს ჩვენს კაზაჯ გოგონაზეც კი ამბობდი.

— მე მხოლოდ იმას ვამბობდი, რომ როცა მას ვუყურებ, საშინლად მინდა საღდაც ველებში, კარავში ვიცხოვროთქო.

— აი, ხომ ხედავ, შენი პირით ამბობ, რომ მასთან კარავში ცხოვრება გასურს.

— მე არ მითქვამს მასთან ერთად-მეთქი.

— აბა, ვისთან? ოჰ, ისევ ბელურა! ტანში მზარავს როცა ისინი მოფრინდებიან და სარკეს აწყდებიან!

ლიკა წამოხტა და ჩქარ-ჩქარა, უხერხულად შემოჰკრა ტანში. მე მოვეხვიე, ვკოცნიდი მის შიშველ მხრებს, ფეხებს... ყველაზე მეტად მისი სხეულის ცხელი და გრილი ადგილების სხვაობა მაოცებდა.

სალამო ხანს პაპანაქებამ იკლო. მზე სახლს განრიდებოდა; ჩვენ შუშაბანდში, ეზოში გამავალ ღია ფანჯრებთან ჩაის ვსვამდით. ლიკა ახლა ბევრს კითხულობდა და ამ დროს სულ რაღაცას ეკითხებოდა ჩემს ძმას, ისიც სიამოვნებით მოძღვრავდა მას. სალამო უსაზღვროდ ჩუმი და მყუდრო იყო — გარეთ მხოლოდ მერცხლები კრებოდნენ დროდადრო, ერთს დაიჟივლებდნენ და ცის სიღრმეში იკარგებოდნენ. ლიკა და ჩემი ძმა ლაპარაკობდნენ, მე კი ყურს ვუგდებდი სიმღერას: „პაი, მთაზედა მკიან მომკალნი...“ სიმღერა გადმოგვეცემდა, რომ მთაზე გლეხები მკიდნენ, იგი საკმაო ხანს დინჯად, ნალვლიანად ხშიანებდა, შემდეგ ძლიერდებოდა და მტკიცედ ქუხდა სილალით, სიმამაცით, შემართებით და ლაშქრული ეღერადობით:

მაღალ მთიანს
მიჰყევიან
კაზაკება!

სიმღერა გაბმით და სევდიანად ჰყევებოდა, თუ როგორ მიიწეეს ხეობაში კაზაკთა მხედრობა, როგორ მიუძღვის, მინდის ყველაზე წინ, სახელგანთქმული დოროშენკო, მის უკან, კი, — ამბობდა სიმღერა, — მის უკან საგაიდაჩნი, —

რათა ცოლც გაეცვალა
თამბაქოსა და ჩიბუხზე,
პაიპარად მავალს...

სიმღერა ტემპს უკლებდა, — ანცვიფრებდა ესოდენ უცნაური კაცი, მაგრამ შემდეგ კვლავ განსაკუთრებული სიხარულით სცემდა დაფლაფებს:

ცოლთან არ მწყალობს
ბელი
თამბაქო და ჩიბუხა კი
კაზაკს გზაში
გამოადგების!

მე ვუსმენდი რალაც ტბილი და ნაოვლიანი შუკით აღვსილი.

მზის ჩასვლის ეამს ხან ქალაქში მივდიოდით სასეირნოდ, ხან ტაძართან ფლატეზე გაშენებულ პატარა ბაღში, ხან კი ქალაქგარეთ მინდორში. ქალაქის რამდენიმე ქუჩა ათასგვარი ებრაული სავაჭროებით, აფთიაქებით, საათების და თამაშაქოს მაღაზიებით იყო მოფენილი; ქუჩები თეთრად გამოიყურებოდნენ, ეგო ქვაფენილი, და დღის პაპანაქების შემდეგ სითბოთი სუბთქავდნენ. გზაჯვარედინებზე იდგა ფარდულები, სადაც გამვლელი შუშხუნა, ნაირფერ სეროფიან წყალს სვაჰდნენ, ეს კი სამხრეთზე მეტყველებდა და სადღაც უფრო შორს სამხრეთისკენ გეზიდებოდა, — მახსოვს, მაშინ რატომღაც ხშირად ვფიქრობდი ქერჩზე. ტაძრიდან ველად მომზირალი ოცნებით კრემენჩუკს, ნიკოლაევს მივდიოდი. ქალაქგარეთ თითქმის სოფლურ, დასავლეთ გარეუბანს ვეწვეოდით ხოლმე. მისი ქოხები, ალუბლის ბაღები და ბაღები ისარივით სწორი მირგოროდის გზისკენ გაჭრილიყვნენ. გზის დასაღიერში, ტელეგრაფის ბოძების გასწვრივ, ნელ-ნელა მიიწევდა ხოხოლების ფორანი, შიგ შებმული ხარები თავის ქნევით მიირხეოდნენ გზაზე. ფორანი მიდიოდა და, თითქოს ზღვაში იკარგებოდა, ბოძებთან ერთად ეფარებოდა თვალს, — უკანასკნელი ბოძები ჯოხებივით დაპატარავებულიყვნენ, უკვე ძლივსღა ჩანდნენ ველში. ეს იყო იანოვშიჩინისკენ, იარესკისა და შიშაკისკენ მიმავალი გზა...

სალამოს ხშირად ქალაქის ბაღში ვატარებდით. ხმიანებდა მუსიკა, რესტორნის განათებული აივანი სიბნელეში თეატრის სცენასავით ჩანდა შორიდან. ჩემი ძმა პირდაპირ რესტორნისკენ მიდიოდა, ჩვენ კი ხანდახან ბალის იმ მხარეს გავუხვევდით, ხრამით რომ მთავრდებოდა. ღამე იყო თვალშეუდგამი და თბილი. ქვევით სიბნელეში აქა-იქ სინათლეები კრთოდა, და მწყობრად, დინჯად აგუგუნებული სიმღერების ხან ნელი, ხან მკვექარე პანგები ისმოდა, — ეს გარეუბნელი ბიჭები მღეროდნენ. სიმღერები ღამის ბინდსა და სიწყნარეს ერთვოდა. მათ ზოგჯერ მანათობელ რგოლებად მიმავალი მატარებლის გრიალი ფარავდა, — ამ დროს უფრო იგრძნობოდა, რა

დაუსაბამო და შავი იყო ველი, — მატარებელი შემდეგ თანდათან ყუჩღებოდა, ეკარგებოდა შუქი, თითქო ქვესკენელში შედისო, და ისევ ისმოდა სიმღერები. ველს იქით კი მთელ ჰორიზონტს ატოკებდა გომბეშოების მოუსვენარი დრტვინვა, რომელიც იღუმალად ახმიანებდა ამ სიწყნარესა და ღამეს, და თითქოს სამუდამოდ არინდებდა ლიკას.

როცა რესტორნის ხალხმრავალ აივანზე შევდიოდით, ლიკა იშშუშნებოდა, თვალები უქრელდებოდა სინათლეზე. ჩემი ძმა, უკვე შემთვრალი და გულაჩვილებული, მაშინვე ხელს გვიქნევდა მაგიდიდან, სადაც მასთან ერთად ვაგინი, ლეონტოვიჩი და სულიმა ისხდნენ. ჩვენ ერთის ამბით გვსვამდნენ. კვლავ ითხოვდნენ თეთრ ღვინოს, ბოკლებსა და ყინულს. შემდეგ მუსიკა წყდებოდა, აივნის იქით, ბაღში სიბნელე და სიცოცხლე იდგა, მინის თალფაქებიანი სანთლები, რომელთაც ღამის ფერები დახვეოდათ, უკვე სულს ლაფავდნენ, მაგრამ ყველა ამბობდა ჯერ ბავშვების ძილის დროაო. ბოლოს წასვლაზე თანხმდებოდნენ, თუმცა ერთმანეთს უცებ არ შორდებოდნენ, — ხმამაღალი ლაპარაკითა და „საქვეითოებზე“ ბაკუნით ჯგროდ მიაბიჯებდნენ სახლებისკენ. ბაღებს ეძინა, ნაგვიანევი მთვარის ქათქათა შუქით განათებულნი იღუმალ ბინდში გახვეულიყვნენ. როცა ჩვენ, უკვე მარტონი, ეზოში შევდიოდით, შუშაბანდის შავ მინებში გამკრთალი მთვარე ზემოდან დასცქეროდა მას; ისმოდა კუტკალიას უშფოთველი კრიკინი. ფლიგელის გვერდით მღგარი აკაციების თვითეული ტოტი და ფოთოლი თავის უძრავ ჩრდილს საოცრად მკაფიოდ და მოხდენილად ხატავდა თეთრ კედელზე.

ძილის წინა წუთები ყველაზე სანუკვარი იყო. მაგიდაზე წყნარად ენთო სანთელი, ღია ფანჯრებში ლალი, ახალგაზრდული, სიცოცხლის მომნიჭებელი სიგრილე შემოდითოდა. საწოლის კიდეზე ჩამომჯდარი, ხალათმოხურული ლიკა სანთელს ჩამუქებული თვალებით უცქეროდა და ნაზად მოელვარე თმებს იწნავდა.

— აი, შენ სულ გიკვირს, რომ მე გამოვიცვალე, — ამბობდა იგი, — მაგრამ ნეტავ იცოდე, თვით როგორ ხარ გამოცვლილი. მხოლოდ შენ როგორღაც უფრო ნაკლებად მაძინევ,

განსაკუთრებით, როცა მარტონი არა ვართ. მე ვშიშობ, რომ შენთვის ჰაერივით ვხდები, უმისოდ ცხოვრება შეუძლებელია, მას კი ვერ ამჩნევ — განა მართალი არაა? შენ ამბობ სწორედ ესაა ყველაზე დიდი სიყვარულიო. ჩემის აზრით კი ეს იმას ნიშნავს, რომ შენთვის ჩემი სიყვარული ცოტაა.

— ცოტაა, ცოტა, — მივუყვებ სიცილით, — მე ახლა ყველაფერი მეცოტავება.

— ამასაც გეტყვი: გული სადღაც მიგიწევს. გიორგი ალექსანდროვიჩი უკვე მეუბნებოდა, რომ შენ ითხოვ მივლინებაში გაგიშვან. რისთვის? სიცხესა და მტვერში რომ ბრიჩკაში დაინჯღრე, შემდეგ დახუთულ სათემო სამმართველოში იჯდე და დაუსრულებლად დაკითხო ხოხოლები, სწორედ იმ ბარათებით, რომლებსაც მე ვაგზავნი...

მან თვალები ასწია და ნაწნავი უკან გადაიგდო.

— რა გეზიდება იქით?

— მხოლოდ ის, რომ ბედნიერი ვარ, რომ ახლა მართლაც და ყოველივე არარად მიმაჩნია.

მან ჩემი ხელი აიღო:

— მართლა ბედნიერი ხარ?

XXIII

პირველად გავემგზავრე იქ, სადაც ლიკას ასე უნდოდა ჩემთან ერთად წასვლა — მირგოროდის გზით. მე ვაგინმა წამიყოლა, რომელიც შიშაქში რაღაცისთვის გაემგზავნათ.

მახსოვს როგორ ვღელავდით მე და ლიკა, რომ დანიშნული დრო ძილში არ გავგვბარვოდა, — ჩვენ დასიცხებამდე, ადრინადად უნდა გავსულიყავით, — როგორი ალერსით გამაღვიძა, თვითონ მზისთვის დაესწრო ადგომა, ჩაი მოემზადებინა და ნაღველს გულში იკლავდა, რომ მარტო მივდიოდი. გრილოდა, გარემოს ნაცრისფერი ედო. ლიკა სულ ფანჯარაში იცქირებოდა: ნუთუ წვიმა ჩამიშლის მგზავრობას? მე დღემდის ვგრძნობ იმ სათუთ და შიშნარევ მღელვარებას, რამაც კიშკართან საფოსტო ფორნის ზანზალაკების ქლარუნზე ზეზე წამოგვაგდო. ერთმანეთს ნაჩქარევად დავემშვიდობეთ, კიშ-

კარში გავიქვრით და მივირბინეთ ფორანთან, რომელშიც გრძელ, ქერელის ტილოს ბალახონსა და ნაცრისფერ, საზაფხულო კარტუზში გამოწყობილი ვაგინი იჯდა.

შემდეგ ზანზალაყების ქღარუნნი ვეება სივრცეში დაინთქა: მოძალებული დღე მშრალი და ცხელი იყო, ფორანი ნელა მიჩაქჩაქებდა მტერის კორიანტელში, გარემოს ისეთი ერთფეროვანი იერი ედო, მალე ხალისი წამიხდა პორიზონტის მკრთალი ნათელი შორეთისთვის მემზირა და მისგან დაძაბულად მოვლოდებოდი რაიმეს. შუადღით პურის ამ თაკარა უდაბნოში ჩვენს გვერდით რაღაც მომთაბარული გაკრთა: კოჩუბების თვალუწვდენი ფარეხები. „შუადღე, ფარეხები, — ჩავიწერე ფორნის ჯაყჯაყში. — გაგანია სიცხით ფერგამკრთალი ცა: ქორი და ყაპყაპი... მე ნამდვილად ბედნიერი ვარ!“ იანოვშიჩნაში ფუნდუკის შესახებ აღვნიშნე: „იანოვშიჩნა, ძველი ფუნდუკი, შიგნით სიშავე და უშფოთველი ბინდბუნდი; ებრაელმა თქვა ლუდი არა მაქვსო, „არის მხოლოდ სასმელი“, — „რა სასმელი?“ — „სასმელი რაღა! სასმელი „ფიალკა“. ებრაელი გამხდარი კაცი იყო, ტანთ ლაპსერდაკი ემოსა, სასმელი მისმა შვილმა, უჩვეულოდ მსუქანმა ყმაწვილმა, სპარსული სილამაზის გიმნაზიელმა გამოგვიტანა უკანა ოთახიდან. მას ღია ნაცრისფერ ქურთუკზე ახალი ქამარი ზემოთ შემოექიკრა. შიშაკს რომ გავცდით, მაშინვე გოგოლის უბის წიგნაკი გამახსენდა: „უცებ მოშანდაკებულ გზაზე გამოჩნდა ფლატე — ფლატე შორს და ქვევით ეშვებოდა; ტყის სიღრმეში და ტყეებზე იქით, — ტყეს ტყე მოსდევს, — ახლობელს და მწვანეს შორეული და ლურჯი, — მოვერცხლისფერო, ჩალისფერი ქვიშის ზოლია... უფსკრულსა და კბოლეს თავზე ფრთებს არხევდა მოკრიძალე ქარის წისქვილი...“ ამ ფლატეს ძირში, ხეობის სიღრმეში, ისარივით წამოწეულიყო პსიოლი, ჩანდა ბაღებით გადამწვანებული დიდი სოფელი. აქ დიდხანს ვეძებდით ვინმე ვასილენკოს, რომელთანაც საქმე ჰქონდა ვაგინს; როცა მივაკვლიეთ, შინ არ დაგვხვდა და საკმაო ხანს ვისხედით მისი ქოხის გვერდით აშოლტილი ცაცხვის ძირში, ბაყაყების ყიყინითა და ტირიფის სინესტით გარშემორტყმულნი. აქვე გავატარეთ მთელი საღამო, ვასილენ-

კოსთან ერთად ვივახშმეთ, ვსვით ნაყენი. ლამა ჭვე-
ზოდან ანათებდა მწვანე ფოთლებს, მაშინ როცა ირგვლივ
ზაფხულის კუნაპეტი ღამე დგებოდა. სიბნელეში უეცრად
ჭიშკარმა დაიჭრიალა და მაგიდასთან კობტად მორთული,
ფერუმბარლით ტყვიისფრად შეფეთქილი ფერშალი ქალი გა-
მოჩნდა; მან, რა თქმა უნდა, მაშინვე გაიგო, რომ ვასილენკოს
გუბერნიიდან ჩამოსული სტუმრები ჰყავდა; პირველ წუთებში
დარცხვენისაგან არ იცოდა რა ექნა, რაც ენაზე მოადგებოდა,
იმას ლაპარაკობდა, შემდეგ კი ჩვენთან ერთად დაიწყო
ჭიქის ჭიქაზე დაცლა და ჩემს ყოველ ოხუნჯობაზე სულ
უფრო მეტად კიოდა. იგი საშინლად ნერვული იყო,
ფართო ყვრიმალეები, და ძლიერ შავი თვალები ჰქონდა; და-
ძარღვულ ხელებზე შიპრის მძაფრი სუნი ასდიოდა; წელში
წვრილს და თეძოვებგანიერს თხელი, ცისფერი ზედა წელის
ქვეშ სავსე ძუძუები ეწყო. ღამათ მე გავაცვილე. სიბნელეში
რომელიღაც შესახვევის გამხმარ ნაურმალზე მივაბიჯებდით.
იგი სადღაც ტყრუშულ ღობესთან შეჩერდა და მკერდზე მო-
მეყრდნო. მე ძლივს შევიკავე თავი...

მე და ვაგინი სახლში მეორე დღეს გვიან დავბრუნდით.
ლიკა უკვე იწვა და წიგნს კითხულობდა. ჩემს დანახვაზე სი-
ხარულით, თან გაკვირვებით წამოხტა: „როგორ, უკვე ჩამოხ-
ვედი?“ როცა მთელ მგზაჯრობაზე ნაჩქარევად გუამბე და
შემდეგ ფერშლის შესახებ სიცილით დავიწყე მოყოლა, მან
ლაპარაკი შემაწყვეტინა:

— რატომ მიაბობ ამას?

და თვალები ცრემლებით აევსო.

— რა შეუბრალებლად მეპყრობი! — მითხრა მან, თან ბა-
ლიშქვეშ აჩქარებით ეძებდა ცხვირსახოცს. — არ გეყოფა, რომ
მარტო მტოვებ...

რამდენჯერ გამხსენებია ცხოვრებაში ეს ცრემლები! აი,
მაგონდება როგორ გამახსენდა ერთხელ იმ ღამიდან ოცი
წლის შემდეგ: ეს იყო ბესარაბიის ზღვისპირა აგარაკზე. მე
ბანაობიდან დავბრუნდი და კაბინეტში წამოვწექი. ცხელი,
ქარიანი უჟაღდე იყო: სახლის ირგვლივ ფიცხად, ძალუმად
ხმინებდა ბალი, ხან მიწყნარდებოდა ხან ისევ მძლავრად

აბუბუნდებოდა. ბზინავდა ჩრდილოვანი ხეები, აქეთ-იქით ირწეოდა ოდნავ მოხრილი ტოტები... როცა მძაფრად მოზუზუნე, გაძლიერებული ქარი მოახლოვდებოდა, დაჩრდილულა კაბინეტის ფანჯარაზე ჩამოფარებულ მთელ ამ მცენარეთა მწვანე ფარდას გვერდზე ხრიდა და თაკარა, მომინანქრებულ ზეცას აჩენდა, თეთრ კერზეც მაშინვე იფანტებოდა ჩრდილი, ნათელი ქერი იისფერი ხდებოდა უცებ. შემდეგ კვლავ სიჩუმე ისადგურებდა, ქარი უკანვე მიჰქროდა და სადღაც ბალის სიღრმეში, სანაპირო ფლატეს ზემოთ იკარგებოდა. მე გავცქეროდი ყოველივე ამას, ვუსმენდი ხმაურს და უცებ გავიფიქრე: სადღაც, დიდი ხნით დაეიწყებულ ამ მალეორსიულ მიყრუებულ ადგილას, სადღაც ჩვენ ის-ის იყო ერთად ცხოვრება დავიწყეთ, ოცი წლის წინ სწორედ ასეთი შუადღე იდგამე გვიან გამელვიძა, — ლიკა უკვე სამსახურში წასულიყო, — ბაღში გამაევალი ფანჯრებიც ასევე ღია იყო, ასევე ისმოდა ხმაური, ირწეოდა ტოტები და ნაირფერებად ელავდა გარემო, ოთახში კი თავისუფლად დაჰქროდა ის გულლანი ქარი, რომელიც მოახლოებულ საუზმეს გპირდება, მოაქვს შეპწვარი ხახვის სუნი; თვალები გავახილე, ჩემს ბალიშს ნიდაყვით დავეყრდენ და მეორეს, იქვე მდებარეს, დავუწყე ყურება, რომელზეც ისევ დარჩენილიყო მისი მშვენიერი, მუქი-თმების იის სურნელი, და ცხვირსახოცი, რომელიც მას ჩემთან შერიგების შემდეგ კიდევ დიდხანს ეჭირა ხელში. გამახსენდა რა ყოველივე ეს, გამახსენდა რა, რომ მას შემდეგ ნახევარი ცხოვრება უმისოდ გავლიე, ვუმზერდი ქვეყანას და აი, ახლა ისევე ვცოცხლობ, თვალს ვახელ იმ დროს, როცა ის დიდი ხანია უკვე ამქვეყნად აღარაა, დამწუხრებულმა ფეხები დივანიდან გადმოვყავი, გარეთ გამოველ და ფლატესკენ მსუბუქად გავყევი ხეივანს. ხეივნის კრილში ზღვის შაბიამნისფერ-მწვანე ნაქერს გავყურებდი, რაც უცებ სრულიად ახლებურად, საშინელ და გასაოცარ რამედ წარმომიდგა...

იმ ღამეს ლიკას შევფიცე, რომ არსად წავიდოდი. რამდენიმე დღის შემდეგ კი ისევ წავედი.

ბატურიწში ყოფნისას ნიკოლოზი მეუბნებოდა:

— ძალიან მეცოდები! ადრე დაიღგი უღელი.

მე არავითარ უღელს არ ვგრძნობდი.

სამსახურს კვლავ შემთხვევითობად ვთვლიდი, თავი ცოლიანი ვერ წარმომედგინა. ლიკას გარეშე ცხოვრებაზე მართოდენ ფიქრიც კი ახლა სასოწარკვეთილებაში ჩამაგდებდა, მაგრამ ჩვენი მუდმივი ერთად ყოფნაც მეექვებოდა: ნუთუ მართლაც სამუდამოდ შევერთდით და თვით სიბერემდე ასე ვიცხოვრებთ, გვექნება სახლი, გვეყოლება შვილები, როგორც ყველას? უკანასკნელი — შვილები, სახლი — განსაკუთრებით აუტანლად მეჩვენებოდა.

— მალე ჯვარს დავიწერთ, — მეუბნებოდა მომავალზე ოცნებაში წასული ლიკა, — რაც უნდა იყოს, მე ძალიან მინდა ეს, თანაც რა შეედრება ჯვრისწერას! შეიძლება, ბავშვიც გვეყოლოს... განა შენ არ ინდომებდი?

გულს ტკბილი და რაღაც იდუმალი რამ მიკუმშავდა, მაგრამ ყოველივეს ხუმრობაში ვატარებდი:

— „უკვდავნი ჰქმნიან, მოკვდავნი შობენ თავის მსგავსთ“.

— მერედა მე? — მეკითხებოდა იგი, — რითღა ვისულდგმულო, როცა ჩვენი სიყვარული გაივლის და მეტად აღარაფერში დაგჭირდება?

ამის მოსმენა ნაღველს მგვრიდა და მხურვალედ ვბასუხობდი:

— არაფერიც არ გაივლის, შენ მუდამ საჭირო იქნები ჩემთვის!

ახლა მე უკვე (როგორც მას ადრე ორიოლში) მინდოდა ვყვარებოდი, და მყვარებოდა, მაგრამ ისე, რომ თავისუფალი და ყველაფრით უფლებამოსილი დავრჩენილიყავ.

ყველაზე მეტად ლიკა მაშინ მიტოვებდა გულს, როცა ძილის წინ თმას დაიწნავდა, მოვიდოდა და გამოთხოვების ნიშნად მაკოცებდა; მე ვხედავდი უფესსაცმელებოდ რა პატარა იყო ჩემზე, როგორ შემომცქეროდა თვალებში ქვევიდან ზევით.

ყველაზე მეტად მიყვარდა იმ წუთებში, როცა ერთგულე-
ბას მიმქლავებდა, როცა ჩემი გულისთვის თავის თავს ანგა-
რიშს არ უწევდა, როცა სჯეროდა, რომ რაღაც განსაკუთრე-
ბული გრძნობებისა და მოქმედების უფლება მქონდა.

ჩვენ ხშირად ვიგონებდით ორიოლში გატარებულ ზამ-
თარს, იმას, თუ როგორ დავშორდი იქ, როგორ წავედი ვი-
ტებსკში და ვეუბნებოდი:

— აი, თუნდაც პოლოცკი, რა მეზიდებოდა იქით? ამ სი-
ტყვას — პოლოცკი, ანუ ძველებურად პოლოტსკი — ჩემში
დიდი ხანია დაუკავშირდა თქმულება ძველი კიევის თავადის
ვსესლავის შესახებ, რაც ჯერ კიდევ ყრმობაში წავიკითხე
სადღაც: ვსესლავი ძმამ ჩამოაგდო ტახტიდან, გაიქცა „ბნელსა
მხარეს პოლოისასა“ და სქემამჩაცმულმა მთელი ცხოვრება
„შეჭირვებასა შინა“, ლოცვა-გარჯაში გაატარა, აწამებდა
„მოჩუენებანი“: ვითომც ყოველ ცისმარე „ცხარე ცრემლთა-
გან დაწვთა ზედა“ მაცდური ოცნებით ეღვიძებოდა, რომ
კვლავ კიევშია, თავის „დიდებულ სამთავროსა შინა“ და, რომ
პოლოცკში კი არა, კიევის სოფიაში რეკდნენ ზარები შუალა-
მისას. იქიდან მოყოლებული იმდროინდელი პოლოცკი თავისი
ძველთაძველობითა და სიტლანქით ნამდვილად სასწაულებ-
რივ რამედ მესახებოდა ყოველთვის: ზამთრის მობურთული,
უამური დღე, ხის ეკლესიებითა და შავი ქოხმანებით გარშე-
მორტყმული რაღაცნაირი ძელური კრემლი, ცხენოსნებისა
და ტყაპუქმოცმული, ქალამნიანი ქვეითების მიერ გადათქე-
რილი თოვლის ნამქერი... როცა ბოლოს და ბოლოს ნამდვილ
პოლოცკში მოვხვდი, რასაკვირველია, გამოგონილის მსგავსი
ვერაფერი ვიპოვნე. მიუხედავად ამისა ჩემში დღემდე ცოცხ-
ლობს ორი პოლოცკი — მოგონილი და ნამდვილი. და ამ ნამ-
დვილსაც დღეს უკვე პოეტური თვალით ვუტყერი: ქალაქს
მოწყენილობა, კენჭყო, სიცივე და სიბნელე დაუფლებია, სად-
გურში კი უზარმაზარ, ნახევრად ფანჯრებმრგვალ დარბაზში
თბილა, ანთია ქაღები, თუმცა გარეთ ახლახან დაიწყო და-
ბინდება, ირევა უამრავი ხალხი, სამოქალაქოც და სამხედ-
როც, პეტერბურგს მიმავალი მატარებლის მოსვლამდე საჩქა-
როდ შეექცევიან საკმელს. ისმის ლაპარაკი, თეფშებზე დანე-

ბის რაჩხუნი, ჰაერში გამჯდარა სოუსისა და წენიანის სუნი, რასაც აქეთ-იქით მორბენალი ლაქიები აფრქვევენ...

ლიკა, როგორც ყოველთვის ამგვარ წუთებში, განსაკუთრებული დაძაბული ყურადღებით მისმენდა და როცა ლაპარაკს გავათავებდი, დარწმუნებული მეთანხმებოდა: „ჰო, ჰო, მე მესმის შენო!“ მეც ამით ვსარგებლობდი და შთავაგონებდი:

— გოეთე ამბობდა: „ჩვენ ჩვენს მიერვე შექმნილ კრეატურებზე ვართ დამოკიდებული“. არის გრძნობები, რომელთა წინააღმდეგ ვერაფერს ვაწყობ: ზოგჯერ რომელიღაც წარმოდგენა რაიმეს შესახებ ისე გაწამებით მეწევა იქით, სადაც ის რაღაც წარმომესახა, ესე იგი რაღაც იმისკენ, რაც ამ წარმოდგენის მიღმაა — გესმის: მიღმა! — რომ ვერაფრით ვერ ავიწერ!

ერთხელ მე და ვაგინი კაზაჩი ბროდში, ძველ სოფელ პოდნეპროვიეში უსურის მხარეს მიმავალ ახალმოშენთა გასაცილებლად გავემგზავრეთ. უკან დილით მოვბრუნდით მატარებლით. სადგურიდან რომ მოვედი, ლიკა ჩემს ძმასთან ერთად გამგეობაში დამხვდა წასული. გზაზე მაგრად გარუჯულმა და მხნემ, საკუთარი თავით ძალიან კმაყოფილმა, სურვილით აღტყინებულმა, რაც შეიძლება ჩქარა მეამბნა ლიკასა და ძმისთვის თუ რა იშვიათი სურათი ვიხილე. — ჩემს თვალწინ კაზაჩი ბროდიდან ათი ათასობით ვერსზე მყოფ ამ ზღაპრულ მხარეს მიმავალი მთელი ურდო როგორ დაიძრა, — სწრაფად შემოვირბინე ცარიელი, მილაგებული სახლი, შევედი საწოლ ოთახში, რათა ტანსაცმელი გამომეცვალა და დამებანა; მე რაღაც სიხარულნარევი ტკივილით შევაველე თვალი ლიკას ტუალეტის ნივთებს, მის მოქარგულ ყურთბალიშს — ყოველივე ეს უსაზღვროდ ძვირფასი, ამასთან მარტოსული მეჩვენა და გულში დანაშაული ვიგრძენ ლიკას წინაშე, — მაგრამ მაგიდაზე გადაშლილი წიგნი დავინახე და წამით შეეჩერდი: ეს იყო ტოლსტოის „ოჯახური ბედნიერება“, გადაშლილ გვერდზე ხაზგასმული სტრიქონები ჩანდა: „ყველა ჩვენი მაშინდელი აზრი, ყველა მაშინდელი გრძნობა, ჩემი კი არა, მისი აზრები და გრძნობები იყო, რომლებიც უცებ იქცნენ

ჩემად...“ შემდეგ კიდევ რამდენიმე გვერდი გადავფურცლე, კიდევ აღნიშვნები: „ამ ზაფხულს ხშირად მოვდიოდი ჩემს საწოლ ოთახში და მომავლის შესახებ წინანდებული სევდიანი ნატვრისა და იმედების ნაცვლად, დღევანდელი ბედნიერების შიში მეუფლებოდა... ასე გავიდა ზაფხული და თავს უკვე ეულად ვგრძნობდი. ის მუდამ აქეთ-იქით დადიოდა და არ ვეცოდებოდი, არც ჩემი მართო დატოვებისა ეშინოდა“...

რამდენიმე ხანს გაშეწებული ვიდექი. როგორც ჩანს, აზრადაც არ მომსვლია, რომ მას შეიძლებოდა ჰქონოდა (და ჰქონდა კიდევ) საიდუმლო, ჩემთვის უცნობი და, რაც მთავარია, სევდიანი გრძობები და ფიქრები, თანაც უკვე წარსული დროის ფორმაში „ყველა ჩემი მაშინდელი აზრი, ყველა მაშინდელი გრძობა... ამ ზაფხულს ხშირად მოვდიოდი...“ ყველაზე მოულოდნელი ეს უკანასკნელი იყო: „ასე გავიდა ზაფხული და თავს უკვე ეულად ვგრძნობდი...“ მაშასადამე, იმ დამეს, როცა მე შიშაკიდან შოვედი, შემთხვევით არ უტირია?

გამგეობაში განსაკუთრებული სითამამით შევედი, მხიარულად გადავებხეე ლიკას და ძმას, სულმოუთქმელად ვლაპარაკობდი და ვხუმრობდი. ბოლოს მეშველა და, როცა მარტონი დავრჩით, მაშინვე მივახალე:

— შენ, როგორც ჩანს, „ოჯახური ბედნიერება“ უჩემოდ წაიკითხე, არა?

ის გაწითლდა.

— ჰო, მერე რა?

— განმაცვიფრა შენმა აღნიშვნებმა!

— რატომ?

— იმიტომ, რომ იქიდან სავსებით გარკვევით ჩანს, თითქოს ჩემთან უკვე იტანჯები, უკვე მარტო დარჩი, იმედები გაგიცრუვდა.

— როგორ ყოველთვის, აჭარბებ ხოლმე! — მიპასუხა მან. — რა იმედგაცრუება? უბრალოდ ცოტა ნაღვლიანად ვიყავი, და მართლა ვიპოვე ერთგვარი მსგავსება... გარწმუნებ, არაფერია იმის მსგავსი, რაც შენ წარმოგიდგენია.

ვის არწმუნებდა? მე თუ საკუთარ თავს? მე მაინც ძალიან

გამეხარდა ამის გაგონება, — ძალიანაც მინდოდა, სასარგებლო იყო მისთვის დამეჯერებინა. „ველის ქოჩორა თოლია გზიდან მიიწევს ზევით... მირბის, წელზე ლურჯი წინსაფარი შემოუჭერია, ტილოს ქვეშ მთრთოლვარე ძუძუები ირხევა, მუხლამდე შიშველ ფეხებში კი ცეცხლი და სიჯანსაღე გამოსჭვივის...“ რამდენი „მიღმა“ არ იყო აქ! შემეძლო კი მათზე უარი მეთქვა! ამას გარდა ვფიქრობდი, რომ ყოველივე ეს ლიკასთან იყო შენივთებული. მხოლოდ ერთი მინდოდა შეეგნო: ეცოცხლა მხოლოდ ჩემთვის და ჩემათ, ნუ წამართმევ თავისუფლებას, ვიქნები ჩემს ნებაზე — მე შენ მიყვარხარ და ამისთვის კიდევ უფრო მეყვარები. ჩემი აზრით, ისე მიყვარდა იგი, რომ ყველაფრის უფლება მქონდა, ყველაფერი მეპატიებოდა.

X X V

— ძალიან გამოიცვალე, — მეუბნებოდა ლიკა. — შენ დავაჟაკადი, უფრო კეთილი, სათნო და ხალისიანი შეიქენი.

— აი, ხომ ხედავ, ჩემს ძმას ნიკოლოზს და მამაშენს კი ასე ეგონათ უბედურები ვიქნებოდით.

— ეს იმიტომ, რომ ნიკოლოზს თავიდანვე არ მოვუველი თვალში. ვერც წარმოიდგენ, რა განვიცადე ბატურინში მისი ცივი თავაზიანობის გამო.

— პირიქით, შენზე დიდი სინაზით ლაპარაკობდა. ისიც ძლიერ მეცოდებაო, — ასე ამბობდა, — ჯერ კიდევ ბავშვია, პოდა, დაფიქრდი რა გელით აწ: რაჰდენიმე წლის შემდეგ რით იქნება განსხვავებული შენი ცხოვრება მაზრის აქციზის რომელიმე მოხელის ცხოვრებისაგან? გახსოვს, ხუმრობით როგორ გიხატავდი ხოლმე მომავალს? სამოთახიანი ბინა, ორმოცდაათი მანეთი ჯამაგირი...

— მას მხოლოდ შენ ეცოდებოდი.

— ცუდად ვეცოდებოდი. ამბობდა, ვითომც მთელ იმედს იმაზე ამყარებდა, რომ ჩვენ ორთავეს ჩემი „ქარაფშუტობა“ გვიხსნის, რომ მე ასეთ კარიერას ვერ გავიკეთებ და მალე გა-

ვიყრებით: ამ საყვარელ სტატისტიკაში ცოტა ხანს რომ ჩაჯდება და გაიგებს რა ბედში ჩააგდე, ან ის გაიქცევა, ან შენ მიატოვებ შეუბრალებლადო.

— ჩემი იმედი ტყუილა ჰქონია — მე შენ არასოდეს არ მიგატოვებ. წავალ მხოლოდ იმ შემთხვევაში, როცა დავინახავ, რომ მეტად აღარ გქირდები, რომ ხელს გიშლი, წინ ველობები შენს თავისუფლებას, შენს მოწოდებას...

როცა კაცს ფათერაკი შეეყრება, გამუდმებით უბრუნდება ერთსა და იმავე მტანჯველ, ამაო აზრს: როგორ და როდის დაიწყო ეს? რამ გამოიწვია ყოველივე და როგორ არ მივეცი თავიდანვე მნიშვნელობა იმას, რასაც უნდა გავეფრთხილებინე? „წავალ მხოლოდ იმ შემთხვევაში“... როგორ არ მივაქციე ყურადღება ასეთ სიტყვებს, — იმას, რომ ერთგვარ „შემთხვევას“ ის მაინც არ გამოორიცხავდა?

მე მეტისმეტად ვაფასებდი საკუთარ „მოწოდებას“, უფრო და უფრო ქარაფშუტულად ვსარგებლობდი თავისუფლებით — ნიკოლოზი მართალი იყო. შინ სულ უფრო ვეღარ ვჩერდებოდი, როგორც კი თავისუფალ დღეს მოვიხელთებდი, სადმე მივემგზავრებოდი ან მივიდიოდი.

— ასე სად დაიწვი მზეზე, — მეკითხებოდა ძმა სადილზე, — კვლავ სად გადაიკარგე?

— მონასტერში, მდინარეზე, სადგურზე ვიყავი...

— და ყოველთვის მარტო, — მსაყვედურობდა ლიკა. — რამდენჯერ დამპირდი მონასტერში წაგიყვანო, მე ხომ მხოლოდ ერთხელ ვიყავი იქ, მერე რა სილამაზეა, რა კედლები, მერცხლები, ბერები...

მე მრცხვენოდა და თვალებს ვეღარ ვუსწორებდი. თავისუფლების დაკარგვის შიშით მხოლოდ მხრებს ვიჩეჩდი:

— რაში გქირდება ეს ბერები?

— შენ რალაში გქირდება?

მე ვცდილობდი სიტყვა ბანზე ამეგდო:

— სასაფლაოზე რალაც უცნაურობას წავაწყდი: ვნახე ცარიელი, მაგრამ უკვე გამზადებული სამარე — რომელიღაც ბერს ადრევე უბრძანებია, მისთვის გაეთხარათ იგი, ჯვარიც კი დაუსვამს თავით, ჯვარს უკვე ეწერა ვინაა დასაფლავებუ-

ლი, როდის დაიბადა, „გარდაიცვალა“ კი წაუწერიათ ოლონდ გარდაცვლის თარიღის ადგილი დაუტოვებიათ თავისუფალი. ირგვლივ სისუფთავე და წესრიგია, ჩანს ბილიკები, ყვავილები — და უცებ ეს მომლოდინე სამარე.

— აი, ხომ ხედავ?

— რას ვხედავ?

— შენ განგებ არ გსურს გამიგო. მაგრამ არა უშავს, ღმერთი იყოს შენი მფარველი. მართალი უთქვამს ტურგენეცს...

მე სიტყვას ვაწყვეტიხვნი:

— შენ, როგორც ჩანს, მარტო იმისთვის კითხულობ, რომ შენსა და ჩემს შესახებ რაღაც მსგავსებას წააწყდე. თუმცა ყველა ქალი ასე კითხულობს.

— მერე რა მოხდა, რომ ქალი ვარ, სამაგიეროდ ეგეთი ეგოისტი არ გახლავარ...

ძმა აღერსიანად ჩაგვერეოდა ხოლმე:

— კარგი, გეყოფათ, ბატონებო!

XXVI

ზაფხულის ბოლოს ჩემი საქმეები უფრო კარგად წარიმართა: ადრე მხოლოდ „შტატგარეშედ“ ვითვლებოდი, ახლა კი შტატში ჩამრიცხეს და ჩემთვის სწორედ ზედგამოკრილი ადგილიც მივიღე: გამგეობის სარდაფებში შექუჩებული ერობის სხვადასხვა გამოცემათა — ბიბლიოთეკის „მფარველი“ გავხდი. ადგილი, რომელიც სულიმამ ჩემთვის გამოიგონა, მავალდებულებდა: ეს გამოცემები გადამერჩია, წესრიგში მომეყვანა და პირველ სართულზე, ნახევრად მიწაში მდებარე, საჭირო რაოდენობის თაროებითა და კარადებით აღჭურვილ, საგანგებოდ გამოყოფილ, გრძელ, თაღებიან ოთახში მომეთავსებინა. შემდეგ კი თვალყური შედევნიხვნი და საჭიროების შემთხვევაში ამა თუ იმ განყოფილებისთვის მიმეცა. მე წიგნები გადავარჩიე, დავაწყვე და შევუღდექი მათ მოვლას. ველოდი როდის მომთხოვდნენ რაიმეს, მაგრამ რადგან არაფრის გაცემა არ მიხდებოდა — განყოფილებას რაღა-

ცეები მხოლოდ შემოდგომით, საერო კრების წინ ესაჭიროებოდა, — ერთადერთილა თვალყურის დევნება მრჩებოდა მოქალაქეობად. მე ვიჯექი და ჩემთვის ვიყავი ამ სარდაფის მსგავსოთახში, რომელმაც ციხისმაგვარი კედლების, სიჩუმის — აქ ჩქამიც კი არსაიდან აღწევდა, — და იატაკიდან დაშორებული პატარა ფანჯრის გამო. საიდანაც გამგეობის უშენ ადგილზე წამოზრდილი ნაირ-ნაირ ველური ბუჩქების და ბალახების ძირები ჩანდა, თავი შემაყვარა. ამის შემდეგ უფრო თავისუფალი გავხდი: ამ აკლამაში სრულიად მარტო ვიჯექი, ვწერდი, ვკითხულობდი, როცა მომესურვებოდა შემეძლო თუნდაც მთელი კვირა არ შემეხედა შიგ, დაბალი მუხის კარებისთვის ბოქლოში დამედო და სადაც მომეპრიანებოდა, იქ წავსულიყავ.

მე რატომღაც ნიკოლაევში წაველ. ხშირად დავდიოდი ქალაქის მახლობელ ხუტორში, სადაც ორი ტოლსტოველი ძმა დასახლდა, რომ საწუთრო უმწიკვლოდ გაეტარებინათ. ერთ ხანს კი ყოველ კვირა საღამოს ქალაქიდან პირველივე სადგურთან მყოფ ხობოლთა დიდ სოფელში ვატარებდი და შინ გვიანი მატარებლით ვბრუნდებოდი... რისთვის დავებეტებოდი? ლიკა გრძნობდა იმ საიდუმლოს, რაც, სხვა რამის გარდა, ჩემი ხეტილის მიზანს შეადგენდა. შიშაკელ ფერშალზე ნაამბობმა უფრო მეტად იმოქმედა მააზე, ვიდრე მეგონა. ამის შემდეგ ექვებიც მიეძალა, ცდილობდა არ დაეტყო, მაგრამ ყოველთვის ვერ ახერხებდა ამას, შიშაკის ამბის თხრობიდან ორიოდე კვირის შემდეგ თავისი კეთილი, სათნო, ჯერ კიდევ ბავშვური ხასიათის სრულიად საწინააღმდეგოდ, უეცრად ისე მოიქცა, როგორც ყველაზე ჩვეულებრივი „დიასახლისი“: ჩვენს მოსამსახურე კაზაკ გოგონას რაღაც მიუქიზება და გულცივად დაითხოვა.

— მე კარგად ვიცი, — უსიამოდ მითხრა მან, — რომ ძალზე გეწყინა: რატომაც არა, ოთახებში ისე მშვენიერად „დაბაკუნებს“ მაშიებს ეს, როგორც შენ ამბობ, „ფაშატი“, ისეთი თლილი ფეხები აქვს, ისეთი ირიბად მომზირალი წყლიანი თვალები! მაგრამ გავიწყდება რა უტიფარი, რა უჯიათია ეს ფაშატი, და რომ ჩემს მოთმინებასაც საზღვარი აქვს...

მე სრული გულწრფელობით ვუპასუხე:

— როგორ შეგიძლია ჩემზე იეჰვეანო? აი, ვუყურებ შენს შეუდარებელ ხელს და ვფიქრობ: მთელი ქვეყნის ლამაზმანებშიც არ გავცვლი მას! მაგრამ მე პოეტი, მხატვარი ვარ, ყოველგვარი ხელოვნება კი, გოეთესი არ იყოს, გრძნობისეულია.

XXVII

ერთხელ, აგვისტოში, ვიდრე დაბინდდებოდა, ტოლსტოველების ხუტორში წაველ. ქალაქში კვლავ ცხელოდა და გარეთ არავინ ჩანდა, თანაც შაბათი იყო. მე ებრაელთა გამოკეტილ მალაზიებს და ძველ სავაჭროებს მივყვებოდი. ზარები ნელა რეკდნენ მწუხრისას, ქუჩებში უკვე სახლებისა და ბალების წაგრძელებული ჩრდილები იწვა, მაგრამ ჯერ კიდევ იგრძნობოდა ის განსაკუთრებული ბინდისწინა პაპანაქება, რაც სამხრეთის ქალაქებში იცის ზაფხულის მიწურულს, როცა დღითა დღე მზეზე დახრუჯულ ბალებსა და ბაღჩებშიც კი ყველაფერი გადამწვარია, როცა ყველგან — ქალაქშიც. მინდორშიც. ბაღჩებშიც, — ყველაფერი ტკბილადაა მოღლილი გრძელი ზაფხულით.

მოედანზე, საერთო ქასთან, ქალღმერთივით იდგა ტანადი. ხოხოლი ქალიშვილი, ტიტველ ფეხებზე ნალდაკრული ქოშები ეცვა: მას თაფლისფერი თვალები და ისეთი ნათელი შუბლი ჰქონდა, როგორიც ხოხოლ და პოლონელ ქალებს ახასიათებთ. მოედნიდან მთის ძირისკენ მიმავალ ქუჩაში და ტრიალ ველში სამხრეთული ჰორიზონტის. ოდნავ შესამჩნევი ბორცვების საღამოსწინა შორეთი იმზირებოდა. მე ამ ქუჩიდან მებაღურთა ქალაქგარე მამულებში მიმავალ წყნარ შუკაში შევუხვნიე და სათიბში გავედი, რომ მთაზე ავსულიყავ; იქიდან კი მინდორში დავშეიებულაყავ. სათიბში თეთრსა და ცისფერ ქონმახებს შორის მოთავსებულ კალოებზე დროდადრო ჯაჭვები კრთებოდა ჰაერში: აქ ლეწდნენ სწორედ ის ბიჭები. რომლებიც საღალესაო ჰანგზე ასე უჩვეულოდ. ასე საუცხოოდ ზუზუნებდნენ თუ მღეროდნენ ზაფხულის ღამეებ-

ში. მინდორს, სანამდეც კი თვალი წვდებოდა, ხშირა ნამკალის გამო ოქროსფერი დაჰკრავდა, შარავზას კი ისეთი სქელი და ლბილი მტვერი ეფინა, გეგონებოდა ხავერდის ხალიჩაზე მიაბიჯებო. ირგვლივ ყოველი — მთელი მინდორი და პაერი, — მზეზე აუტანლად ბრწყინავდა. შარავზას მარცხნივ, კბოდეზე კედლებშეცხავებული ქოხი იდგა — სწორედ ეს გახლდათ ტოლსტოველთა ხუტორი. მე ნამკალზე გადავედი და იქით გავეშურე. ხუტორში არავინ აღმოჩნდა. — არც ქოხში, არც გარეთ. მე პატარა ღია ფანჯარაში შევიხედე: კედლებზე, კერზე და თაროებზე შემოდგმულ ქოთნებზე ბუზების ურიცხვი ჯარი ზრიალებდა. შემდეგ გომურის ღია კარებში შევყავი თავი — იქ მხოლოდ საღამოს მზე ბრწყინავდა გამხმარ ნაკელზე. აქედან ბაღისკენ გავემართე და განაპირა კვალში ჩამჯდარი, უმცროსი ტოლსტოველის ცოლი დავინახე. მე ვუახლოვდებოდი — ქალი ვერ მამჩნევდა, ან ისეთ სახეს იღებდა, თითქოს ვერ მამჩნევდა: განმარტოებულ პატარა ქალი უძრავად ზის, გვერდზე ოდნავ გადახრილა, შიშველი ფეხები განზე გაუწევია, ერთი ხელით მიწას ეყრდნობა, მეორეთი კი პირში ჩადებული ბალახის ღერო უჭირავს.

— საღამო მშვიდობისა, — ვუთხარი ახლოს მისვლისას. — რად ხართ ასე მოწყენილი?

— იცოცხლეთ, დაბრძანდით, — ჩაიცინა მან, ბალახის ღერო გადააგდო და მზისგან გარუჯული ხელი გამომიწოდა.

დაეჯექი და შევხედე: ჯერ სულ გოგონაა, ბაღის მოღარაჯე გოგონა თმები მზეზე გახუნებია, კისერთან გვარიანად ჩაჭრილი სოფლური პერანგი და ქალურ თქოებზე შემორტყმული ძველი შავი პლახტა აცვია. მზეზე გარუჯული და გახევებული, პატარა, შიშველი ფეხები მტვერს დაუფარავს, — როგორ დადის ფეხშიშველი ნაკელსა და ათასგვარ მჩხვლეტავ ბალახზე! — გავიფიქრე მე. იმის გამო, რომ ჩვენს წრეს ეკუთვნოდა, სადაც შიშველ ფეხებს არ აჩენენ, ყოველთვის მეუხერხულებოდა, თანაც გული მიმიწევდა მისი ფეხებისთვის მეცქირა. მან ჩემი მზერა რომ იგრძნო, ფეხები დამალა.

— თქვენები საღლა არიან?

მან კვლავ ჩაიცინა.

— წავიდ-წამოვიდნენ. ერთი წმინდა ძმა ყანაშია, რომელიღაც ქვირთვ-ოხერს ლეწვაში ეხმარება, მეორემ დიდ მასწავლებელს მოხსენებითი ბარათები წაუღო ქალაქში: მორიგი საკვირაო ანგარიში ჩვენს შეცოდებათა, ცდუნებათა და ხორციელი სიწმინდის შესახებ. და ამას გარდა — მორიგი „გამოცდა“, რაზეც აგრეთვე უნდა მოახსენოს: ხარკოვში ფურცლების გავრცელებისათვის, — რა თქმა უნდა, სამხედრო სამსახურის წინააღმდეგ, — „ძმა“ პავლოვსკი დააპატიმრეს.

— თქვენ რაღაც გუნებაზე ვერა ხართ.

— მომწყინდა, — თქვა მან და თავი უკან გადაიწია. — მეტი აღარ შემიძლია, — დაუმატა წყნარად.

— რა აღარ შეგიძლიათ?

— აღარაფერი, აღარაფერი არ შემიძლია. მომეცით პაპიროსი.

— პაპიროსი?

— ჰო, ჰო, პაპიროსი!

მე პაპიროსი მივაწოდე, ასანთს გავკარი, მან სწრაფად და უშნოდ მოუკიდა, ნაწყვეტ-ნაწყვეტად მოქაჩა, ბოლი ქალურად გამოუშვა ტუჩებიდან და გაჩუმდა. ის ველის მიღმა იტყირებოდა, ჩამავალი მზე კვლავ გვითბობდა მხრებს, კვლავ ათბობდა ჩვენს ახლოს გველებივით გადაწულ ლერწმებს შორის მშრალ მიწაში გვერდულად ჩამჯდარ, გრძელ, ვეება საზამთროებს... მან უეცრად პაპიროსი გადააგდო, ჩემს მუხლებზე დაემხო და ბავშვივით აქვითინდა. იმის მიხედვით, თუ როგორ ვამშვიდებდი, როგორ ვუკოცნიდი თმებს, რომლებსაც მზის სურნელი ასდიოდა, მხრებზე როგორ ვუჭერდი ხელს და როგორ ვზვერავდი მის ფეხებს, ძალიან კარგად ვიგრძენი რატომ დავდიოდი ტოლსტოველებთან.

მაგრამ ნიკოლაევი? ნიკოლაევი რაღად მჭირდებოდა? იქ წასვლისას რაღაც-რაღაცებს ვიწერდი ხოლმე:

— ეს-ესაა კრემენჩუკიდან გამოვედი, საღამოა. კრემენჩუკის სადგურში, ბაქანზე და ბუფეტში უამრავი ხალხი, სამხრეთული სიცხე და სამხრეთული ჯგლეფთაა. ასევეა ვაგონებშიც. ყველაზე მეტი — თამამი, ახალგაზრდა, მზით დამწვა-

რი, გზისა და სიციხისაგან აღგზნებული — ხოხოლი ქალიშვილებია, რომლებიც სადღაც „ქვემოთენ“ სამუშაოზე მიდიან. ისინი ისე მალეღებენ სხეულისა და სოფლური ტანსაცმლის სიმზურვალით, ისე ტკრციალებენ, სვამენ, ჭამენ, სხაპასხუპით ლაპარაკობენ და ფართო თვალებს აბრიალებენ, რომ ცუდად ვხედები...

— გრძელი, გრძელი ხიდი დნებრზე, მარჯვნივ, ფანჯარაში თვალისმომკრელი მზე, ქვევით და შორს კი მღვრიე, ყვითელი წყალი. სილიან მეჩეჩზე ქალები მოურიდებლად შიშვლდებიან და ბანაობენ. აი, ერთმა პერანგი გაიძრო, გაიქცა, წყალში მოუხერხებლად გადაეშვა მკერდით და შმაგად აატყაპუნა ფეხები...

— უკვე საკმაოდ დავშორდით დნებრს. ნათიბით დაფარულ უტაცურ გორაკებზე ბინდი გაწოლილა. რატომღაც შენაჩვენებ სვიატოპოლზე ვფიქრობდი: სწორედ ამგვარ საღამოს, ამ ველზე ცხენით მიუძღვება პატარა რაზმს — მაგრამ 'აით, რას ფიქრობს? ეს იყო ათასი წლის წინ, ამ მიწაზე ახლაც წინანდებურად ლამაზია ყველაფერი. არა, ეს სვიატოპოლკი როდია, ვიღაც გაგრია გლებს გორაკის ჩრდილში გაოფლილი ცხენი მიჰყავს, უკან თმაჩამოშლილი, ზურგზე ხელებგაკრული ქალი უზის, ქალს ქორფა მუხლისთავეები გამიშვლებია, იგი კეფაში უცქერის მხედარს, მხედარი მკრელი თვალებით იყურება წინ...

— ნათელი, ტენიანი ღამეა! ფანჯრების მიღმა სწორი მინდორი და გზაზე ამღვარი ტალახი ჩანს. ვაგონს სძინავს, ბნელა, გამტვერილ ფარანში სანთლის მსხვილი ნამწვი დევს. ჩამოშვებული ფანჯრიდან მინდვრის სინესტე შემოდის და ვაგონის შეხუთულ, მყრალ ჰაერში უცნაურად ირევა. ზოგ ხოხოლ ქალიშვილს გულაღმა სძინავს: ოდნავ გახსნილი ბაგეები, პერანგქვეშ ძუძუები, ქვედაწელსა და პლახტებში გახვეული ჩაქვირითებული თეძოები მოუჩანთ... ერთმა ახლა გაიღვიძა, დიდხანს მომჩერებოდა, ყველას სძინავს — და ასე მგონია, სადაცაა იღუმალი ჩურჩულით მიმხმობს თავისთან...

სოფელი, სადაც კვირაობით დავდიოდი, სადგურთან ახლოს, ვრცელ, გაშლილ ვაკეზე მდებარეობდა. ერთხელ

უმიზნოდ მოველ ამ სადგურზე, მატარებლიდან ჩამოვხტი და სოფლისკენ გავემართე. ბინდდებოდა, ბაღებში თეთრად მოჩანდა ქოხები, შორიახლოს, საძოვარზე ძველი ქარის წისქვილი აღანდულიყო. მის ქვეშ ხალხს შეეყარა თავი, იქვე გამომწვევად უკრავდა ვიოლინო და მოცეკვავეთა ფეხების ბაგაბუგი ისმოდა. ამ ხალხთან რამდენიმე კვირასაღამო გავატარე, შუალაქემდე ვუსმენდი ხან ფეხების ბაგაბუგს და ვიოლინოს, ხან კი გრძელ გუნდურ სიმღერებს; მე ვდგებოდი ხოლმე მკერდმალალ, ქერა გოგოსთან, რომელსაც სქელი ტუჩები და უცნაური ცეცხლით მომზირალი ყვითელი თვალები ჰქონდა. ჩვენ სიბნელით ესარგებლობდით და ხელი-ხელს ვკიდებდით მალულად. ვიდექით წყნარად, ვცდილობდით ერთმანეთისთვის არ შეგვეხედა, — ვიცოდით, რომ ცუდი დღე დამადგებოდა, თუ სოფლელი ბიჭები მიხვდებოდნენ ვიღაც ქალაქელი ბატონიშვილი რატომ მოდიოდა ქარის წისქვილთან. პირველად შემთხვევით აღმოვჩხდით გვერდი-გვერდ, შემდეგ როგორც კი მივიდოდი, ის წამით მოტრიალდებოდა, იგრძნობდა თუ არა, რომ მის ახლო ვიყავი, მთელი საღამო ეპატრონებოდა ჩემს თითებს, და რაც უფრო ბნელდებოდა, მით უფრო მაგრად მიჭერდა ხელს, მით უფრო მაწეებოდა მხრით. დამით, როცა ხალხი წასვლა-წამოსვლას იწყებდა, ის შეუმჩნევლად მიიპარებოდა წისქვილის უკან, სწრაფად იმალებოდა იქ, მე კი ნელა მიყვებოდი სადგურის გზას, ველოდი ვიდრე ყველა არ წავიდოდა წისქვილიდან და წელში მოხრილი უკანვე გამოვრბოდი. ჩვენ უსიტყვოდ მოვილაპარაკეთ ამაზე, უსიტყვოდ ვიდექით წისქვილის ქვეშაც, — და უსიტყვოდ ტკბილად ვიტანჯებოდით. ერთხელ მან გამაცილა, მატარებლის მოსვლას ნახევარი საათი აკლდა, სადგურზე სიჩუმე და ბინდი იდგა, მართო კრიკინობელების დამამშვიდებელი ხმაური ისმოდა, შორით კი სოფლის თავზე, დაბინდული ბაღების ზემოთ აზიდული მეწამული მთვარე ანათებდა. სათადარიგო ხაზზე ერთი კარლია სატვირთო ვაგონი იდგა. მე უნებურად, ასეთი ქცევით თვითონვე შემკრთალმა, იგი ვაგონისკენ წავიყვანე, შიგ შევედი, ისიც შემოხტა და მაგრად მომეხვია კისერ-

'სე. მე კი ასანთს გავკარი, რომ იქაურობა შემეთვალყურებინა — და ელდა მეცა: ვაგონის შუაში გრძელი უბრალო კუბო იდგა. გოგომ თხასავით ისკუბა ძირს, მეც უკან მივეყევი... ვაგონქვეშ წამდაუწუმ ეცემოდა იგი, სიცილით იხრჩობოდა, შმაგი სინარულით მკოცნიდა, მე კი ერთი სული მქონდა როდის გავემგზავრებოდი. ამის შემდეგ სოფელში აღარ გამოვჩენილვარ.

X XVIII

შემოდგომით არ მოგვიწყენია, — როგორც ყოველთვის წლის ბოლოს, ერობის, საგუბერნიო თათბირი მოეწყო. ხალისიანად გავატარეთ ზამთარიც: საგასტროლოდ გვეწვია. მალროსიული თეატრი, რომელსაც ზანკოვეცკაია და საკსაგანსკი ჩამოჰყვა, დედაქალაქის ცნობილმა მსახიობებმა — ჩერნოვმა, იაკოვლევმა, მრავინამ — კონცერტები გამართეს. ხშირი იყო ბალები, მასკარადები, საღამოები. ერობის თათბირის შემდეგ მოსკოვში ტოლსტოლთან გავემგზავრე და იქიდან მობრუნებულმა განსაკუთრებული სიამოვნებით მივეცი თავი ამ ქვეყნიურ ცდუნებებს, ამ ცდუნებებმა გარეგნულად ძალიან გამოცვალა ჩვენი ცხოვრება — არც ერთი საღამო, მგონი, სახლში არ გავგიტარებია. შეუმჩნევლად იცვლებოდა და უარესდებოდა ჩვენი ურთიერთობაც.

— ისევ სხვანაირი ხდები, — მითხრა ერთხელ ლიკამ, — მთლად დავაეკაცდი. წვერს რატომღაც ფრანგულად იპარსავ.

— არ მოგწონს?

— არა, რატომ არა? მაგრამ რა ჩქარა გადის ყველაფერი!

— აბა. შენც უკვე ახალგაზრდა ქალს დაემსგავსე. გახლი და უფრო გალაპაზდი.

— და შენ ისევ დაიწყე ექვიანობა, მე კი მეშინია, გამოვტიყდე.

— რაში?

— იმაში, რომ მომავალ მასკარადზე მინდა კოსტუმი მეცვას. იაფი და ძალიან უბრალო. შავი ნიღაბი და რაიმე შავი, მსუბუქი, გრძელი...

— მერედა რა იქნება ეს?

— ღამე.

— მაშასადამე, კვლავ რაღაც ორიოლისებური იწყება? ღამე! ეს საკმაოდ მოძველებულია.

— შე ამაში ვერაფერს ვხედავ ორიოლისებურს და მოძველებულს,—მშრალად და უჯიათად მიპასუხა მან, რაშია ც მართლა ვიგრძენი რაღაც უწინდებური. — შენ კვლავ ექვიანობ!

— რატომ უნდა ვიექვიანო?

— არ ვიცი.

— არა, იცი. იმიტომ რომ შენ ისევ მშორდები, ისევ გინდა სხვებს მოსწონდე, ალტაცებაში მოდიოდნენ შენით.

მან ამრეზით გაიღიმა.

— ეს შენ არ უნდა გეთქვა. მთელი ზამთარი კუდში დასდევ ჩერკასოვას.

მე გაეწითლდი.

— კუდში დასდევი! თითქოს მე ვარ დამნაშავე, რომ ისიც იქ აღმოჩნდება, სადაც ჩვენ მივდივართ ხოლმე. მე იმაზე მტკივა გული, რომ ჩემთან უწინდებურად თავისუფლად აღარ იქცევი, პირდაპირ მითხარი: რას, რას მიმალავ?

— რას გიმალავ? — მპასუხობდა იგი. — ნადველს, რომ გაქრა ჩვენი წინანდელი სიყვარული. მაგრამ არ ღირს ამაზე ლაპარაკი... ”

ცოტა ხანს შემდეგ დაუმატა:

— რაც შეეხება მასკარადს, რახან არ გსიამოვნებს, სულ არ წავალ. თუმცა ძალიან მკაცრად კი შეკიდები, ყოველ ჩემს ოცნებას გაცვეთილს უწოდებ, მე ყველაფერს მაშორებ, თვით კი არაფერს იკლებ...

გაზაფხულსა და ზაფხულშიც ცოტა არ მიხეტიალია. შემოდგომის დასაწყისში ისევ შეეხვედი ჩერკასოვას (რომელთანაც აქამდე მართლა არავითარი ურთიერთობა არ მქონია) და გავიგე, რომ კიევში გადადიოდა.

— სამუდამოდ გტოვებთ, ძვირფასო, — მითხრა და თავისი ქორული თვალეები შემომანათა. — ქმარს ვენატრები. გინდათ კრემენჩუკამდე გამაცილოთ? მხოლოდ, რა თქმა უნდა, სავსებით საიდუმლოდ. იქ მთელი ღამე გემის მოლოდინში უნდა გავატარო...

ეს ნოემბერში მოხდა, აქამდე ვხედავ და ვგრძნობ მივარდნილი, მადაროსეული ქალაქის ამ უფერულ, ბნელ დღეებს, ხის ვიწრო ტროტუარებიან უკაცურ ქუჩებს, რომელთაც ღობეებს გადაღმა წამოწვდილი ჩაშავებული ბალები გასდევდათ; ბულვარებზე აშოლტილ ალვის ხეებს, ქალაქის ცარიელ ბაღს, ფანჯრებჩამტვრეულ საზაფხულო რესტორანს, ამ დღეთა ტენიან ჰაერს, ფოთლების ლპობის სასაფლაოსმაგვარ სუნს — და ჩემს უაზრო, უმიზნო ხეტიალს ამ ქუჩებში, ამ ბაღში, ჩემს ერთსა და იმავე ფიქრებსა და მოგონებებს... მოგონებებს — რაღაც იმდენად მძიმეს და საშინელს, რომ განსაკუთრებული ლოცვაც კი არსებობს მათი თავიდან მოსაცილებლად.

რომელიღაც საბედისწერო ჟამს იდუმალმა ტანჯვა-წამებამ, რის შესახებაც მხოლოდ დროდადრო თუ იტყოდა ლიკა რაიმეს, მას ჭკუა დააკარგვინა. გიორგი იმ დღეს გვიან დაბრუნდა სახლში, მე კიდევ უფრო გვიან მოვედი, მან იცოდა, რომ დავიგვიანებდით, გამგეობა კვლავ საერო თათბირისთვის ემზადებოდა. — ლიკა მარტო რჩებოდა შინ, რამდენიმე დღე გარეთ არ გამოსულა, როგორც ყოველ თვეს და როგორც ნიადაგ ამ დროს, იგი სულ სხვანაირი ხდებოდა. ჩვენს საწოლ ოთახში, ალბათ, ჩვეულებისამებრ ფეხებმოკეცილი, ტახტზე დიდხანს იყო წამოწოლილი, ბევრს ეწეოდა, — მან რამდენიმე ხანია წვეა დაიწყო, ყურს არ უგდებდა არც ჩემს მუდარას და არც მოთხოვნას, რომ ეს მისთვის შეუფერებელი საქმე მიეტოვებინა, — იყურებოდა, ალბათ, პირდაპირ, შემდეგ უცებ წამოდგა, ქალაღის ნაგლეჯზე გადაუჩხაპნავად დამიწერა რამდენიმე სტრიქონი, — რაც ჩემმა ძმამ შინ დაბრუნებისას ამ დაცარიელებულ ოთახში მაგიდაზე იპოვა, — და თავისი ნივთებიდან რაღაც-რაღაცეების ჩალაგებას შეუდგა, დანარჩენებს აქეთ-იქით ყრიდა. მე შემდეგ დიდხანს არ მყოფნიდა გამბედაობა ეს დანარჩენი ამეკრიფა და სადმე შემენახა. ღამით ის უკვე შორს იყო, სახლისკენ მიმავალ გზაზე, მამასთან... რატომ მაშინვე არ დავედევნე? შეიძლება, სირცხვილისა და იმის გამოც, რომ ახლა უკვე კარგად ვიცოდი მისი შეურყევლობა,

რასაც ხანდახან იჩენდა ხოლმე. ჩემს დეპეშებსა და წერილებზე საბოლოოდ ორიოდ სიტყვით მიპასუხეს: „ჩემი ქალიშვილი გაემგზავრა და ამიკრძალა მისი ადგილსამყოფელი ვინმეს შევატყობინო“.

არ ვიცოდი, პირველად რა დამემართებოდა, თან რომ ძმა არ მყოლოდა (მიუხედავად მისი უმწეობისა და დაბნეულობისა). ის რამდენიმე სტრიქონი, რაც ლიკამ თავისი გაქცევის ასახსნელად დამიტოვა, გიორგის მაშინვე არ მოუცია, ჯერ მამზადებდა — და ძალიან მოუხერხებლადაც, — ბოლოს გაბედა, ძუნწად წაიტირა და გადმომცა, ქალაღის ნაგლეჯზე გაკრული ხელით ეწერა: „აღარ შემიძლია ვუყურო როგორ თანდათან მშორდები, აღარ ძალმიძს იმ შეურაცხყოფის ატანა, რასაც დაუსრულებლად და სულ უფრო ხშირად აყენებ ჩემს საყვარულს, ძალა არ მყოფნის გულში ჩავიკლა იგი, მაგრამ იმასაც ვხვდები, რომ ჩემმა დამცირებამ უკანასკნელ ზღვარს მიაღწია, გამიცრუვდა მთელი ჩემი სულელური იმედები და ოცნებები, ღმერთს ვევედრები, ძალა მოგცეს ამ განშორებას გაუძლო, დამივიწყო და ბედნიერი გახდე შენი ახალი, უკვე თავისუფალი ცხოვრებით...“ მე ერთი გადახედვით წავიკითხე ყოველივე ეს და თუმცა ვგრძნობდი, რომ ფეხქვეშ მიწა მეცლებოდა, სახესა და თავზე კანი მილიგვდებოდა, იკრუნჩხებოდა, საკმაოდ თავხედურად ვთქვი:

— რას იზამ, ალბათ ასეც უნდა მომხდარიყო, ჩვეულებრივი ამბავია ეს „იმედგაცრუებანი“!

ამის შემდეგ იმდენი ძალა აღმომაჩნდა, საწოლ ოთახში შეესულიყავ და ვითომ გულგრილად ტახტზე წამოვწოლილიყავ. შებინდებისას გიორგიმ ფრთხილად შემოიხედა — მე თავი მოვიშინარე. ის უბედურებას მამაჩემივით ვერ უძლებდა და თავგზა ებნეოდა. მაშინვე დაიჯერა, რომ მართლა მეძინა, და რადგანაც იმ საღამოს გამგეობაში იყო . წასასვლელი, ჩუმიად ჩაიცვა და წავიდა... იმ ღამეს, მგონი, მხოლოდ იმიტომ არ მოვიკალი თავი, რომ მტკიცედ გადავწყვიტე, ეს დღეს თუ არა, ხვალ გამეკეთებინა. როცა ოთახში მთვარის შუქმა შემოაღწია, სასადილოში გავედი, ლამა ავანთე, ბუფეტთან ერთი ჩაის ჭიქა არაყი გადავკარი, ერთს მეორე მივაყოლე... სახლი-

დან გამოველ და ქუჩებს გავყევი, — მათ საშინელი იერი ედო: ირგვლივ სიჩუმე, სითბო და სინესტე იდგა, გაძარცულ ბალებსა და ბულვარზე აღმართულ ალვის ხეთა შორის მთვარის შუქში გახლართული თეთრი ნისლი ჩამდგარიყო... უფრო საშინელი იყო უკან დაბრუნება, სანთლის ანთება და მის მკრთალ შუქზე იმ მიყრილ-მოყრილი წინდების, ფეხსაცმელების, საზაფხულო კაბებისა და იმ ქრელი ხალათის დანახვა, რომელშიაც ლიკას ძილის წინ ვეხვეოდი ხოლმე, მის ზეპყრობილ მორჩილ სახეს ვკოცნიდი, მის თბილ სუნთქვას ვგრძნობდი. ამ საშინელებისაგან თავის დაღწევა მდულარე ცრემლებით მხოლოდ ლიკასთან, ლიკას წინაშე შეიძლებოდა, მაგრამ სწორედ ის აღარ იყო აქ.

შემდეგ მოვიდა მეორე ღამე. ჩემი საწოლი ოთახის გარინდებულ სიჩუმეში სანთლის იგივე მიმქრალი შუქი დგას. ბინდში ჩაბნელებულ ფანჯრებთან დაძაბუნებული შემოდგომის ღამეული წვიმა უხაპუნობს. მე ვწევარ და მოპირდაპირე კუთხეს ვუცქერი — მის სამკუთხედში ძველი ხატი ჰკიდია, რომლის წინ ლიკა დაძინებისას ლოცულობდა ხოლმე. ის სინგურით შეღებილი, ძველი, მკერივი ფიცარია, ზედ ამ ლაქის წითელ ფონზე ოქროსფერ სამოსში გახვეული მკაცრი და მწუხარე ღვთისმშობელია გამოსახული, შავ ფოსოებში ჩამჯდარი, მუქი, დიდრონი, ფართო თვალებით! საშინელი ფოსოები! ფიქრებში უხამსად მკრეხელურად ვუკავშირებ: ღვთისმშობელი — და ლიკა, ეს ხატი — და ყოველივე ის ქალური, რაც ამ გაიჟურ სიჩქარეში მიუყრ-მოუყრია მას.

შემდეგ გავიდა ერთი კვირა, შემდეგ მეორე, შემდეგ თვე. მე დიდი ხანია სამსახურს თავი დავანებე, ხალხში აღარ ვჩნდებოდი. ყოველ ღღე, ყოველ ღამე მოგონებას მოგონებაზე ვძლევდი — და რატომღაც ვფიქრობდი, აი, ასე, ოდესღაც, სადღაც ვიღაც სლავი გლეხები ტყეში გამავალ გზებზე, ღრანტედან ღრანტეში მძიმე განძით დატვირთულ ნაგებს მიათრევენ ხოლმე.

იგი თან მახლდა ყველგან: სახლშიც, ქალაქშიც და კიდევ მთელი თვე მაწამებდა. ბოლოს ვიგრძენი, რომ ამ ტანჯვის ატანა აღარ შემეძლო, გადავწყვიტე ბატურინში წავსულიყავი და რამდენიმე ხანს ისე მეცხოვრა, მომავალზე არ მეფიქრა. ძალზე უცნაური იყო დაძრულ მატარებელში ჩემი შესვლა, როცა ძმას უქანასკნელად გადავეხვიე, და ამის თქმა: აი, კვლავ თავისუფალი ხარ, როგორც ფრინველი! ზამთრის უთოვლო: ბნელი საღამო იდგა, ვაგონი მშრალ ჰაერში მიგრიალებდა, მე ჩემი ჩემოდნით კართან ახლოს ვიჯექი, ვიგონებდი, როგორ მიყვარდა ლიკას თანდასწრებით ეს პოლონური ანდაზა გამემეორებინა: „ადამიანი შექმნილია ბედნიერებისათვის, როგორც ფრინველი ფრენისათვის“ — და ჯიუტად ვიციქირებოდი მოგრიალე ვაგონის ბნელ ფანჯარაში, რომ არავის დაენახა ჩემი ცრემლები. დამე ხარკოვამდე... აი, ის მეორე დამეც — ხარკოვიდან, ორი წლის წინ: გაზაფხული, რიყრაყი, ლიკას მაგრად სძინავს სინათლეშემოტანებულ ვაგონში... მე ფარანქვეშ დაძაბულად ვიჯექი და ველოდი მხოლოდ ერთს — დილას, ხალხს, მათ მოძრაობას, ერთ ჰიქა ცხელ ყავას ხარკოვის სადგურზე.

შემდეგ გამოჩნდა კურსკი, ასევე სამახსოვრო ადგილი: ზაფხულის შუადღე, საუზმე სადგურში, ლიკას სიხარული: „სადგურში პირველად ვსაუზმობ ჩემს სიცოცხლეში“ ახლა ზამთრის უფერულ, მოქუშულ საღამოს ამ სადგურის წინ ჩვენი არაჩვეულებრივად გრძელი და მოფუსფუსე სამგზავრო მატარებელი იდგა — მძიმე და ვეება შესამე კლასის ვაგონების თვალუწვდენი კედელი, — რითაც კურსკ-ხარკოვ-აზოვის რკინიგზა გამოირჩეოდა. მე გარეთ გამოველ, მიმოვიხედე. ორთქლმავალი ისე შორს აღანდულა, არც კი ჩანს. მატარებლის საფეხურებიდან ხტებიან ერთნაირად აუტანელი ადამიანები, რომელთაც ჩაიდნები უჭირავთ ხელში და ადუღებული წყლისთვის ბუფეტში მიიჩქარიან, გამოვიდნენ ჩემი თანამგზავრებიც: ავადმყოფური სიმსუქნით გაწამებული გულცივი ვაჭარი და საოცრად ცოცხალი, მეტად ცნობისმოყვარე ბიჭი,

რომლის გამხმარი სახე და ტუჩები მთელი დღე ზიზღს იწვევდა ჩემში. იგი ეჭვის თვალით მიყურებს — მეც მთელი დღე ვიქცევდი ბიჭის ყურადღებას: რატომღაც სულ ზის, ხმას არ იღებს ეს ვიღაც ბატონიშვილი, ან კაცმა არ იცის ვინაო! — მაგრამ მეგობრულად მაინც მაფრთხილებს:

— მხედველობაში გქონდეთ, აქ ხშირად შემწვარ ბატებს ჰყიდიან, ზღაპრულად იაფია!

მე ვდგავარ და ბუფეტზე ვფიქრობ, სადაც შესვლა არ შემიძლია — იქ ის მაგიდაა, რომელსაც ოდესღაც ვუსხედით ჩვენ. უკვე რუსული სუსხიანი ზამთარი იგრძნობა, თუმცა თოვლი ჯერ კიდევ არ ჩანს. ო, რა საშინელება მელის ბატურიანში! მოხუცი მამა და დედა, ჩემი უბედური, ჩამომხმარი და, უბადრუკი კარ-მიდამო, ლატაკი სახლი, გაძარცული ბაღი, რომელსაც ცივი ქარი უბერავს, ძაღლების ყეფა ზამთარში — ზამთარში, როცა სწორედ ასეთი ქარი დაქრის, რაღაც განსაკუთრებული, უჩაქნისი და გულჩახვეული... მატარებლის ბოლოსაც არ უჩანს დასასრული. პირდაპირ, ბაქნის ზღუდესთან შიშველ ალვის ხეებს ცოცხივით გაუშვებიათ ტოტები, ალვის ხეების იქით დამზრალ ქვაფენილზე მგზავრებს ელიან მეეტლეები, რომელთა გამომეტყველება უსიტყვოდ ლაპარაკობს იმ სევდასა და ნაღველზე, რასაც კურსკი ჰქვია. ბაქანზე ალვის ხეების ქვეშ შალმოხვეული, სიცივისაგან სახეგალურჯებული დედაკაცები დგანან, პირფერულად გაჰყვირიან, ეპატიყებიან მყიდველებს — ჰყიდიან სწორედ ამ ზღაპრულ, ვეება, კანხორკლიან გაყინულ ბატებს. ისინი, ვინც ადუღებული წყალი მოიმარაგა, კმაყოფილი სახით გამორბიან უკანვე, თბილი ვაგონებისკენ, გზადაგზა თვალხარბი სიხალისით ვაჭრობენ დედაკაცებთან... ბოლოს ჯოჯოხეთური სიმკაცრით ღრიალებს ორთქლმავალი, რომელიც შემდგომი გზით მემუქრება... ყველაზე ცუდი ის იყო, რომ არ ვიცოდი, სად მიიმალა ლიკა. ეს რომ არა, ყოველგვარ სირცხვილს გადავლახავდი, დიდი ხანია სადმე მოვძებნიდი და უკანვე დავიბრუნებდი, — მისი უხიაკი საქციელი, უეჭველად, სისულელის შემოტევის ბრალი იყო, რომლის მონანიება მასაც მხოლოდ სირცხვილის გამო არ შეეძლო.

ჩემი ახალი დაბრუნება მამისეულ სახლში უკვე აღარ ჰგავდა სამი წლის წინანდელ დაბრუნებას. ახლა ყოველივეს სხვა თვალთ ვუცქეროდი. ყველაფერი უარეს მდგომარეობაში დამხვდა, ვიდრე გზაში წარმომედგინა: სოფლის ლატაკი ქოხები, ზღურბლის მახლობლად დამზრალ ტალახში ჩამდგარი საზარელი ბანჯგელიანი ძაღლები და საზარელი, გაყინული წყალმზიდები, ტალახის კოლბოხები კარ-მიდამოსკენ მიმავალ გზაზე; ცარიელი ეზო, მამა-პაპისეული, შეუსაბამოდ მაღალი და ტლანქი სახურავით, მოწყენილი ფანჯრებით, წელთა სიმრავლით ფიცრებგაშავებული, ორი ჩაბნელებული პარმალით მომზირალი სახლის წინ — ყველაფერი დაძველებული, გატიალებული და უსაზმნოა; — სახურავს იქით წამოწვდილ, იღუმალი ნაძვის წვეროს ცივი, ასევე უსაზმნო ქარი იჯაბნის... სიღარიბეს უკვე თავისი ტლანქი ნაბიჯი შემოედგა სახლში — ღუმელის ბზარები ტალახით ამოელესათ, იატაკზე კი უხეში ჩული ეფინა სითბოს შესაკავებლად... ერთადერთი მამაჩემი ცდილობდა როგორმე გაძლიანებოდა ყოველივე ამას: უკვე გამხდარი, დაპატარავებული და სავსებით ჭალარა, ახლა მუდამ სუფთად გაპარსული და სადად თმადავარცხნილი დადიოდა, წინანდებური დაუდევრობით აღარ იცვამდა, — საშინელება იყო ამ გულგაუტეხავი სიბერისა და სილატაკის ყურება, — მას თავი (აღბათ, ჩემს გამო, ჩემი სირცხვილისა და უბედურების გამო) მხნედ და ყველაზე მხიარულად ეჭირა. ერთხელ აკანკალებულ, უკვე ჩამომხმარ ხელში პაპიროსი ეკავა, ნაზი მწუხარებით შემომხვდა და მითხრა:

— რას იზამ, ჩემო კარგო, ყველაფერს თავისი კანონი აქვს — ყოველ მღელვარებას, ყოველ ახალგაზრდულ მწუხარებას და სიხარულს, ბებრულ სიმშვიდეს და მოსვენებას... ეს როგორაა ნათქვამი? — მითხრა თვალემმოცინარმა, — „უშფოთველი ტკბობა“, ეშმაკსაც წაუღია:

გალაღებული თავისუფლებით,
განრიდებასა და სიჩუმეში,
ჩვენი უწყინარ ქოხის უბეში,
ვსუნთქავთ უშფოთველ ტკბობის წუთებით...“

როცა მამას ვიგონებ, მუდამ სინანულს ვგრძნობ — სულ

მგონია, რომ არასაკმაოდ ვაფასებდი და მიყვარდა იგი. თავს ყოველთვის დამნაშავედ ვთვლი, რომ ძალიან ცუდად ვიცნობ მის ცხოვრებას, განსაკუთრებით ახალგაზრდობას, — ძალიან ცოტას ვზრუნავდი შემეცნაველა, როცა ეს შესაძლებელი იყო! სულ ვცდილობ და ვერ გამიგია რა კაცი იყო, — კაცი სრულიად განსაკუთრებული დროისა და მოდემისა, განსაკუთრებული, თავისი ერთგვარად უნაყოფო, მაგრამ საუცხოო და მრავალმხრივ ნიჭიერებით, ხალისიანი გულისა და ყველაფრის ერთი მინიშნებით გამგები, ერთი მინიშნებით ჩამწვდომი, გახსნილი გონების კაცი, რომელიც ერთად ათავსებდა სულის იშვიათ პირდაპირობასა და იღუმალებას, ხასიათის გარეგნულ უბრალოებასა და შინაგან სიმტკიცეს, თვალის სიმახვილესა და გულის ამღერებულ რომანტიკულობას. იმ ზამთარს მე ოცი წლის ვიყავი, ის კიდევ სამოცდაათისა. რატომღაც არ მჯერა: ოდესღაც ოცი წლის ვიყავი და ყოველივეს მიუხედავად კიდევ გაიფურჩქნა ჩემი ახალგაზრდული ძალები! მას კი მთელი ცხოვრება უკან დარჩა. იმ ზამთარს მამაჩემივით არავის არ ესმოდა რა ცეცხლი მიტრიალებდა სულში და ალბათ, არავინ არ გრძნობდა ისე მწუხარებისა და ახალგაზრდობის ამ შეერთებას, როგორც იგი. ჩვენ იმ დღეს მის კაბინეტში ვისხედით. გარემოს უკვე თოვლი ეფინა, იდგა წყნარი და უდრტვიწველი მზიანი დღე, შუქმოვლევარე თოვლიანი ეზო ალერსით იტკირებოდა კვამლით ავსებულ, თბილ, ხელმიშვებულ, ამ ხელმიშვებულობითა და მყუდროებით, თავისი უბრალო და უცვლელი მორთულობით ბავშვობიდანვე ჩემი საყვარელი კაბინეტის დაბალ ფანჯარაში; როგორც კი მამამ „უშფოთველი ტკობის“ შესახებ თქვა, პაპიროსი დადო, კედლიდან ძველი გიტარა ჩამოიღო და რაღაც თავისი საყვარელი, ხალხური სიმღერა დაუკრა. მისმა სახემ მტკიცე და ხალისიანი იერი მიიღო; ამავე დროს რაღაცას მალავდა გულში, გიტარის ნაზ თრთოლვაზე ნაღვლიანი ღიმილით დუღუნებდა რაღაც ძვირფასსა და დაკარგულზე, კიდევ იმის შესახებ, რომ ცხოვრებაში ყველაფერი ჩაივლის და ცრემლების ღვრად არ ღირს...

შინ მყოფს მალე გულმა აღარ გამიძლო, ერთხელ ავიწყვიტე და დაუფიქრებლად გავვარდი ქალაქში — იმავე დღეს უკან

მოვბრუნდი, პირში ჩალაგამოვლებული: ექიმის სახლში, ასე ვთქვათ, არ შემეშვეს. ნაცნობი, ახლა გულისმომკვლელი შესასვლელის წინ გახლებული გადმოვხტი მარხილიდან. მწუხარებით გავხედე სასადილოს ნახევრად ფარდებჩამოფარებულ ფანჯრებს, სადაც დივანზე ოდესღაც ერთად გავატარეთ იმდენი დღე, ის ჩვენი პირველი დღეები, შემოდგომის დღეების ჩამოვკარი ზარს... კარი გაიღო და მე აღმოვჩნდი ლიკას ძმის პირისპირ, რომელსაც სახე გაუფითრდა და გარკვევით თქვა:

— მამას თქვენი ნახვა არ სურს. ის, როგორც მოგეხსენებათ, აქ არ გახლავთ.

ეს სწორედ ის გიმნაზიელი იყო, რომელიც იმ შემოდგომაზე ვოლჩოკთან ერთად ცოფიანივით არბი-ჩამორბოდა კიბეზე. ახლა ჩემს წინ იდგა პირკუშტი, მეტად შავგვრემანი, ოფიცრის თეთრ პერანგსა და მაღალყელიან ჩექმებში გამოწყობილი, აკოკრებული შავი უღვაშებითა და სიავეჩამდგარი შავი, პატარა თვალებით მომზირალი ყმაწვილი, რომლის სახესაც სიშავის გამო მალაქიტის ფერი დაჰკრავდა.

— თუ შეიძლება, მიბრძანდით, — წყნარად დაუმატა მან. გარკვევით ჩანდა, როგორ გაჰქონდა მის გულს ბაგაბუგი პერანგქვეშ.

მე მთელი ზამთარი მაინც ყოველ დღე ველოდი ლიკას წერილს, — არაფრით არ შემეძლო. დამეჯერებინა, რომ იგი ასე გულქვა და სასტიკი გახდა.

XXXI

იმავე წლის გაზაფხულზე გავიგე, რომ ფილტვების ანთებით დაავადებული დაბრუნდა შინ და ერთ კვირაში გარდაიცვალა. გავიგე ისიც, რომ თავად ენება მისი სიკვდილი ჩემთვის არ შეეტყობინებინათ.

დღემდე ვინახავ ყავისფერ სნატშემოვლებულ რვეულს, რომელიც პირველი ხელუასით საჩუქრად მიყიდა მან: ალბათ, ყველაზე ამაღელვებელ დღეს მის ცხოვრებაში. რვეულის თავფურცელზე ახლაც შეიძლება წაიკითხოთ ის ორიოდე სიტყვა, რომელიც ზედ წააწერა და მღელვარების, სიჩქარისა და სიმორცხვის გამო ორი შეცდომა დაუშვა...

რამდენიმე ხნის წინ სიზმარში ვნახე — უიმისოდ გატარებული მთელი ჩემი ხანგრძლივი ცხოვრების მანძილზე მხოლოდ ერთხელ. ის იმდენივე წლის იყო, რამდენისაც ჩვენი ერთად ცხოვრებისა და ჩვენი ახალგაზრდობის დროს. მაგრამ მის სახეს უკვე გახუნებული სილამაზის ელფერი ედო, გამხდარი იყო, ტანთ ძაძვების მსგავსი რამ ეცვა. მე ბუნდოვნად ვხედავდი მას, მაგრამ ისეთი სიყვარულით და სიხარულით ვუცქეროდი, ისეთ ხორციელ და სულიერ სიახლოვეს ვგრძნობდი მისდამი, რაც სხვის მიმართ არასოდეს არ განმიცდია.

ზღვისპირა ალპები, 1933.

ს ა რ ჩ ე ვ ი

სოფელი. თარგმ. გივი ციციშვილისა, . . . 3
ლიკა. თარგმ. აკაკი ბრეგაძისა, . . . , 157

რედაქტორი დ. სტურუა
გამომც. რედაქტორი ნ. დონაძე
მხატვარი თ. მირზაშვილი
მხატვ. რედაქტორი ჯ. ყავლაშვილი
ტექნიკური რედაქტორი ე. მეტრეველი
კორექტორები მ. გვარამია, ე. ჯიქია

•
•

ხელმოწერილია დასაბუქდად 1/XII-61 შ.
ანაწყოების ზომა 5¹/₂×9
ქაღალდის ზომა 84×108¹/₃₂
ნაბეჭდი თაბახი 17,25
სააღრიცხვო-საგამომცემლო თაბახი 12,62
ტირაჟი 10.000 შეკვ. № 1342
ფასი 53 კაპ.

•
•

საქართველოს სსრ კულტურის სამინისტროს
შთავარპოლიგრაფგამომცემლობის ბეჭდვითი სტრუქტურის
კომბინატი. თბილისი, მარჯანიშვილის ქ. 5.

*

Комбинат печати Главполиграфиздата
Министерства культуры Грузинской ССР,
Тбилиси, ул. Марджанишвили, 5.